

Namo tassa bhagavato arahato sammāsambuddhassa.

## Abhidhānappadīpikāṭikā

### Ganthārambha

Yassa ñāṇaṃ sadā ñāṇaṃ, nāññeyyā ñāṇakaṃ vinā;  
Nissesaguṇayuttassa, tassa natvā mahesino.

Satthantarā samādāya, sāraṃ sabbadharā tathā;  
Kariyyate **’bhidhānappa-dīpakassatthavaṇṇanā.**

### Paṇāmādivaṇṇanā

[Ka] idhāyaṃ ganthakāro paṭhamamattano paresampi sammā hitatthanipphādanatthaṃ puññasampada’ mācinoti **“tathāgato”** ccādinā. Tattha **karuṇākaro** mahākaruṇāya uppattiṭṭhānabhūto yo **tathāgato** bhagavā **karopayātaṃ** attano hatthagataṃ **sukhappadaṃ** sukhasa patiṭṭhānabhūtaṃ sukhakāraṇaṃ vā sukhadāyakaṃ vā **padaṃ** nibbānaṃ **osajja** cajitvā **kalisambhave** dukkhakāraṇabhūte **bhave** saṃsāre **kevaladukkaraṃ** sukarenāsammissaṃ accantadukkaraṃ pañcavidhapariccāgādikaṃ **karaṃ** karonto **paratthaṃ** paresamatthaṃyeva **akā** katavā, tamedisaṃ tathāgataṃ ahaṃ namāmi.

[Kha] yañca dhammaṃ **jarārujādimmuttā** jarārogādīhi vimuttā **munikuñjarā** muniseṭṭhā bhagavanto **apūjayuṃ** pūjitavanto, tathā **uttare** uttame sattānaṃ vā saṃsāramahoghapakkhandānaṃ tato uttaraṇasamatthe **yahiṃ tare** yasmim̐ dhammaplave **ṭhitā** sammāpaṭipajjanavasena āruḷhā **narānarā** manussā ca devā ca **tivaṭṭambunidhiṃ** kilesakammavipākavaṭṭasaṅkhātehi tīhi vaṭṭehi ākulitaṃ saṃsāramahamburāsīm̐ **tarimsu** tiṇṇā, **aghappahaṃ** kilesappahānakaraṃ, saṃsāradukkhappahānakaraṃ vā taṃ dhammamapi ahaṃ namāmi.

[Ga] **munindorasasūnutaṃ** bhagavato ure sambhavadhammadesanāya ariyabhāvappattatāya munindassa orasaputtabhāvaṃ **gataṃ** pattaṃ **nutaṃ** kilesakhepanakaṃ **supuññakhettaṃ** puññatthikānaṃ puññabījaviруhanaṭṭhānaṃ sukhettabhūtaṃ **bhuvane** loke **sutaṃ** vissutaṃ, sutadharaṃ vā kilesasavanābhāvena **assutaṃ** apāṇopi pāṇo karīyitthāti pāṇikato, pātīmokkhasaṃvaro, sova saṃvaro etassatthīti **pāṇīkatasamvaro**, taṃ pāṇīkatasamvaraṃ, **varam** sīlādiguṇehi sadevakehi lokehi patthanīyaṃ. “Devāpi tassa pihayanti tādino”ti [udā. 27] hi vuttaṃ. **Sadā** sabbasmiṃ kāle **guṇoghena** sīlādiguṇasamūhena **nirantarantaraṃ** avicchinnamānaṃ, paripuṇṇacittaṃ vā **gaṇampi** atthannaṃ ariyapuggalānaṃ samūhaṃ api ahaṃ namāmi evamettha tiṇṇampi saṅkhepato atthayojanā daṭṭhabbā.

[Gha-ṇa] evaṃ puññasampadamācinitvā kimabhimataṃ sādhanīyamiccāha **“pakāsissamabhidhānappadīpika”**nti. Buddhādīnamabhidhānānaṃ sarūpavasena, liṅgavasena ca paridīpanato pakāsanato **“abhidhānappadīpika”**nti laddhanāmaṃ satthaṃ **pakāsissaṃ** antobhāvena nipphannaṃ bahibhāvena pakāsissaṃ. Antobhāvassa hi bahibhāvamapekhitvā bhāvitamupapannaṃ. Nanu santeva pubbācariyānaṃ nāmaliṅgappakāsanānyamarakosatikāṇḍoppalinyādyabhidhānasatthāni, pāṇini byāḍivararucicandagomi ruddavāmanādivihitāni ca liṅgasatthāni, tato kimidamuccate iccāha **“nāmaliṅgāni buddhabhāsītassārahāni dassayanto”**ti. Etena santesvapi pubbācariyānaṃ satthesu yasmā na tesu nāmaliṅgāni buddhavacanānurūpāni honti, tasmā tadanurūpāni nāmaliṅgāni dassayanto abhidhānasatthaṃ pakāsissāmīti etamatthaṃ dīpeti. Namyate abhidhīyate attho anenāti **nāmaṃ**, saddasatthe **namudhātuvasena**. Liṅgayate “itthiyamato āpaccayo”tyādinā vibhajjate, itthādayo vānena liṅgīyante byañjīyanteti **liṅgaṃ**, itthipumanapumsakaṃ. Kimetassa abhidhānasatthassa karaṇe payojananti pucchāyaṃ yasmim̐ sati taṃ sotāro sotumussahanti, taṃ dassetumāha **“nāmaliṅgesvi”**ccādi. Yato buddhavacane paṭuno bhāvo pāṭavaṃ, tadeva attho payojanaṃ, taṃ icchantīti **pāṭavatthino**, tesam̐ pāṭavatthīnaṃ sotūnaṃ nāmaliṅgesu **kosallaṃ**

kusalatā chekabhāvo buddhavacane mahabbalaṃ atthassa nicchayakāraṇaṃ hoti, **ato** tasmā kāraṇā buddhabhāsītassārahāni nāmaṅgāni dassayanto abhidhānappadīpikaṃ satthaṃ pakāsissanti sambandho.

[Ca] idāni satthalahubhāvattamāha “**bhiyyo**”ccādi. **Bhiyyo** bāhullena **rūpantarā** rūpabhedena itthipaccayapumbhāvādikāriyakatena thīpunnapūṃsakaṃ ñeyyaṃ, so ca nāmānaṃ nāmavisesanassa, nāmaparāmaṣisabbanāmasaddassa ca ñeyyo pakārantarābhāvā. Tatra nāmānaṃ rūpabhedo yathā – churikā satya’siputti [abhidhāna 392 gāthā]. Asi khaggo ca sāyako [abhidhāna 391 gāthā]. Pāṇiyaṃ salilaṃ dakanti [abhidhāna 661 gāthā]. Nāmavisesanassa yathā – nisītho majjhimā rattitī [abhidhāna 70 gāthā]. Nāmaparāmaṣisabbanāmasaddassa yathā – ākaṅkhā ruci vuttā sā, tvadhikā lālasā dvisūti [abhidhāna 163 gāthā]. **Sāhacariyena** niyatalingēnavippayogato thīpunnapūṃsakaṃ ñeyyaṃ. **Katthacīti** yatra rūpabhedo natthi, taṃ yathā – marīci migataṅhikā [abhidhāna 65 gāthā]. Raṃsimā bhākarō bhānu [abhidhāna 63 gāthā]. Āpo payo jalaṃ vāri [abhidhāna 661 gāthā]. Marījhādayo hyabhinnarūpattā līngantarepi sambhāviyantehi niyatalingēhi migataṅhikābhākarajalādisaddehi sāhacariyena taṃlīnge nicchīyante. **Āhaccavidhānena** itthipumanapūṃsakānaṃ visesetvā kathanena thīpunnapūṃsakaṃ ñeyyaṃ. **Kvacīti** yatra na rūpabhedo līnganiṇṇayassa nimittam, na ca sāhacariyaṃ līngabhedobhimato, nekameva vā līngamicchate, taṃ yathā – vallarī mañjarī nārī [abhidhāna 550 gāthā]. Viṭapo viṭabhūtthiyaṃ [abhidhāna 547 gāthā]. Bhītithī bhayamuttāso [abhidhāna 166 gāthā]. Vajiraṃ punnapūṃsakeccādi [abhidhāna 24 gāthā].

[Cha] idāni rūpabhedoti līnganiṇṇayassa paṭipattihetuko yo bhinnalingānaṃ dvando, takkaraṇapaṭisedhena abhinnalingānameva dvando katoti paribhāsītumupakkamate “**abhinnalingāna**”miccādi. Abhinnalingānaṃyeva nāmānaṃ dvando kato, na bhinnalingānaṃ, yathā – vimutyasaṅkhatadhātu, suddhinibbutiyo siyunti [abhidhāna 9 gāthā]. Na kevalaṃ dvandoyeva, atha kho ekasesopyabhinnalingānaṃyeva kato, yathā – naggo digambarāvattā. [abhidhāna 734 gāthā] **Sabbadharakate** pana “jīmūtā meghapabbatā” iccudāhaṭaṃ. Nanu ca bhinnalingānampi ekaseso kato, yathā – mātā pitā tu pitaro, puttā tu puttadhītarō [abhidhāna 249 gāthā]. Sasurā sassu sasurā, bhātubhagini bhātaroti [abhidhāna 250 gāthā]. Ettha hi mātā ca pitā ca pitaro, putto ca dhītā ca puttā, sassu ca sasuro ca sasurā, bhātā ca bhaginī ca bhātaroti bhinnalingānampi ekaseso dassitoti. Ṭhānantare tesam bhinnalingātāya dassitattā na doso. Tāto tu janako pitā [abhidhāna 243 gāthā]. Ammā’mbā janani mātā [abhidhāna 244 gāthā]. Apaccam puttotrajo suto [abhidhāna 240 gāthā]. Nāriyaṃ duhitā dhītā [abhidhāna 241 gāthā]. Jāyāpatīnaṃ janani, sassu vuttātha tappitā. Sasuroti iccādikaṅhi tesam [abhidhāna 246 gāthā] ṭhānantaranti. Tathā ettha kamaṃ vinā bhinnalingānaṃ gaṇanapāṭho viya saṅkaropi na kato. Tatra hi saggadisādayo atthā yathākkamaṃ taṃsambandhā ca sakkavidisādayo atthā sakasakasambandhasahitā yathābhidhānaṃ sarūpapaṭipatyamatthabhidheyyā, tathā tappariyāyasambandhāni ca yāni nāmāni, tāni sabbāni tadabhidhānāvasare abhidheyyānīti sukhenekatreva sakalanāmapaṭipatti sarūpapaṭipatti ca yathā siyāticcetadatthaṃ kamo abhyupagamyate, tathā ca satyāvassaṃ saggādiariyāye divasaddādayo, harādyavasare kumārādayo abhidheyyā itī kamānurodhena līngasaṅkaro pariharitumasakkuṇeyyo, yathāvuttantu kamaṃ vinā neha saṅkaro kato, itī pariyaēna itthippakaraṇādikkamena yathāsambhavamabhidhānato, taṃ yathā – itī tvitthī ajaññaṅca, upasaggo upaddavoti [abhidhāna 401 gāthā]. Atra hi ye tilingā, te tilingāvasare eva nibaddhā, na gaṇanapāṭhā viya uccāraṇavasena, evaṃ sabbatra yathāsambhavaṃ nīyate. Vuttaṅca –

“Bhedākhyānāya na dvando, nekaseso na saṅkaro;  
Katotra bhinnalingāna-mavuttānaṃ kamaṃ vinā”ti [amara 1.4].

Idāni līngavācakānaṃ ṭhānavasenatthesu gamanaṃ dassetumāha “**līngavācake**”ccādi. **Gāthāpādantamajjhaṭṭhā** gāthānaṃ pādānaṅca antamajjhaṭṭhā **līngavācakā** anekatthalingavācakāni ṅāṇadassanādīni līngāni **pubbamatthaṃ** vācakavasena **yanti** gacchanti. **Appare** gāthāpādānaṃādīṭṭhā līngavācakā **paramatthaṃ yanti** gacchanti. Taṃ yathā –

Phale vipassanādibba-cakkhusabbaññūtasu ca;  
Paccavekkhaṇaṅgaṃmaghi, magge ca **ṅāṇadassanaṃ** [abhidhāna 794 gāthā].

Nādo saddhācīvarādi-hetvādihāresu **paccayo**;  
Kīḷādibbavīhārādo, **vihāro** sugatālaye [abhidhāna 857 gāthā].

Khagge kurūre **nettiṃso**, parasmiñcātra tīsvamu [abhidhāna 1089 gāthā];  
Kusale **sukatam** suṭṭhu-kate ca **sukato** tisu [abhidhāna 938 gāthā].

**Samayo** samavāye ca, samūhe kāraṇe khaṇe;  
Paṭivedhe siyā kāle, pahāne lābhadiṭṭhisu [abhidhāna 778 gāthā].

**Kantāro** vanaduggesu [abhidhāna 1107 gāthā].

Ettha ca –

Yebhuyatābyāmissesu, viśaṃyoge ca **kevalam**;  
Daḷhatthenatireke cā-navasesamhi taṃ tisu [abhidhāna 786 gāthā].

Samādhismim **pumekaggo**-nākule vāccaliṅgiko [abhidhāna 1035 gāthā].

Jaḷe **thūlo** mahatyapi [abhidhāna 1066 gāthā] ccādīsu

Gāthāmajjhaṭṭhānaṃ, pādantamajjhaṭṭhānañca liṅgavācakānaṃ pubbaparattthesvapi gamanabhāvato “pubbaṃ yanti”ti idaṃ yebhuyavasena vuttanti daṭṭhabbaṃ. Atha vā gāthānaṃ majjhantaṭṭhā pubbaṃ yanti, gāthāmajjhaṭṭhā, pādantamajjhaṭṭhā ca pubbāparañca yantīti yathālābhayojanā daṭṭhabbā.

[Ja] idāni visesavidhimhi satthalahubhāvattaṃ paribhāsate “**pumitthiya**”miccādi. Pumitthiyaṃ “**dvīsu**”ti padaṃ ñeyyaṃ, yathā – asani dvīsu [abhidhāna 24 gāthā]. **Sabbaliṅge** liṅgattaye “**tīsu**”ti padaṃ ñeyyaṃ, yathā – sattannaṃ pūraṇe seṭṭhe’tisante sattamo tisu [abhidhāna 942 gāthā]. Ettha ca nisiddhaliṅganāmaṃ pārisesato “sesaliṅga”nti ñeyyaṃ [nisiddhaliṅga sesatthaṃ (amara 1.5.)], yathā – vassa saṃvaccharā nitthīti [abhidhāna 81 gāthā]. Atra cekaliṅganisedhabyākhyānena liṅgadvayavidhānanti [ekaliṅganisedhabyājena liṅgadvayābhidhānamiti (amarakosacintāmaṇiṭkā)].

Ganthalāhavaṃ vidhāyedāni paṭipattilāhavatthamāha “**abhidhānantarārambhe**”iccādi. **Abhidhānantarassa** aññassa abhidhānassa ārambhe sati, **tu** anto yassa abhidhānassa, **atha** ādi yassa abhidhānassāti idaṃ abhidhānavayañca ñeyyaṃ. Tvantamathādikaṃ nāmādi padaṃ pubbena na sambajjhateti bhāvo. Tatra nāmapadaṃ yathā – jino sakko tu siddhattho [abhidhāna 4 gāthā]. Kesavo cakkapānyatha [abhidhāna 16 gāthā]. Mahissaro sivo sūlī [abhidhāna 16 gāthā]. Liṅgapadaṃ yathā – pume tu paṇhi pāsani [abhidhāna 277 gāthā]. Pume tūtu rajo pupphaṃ [abhidhāna 238 gāthā]. Sā tirokaraṇīpyatha [abhidhāna 298 gāthā]. Punnapuṃsakamullocam [abhidhāna 299 gāthā]. Atthapadaṃ yathā – udare tu tathā pācā’nalasmim gahaṇitthiyaṃ [abhidhāna 973 gāthā]. Paṇīto tīsu madhure, uttame vihitepyatha. Añjase visikhāyañca, pantiyaṃ vīthi nāriyaṃ [abhidhāna 940 gāthā]. **Athasaddena** catra anantariyatthena sakapariyāyopalakkhaṇato **atho** saddādīsu ca na pubbena sambajjhate. Pāṇako cāpyatho uccāliṅgo lomasapāṇakoti [abhidhāna 623 gāthā].

[Jha] idāni buddhavacanānamanurūpānampi pacurappayogānameva kesañci gahaṇaṃ attano sathantarāpasayhatāvasena ahaṃkārapubbikābhāvañca dassetumāha “**bhiyyo payoga**”miccādi. **Sogate** sugatassa vacanabhūte **āgame** piṭakattaye, tañhi āgacchanti tividhasampattiyo etenāti āgamoti vuccati. Tasmim bhiyyo payogaṃ bāhullena payujjateti **payogo**, taṃ **āgamma** gahetvā kvaci araññavaggādīsu **nighaṇṭuyuttiṅga** nighaṇṭunāmake satthe āgataṃ buddhavacanānurūpaṃ yuttiṅga **ānīya** ānetvā nāmaliṅgaṃ **kathīyati** antobhāvena nippannaṃ bahibhāvena pakāsīyate. Avibhāvattameva hi jaññattaṃ santakāriyakārino. Āsīsāyaṃ vā avassambhāvinopi vacanassa vattamānatthavatticchāya vattamānattaṃ, tathā hi loke avassambhāvino siddhimabhisandhāya bhāvinamappattaṃ vattamānattena vā atītattena vā vattumicchati, taṃ yathā – “idaṃ

mamamapāpaye’’ti koci kenacābhīhito santo avassaṃ taṃ bhavissatīti maññamāno pāpiyamānaṃ pattaṃ vā vattumicchati, tatoyeva ‘‘āsīsāyaṃ bhūtamiva ce’’ti [pāṇini 3.3.132] tadatidesavacanaṃ paccākhyāyate.

Paṇāmādivaṇṇanā niṭṭhitā.

## 1. Saggakaṇḍavaṇṇanā

1. Idāni yasmā abhidheyyattho nāma paññattiparamatthathavasena duvidho, tesu yebhuyyena paññattatthato paramatthatthova seṭṭho, tesupi odhiso kilesānaṃ samucchadapaṭippassaddhikarattā yathākkamaṃ aṭṭha dhammā seṭṭhā, tatopi nibbānameva seṭṭhaṃ, tesam sabbesampi dhammānaṃ sammāsambuddhova seṭṭho. Vuttañhi bhagavatā ‘‘virāgo seṭṭho dhammānaṃ, dvipadānañca cakkhumā’’ti [dha. pa. 273; netti. 125]. Ettha hi ‘‘yāvātā, bhikkhave, dhammā saṅkhatā vā asaṅkhatā vā, virāgo tesam dhammānaṃ aggamakkhāyatī’’ti [a. ni. 4.34; 5.32; itivu. 90] vacanato sabbesampi saṅkhatāsaṅkhatadhammānaṃ virāgasāṅkhāto nibbānameva seṭṭho, cakkhumā pana sammāsambuddho tesam sabbesampi dhammānaṃ, devamanussādibhedānaṃ dvipadānañca paññattatthānaṃ seṭṭhoti ayamattho vutto bhagavatā, tasmā sabbatthaseṭṭhatthābhīdhāyakābhīdhānabhūtaṃ buddhātidhānameva paṭhamaṃ **saggakaṇḍassa** ādimhi patthiyavasena [satthiyavasena (ka.)] dassetumāha ‘‘**buddho**’’ccādi. Tattha **jinasaddantaṃ** sabbabuddhassa nāmaṃ. Sabbaṃ buddhavāti **buddho**, sakammakā kattari **tapaccayo**. Visiṭṭhā buddhi assatthīti **buddho**, pasamsāyaṃ yadādinā **ṇapaccayo**. Dānasīlakkhandhādayo ṭhānāṭṭhānañādayo vā dasa balāni yasseti **dasabalo**. Sāsati vinayati satteti **satthā**. Sabbadhammajānanasīlatāya **sabbaññū**. Dvipadānaṃ, dvipadesu vā uttamo **dvipaduttamo**, **buddhavaṃsavaṇṇanāyaṃ** [bu. vaṃ. aṭṭha. 37 nidānakathā] niddhāraṇalakkhaṇāya chaṭṭhiyā samāsassa paṭisiddhattā nedisī niddhāraṇalakkhaṇā chaṭṭhi gamyate. Kasmā pana so tattha paṭisiddhoti? Samāse yebhuyyena niddhāraṇalakkhaṇattayassa vikalābhāvato. Kiñcāpi hi tattha chaṭṭhiyāyeva paṭisiddho, sattamiyā pana niddhāraṇalakkhaṇāya vijjānānattā tassāpi so paṭisedhaniyoyeva. Munīnaṃ indo rājā **munindo**. Puññañāṇabhāgyādayo bhagaṃ nāma, taṃyogā **bhagavā**. Nāthati sattānaṃ hitaṃ yācati, kilese vā upatāpeti, sattesu vā issariyaṃ karoti, tesam vā hitaṃ āsīsati **nātho**. Buddhadhammasamantañāṇadibbacakkhusāṅkhātehi pañcahi cakkhūhi samannāgatattā **cakkhumā**. Sabbadā byāmapabhāya kāyato niccharaṇavasena **aṅgīraso**. Sabbākārena sabbadhammānaṃ munanato **muni**, dhammavādesu vā monakaraṇato **muni**.

2. Lokānaṃ, lokesu vā nātho **lokanātho**. Attano adhikassa kassacipi uttamapuggalassa abhāvato **anadhivaro**, sabbapariyantagatattabhāvattā vā natthi etassa ito añño adhiko patthetabbo attabhāvoti **anadhivaro**. Mahantānaṃ sīlakkhandhādīnaṃ esanato gavesanato **mahesi**, mahanto vā īso vibhūti etassāti **mahesi**. Hitaṃ vinayati anusāsati **vināyako**, visiṭṭhaṃ vā nibbānaṃ satte netīti **vināyako**. Sabbadhammadassanasīlatāya ‘‘samantacakkhū’’ti laddhanāmena sabbaññūtaññāna samannāgatattā **samantacakkhu**. Sobhanaṃ gataṃ ñāṇamassa, saṃsārā vā suṭṭhu apunarāvattiyā gatavāti **sugato**, sapaṇasukhasiddhatthaṃ vā sammā gatavāti **sugato**. Bhūri bahukā paññā yassa, anantattā vā bhūrisamā paññā etassāti **bhūripañño**, anantāya mahāpathaviyā sadisapaññotyattho. Kilesādipañcavidhaṃ māraṃ jitavāti **māraji**.

3. Narānaṃ sīho seṭṭho, parappavādamaddanasahanato vā naro ca so sīho cāti **narasiho**, sahatīti sīho, niruttinayena pubbavaṇṇākārassīkāro, sīhasadisattā vā naro ca so sīho cāti **narasiho**. Yathā hi sīho migarājā catūhi dāṭṭhāhi sabbasatte hiṃsati abhibhavati, tathā bhagavāpi sīlapaññāpuññāniddhisāṅkhātehi catūhi dhammehi sabbaṃ lokaṃ hiṃsati abhibhavatīti opammasaṃsandanaṃ. Sabbapurisānaṃ seṭṭhattā **naravaro**, narānaṃ vā devamanussānaṃ seṭṭhattā **naravaro**, ‘‘sīle patiṭṭhāya naro sapañño’’ti [saṃ. ni. 1.23] ettha viya **narasaddena** sabbe devamanussā saṅgahitā. Dhammassa rājavavattakattā **dhammarājā**, dhammato vā sadevakassa lokassa rājā jāto, nādhammatoti **dhammarājā**, dhammena rājatīti vā **dhammarājā**, dhammapālako vā rājā **dhammarājā**. Munīnaṃ seṭṭhattā **mahāmuni**. Devānaṃ atidevoti **devadevo**, devānaṃ adhiko vā devo **devadevo**. Lokānaṃ garu ācariyo **lokagaru**, lokānaṃ garubhājanattā vā **lokagaru**. Dhammassa sāmī yathāvuttanayena **dhammassāmī**. Yathā purimakā sammāsambuddhā

sabbaññubhāvaṃ gatā, tathā ayampi gatoti **tathāgato**, tathā vā sammā gatam ñāṇamassāti **tathāgatotyādinā tathāgatasaddassa** atthapapañco tattha tattha [dī. ni. aṭṭha. 1.7; ma. ni. aṭṭha. 1.12; sam. ni. aṭṭha. 2.3.78; a. ni. aṭṭha. 1.1.70; udā. aṭṭha. 18; itivu. aṭṭha. 38; theragā. aṭṭha. 1.3; bu. vaṃ. aṭṭha. 2 nidāna kathā; mahāni. aṭṭha. 14; paṭi. sa. aṭṭha. 1.1.37; dī. ni. ṭi. 1.7; dī. ni. abhi. ṭi. 1.7; ma. ni. ṭi. 1.12; a. ni. ṭi. 1.1.170] vuttanayena veditabbo.

4. Sayameva sammāsambuddho bhavati, anaññabodhitoti **sayambhū**. Sammā aviparītena sa’ mattanāyeva sabbadhamme bujjhati abujjhi bujjhissatīti **sammāsambuddho**. Seṭṭhapaññāya samannāgatattā **varapañño**. Satte saṃsāraṇṇavato nibbānapāraṃ netīti **nāyako**. Jitapañcamārattā **jino**. Ettha ca samantabhadra, lokaji, chaḷabhiñña, advayavādī, sirīghana, akaniṭṭhaga [akaniṭṭhaka (ka.)], dhammacakka, rāgāsani [rāgāri (ka.)], tisaṇa, khasama [khaṇasama (ka.)] khena ākāsena samā tulyā guṇā yassa so (tikaṇḍasesaṭṭikā 1.1.8), guṇākara, mahāsukha, vajira, mettābala, asama, jītāri, mahābodhi, dhammadhātu, setaketu, khaji, timutti [khajiravimutti (ka.)] khena ākāsajjhānena – suññabhāvanāyāti bhāvo – jayati saṃsārabhāvaṃ yo, ji+ kvīpa suññavādīnaṃ boddhānaṃ “suññaṃ sabbameva” ityākārabhāvanāya saṃsārabhāvajayanato tathābhāvo (saddakappadduma), dasabhūmissara, pañcañña, bahukkhama, sambuddha, sabbadassī, mahābala, sabbabodha [sambodhadhamma (ka.)], dhammakāya, saṃgutta, araha, dvādasakkha, vītarāgādīnipi anekāni buddhassa nāmāni [imāni pariyāyavacanāni pāyaso amarakosato, tikaṇḍasesābhidhānato ca gahitāni]. Samantato puññasambhārato ca ñāṇasambhārato ca bhadro seṭṭhoti **samantabhadrotyādinī** ca nibbacanāni veditabbāni. Vuttañca –

“Asaṅkhyeyyāni nāmāni, saṃgūṇena mahesino;  
Gūṇena nāmamuddheyyaṃ, apī nāmasahassato”ti [dha. sa. aṭṭha. 1313; udā. aṭṭha. 53;  
paṭi. ma. aṭṭha. 1.1.76; netti. aṭṭha. 38].

Tattha **uddheyyanti** uddharitabbaṃ. **Api nāmasahassatoti** anekehi nāmasahassehītyattho. Sabbabuddhanāmakathā.

**Sakkādisattakaṃ** amhākaṃ buddhassa nāmaṃ. Pañcamāre jetuṃ sakkotīti **sakko**, bhaginīhi saddhiṃ saṃvāsakaraṇato vā lokamariyādaṃ chindituṃ sakkuṇantīti sakkā, sākiyarājūnaṃ pubbarājāno, tesam vaṃsabhūtattā bhagavā “sakko”ti vuccati. Assa ca jātisamanantaraṃ nidhayo ratanāni ca uppannānīti **siddhatthoti** nāmaṃ kataṃ, sabbesaṃ vā lokānaṃ siddhā atthā etena hetubhūtenāti **siddhattho**. Suddhaṃ odanaṃ assāti suddhodano, tassa apaccaṃ **suddhodani**. Gotamavaṃsassa kapilassa munino sissatāya sakyā gotamā, bhagavā pana gotamavaṃse uppannattā gotamassa munino apaccaṃ **gotamo**.

5. Sakyavaṃsāvatiṇṇo [sakyavaṃsā pitthiṇṇo (ka.)] sakyamuni yo buddho so **sakyasiho**, sakyānaṃ vā seṭṭhattā **sakyasiho**. Sakyakulato jāto muni **sakyamuni**. Sūriyadevaputtassa sotāpannattā bhagavā **ādiccabandhūti** vuccati, ādiccassa bandhu ñātīti nibbacanaṃ katvā. Etthapi māyādevīsuta, mahāsamaṇa, kalisāsanādīni [kulisāsanādīni (ka.)] kalimhi yuge sāsanam anusāsanam yassa so, athavā kalimhi pāpe vivāde vā sāsanam hitasādhanam yassa so (tikaṇḍasesaṭṭikā 1.1.11)] gotamapariyāyāni veditabbāni.

6. **Mokkhādīni nibbutipariyantāni** chacattālīsa nāmāni nibbānassa nāmāni. Muccanti ettha, etena vā rāgādīhīti **mokkho**. Nirujjhanti ettha rāgādayoti **nirodho**, rundhati vā nibbānanti rodho, kilesa, so ettha natthīti **nirodho**. Vānasaṅkhātāya taṇhāya nikkhantattā, nibbāti vā etena rāgaggiādīkoti **nibbānam**. Yathā pakatidīpo nadīsotena vuyhamānānaṃ patiṭṭhā hoti, evamidampi nibbānaṃ saṃsāramahoghena vuyhamānānaṃ patiṭṭhāti dīpo viyāti **dīpo**, nikkilesānaṃ vā padīpasadisabhāvakaraṇato dīpo viyāti **dīpo**, “nibbanti dhīrā yathayaṃ padīpo”ti hi vuttaṃ, dīpatti vā ariyānaṃ ñānacakkhusseva pakāsati dīpo. Taṇhānaṃ khayahetuttā **taṇhakkhayo**. Rāgādīnaṃ paṭipakkhattā, uttamaṭṭhena vā **param**. Tāyati rakkhati apāyādītōti **tānaṃ**. Nilīyanti ettha saṃsārabhaya bhīrukāti **leṇam**. Natthi dīgharassādīkaṃ rūpaṃ saṅghānametassāti **arūpaṃ**, appaccayattā vā **arūpaṃ**. Rāgādīnaṃ santakaraṇattā **santaṃ**. Rāgakkhaya hetubhāvena aviparītattā, catusaccapariyāpannattā vā **saccaṃ**. Natthi ālayo taṇhā etthāti **anālayaṃ**.

7. Paccayehi na saṅkarīyateti **asaṅkhatam**. Sivam khemabhāvaṃ karotīti **sivam**, saṃsārabhīrukehi sevitabbattā vā **sivam**, yadādinā **vapaccayo**. Natthi ettha matam maraṇam, etasmiṃ vā adhigate puggalassa matanti **amatam**. Passitum sudukkaratāya **sududdasam**. Parehi uttamehi ariyapuggalehi ayitabbam gantabbanti **parāyaṇam**, parato vā ayitabbam gantabbanti **parāyaṇam**, saṃsārasabhāvato aññasabhāvavasena bujjhitabbantyattho, paresam vā ariyapuggalānam patiṭṭhānattā **parāyaṇam**. Yena cattāro maggā odhiso kilese saranti hiṃsanti tam dhammam **saraṇam**, ariyānam vasitagehattā vā **saraṇam**. Īti upaddavo pavāso ca te yattha na santi, tam **anītikam**, satte saṃsāram netīti “nīti”ti laddhanāmāya taṇhāya abhāvato vā **anītikam**. Āsavānam anārammaṇatāya **anāsavam**. Niccaṭṭhena **dhuvam**, dhavati vā maggānamārammaṇabhāvaṃ gacchatīti **dhuvam**, “dhu gatitheriyesū”ti hi **kātantadhātu**. Daṭṭhabbasabhāvassa natthitāya **anidassanam**. Paccayehi akatattā **akatam**. Sadā vijjamānattā apalujjanasabhāvaṃ gacchati, tena vā viññāyatīti **apalokitam**. “Itam gate ca viññāte”ti hi **nānatthasaṅgāhe** vuttam. Lokasabhāvena vā viññāyatīti lokitam, tabbhāvāpagamanato **apalokitam**. Saṅhaṭṭhena **nipuṇam**, yena vā cattāro maggā odhiso kilese nissesato punanti sodhenti, tam **nipuṇam**. Na kadācīpi yassa anto vināso atthi, tam **anantam**. Kharanti vinassantīti kharā, saṅkhatā, te yattha na santi, tam **akkharam**, kharasaṅkhātānam vā saṅkhatānam paṭipakkhattā **akkharam**. Ettha ca asaṅkhatantyādīkā gāthā **rucirā** nāma.

8. Sabbadukkhānam khayakāraṇattā **dukkhakkhayo**. Byābādhatīti byābādho, so eva byābādo, dukkhasaccam, tassa bhāvo byābajjam, dukkhassa pīḷanādyattho, tam yattha natthi, tam **abyābajjam**, abyāpajjhantīpi pāṭho, tattha byāpajjanti vinassantīti byāpādā, saṅkhatā, tesam bhāvo byāpajjam, saṅkhatānam vinassanabhāvo, tam yattha natthi, tam **abyāpajjhanti** evamattho vedītabbo, niruttinayena ca dyassa **jjhakāro**. Kilesakammavipākavaṭṭānamabhāvato **vivaṭṭam**. Nibbhayaṭṭhena **khemam**, khayanti vā etena rāgaggiādayoti **khemam**. Saṅkhārehi asammissatāya, viṣaṃyogatāya ca **kevalam**. Apavajjanti saṅkhārā etasmāti **apavaggo**. Yasmā rāgo vigato, so **virāgo**. Padhānabhāvaṃ nītam **paṇītam**. Natthi etasmiṃ adhigate ariyānam cutam cavananti **accutam**. Ariyehi pajjitabbattā gantabbattā **padam**.

9. Cattāro yogā khayanti etenāti **yogakkhemo**. Pāreti sakkoti saṃsāradukkkhasantāpam sametunti **pāram**, “saṃsāradukkkhasantāpatattassā”lam sametave”ti hi vuttam. Pagatā saṃsāracakkassa arā etasmāti vā pāram. Kilesehi mucchanato **mutti**, nikāyantariyā pana “sarīrendriyehi attano muttattā muttī”ti vadanti. Kilesasamanato **santi**. Visujjhanti sattā etāya rāgādīmalehīti **visuddhi**. Sabbasaṅkhārā vimucchanato **vimutti**. Asaṅkhatameva nissattanijjīvatṭhena, santīlakkhaṇadhāraṇato vā dhātūti **asaṅkhatadhātu**. Sujjhanti sattā etāya rāgādīmalehīti **suddhi**. Āvuṇoti saṃsārato nikkhantumappadānavasenāti vuti, taṇhā, tato nikkhantattā **nibbuti**.

10. **Khīṇāsavā**dicatukkam arahante. Khīṇā āsavā yassa so **khīṇāsavo**. Tato uttari karaṇīyābhāvato natthi sikkhā etassāti **asekkho**. Vigato rāgo yasmāti **vītarāgo**. Saṃsāracakkassa are hatavāti **arahā**, “araha”ntīpi pāṭho.

**Devalokā**dīpaṇcakaṃ saggassa nāmaṃ. Devānaṃ loko bhavanaṃ **devaloko**. Dibbanyatra **divo**. **Aja** gatiyaṃ, anekatthattā ṭhītiyaṃ, ciraṃ ṭhīyate asminti aggo, ṭhānaṃ, sobhano aggo **saggo**, puññaṇa vā suṭṭhu ajīyateti **saggo**. Tayo devā dibbanyatreti **tidivo**. Padhānato hi tīhi hariharabrahmehi byapadeso. Tidasānaṃ devānaṃ ālayo ṭhānanti **tidasālayo**. Keci pana “**devalokā**dittayaṃ saggasāmaññaṇassa nāmaṃ, **tidivā**divayaṃ tāvatīṃsassa”ti vadanti, tam **amarakosā**dīsu sāmaññaṇasmīmyeva dvinnampi gahaṇato na sārato paccetabbam. Etthāpi nāka, suraloka, tipīṭṭhapa [[visanti sukatiṇo asmim itī piṭṭhapam pisodarādi tidasānaṃ piṭṭhapadhīti dasasaddalopo \(cintāmaṇīṭikā\)](#)], avaroha, phalodaya [[phalassa kammaphalassa udayo diṭṭhiyogyaṭṭhānaṃ \(tikaṇḍaṭikā\)](#)], mandara, serika, sakkabhavana, kham, nabhadāni devalokasāmaññaṇāni idhānāgatānīpi gahetabbāni.

11-12. **Tidasā**dicatuddasakaṃ devatāsāmaññaṇassa nāmaṃ. Jātīsu [[jātījātīsu \(ka.\)](#)] vuttāsu byattīpi vuccatīti byattīnaṃ bahuttā bahuvacananiddeso. Jātīsattāvināsaṅkhātā tisso dasā parimāṇā etesanti **tidasā**. Ete hi manussādayo viya buddhivipariṇāmakhayehi na yujjanti,

pañcavāsativassuddesiyā eva uppajjanti santi vinassanti ca. Maraṇaṃ maro, so yesaṃ natthi, te **amarā**. Dibbanti pañcakāmaguṇādīhi kīlantīti **devā**. Vibujjhanti na supantīti **vibudhā**, atītānāgatajātiṃ vibujjhantīti vā **vibudhā**. Sudhābhojanabhuñjanasīlatāya **sudhāsino**. Samudduṭṭhā [amathamanoṭṭhā (cintāmaṇiṭṭikā)] surā atthi yesaṃ, te **surā**, suranti vā kīlantīti **surā**, sukkena ramantīti vā **surā**. Dīghāyukāpi samānā yathāparicchedaṃ sampattakāle maranti sīlenāti **marū**. Divo devaloko oko āsayo yesaṃ te **divokā**. Sudhāhārassa pātabbassapi sambhavato amataṃ pivantīti **amatapā**, amatosadham vā pivantīti **amatapā**. Sagge vasanasīlattā **saggavāsino**. Sadā pañcavāsativassuddesiyattā nirākātā jarā etesanti **nijjarā**. Na nimisantīti **animisā**, bhamukā niccalaṃ karontīyattho. Dive vasantīti **dibbā**. Devā eva **devatā**, sakatthe **devasaddato tāpaccayo**, devatā eva **devatāni**, sakatthe nipaccayo. “Apume”ti ettha paṭhamasakatthikavasena itthilingattam, dutiyasakatthikavasena napuṃsakalingattam veditabbam, dutiyasakatthikavaseneva vā dvilingattam, tatha itthilingapakkhe yadādinā nikārādeso. **Amarakose** pana “devatāni pume vā”ti [amara 1.9] vuttam. Tassattho – **devatānisaddo** vikappena pulliṅge, niccam napuṃsaketi. **Ṭikāya**ñca “sakatthikā pakatito līngavacanāni ativattantīti punnapuṃsakatta”nti [devo eva devatā, sakatthe tā, sakatthikā api paccayā pakatito līngavacanādyativattante, apīti itthittam devatā eva devataṃ paññādittā aṇa (cintāmaṇiṭṭikā)] vuttam. Tatha **sakatthikā**ti dutiyasakatthikam vuttam, **pakatitoti** paṭhamasakatthikam. Tena vuttam “**punnapuṃsakatta**”nti, itarathā tāpaccayantassa niccam itthilingatāya itthilingattameva vadeyya. Supabbā, sumanā, tidivesā, āditeyyā, divisadā, lekhā, aditinandanā, ādiccā, ribhavo [vibhavā (ka.), rikāro devamātā siyā iti tikaṇḍe, tato bhavantīti (cintāmaṇiṭṭikā)] asoppā, amaccā [maraṇaṃ mati iti ti, matiyam bhavā maccā... na maccā amaccā (cintāmaṇiṭṭikā)], amatāsanā, aggimukhā, havibhojanā, girabbāṇā, dānavārayo, bindārakā, pūjīyā, cirāyukā, saggino, nabhosadāiccādīnīpi devatānaṃ sāmāññanāmāneva.

**13. Siddhādayo ime devayoniyo** devappabhavā devavaṃsā etesamuppattiyam devānameva ādikāraṇattā. Aṇimādiguṇopetattā sījḥanti etassa yathicchitā atthāti **siddho**. Yassa bhāsāya brūhati kathā, so bhūto, piśācappabhedo adhomukhādi. Vacanattho pana bhavanti brūhanti kathā etasmāti **bhūtoti**. Gandham abbatī paribhuñjatīti **gandhabbo**, devagāyanā “hāhā hūhū” pabhutayo [amara 1.55]. Nidhayo guyhatīti **guyhako**, saññāyam ko, mañibhadrādiko kuverānucaro. **Yakkha** pūjāyam, yakkhīyate pūjīyateti **yakkho**, kuverādiko. Rakkhanti attānaṃ etasmāti **rakkhaso**, vibhīsaṇādi. Kumbhappamaṇaṇḍatāya **kumbhaṇḍo**. Pisitam maṃsaṃ asati bhakkhatīti **pisāco**, sakuni sakuntīādiko kuverānucaro, yadādinā pisitassa pibhāvo, **asassa** ca **sācā**desabhāvo [pāṇini 6.3.109; moggallānapañcīkā 1.47]. Ādisaddena vijjādhara, apasara, kinnare ca saṅgaṇhāti. Vijjāṃ guḷikāñjanamantādikaṃ dharatīti **vijjādharo**. Apasārayanti khalayantīti **apasarā**, ubbasyādīkā suravesīyo [amara 1.55], **apasarasaddassa** jātiyam sayam bahuttam, byattiyantu tadavayavam vā sayam, tathā ca bahuttamva. **Vanādisaddo** kadāci jātiyam payujjate, kadāci byattiyam. Tatra yadā jātiyam, tadā byattigatam saṅkhyamādāya pavattati. Yadā byattiyam payujjate, tadā tambyattāvayavānaṃ pañipādādīnaṃ bahuttasaṅkhyamādāya pavattati. **Vanasaddo** tu jātigatekasaṅkhyāvisiṭṭhadabbābhīdhānato dhavādībyattigatajātyābhīdhānato vā ekavacananti **apasarasaddo** vāmanādīmatena itthiyam bahuvacane ca, tadaññesaṃ pana matena pumitthiyam vacanadvaye ca daṭṭhabbo. Assamukhanarasārīrattā kucchito naro, kiñci vā naro, narasadisattā vā **kinnaro**. Etā devayoniyo. Gaṇadevatā pana –

“Ādiccā visu vasavo, tusitā’bhassarā’nilā;  
Mahārājikā sādhyā ca, ruddā ca gaṇadevatā”ti [amara 1.10].

**Amarakose** kathitā.

Tatrādiccā dvādasakā, visudevā dasa ṭhitā;  
Vasavo aṭṭhasaṅkhyātā, chattīmsa tusitā matā.

Ābhassarā catusaṭṭhi, vātā paññāsekūnakā;  
Mahārājikanāmāyo, dvisatam vīsātādhikā.

Sādhyā dvādasā vikhyātā, ruddā cekādasa ṭhitā;  
Samayantarato etā, viññeyyā gaṇadevatā.

**14. Pubbadevādicatukkaṃ asure.** Pubbaṃ devā **pubbadevā**, dutiyāsamāso, pubbe vā devā **pubbadevā**, pubbe hyete devapure t̥hitā, anantaraṃ sakkādīhi tato cālitā. Surānaṃ ripū sattavo **suraripū**. Surānaṃ paṭipakkhabhāvato **asurā**, devā viya na suranti na kīlantīti vā **asurā**, samudduṭṭhā vā surā devehi abhyupagatā, nāsurrehīti natthi surā etesanti **asurāti** nikāyantariyā. Danunāmāya mātuyā apaccaṃ **dānavā**. **Danu** nāma terasasu rakkhasaduhitīsu ekissā duhitu nāmaṃ. Ete pubbadevādayo sadā **pume** pulliṅge vattanti. Deccā, deteyyā, danujā, indārī, suradisā, sukkasissā, dītisutā, pubbajāiccādīnipi asurassa sāmāññānāmāni.

**Tabbisesā** asurappabhedā. Surehi saddhiṃ saṅgāmatthaṃ attano balakāyānaṃ pahāraṃ āyudhaṃ dadātīti pahārado, so eva **pahārado**. Saṃ pasattho varo jāmatā yassa so **sambaro**, tassa hi sakko jāmatā [sam. ni. aṭṭha. 1.1.256], puññāharīsu vā indriyāni saṃvuṇṇotīti **sambaro**. Balametassatthīti balī, atisayabalakāyattā vā balī, so eva **balī**, “baliādayo” ti iminā samāsepi sandhi natthīti dīpeti. **Ādinā** macchasaṅgādīkepi kuñcādīkepi asurabhede saṅgaṇhāti.

**15. Pitāmahādyatthakaṃ brahmani.** Pitūnaṃ pajāpatīnaṃ lokapitūnampi pitā **pitāmaho**, **āmahapaccayo** [moggallāna 4.38]. Sabbalokānaṃ pituṭṭhāniyattā **pitā**, sabbalokaṃ vā pāti rakkhatīti **pitā**, ritupaccayo. Mahantasarīratāya **brahmā**, **braha** vuḍḍhiyaṃ **mapaccayo**. Lokānaṃ īso indo **lokeso**. Kamalāsambhavattā **kamalaṃ**, padmaṃ. Taṃ āsanamuppattitṭhānamassa **kamalāsano**. Hiraññaṃ suvaṇṇamayaṃ aṇḍaṃ hiraññaṃ, tassa gabbho bhūṇo [guṇo (ka.)] **hiraññaḡabbho**. Jhānādiguṇehi surānaṃ jettṭhattā **surajettṭho**. Pajānaṃ sattānaṃ pati sāmibhūto **pajāpati**, pajam pāletīti vā **pajāpati**. Attabhū, paramettṭhi, sayambhū, caturānāno, dhātā, kamalayoni, duhiṇo, viriñci, sajītā, vedhā, vidhātā, vidhi, haṃsaratho, viriñco, papitāmaho iccādayopi brahmanāmāni.

**16-17. Vāsudevādīpañcakaṃ kaṇhe.** Vasudevassa apaccaṃ **vāsudevo**. Maccānaṃ jīvitam harati sīlenāti **hari**. Kaṇhaguṇayogato **kaṇho**. Kesim nāma asuraṃ hatavāti **kesavo**, ikārassa akāro, **hanassa ca vo**. Vuttañca –

“Yasmā tayā hato kesī,  
Tasmā me sāsanaṃ suṇa;  
Kesavo nāma nāmena,  
Seyyo loke bhavissasī” ti [cintāmaññīkāyampi].

Cakkaṃ pāṇimhi assa **cakkaṃpāṇi**. Visaṇu [piṇhu (ka.)], nārāyano, vekuṇṭho, dāmodaro, mādhavo, sambhū, deccāri, puṇḍarīkakkho, govindo, garuḷaddhajo, pītambaro, accuto, maṅgalo, siṅgī, janāddano, upendo, indāvarajo, catubhujo, padmanābho, madhuripu, tivikkamo, devakīnandano, sorī, sirīpati, purisottamo, vanamālī, balidhaṃsī, kaṃsārāti, adhokkhajo, sabbambharo, keṭabhajī [keṭabham jītavā (cintāmaññīkā)], vidhu, sasabindu, sirīkaro, sirīvarāho, ajito, parapuriso, sirīgabbho, chabindu, ananto, narakajī, kesaro, jātikīlo, naraśīho, purāṇapuriso, nalinesayo, vāsu, narāyano, punabbasu, sabbarūpo, dharaṇīdharo, vāmano, ekasiṅgo, somagabbho, ādidevo, ādivarāho, suvaṇṇabindu, sadāyogī, sanātano, rāhumuddhabhido, kālanemi, paṇḍavo, vaḍḍhamāno, satānando, pajānātho, suyāmunioiccādīni visaṇunāmāni. Assa pana pitu nāmāni vasudevo, ānakadundubhi [amara 1.23] iccādīni. Rathavāho panassa dāruko nāma [tīkaṇḍasesa 1.1.34]. Mantī pana pavanabyādhi nāma [mantī pavanabyāmi uddhavo (tīkaṇḍasesa 1.1.35) pavanabyādhi... uddhavo iti dve piṇhussa mantino (kaṭṭikā)].

**Mahissarādīchakkaṃ hare.** Mahanto issaro vibhūti etassāti **mahissaro**. Guṇavattārahito sampati paramānandarūpattā nibbikāro samati bhavatīti **sivo**, niruttinayena akārassa ittaṃ, **massa vo** ca. Evaṃ sabbattha yadādinā vā niruttinayena vā saddasiddhi veditabbāti. Sūlapāṇittā **sūli**. Itṭhe pabhavatīti **issaro**, issati abhibhavatīti vā **issaro**. Pasūnaṃ pamathānaṃ pati **pasupati**. “Pasu migādo chagale, pamathepi pasu pume” ti ruddo [rabhaso (ka.)]. ( ) [(guṇe) (ka.)] Visiṭṭhatamoguṇattā sabbam haratīti **haro**. **Vuttoti** kriyāpadaṃ. Sambhu, īso, sabbo, īsāno, saṅkaro, candasekharo, bhūteso, khaṇḍaparasu, girīso, maccuñjajo, pinākī, pamathādhīpo, uggo, kapaddi, sirīkaṇṭho, kāḷakaṇṭho, kapālabharo, vāmadevo, mahādevo, virūpakkho, tilocano, sabbaññū, nīlalohito, māraharo, bhaggo, tyambako, tipurantako, gaṅgādhāro, andhakaripu, byomakeso, bhavo, bhīmo, ruddo, umāpati, bhagālī, kapisañjano, hīro, pañcānāno, khakuntalo, gopālako, piṅgakkho

[vibhaṅgo (ka.)], kūṭakaro, candāpīlo, mahānaṭo, samīro, ho, nandivaḍḍhano, guḷākeso [migūho (ka.)], mihirāṇo, meghavāhano, suppatāpo [suppasādo (ka.)], u, thāṇu [upāṇḍo (ka.)], sipiviṭṭho, kīlo, dhammavāhanoiccādīnipi haranāmāni.

**Kumārādittayaṃ** harassa putte. **Kumāra** kīḷāyaṃ, kumāreti kīḷatīti **kumāro**, soḷasavassiko, ayañca soḷasavassiko. “Bālo ca soḷasa bhavē”ti hi vuttaṃ. Khaṇḍati dānavabalanti **khando**, **ṇḍassa ndo**. Sattimpaharaṇavisesaṃ dharatīti **sattidharo**, pabhāvussāhamantasankhātāṃ vā sattittayaṃ dharatīti **sattidharo**. **Amarakose** pana –

“Kattikeyyo mahāseno,  
Sarajāto chaḷānāno;  
Pabbatīnandano khando,  
Senānī aggibhū guho.

Bāhuleyyo tārakaji,  
Visākho sikhivāhano;  
Chamāturo sattidharo,  
Kumāro koñcadāraṇo”ti [amara 1.41-2] vuttaṃ.

**18-21. Sakkādīni** vīsati sakkassa nāmāni. Asure jetuṃ sakkunātīti **sakko**. Pure, puraṃ vā dadātīti **purindado**. Devānaṃ rājā **devarājā**. Vajiraṃ pañimhi assa **vajirapāṇi**. Sujāya asurakaññāya pati **sujampati**. Bahūnaṃ devamanussānaṃ cintitathassa dassanasamatthatāya **sahassakkho**. Mahataṃ devānaṃ indo rājā **mahindo**, devehi mahitabbo vā indo rājā **mahindo**, mahanto ca so indo cāti vā **mahindo**. Vajiraṃ āvudhaṃ yassa **vajirāvudho**, “**vajirāyudho**”tipi pāṭho. Vasūni ratanāni santyasseti **vāsavo**. Dasasatāni nayanāni yassa so **dasasatanayano**. Dvinnaṃ devalokānaṃ adhipatibhūtattā **tidivādhibhū**. Surānaṃ nātho **suranātho**. Vajiraṃ hatthe yassa so **vajirahattho**. Bhūtānaṃ sattānaṃ pati **bhūtapati**. Mahitabbattā **maghavā**. **Maha** pūjāyaṃ, **hassa ghavo**. Kosasaṅkhātāni dhanāni santi yassa, so **kosiyo**, “kosiyaḡottatāya kosiyo”ti ca vadanti. Indati paramissariyena yujjateti **indo**. Vatiraṃ nāma asuraṃ abhibhavatīti **vatrabhū**. Pāko nāmavatrāsurasā bhātā, tassa sāsanaṭo niggahato **pākasāsano**. Viḍaṃ byāpakaṃ ojo etassa **viḍojo**. Sunāsīro, purandaro, lekhāsabho [lekhaṇaṃ devānaṃ usato uttamo (cintāmaṇiṭikā)], divapati, surapati, balārāti, sacīpati, jambhabhedī, harihayo, namucisūdano, saṃkandano, meghavāhano, ākhaṇḍalo [ākhaṇḍayati parabalaṃ usādittā kalaca (cintāmaṇiṭikā)], kosiko, suragāmaṇī, nākanātho, harī iccādīnipi sakkassa nāmāni.

**Assa** sakkassa bhariyā **sujātā** nāma. Sukhena jātā, sundarā vā jāti yassā sā **sujātā**. Pulomajā, sacī, indāni iccādīnipi sakkabhariyāya nāmāni.

**Assa** sakkassa puraṃ **masakkasārā**dayo tayo bhavē. Mo ca sakko ca masakkā, te saranti gacchanti ettha kīḷāvasenāti **masakkasārā**, mahissarādīnaṃ parisānaṃ, sakkassa ca kīḷānubhavanaṭṭhānantyathoti **cintāmaṇiṭhutiṭikāyaṃ** vuttaṃ. **Saṅgahaṭikāyaṃ** pana “masakkanti vā vasokanti vā asurapurassa nāmaṃ, idaṃ pana tesāṃ uttamattā masakkasāro, vasokasāroti ca vutta”nti vuttaṃ. Amarā etissaṃ santi amaravatī, sā eva **amarāvatī**, rassassa dīghatā [pāṇinī 6.3.119].

**Assa** sakkassa pāsādo **vejayanto** nāma. Vejyantī paṭākā pasatthā, bhūtā vā assa atthīti **vejayanto**.

**Assa** sakkassa sabhā **sudhammā** matā. Sobhano dhammo assāti **sudhammā**, devamaṇḍapo.

**22. Tassa** sakkassa ratho vejayanto nāma. Vejyantīnāmāya paṭākāya yogato **vejayanto**. **Tassa** sakkassa **sārathi** sūto mātalināma. Matalassa [mātālāya (ka.)] apaccaṃ **mātali**, **tassa** sakkassa gajo erāvaṇo nāma, irāvaṇo samuddo, tatrajāto **erāvaṇo** [irāvati samudde jāto (erāvato), sese aṇa... pisodarādittā ṇatte erāvaṇo (cintāmaṇiṭikā)]. **Tassa** sakkassa silāsanaṃ paṇḍukambalo nāma.

Paṇḍuvaṇṇakambalasadisattā **paṇḍukambalo**. Silā pāsāṇo eva āsanam **silāsanam**.

**23. Tassa** sakkassa puttā suvīra, jayantaiccādayo. Atisayena sūrattā **suvīro**. Asure jayatīti **jayanto**. **Tassa** sakkassa pokkharañī nandā nāma bhava. Nandīyatīti **nandā**. Pokkharam vuccati padumam, salilañca, tehi sattānam manam attānam nayatīti **pokkharañī**, pokkharena vā sundarena añṇena jalena sahitattā pokkharañī, sā eva **pokkharañī**. **Tassa** sakkassa **vanāni** uyyānāni **nandanādīni** cattāri. Nandayatīti **nandanam**. Nānādibbarukkhehi missakattā **missakam**. Nānālatāhi vallīhi cittattā **cittalatā**, nānāvīrāgavaṇṇavicittāya vā latāya samannāgatattā **cittalatā**, devatānam vā cittāsā ettha atthīti cittā, āsāvati nāma latā, sā yassa atthi, tam cittalatā. Devatānam vā cittaṃ lanti gaṇhantīti cittalā, dibbarukkā, tesam samūho **cittalatā**, itthilingena tassa vanassa nāmam, yathā ‘‘khuddasikkhā’’ti. Phārusakāni yattha santi, tam **phārusakam**.

**24. Asanyādittayam** tassa sakkassa **āyudham**. Assate bhujjate lokadhātukamanenāyudhenāti **asani**, ayam **asanisaddo** **dvīsu** pumitthilingesu vattati. Kulimhi sakkassa hatthe seti tiṭṭhatīti **kulisam**, kuli hattho bhujjadaloti hi **tikaṇḍaseso** [tikaṇḍasesa 2.6.26]. Kuyam vā pathaviyam lisati tanu bhavatīti **kulisam**. **Vaja** gatiyam, vajateva na paṭihaññate yassa gamanam kenacīti **vajiram**, **irapaccayo**. Vajirasahacaraṇato **kulisasaddopi** punnapuṃsake. Bhiduram, pavī, satakoṭi, suru, sambo, dambholiiccādīnipi vajirassa nāmāni. Tatra **bhiduram** punnapuṃsake, **pavī**dayo pume.

Rambhā ca alambusā ca iccādikā devitthiyo accharāyo nāmāti vuttā. Accharāvisesā hi etā. Accho nimmalavaṇṇo etāsamatthīti **accharāyo**. ‘‘**Apasarā**’’tipi etāsameva sāmāññasaññā. Devaputtānam ratim bhāventi vadḍhentīti **rambhā**, ram kāmaggim bhanti dīpayanti jālentīti vā **rambhā**, niggahītāgamo. Kāmarativasena devaputte attani vasāpetum alam samatthāti **alambusā**, assukāro. Devānam devaputtānam, devībhūtā vā itthiyo **devitthiyo**.

‘‘Pañcasikho, hāhā, hūhū’’iccādayo gandhabbā nāma. Pañca sikhā cūlā yassa so **pañcasikho**. ‘‘Hā’’ti ananditam dhanim [nindibhaddhanim (cintāmañiṭkā)] jahatīti **hāhā**. ‘‘Hū’’ti gītavisesasaddam hūyateti **hūhū**. Gandham abbanti bhujjantīti **gandhabbā**, gāyanam vā dhammo etesam **gandhabbā**, **mmassa bbo**.

**25. Vimānā**divvayam vimāne. Devānamākāse gamanam yena tam **vimānam**, vigatam [vinā (ka.)] mānam upamānamassa **vimānam**. Vihe ākāse gacchatīti **byamham**, **hakārato** pubbe **amapaccayo**. Ettha ca **vimānabyamhasaddā** dvepi **anitthiyam** punnapuṃsake vattanti.

**Pīyusā**dittayam amate. Pīyateti **pīyusam**, ‘‘amatapā’’ti hi vuttam, **usapaccayo** [uṇādi 4.76 nṇvādi 215 suttesu pana ‘‘pīyūsa’’miti dissati]. ‘‘**Peyuso**’’tipi nāmamassa. Na matam maraṇamanena **amatam**. Sukhena dhayanti pivanti tam iti **sudhā**. Ettha ca **amatasaddo** yaññasesapīyusasalilaghatādīsu napuṃsake, dhanvantaridevādīsu pullinge, gaḷojhābhayāmalakyādīsu itthilingeti tīsu vattati [amatam yaññasese ca, pīyūse salile ghate ayācite ca makkhe ca, nā dhanvantaridevasu amatā māgadhīpathyā guḷucyāmalakīsu ca (medinīkosa 16 77-8)], tamahacaraṇato **pīyusasaddopi** tīsu liṅgesu. **Sudhāsaddo** pana amatanuhīlepādīsipi nīccamitthilingova [sudhā lepo’matam nuhī (amara 23.101)].

**Sineruā**dipaṇcakaṃ pabbatarāje. **Sinā** soceyye, sināti soceti deveti **sineru**, **erupaccayo**. **Mī** hiṃsāyam, mināti hiṃsati sabbe pabbate attano uccataraṭṭhenāti **meru**, **rupaccayo**. Tidivānam dvinnam devalokānam ādhāro patitṭhāti **tidivādhāro**. Deve nayatīti **neru**. **Sumerūti** upasaggena nāmam vadḍhitam. Hemaddi, ratanasānu, surālayādīnipi pabbatarājassa nāmāni.

**26. Yugandharā**dīni sinerussa parivārabhūtānam sattannam paribhaṇḍapabbatānam nāmāni. Candāsūriyasankhātam yugam dhāreti tadubbedhamaggacārittāti **yugandharo**. Īsam mahissaram dhāreti tassa nivāsattṭhānattāti **īsadhāro**. Karavīrā assamārakā bahavo ettha santīti **karavīro**, ke vā mayūrā ravanti etthāti **karavīro**, ‘‘karavīko’’tipi pāṭho, idhāpi pacchimoyevattho, karavīkasakuṇā vā bahavo ettha santīti **karavīko**. Sudassanā osadhivisesā bahukā ettha santīti **sudassano**, sukkena passitabbattā vā **sudassano**, sundaram vā dassanam etthāti **sudassano**. Pañcannam pabbatacakkānam

nemisadisam katvā attānaṃ dhāretīti **nemindharo**, nemibhāvena vā dhāretabbo upalakkhetabboti **nemindharo**, nemimvā rathaddumaṃ dhāreti yebhuyyenaṃti **nemindharo**. Vinatā nāma supaṇṇamātā, tassā nivāsaṭṭhānattā **vinatakoti cintāmaṇiṭṭikā**. Vitthiṇṇā vā natā nadiyo etthāti **vinatako**. Assakaṇṇā sajjadumā bahavo ettha santīti **assakaṇṇo**, assakaṇṇasadisakūṭattā vā **assakaṇṇo**. **Kulācalāti** ete sineruādayo aṭṭha pabbatā acalasaṅkhātānaṃ pabbatānaṃ kulāni yoniyo pabhavā, ete ca sineruādayo anupubbasaṃmuggaṭṭā, sabbabāhiro cettha assakaṇṇo. **Nimijātako** pana –

“Sudassano karavīko, īsadhāro yugandharo;  
Nemindharo vinatako, assakaṇṇo giri brahā”ti [jā. 2.22.568].

Vatvā sineruṃ parikkhipitvā assakaṇṇo nāma pabbato patiṭṭhito, taṃ parikkhipitvā vinatako nāma pabbatoti evamaññoyevānukkamo kathito. Kiñcāpi kathito, nāmahhedamattakato yeva panettha bhedo, nāṭṭhabhedakatoti daṭṭhabbaṃ.

27. Ākāsavāhigaṅgāyaṃ merusiṅgobbhavāyaṃ **mandākinīyā**dināmattayaṃ. Mandam akituṃ sīlamassāti **mandākinī**. Akāse sandamānā gaṅgā **ākāsagaṅgā**. Surānaṃ devānaṃ nadī **suranadī**. **Suradīghikā**tipi etissā nāmaṃ.

28. **Koviḷārādittayaṃ** “phalaharo”tikhyāte pāricchattako. Kuṃ pathaviṃ vidārayati mūlenāti **koviḷāro**, dassa **lo**. Pari samantato chattaṃ viya tiṭṭhatīti **pāricchattako**. Pārino samuddassa jāto apaccaṃ **pārijātako**, sakatthe **ko**. Pāribhaddo, nimbataru, mandāroiccādīnīpi pāricchattakassa nāmāni.

Kapparukkho ca santāno ca ādinā mandāro pārijātako ca haricandanañca ete pañca **devaddumā** [amara 1.53] devataravo devabhūmīsveva sambhavato. Kappo saṅkappito attho, tassa rukkho jāññajanakabhāvena sambandho, kappam vā ṭhito rukkho **kapparukkho**. Tananaṃ tāno, bhāve **no**. Gandhassa sammā tāno asseti **santāno**, sirīsaruṅkko. Mandante modante devā anenāti **mandāro**, **ārapaccayo**. Harimindaṃ cadayati sukhayati **haricandanaṃ**. Ete pañca devataravo **amarakosana**yena vuttā, **sogatanayena** pana satta devataravo. Vuttañca –

“Pāṭalī simbalī jambū, devānaṃ pāricchattako;  
Kadambo kapparukkho ca, sirīsena bhavati sattama”nti [dha. sa. aṭṭha. 584; sāratttha. ṭī. 1.1 verañjakaṇḍavaṇṇanā].

Tattha **pāṭalī**ti citrapāṭalī, sā asuraloke tiṭṭhati. Tathā **simbalī** garuḷesu, **jambū** jambudīpe, **pāricchattako** tāvatimse, **kadambo** aparagoyāne. **Kapparukkho** uttarakurūsu, **sirīso** pubbavideheti. Ete satta devānameva patiṭṭhānabhūmīsu sambhavato devataravotteva vuccanti.

Saggavaṇṇanā samattā.

29. Pubbapacchimauttarā disā yathākkamaṃ pācī patīcī udīcī nāma bhavanti. Paṭhamaṃ pāto ancatī ravi yassaṃ sā **pācī**, **nakāralo**po. Pacchā divāvasāne ancatī ravi yassaṃ sā **patīcī**. Uddham ancatī ravi yassaṃ sā **udīcī**, yassaṃ vā sītaviyogaṃ datvā ancatī sā **udīcī**, viyogathavācako hettha ukāro, **dasaddo** dānattho. Atha vā pancati pubbabhāvamāpajjateti **pācī**. Patincati pacchābhāvamāpajjateti **patīcī**. Udañcati sītaviyogadānattamāpajjateti **udīcī**. Ettha ca **udīcī**sahacaraṇato **patīcī** itthiyaṃ, **patīcī**sahacaraṇato **pācī** itthiyaṃ vattatīti daṭṭhabbaṃ. Evaṃ taṃtaṃsahacaraṇabhāvena tassa tassa taṃtaṃliṅgattamupaneyyūṃ. Pubbapacchimauttarāti sabbanāmassa vuttamate pumbhāvo.

**Dakkhiṇā**didvayaṃ dakkhiṇadisāyaṃ. Majjhe apāyaṃ añcati yassaṃ ravi, sā **apācī**. Majjhatthoyaṃ **apasaddo**, yathā “apadisa”nti, “avācī”tipi pāṭho, **avapubbo añca** adhomukhībhāve. Avañcati adhomukhī bhavati yassaṃ ravi, sā **avācī**. Uṇhādike vā tabbiyoge karonto yassaṃ ravi añcati, sā **avācī**. **Vidīsā**didvayaṃ disāmajjhe. Disāhi viniggaṭṭā **vidīsā**. Disānāmanurūpā, anuvattakā vā disā **anudīsā**. **Apadisanti**pi vidīsāya nāmaṃ [napuṃsakābyayaṃ tva’padisaṃ (amara 3.6)].

**30. Erāvatā**dayo aṭṭha gajā pubbādīnaṃ disānaṃ rakkhaṇato **disāgajā** nāma, puṇḍarīkaṃ nāma sitambojaṃ, taṃsadisavaṇṇatāya **puṇḍarīko**. Rassasarīratāya **vāmano**. Kuyaṃ pathaviyaṃ modate **kumudo**. Añjanaṇṇatāya **añjano**. Pupphā pakāsamānā dantā assa **pupphadanto**. Sabbabhūmiyaṃ caratīti **sabbabhummo**, sabbabhummo vā cakkavattī tassānurūpattā **sabbabhummo**. Sobhanadantāvayavattā **suppatīko** [*sobhanā patīkā avayavā'ssa suppatīko (ka.)*]. “Suppatīko sobhanaṅge, bhava īsānadisāgaje”ti hi **nānatthasaṅgahe** vuttaṃ. Erāvatādīnaṃ disānaṃ sambandhakathanāṃ pācīvāraṇādīnāmasūcanatthāṃ, esaṃ kareṇuyo pana –

Abbhamu kapilā ceva, piṅgalā nupamā matā;  
Tambakaṇṇī subhadantī, aṅganā añjanāvattī [*amara 3.5*].

**31. Dhataratṭhā**didvayaṃ **pubbadisādhipatideve**. Dhāritaṃ ratṭhamaṇenāti **dhataratṭho**, rassa **to**. Pañcasikhādīnaṃ gandhabbānaṃ adhipo nāyako **gandhabbādhipo**. **Kumbhaṇḍasāmyā**didvayaṃ dakkhiṇadisādhipatideve. Kumbhaṇḍānaṃ sāmī nāyako **kumbhaṇḍasāmī**. Viruhanti vuḍḍhiṃ virūḷhimāpajjanti etasmiṃ kumbhaṇḍāti **virūḷhako**. Virūḷhaṃ vuḍḍhippattāṃ vā kaṃ sukhametassāti virūḷhako. **Virūpakkhā**didvayaṃ pacchimadisādhipatideve. Virūpāni akkhīni yassa **virūpakkho**, vividhasaṇṭhānāni akkhīni yassa vā **virūpakkho**. Nāgānaṃ adhipati **nāgādhipati**.

**32. Yakkhādhipā**dicatukkaṃ kuvere. Aḷavakādiyakkhānaṃ adhipo **yakkhādhipo**. Vissavaṇassa apaccaṃ **vessavaṇo**. Ticaraṇāṭṭhadāṭṭhābhayānakamatthitāya kucchitaṃ vero sarīramassa **kuvero**. Khuddenāssa narayuttā sivikārattheti naro vāhanamassa **naravāhano**. Tyambakasakho, yakkharājo, guyhakesaro, manussadhammā, dhanado, rājarājo, dhanādhipo, kinnareso, yakkho, ekapiṅgalo, sirido, puññajanessaroiccādīnipi kuverassa nāmāni.

**Assa** kuverassa purī “aḷakā, aḷakamandā”ti ca vuccatī. **Alaṃ** vibhūsane, alaṃ vibhūsanaṃ karotīti alakā, sā eva **aḷakā**. Aḷakā eva modakaraṇato **aḷakamandā**, ukārassa **akāro**, **nāgamo** ca. **Kelāso**tipi tassa nāmaṃ, keli payojanaṃ assa kelo, āsate asminti āso, kelo ca so āso ceti **kelāso**, **kaṇhasappādi** viya niccaṃ kammadhārayo. **Assa** kuverassa **paharaṇaṃ** āyudhaṃ gadā, gaṃ vuccatī vajiraṃ, taṃ viya dukkhaṃ dadātīti **gadā**. **Ime** cattāro yathāvuttā dhataratṭhādayo devā kamato pubbādīnaṃ catuddisānaṃ **adhipā** adhipatayo nāma. **Amarakose** pana –

“Indo aggi pitupati, nerito varuṇo”nilo;  
Kuvero īso patayo, pubbādīnaṃ ime kamā.

Ravi sukko mahīsūnu, tamo ca bhānujo vidhu;  
Budho suraguru ceti, disādhipā tathā gahā”ti [*amara 3.3-4*].

Aññeyeva disādhipatayo kathitā, indaravimādīnaṃca disādhipaccakathanāṃ pājhādīnaṃ indadisāravīdisādīnāmasūcanaphalaṃ.

**33-34. Jātavedā**dyatṭhārasakaṃ aggimhi. Jāte uppanne vindati ghātayaṭṭīti **jātavedo**. Andhakāre jātaṃ vijjamaṇaṃ vindatī labhati, vidatī jānāti etenāti vā **jātavedo**, jananaṃ jātaṃ vedo pākaṭo yassa vā so **jātavedo**. Sikhā vuccatī jālā, tāya yogato **sikhī**. Jotati dīppatīti **joti**. Punātīti **pāvako**, ṇvu. Dahatīti **dahano**. Ananti pāleṇyaneneti **analo**, **alapaccayo**. Vede hutāṃ vahati pāpayati, sayāṃ vā labhateti **hutāvaho**. Acci vuccatī jālā, tāya yogato **accimā**. Dhūmo ketu dhajo yassāti **dhūmaketu**. Ajati jalamāno kuṭilaṃ gacchatīti **aggi**, i. Go raṃsi etassatthīti **gini**, assatthyaṭṭhe ini, **agginī**tipi pāṭho, so aggisadiso. Bhānu pabhā yassatthi, so **bhānumā**. Tejeti sesabhūtopādārūpānīti **tejo**. Dhūmo sikhā cūḷā yassa **dhūmasikho**. Vāyu sakhā assa **vāyusakho**. Dahitvā [*dahato (ka.)*] gacchato kaṇhā vattanī maggo yassa **kaṇhavattanī**. Vissānarassa isino apaccaṃ **vessānaro**. Hutāṃ havim asati bhūñjatīti **hutāso**. Dhanañjayo, jalano, āsayāso, rohitasso, sattācci, sukko, citrabhānu, vibhāvasu, suciiccādīnipi aggissa nāmāni.

**Sikhā**dittayaṃ aggijālāyaṃ. Sinoti nisānī bhavatīti **sikhā**, “si nisāne”ti **kātanta** dhātu,

**khapaccayo.** Jalatīti **jālā.** Accate pūjjate aneneti **acci.** Sikhā jālā bhīyyo rūpantarā itthiyaṃ, acci pana apume.

**35.** Dvayaṃ aggikaṇe [tīsu phuliṅgo'ggikaṇo (amara 1.60) phuliṅgānīti aggikaṇāni (ma. ni. ṭī. 3.65)]. Vividhāsu disāsu phullaṃ gacchatīti **vipphuliṅgaṃ.** Tathā **phuliṅgaṃ. Sabbadharakate** pana “phuliṃ gacchatīti phuliṅgo”ti vuttaṃ. Tikkaṃ chārikāyaṃ. Malīnakamaṃsavatthādīnaṃ taṃ dittiṃ seti pavatteti **bhasmaṃ, ma**paccayo, bhasati vā adho patati vatthādīnaṃ malametenāti **bhasmaṃ.** Kaṃsādīnaṃ sukkabhāvattaṃ icchitabbattā iṭṭhi abhilāso sobhanaṃ etassā atthīti **setṭhi,** “sapakkhako salomako”tyādīsu viya **sa**saddassa vijjamaṇatthattā. Malassa saraṇaṃ karotīti sārīkā, sā eva **chārikā,** yathā “saḷāyatana”ntyādīsu.

**36.** Dvayaṃ uṇhachārikāyaṃ. Uṇhattā kukkuṃ kucchitaṃ lātīti kukkulo, “kukku vidatthiyaṃ hatthe, pakoṭṭhe kucchitepi ce”ti hi **nānatthasaṅgahe** vuttaṃ. Kukkuṃ vā hatthaṃ lunāti chindati dahatīti kukkulo, so eva **kukkuḷo.** Uṇhameva bhasmaṃ **uṇhabhasmaṃ,** tasmīṃ. Tikkaṃ dittakaṭṭhādīndhane. Aṅgati hāniṃ gacchatīti **aṅgāro, ārapaccayo,** punnapuṃsakoyaṃ. “Alāte”nitthi kuje’ngāro”ti hi **tikaṇḍasese** [tikaṇḍasesa 3.329] vuttaṃ. Hānimeva lāti, na ṭhitīṃ visesaṅcātī **alātaṃ.** Uddhaṃ dhūmaṃ muṅcatīti ummutaṃ, tadeva **ummukaṃ.** Pañcakaṃ kaṭṭhādīndhane. Santamaggiṃ edhayati vaḍḍhayatīti **samidhā.** Edhayatīti **idhumaṃ,** umo. Edhayatīti **idho.** Upādiyate aggineti **upādānaṃ.** Edhayatīti **indhanaṃ.**

**37.** Pañcakaṃ āloke. Obhāsati dippatīti **obhāso.** Pakāsati dippatīti **pakāso.** Ālocayati passati etenāti **āloko,** āloketi vā etenāti **āloko,** “loka, loca dassane”ti dhātudvayapāṭhato. Ujjotatīti **ujjoto,** andhakāraṃ viddhamasento jotatīti vā **ujjoto.** Ā samantato tapati dippatīti **ātapo. Samāti** ete pañca tulyatthāti bhāvo.

Dasakaṃ vāte. Āhāro viya pāṇabhūtopi kadāci satte māretīti māruto, sova **māluto.** Punāti saṅkārādīkanti **pavano.** Vāyati gacchatīti **vāyu,** vāyati vā pupphādīnaṃ gandho yena so **vāyu.** Tathā **vāto.** Ananti pāṇantyaneneti **anilo,** ilo. Santaṃ niccalaṃ īrayati kampetīti **samīraṇo,** samīrituṃ kampituṃ sīlamassāti vā **samīraṇo.** Gandhaṃ vahatīti **gandhavāho,** ṇo. **Vāyo vāyusadiso,** ubhayatrāpi **yāgamo.** Samantato īrati khipati rukkḥādayoti **samīro.** Sadā sabbadā gati yassa **sadāgati.** Sasano, gandhavāho, āsugo, maruto, jagatipāṇo, pavamāno, pabhaṅjano iccādīnīpi vātanāmāni.

**38.** Ime cha vakkhamānā **vāyubhedā** vāyuvisesā, uddhaṃ gacchatīti **uddhaṅgamo,** uccārapassāvādīnaṃ nīharaṇavasena adbhogaṃ gacchatīti **adhogamo.** Kucchimhi udare tiṭṭhatīti **kucchiṭṭho.** Koṭṭhe ante seti tiṭṭhatīti **koṭṭhāsayo.** Punappunaṃ sasanti yena **assāso,** bahinikkhantavāto. Passāsoti antopavisanakavātopi “assāso”ti etena saṅgayhate sahaṅcāritattā. Sabbaṅgesu anusarati sīlena sedalohitādīsampādanatoti **aṅgānusārī. Amarakose** paṇāyaṃ vāto ṭhānabyāpārabhedena pañcadhā kathito [pāṇo’pāno samānocodānabyānā ca vāyavo sarīraṭṭhā ime (amara 1.67)], **ṭīkāya**ñcassa –

“Hadaye pāṇo gude’pāno, samāno nābhīmajjhatṭho;  
Udāno kaṅṭhadese tu, byāno sabbaṅgasandhisu [hadaye pāṇo gude’pāno, samāno  
nābhisaṅṭhito; udāno kaṅṭhadesaṭṭho, byāno sabbasarīrago iti ṭhānaniṇṇayo  
(cintāmaṇiṭṭhā)].

Tatrapāṇoannappavesādīkaro. Apāno muttakarīsasukkavisaṭṭhīkaro. Samāno majjhe annapacānādīkaro. Udāno bhāsitaḅgītādīkaro. Byāno sedarattasavanummesaṅimesagatyādīkaro [khedaceṭṭhāummesaṅimesagatyādīkaro (ka.)]. Pakatṭhena anantyanena bhattādippavesanatoti **pāṇo.** Muttādīkaṃ apānetvā anantyanenāti **apāno.** Sammā ananti anena bhuttaparipācanatoti **samāno.** Uddhamanantyanena bhāsītādo sāmattiyajananatoti **udāno.** Visesena anantyanena sedarattasemhādi [khedaceṭṭhādi (cintāmaṇiṭṭhā)] sampādanatoti **byāno**”ti [taṃbyāpārā ca yathā – annappavesanaṃ muttā-dyussaggo’navipācanaṃ bhāsaṅgādī nimesādi, taṃbyāpārā kamā ime (cintāmaṇiṭṭhā)] vuttaṃ.

39. Dvayaṃ antopavisanakavāte. Ānaṃ vuccati bahinikkhamanavāto, tato apagataṃ **apānaṃ**. Assāsato apagato **passāso**. Dvayaṃ bahinikkhamanavāte. Ādimhi pavatto sāso **assāso**. Ananti pāṇantyaneneti ānaṃ, ādimhi pavattaṃ ānaṃ **ānaṃ**, ekassākārassa lopo.

40. **Vegakhippādayo** vātadhammattena niccappavattikā iti tappakkame [tappakkamena takkamena (ka.)] uccante. Tatra **rayantaṃ** vege. Sabbatra karaṇasādhanam. Icchitaṭṭhānaṃ vajanti pāpuṇanti etenāti **vego**.

“Kriyāvācittamākhyātum, ekekattho nidassito;  
Payogatonugantabbā, anekatthā hi dhātavo”ti [candradhātupāṭhe].

Vuttatā **vajadhātu** pāpuṇanepi pavattati, evaṃ sabbatra, **akārassa e**. Javanti etenāti **javo**, rayanti gacchanti etenāti **rayo**.

**Khippādinavakaṃ** sīghe. Atha javasīghānaṃ ko bhedo? Savegagativacanā **javādayo**, **sīghādayo** tu dhammavacanā, tathā ca “sīghaṃ pacati [passati (ka.)], sīghaṃ gacchatī”ti payogo, na tu “javaṃ pacati, javaṃ gacchatī”ti pana payogo. “Vegena gacchati, javena gacchatī”tyādīsu kathaṃ? Tatra bhedassa vattumicchitattā na doso. Khippiati peratīti **khippaṃ**, **khīpa** peraṇe. Sayatīti **sīghaṃ**, **sī** saye, **ghapaccayo**. Byuppatti hi yathā kathaṅcīpi bhavati, saññā tu lokatovāvagantabbā, sabbatrevaṃ. Taratīti **turaṭṭaṃ**. Laṅghatīti **lahu**, **laṅgha** gatisosanesu, **ghassa ho**, niggahītalopo, **upaccayo** ca, lahupariyāyo **laghusaddopyatthi**. Asati khepatīti **āsu**, u. Taratīti **tuṇṇaṃ**, rassa **ṇo**. Arati gacchatīti **araṃ**. Na vilambīyati na ohīyatīti **avilambitaṃ**, **labi** avasaṃsane. Tuvattati sayatīti **tuvattāṃ**, turitabhāvena vattatīti vā **tuvattāṃ**, **ritalo**po.

41. Ariyāsāmaññaṃ pubbaḍḍhaṃ santate. Ettha ca aṭṭhasu gaṇesu chaṭṭho sabbalahuko, tatopare chaggaṇā sa, bha, sa, bha, bha, bhā, aṭṭhamo go. Samantato tanotīti **satataṃ**. Nāsabhāvena na iccaṃ na gantabbam **niccaṃ**, nāsaṃ vā na gacchatīti **niccaṃ**. “Nāgo”tyādīsu viyāti etthāpi na doso, tassa **co**. Na viramatīti **avirataṃ**. Na āramatīti **anārataṃ**. Samantato, punappunaṃ vā tanotīti **santataṃ**. Na avaramatīti **anavarataṃ**. Sadā dhavati gacchatīti **dhuvaṃ**. “Dhu gatitheriyesu”ti **kātantadhātu**.

Vipulāḍḍhaṃ atisaye. Ettha hi ayugapāde dvādasamattā, yuge aṭṭhārasamattā, sabbāsu ariyāsu paṭhame pāde dvādasamattā, dutiye aṭṭhārasa, tatiye dvādasā, catutthe pañcadasa. Yadā pana paṭhamatatiyesu parihāyanti, tadā yuge adhikā honti, idaṃ vipulālakkaṇaṃ. Atha satatātisayānaṃ ko bhedo? Satataṃ santati avicchedokriyantarehi abyavadhānaṃ, atisayo tu ponopuññaṃ, pakatṭho ca. Tesu ponopuññaṃ kriyābyāvutti, pakatṭho tu kriyāvayavānaṃ ukkaṃsatā. Bhāsati sabbesanti **bhusaṃ**, āssa **u**. Bhassati adho patatīti vā **bhusaṃ**. **Bhasa** adhopatane, assa **u**. Atisayanaṃ **atisayo**, atikkamitvā vāsayanaṃ pavattanaṃ **atisayo**. Dahati sabbanti **dalhaṃ**, **hato** pubbe **lo**, dalati vidārayatīti vā **dalhaṃ**, **hapaccayo**, dahanto lātīti vā **dalhaṃ**, vaṇṇavipariyayo, abhisayo ca dalhaṅca atisayadalhā. Tarati atikkamatīti **tibbaṃ**, rassa **vo**, assa **i**. Eti gacchatīti eko, so eva **ekantaṃ**, ekaṃ tarati atikkamatīti vā **ekantaṃ**. Mattato atikkantaṃ **atimattaṃ**. Bahum lātīti **bālhaṃ**, **ulopo**, vaṇṇavipariyayo ca **hasaddo**. Ativelam, accatthaṃ, nibbharam, nitantaṃ, gālhaṃiccādīnīpi atisaye.

Dabbaṃ satvaṃ, taṃviparīte dhammamatte vattamānā **bālhapariyantā khippādayo atisayaṃ** vinā **paṇḍake** napuṃsake vattanti. Khippaṃ bhavati [“khippa bhavabhi”ti **padadvayaṃ adhikam viya dissati**], atisayo pulliṅgo, assa guṇassātisayo, assa dabbassātisayo iti. “Khippaṃ bhuñjati, satataṃ juhōti, satataṃ ramaṇīyo”iccitra tu kriyāvisesanattāyeva paṇḍakattaṃ. **Tesu** khippādīsu ye **dabbagā** dabbābhīdhāyino, te **tisu** liṅgesu. “Dabbadhammo liṅga”nti dassanantaraṃ. Yathā khippā jarā, khippo maccu, khippaṃ gamanaṃ. Santatā taṇhā, santataṃ dukkhaṃ, santato ākāso. Atimattā kriyā, atimatto naro, atimattaṃ padaṃ iccādi.

42-43. Dvādasakaṃ māre. Haranayanaggidaḍḍhattā [tinayanaggidaḍḍhattā (ka.)] natthi viggaho sarīrametassa **aviggaho**. Kāmayati raticchaṃ uppādayatīti **kāmo**, kāritantā **apaccayo**. Siṅgāraruṇena

pāṇīnaṃ manasi bhavatīti **manobhū**. Pañcakāmaguṇesu madayatīti **madano**. Lokānaṃ antaṃ viṇāsaṃ karotīti **antako**. Vase vatteti sīlenāti **vasavattī**. Pāpaṃ icchati karoti, tena yuttoti vā **pāpimā**. Parato jāyatīti pajā, acchandikā, tāsāṃ pati **pajāpati**. Ye kusaladhammesu pamattā, tesameva bandhu **pamattabandhu**. Kaṇhadhammayuttatāya **kaṇho**. Kusaladhamme māretīti **māro**. Akusaladhamme na muñcatīti **namuci**. Mīnaketano, kandappo, dappako, anaṅgo, pañcasaro, sambarāri, manasījo, kusumesu, anaññaṃjo, pupphadhanvā, ratipati, makaraddhajoiccādīnīpi viṇhusutassa kāmassa nāmāni.

Taṇhā aratī ragā ceti etā tisso **tassa** mārassa dhītarō. Yo taṃ passati, taṃ tasitaṃ karotīti **taṇhā**, **salopo**, ṇhā ca. Paresaṃ kusaladhammesu aratiṃ karotīti **aratī**. Rajjanti etthāti **ragā**. **Tassa** mārassa hatthī girimekhalo nāma. Sarīramahantabhāvena girisadisattā giri viyāti giri. Mārena mamāyanavasena “ayaṃ me hatthī mekhalo nāma hotū”ti katanāmattā mekhalā viyāti mekhaloti samuditanāmadvayena ekameva hatthiṃ vadati, yathā “vajirāsani, sītuṇha”nti.

44. Tikāṃ yame. Pajāsaṃyamanato yamā, maccuppabhutayo assa kiṅkārā, tesu rājateti **yamarājā**. Tedhātukesupi āṇāpavattakattā mahanto visayo etassa visayī, ṇī, so eva **vesāyī**. Yattha lakkhaṇena na sījhati, tattha sabbatra “yadādinā vā niruttinayena vā saddasiddhi veditabbā”ti hi pubbe vuttaṃ, dukkhajanakattā vā visadisatthānaṃ gacchantīti vesā, nerayikā, tesāṃ adhipatibhāvena ayati pavattatīti **vesāyī**, ī. Yamānaṃ rājā **yamo**. Dhammarājo, katanto, samavattī, kālo, daṇḍadharo, antakoiccādīnīpi yamassa nāmāni. **Assa** yamassa āvudhaṃ nayanameva. Tena kira kodhacittena olokitaṃmattena sattānaṃ sarīrāni ātape khittaghatapiṇḍāni viya vilīyantīti.

Dvayaṃ asurabhede. Etesaṅhi satipi devabhāve heṭṭhā nivāsitaḥvasāmaññato ettha vacanaṃ, mārassa pana sattānāmanatthakāraḥkātāsāmaññena yamena saddhiṃ vacanaṃ takkarattā. Yuddhādīsu vepitaṃ kampitaṃ cittametassa **vepacitti** [sam. ni. aṭṭha. 1.1.256]. Puṇṇaṃ lomāṃ yassa so **pulomo**, pulāmahaṭī umā kitti, kanti vā yassāti **pulomo**. “Umātasīhemavati-haliddakittikantisū”ti hi **nānatthasaṅgahe** vuttaṃ. Ayaṃ pana sakkassa bhariyāya sujātāya pitā. Dvayaṃ kinnare. Assamukhanarasarīratāya kucchito puriso, kiñci vā puriso, purisasadisoti vā **kimpuriso**. Evaṃ **kinnaro**. Turaṅgavadana, assamukhādīnīpi kinnarassa nāmāni.

45-46. Addhapajjena ākāsassa nāmāni. Tesāṃ tesāṃ vatthūnaṃ antaraṃ nānattaṃ ikkhate loko ettha, anenāti vā **antalikkhaṃ**, **rassa lo**. Ikkhanaṃ vā dassanaṃ ikkhā, tassa antaraṃ kāraṇaṃ **antalikkhaṃ**. Khanati byavadhānanti **khaṃ**, kvi. Sabbagahagāmaṇino ādiccassa patho maggo **ādiccapatho**. Na bhavatīti **abbhaṃ**. Gacchantyanena devāti **gaganāṃ**, yu, massa **go**. Ambate saddāyate atrāti **ambaraṃ**, ro. **Haya** gatimhi, visesena hayati gacchati sabbatrāti **vehāso**, yassa **so**, vīgato vā hāso cītassa etthārammaṇālābhatoti **vehāso**. Anilassa vātassa patho **anilapatho**. Bhusaṃ kāsante dippante padatthā etenāti **ākāso**, na kassati na vilekhīyatīti vā **ākāso**. Na bhavati ettha kiñcipi vatthūti **nabhaṃ**, natthi bhūmi etthāti vā **nabhaṃ**, na bhāyanti pakkhino anena, etthāti vā **nabhaṃ**. Vīno pakkhino hayanti gacchanti etthāti **vehāyasaṃ**, aso. Tārā vuccanti nakkhattādayo, tesāṃ patho **tārāpatho**. Surānaṃ devānaṃ patho **surapatho**. Na haññateti **aghaṃ**, **hanassa gho**. Anantaṃ, viṣaṇupadaṃiccādīnīpi ākāsassa nāmāni.

47-48. **Meghādyekādasakaṃ** meghe. Mehati gharati secatīti **megho**. Vāriṃ vahatīti **valāhako**, **vārisaddassa vo**, vassa **lo** [pāṇīni 6.3.109; moggallānapañcīkā 1.47; nīti-sutta 1340, 1343]. Dibbanti vuḍḍhiṃ virūḷhiṃ gacchantī lokā anenāti **devo**. Pajānaṃ lokānaṃ annaṃ bhojanaṃ bhavati etenāti **pajjunno**, akārassukāro. Ambuṃ udakaṃ dhāretīti **ambudharo**. Lokānaṃ santāpaṃ hantīti **ghano**, **hassa gho**. Jaladhāraṃ dhāretīti **dhārādhharo**. Jīvanaṃ jalaṃ mūtaṃ bandhamanenetī **jīmūto**, **vanasaddalopo**, lokānaṃ vā jīvitaṃ munāti bandhatīti **jīmūto**, **vitalopo**, **jīvitassa jī** ādeso vā [pāṇīni 6.3.109; moggallānapañcīkā 1.47; nīti-sutta 1340, 1343]. Evaṃ aññatra. Vāriṃ vahatīti **vārivāho**. Ambuṃ dadātīti **ambudo**. Āpaṃ bharatīti **abbhaṃ**, kvi, **passa bo**.

Tikaṃ vuṭṭhiyaṃ. Vassati siñcatīti **vassaṃ**, vassa secane. Evaṃ **vassanavuṭṭhiyo**.

Pañcakaṃ vijjuyaṃ. Satataṃ īrati kampatīti satero, **talopo**, so eva **sateritā**. Khaṇamattampi na

tiṭṭhatīti **akkhaṇā**. Kuṭilaṃ aciraṭṭhāyitattā virūpaṃ hutvā javatīti **vijju**. Vijjotatīti **vijjutā**. Aciraṃ pabhā yassa **acirappabhā**.

49. Catukkaṃ meghanāde. Meghānaṃ nādo **meghanādo**. Dhanīyate **dhanitaṃ**[**thanitaṃ** (sī.)], **dhana** sadde. Gajjanaṃ **gajjitaṃ**, **gajja** sadde. Rasīyate **rasitaṃ**. Ādinā harādādi [**sabbatra napuṃsakebhāve to, ādinā svanitadhanitādayo** (**cintāmaṇiṭṭkā**), **ādinā dhanitaharādarāsādayo** (**byākhyāsudhāṭṭkā**)]. Dvayaṃ sakkadhanumhi. Indassa āvudhaṃ dhanu ca **indāvudhaṃ**, **indadhanu** ca. Vātena khittamambu **vātakkhittambu**, bindu. Sītaṃ karotīti **sīkaro**, siñcatīti vā **sīkaro**, **cassa ko, aro** ca, vātavasena vā tato tato saratīti **sīkaro**, **assa ī**, majjhe **kāgamo** ca.

50. Tikaṃ jaladhārāyaṃ. Vegato jaladhārānaṃ saṃ bhusaṃ patanaṃ āsāro, punappunaṃ saratīti **āsāro**. Vegam dhāretīti **dhārā**. Adho pataṭīti **sampāto**, **saṃsaddo** adhobhāge [**vegato jaladhārānaṃ sambhūya patanaṃ dhārāsampāto, sara gatiyaṃ ghau iti āsāro** (**cintāmaṇiṭṭkā**)]. Dvayaṃ vassopale. Karena hatthena gayhupagattā **karakā**, jalaṃ piṇḍaṃ karotīti vā **karakā**, “vassopale tu karakā, karakopi ca dissate”ti **ruddo**, **karasaddotra**. “Karo vassopale paṇi-sonḍāpaccāyaraṃsisū”ti **nānatthasaṅgahe** vuttaṃ. Ghanato, ghanakāle vā sañjātaṃ upalaṃ silā **ghanopalaṃ**. Duṭṭhu dinaṃ **duddinaṃ**, ayaṃ **duddinasaddo** meghacchannāhe vattati, asobhanatthopayathī **duddinasaddo**, aḡuṇavacanaṭāyaṃ vāccaliṅgo.

51-52. Chakkaṃ tirodhāne. **Dhara** āvaraṇe, **apādi**pubbo. Apidharati āvuṇotīti **pidhānaṃ**, alopo. Apadharatīti **apadhāraṇaṃ**. Tiro dharatī pidahatīti **tirodhānaṃ**. Antaraṃ dharatīti **antaradhānaṃ**, niggaḡhītalopo. Apidharatīti **apidhānaṃ**. Ettha ca **apādi**upasaggā dhātuno āvaraṇatthajotakā. Chādayatīti **chādanaṃ**. Byavadhā, antaradhiiccādayopi tirodhāne.

Sāddhapajjena candassa nāmāni. Indati nakkhattānaṃ paramissariyaṃ karotīti **indu**. Candati hilādayati sukhayati pajanti **cando**. Nakkhattānaṃ rājā **nakkhattarājā**. Umā kanti, tāya saha vijjatīti **somo**, sukhaṃ abhissavatīti vā **somo**, **mapaccayo**. Nisaṃ rattiyaṃ karoti, tattha vā karo raṃsi etassa **nisākaro**. Andhakāraṃ usenti dahanti vināsentīti osā, raṃsaya, te ettha dhiyanti patiṭṭhahantīti osadhi, tārāviseso, tassa īso pati **osadhīso**. Himo sītalo raṃsi yassa **himaraṃsi**. Saso aṅko lakkhaṇaṃ yassa **sasaṅko**. Candaṃ kappūraṃ māti sadisaṃ nayatīti **candimā**. Ikārādeso. Sasalakkhaṇamettha atthi **sasī**. Sasati vā hiṃsati uṇhaguṇanti **sasī**, **īpaccayo** tadupalakkhite tadupacāraṃ. Sītā raṃsaya yassatthīti **sītaraṃsi**. Nisāya rattiyā nātho tadālankārahāvatoti **nisānātho**. Uḡūnaṃ tārānaṃ rājā **uḡurājā**. Māti attānaṃ kappūrena sadisaṃ karotīti **mā**, **māsaddoyaṃ** pume, taṃsahacaraṇato uḡurājādayopi. Himaṃsu, kumudabandhu, vidhu, sudhaṃsu, subbhaṃsu, nisāpati, migaṅko, kalānidhi, dvijarājo, sasadhāro, nakkhattesoiccādīnipi candassa nāmāni.

53-54. Soḡasannaṃ bhāgānaṃ pūraṇo **soḡasamo** bhāgo candassa kalā, **kala** saṅkhyāne, kalīyate ekādinā saṅkhyāyate **kalā**. Dvayaṃ candassa sarīre. Maññiate ñāyate aneneti **bimbaṃ**. **Manato** vapaccayo, nipātanā massa **bo**, assi, **nassa mo, vassa bo, bimbasaddo** anitthiyaṃ. Maṇḍayateti **maṇḍalaṃ**, alo, itthiyaṃ maṇḍalī, ayaṃ tīsvapi [**bimbo anitthī, maṇḍalaṃ tīsu** (**amara 3.15**)].

Pādahīnapajjena addhabhāgo. Asati khepeti samudāyanti **aḡḡho**, to. Tathā **addho**. **Upaḡḡhoti** upasaggena padaṃ vaḡḡhitam, ete tayo pume. Khaṇḡdayati samudāyanti **khaṇḡam**. Sakyate ubbāhanādīsu thokattāti **sakalam**, alo, **khaṇḡasakalā** vā pume, satthe rūpabhedato napuṃsake. Ete ca **aḡḡhādayo** tayo asame bhāge pume, same tu napuṃsaketi rūpabhedenāha “addhaṃ vuttaṃ same bhāge”ti. Khaṇḡdīdvayaṃ pana asamepi vattamānaṃ punnapuṃsake vattati, tasmā “addhaṃ vuttaṃ same bhāge”ti ettha “aḡḡham, upaḡḡha”nti idaṃ dvayampi saṅgahitaṃ [**asamabhāge pumāni, same aṃse napuṃsakattaṃ rūpabhedato, upacārato tabbhāgavati vāccaliṅgo – addhā sātī, addhaṃ vatthaṃ addho kambalo** (**cintāmaṇiṭṭkā**)].

**Pasādā**dayo cande avassambhāvino, aññatra tu pāsāṅgikā iti candapakkame uccante. Visesena sādāyati pasādāyatīti **pasādo**. Evaṃ pasanno, so eva **pasannatā**.

Tikaṃ candappabhāyaṃ. Kumudassāyaṃ vikāso [vikāro (ka.)] **komudī**. Candaṃ ācikkhati paṭipādayatīti **candikā**. Juti assāthhīti **juṇhā**. Tassa **ṇo**, hapaccayo ca, candassa vā jutim sobhaṃ nayhati bandhatīti **juṇhā**.

Catukkaṃ sobhanamate. Kanati dippatīti **kanti**, **kana** dittiyaṃ, kāmīyatīti vā **kanti**. Sundaraṃ bhāti dippatīti **sobhā**. Jotayatīti **juti**. Chādayatīti **chavi**. **Chada** saṃvaraṇe, vipaccayo, **dalopo**.

**55.** Sattakaṃ lakkhaṇe. Kaṃ attānaṃ laṅkayati hīnaṃ karotīti **kalaṅko**. Laṅchate lakkhate aneneti **laṅchanam**. Lakkhyate aneneti **lakkham**. Tathā **lakkhaṇam**. Aṅkīyate lakkhyate aneneti **aṅko**. Abhi viresaṃ jānāti etenāti **abhiññānam**. Cihīyati lakkhīyati aneneti **cihanam**. **Ciha** lakkhaṇe.

Sabbāsaṃ sobhānaṃ majjhe paramā sobhā susamā nāma, sobhanaṃ samaṃ sabbaṃ assaṃ **susamā**, seṭṭhā sobhā.

**56.** Guṇe phoṭṭhabbavisesse **sītanti** napuṃsakaṃ bhavati. Devadattassa sītaṃ vattati. Sītādayo tayo **guṇīlīngā** guṇino līngaṃ gaṇhanti, taṃ yathā – sītālā bhūmi, sītalaṃ jalaṃ, sītalo vāto. Uṇhābhittatthehi sevīyatīti **sītam**, tena yutto **sīto**. **Sasa** gatiyaṃ, iro, ittaṅca, sītattikhena sarīyatīti vā **sisiram**. Sītaṃ guṇaṃ lātīti **sītalo**.

**Mahikāntaṃ** hime. Himṣatīti **himaṃ**, sassa **mo**, niggahītalopo ca. **Tuha** adane, tohati himṣatīti **tuhinaṃ**, ino. Uparito savatīti **ussāvo**. Nīharanti nissasantyaneneti **nīhāro**, natthi ihā vā etasmā hetubhūtāti **nīhāro**, āro. Mahīyate rāghīti [vācābhi (cintāmaṇīṭikā)] **mahikā**, ṇvu.

**57.** Chakkaṃ nakkhatte. Punappunaṃ udayattā na khīyate **nakkhattam**, attano gamanaṭṭhānaṃ na kharati na vināsetīti vā **nakkhattam**, atha vā **nakkha** gatiyaṃ, nakkhatīti **nakkhattam**. Jotati subhāsubhanimittam pakāsetīti **joti**, **nakkhatta bhama**saddehi sahacaraṇato napuṃsake. Yathāvuttam nimittam bhāti pakāsetīti **bham**. Kattabbaṃ taranti lokā etāyāti **tārā**, attano vīthim tāyati arati gacchatīti vā **tārā**, tāreti vā loke ahitatoti **tārā**, ayaṅca **tārakā**, **uḷu** ca ete tayo apume. Tarā eva ṇvu, **tārakā** [tārā eva tārakā ṇvu (ka.)]. Uccaṃ lavati [ulayati (ka.)] gacchatīti ulu. So eva **uḷu**. Na kevalam tārakā eva apume, atha kho uḷu cāti **casaddattho**. Uḷusahacariyato pakkhe napuṃsake ca.

**58-60.** Assayujādayo **revatyantā** sattādhikavīsātārakā nakkhattā nāma hontī. Tāni ca nakkhattāni ākāse yathāṅhitāni kamatoyeva ettha kathitāni, na uppaṭipāṭiyā. Vakkhati ca “kamato sattādhikavīsati nakkhattā”ti. Assarūpayogato **assayujo**. Yamasadisattāsabbatra bharaṭīti **bharaṇī**. Yu, ī. Aggisadisattā kantati chindatīti **kattikā**, karoti tasmā vā **katthikā**, kattikāya sahitā **sakattikā**. Bharaṇī, rohiṇī vā. Kamalasambhavattā kamale ruhati vaḍḍhatīti **rohiṇī**. Migasīsaṅṭhānattā tārāpuṅṇo **migasiram**, chaṭṭhīsamāso uttarappadhānattā napuṃsakattam. Ruddarasāvaṭṭhitakodharuddasadisattā kadāci adati ghasatīti **addā**. Punappunaṃ sattesu hitam vassatīti **punabbasu**, **vassa** secane. Poseti kriyāni, posentyasminti vā **pusso**. Bhujagasadisattā na silisyate nāliṅgyateti **asilesa**.

Mahīyate kāriyatthikehīti **maghā** [māghā (ka.)], hassa **gho**. Phalaṃ gaṇhāpetīti **phaggunī**, yu, ī. **Dveti** pubbaphaggunī, uttaraphaggunī ceti dve. Hatthasaṅṭhānatāya **hattho**. Tacchakasadisattā vicittam phalam dadātīti **cittā**. Sobhanā āti, sāti vā tanuṃ karoti subhāsubhanti **sāti** [svāti (ka.)], subhāsubhaphaladānato vā **sāti**, “sāti dānāvasānesū”ti hi **nānatthasaṅgahe** vuttam, ayaṃ dvīsu. Visadisam phalam khaṇatīti **visākhā**, vividhā vā sakhā mittā yassā sā **visākhā**. Anurādhayati saṃsijjhati subhāsubhaphalametāyāti **anurādhā**. Guṇehi sabbāsaṃ vuḍḍhattā **jetṭhā**. Mūlati patiṭṭhāti subhāsubhaphalametthāti **mūlam**. Āsālho nāma bhatīnaṃ daṇḍo, taṃsaṅṭhānattā **āsālha** nāma dve nakkhattā pubbāsālhaṭṭarāsālhaṃvasena.

Savati subhāsubhaphalametenāti **savaṇo**, **savaṇam** vā. Dhanamesanti etthāti **dhaniṭṭhā**, dhanati vā vibhūti nidhānaṃ **dhaniṭṭhā**. Sataṃ bhisajā ettha, satabhisajānaṃ vā adhipati **satabhisajo**. Bhaddo go, tasseva padāni pādā assaṃ **bhaddapadā**, pubbabhaddapadā dve, uttarabhaddapadā dve, samūho cesaṃ catusāṅkhyāti bahuvacanaṃ. Rā vuccati dhanam, tabbantatāya **revatī**, ākārasse,

revato vā isibhedo, tassa apaccam **revatī**.

**61.** Dvayaṃ rāhuggahe. So vuccati saggo, tattha bhātīti **sobbhānu**. Rahati candādīnaṃ sobhaṃ jahāpetīti **rāhu**. Tamo, vidhantudo, candādo, sehikeyotipi rāhussa nāmāni.

Sūra, canda, āṅgāraka, budha, jīva, sukka, asita, rāhu, ketūti ete sūrādayo navaggahā nāma.

Mesādiko dvādasakoṭṭhāso rāsi nāma. Ādinā usabha, methuna, kakkāṭa, sīha, kaññā, tulā, vicchika, dhanu, makara, kumbha, mīne saṅgaṇhāti.

Dvayaṃ bhaddapadanakkhattānaṃ nāmaṃ. Poṭṭho go [[pāṭho bhaddo go \(ka.\)](#)], tasseva padāni pādā assaṃ **poṭṭhapadā**.

**62-63.** Pajjadvayena sūriyassa nāmāni. Ā bhuso dīppatīti **ādicco**, ppassa **cco**. Lokānaṃ sūrabhāvaṃ janetīti **sūriyo**. Tathā **sūro**. Sataṃ bahavo raṃsayo yassa **sataraṃsi**. Divā divasaṃ karotīti **divākaro**, divase vā karo ābhā yassa **divākaro**, **divāsaddo**yaṃ sabbakāravacano, na tu ādhāravacano eva. Visesena rocate dīppateti **verocano**. Dīnaṃ karoti, kumudānaṃ vā dīnaṃ mākulyaṃ karotīti **dīnakaro**, uṇho raṃsi yassa **uṇharaṃsi**. Pabhaṃ karotīti **pabhānkaro**.

Aṃsuno mālā, sā yattha atthi **aṃsumālī**. Dīnaṃ pati **dīnapati**. Tapatīti **tapano**. Ravanti etena sattā pabhāvittāti **ravi**. Bhānu yassa atthīti **bhānumā**. Raṃsi yassa atthīti **raṃsimā**. Bhaṃ ābhaṃ karoti, tāsamaṃ vā ākaro uppattīṭṭhānaṃ **bhākaro**. Bhātīti dīppatīti **bhānu**. Devehipi accate pūjīyateti **akko**. Sahassaṃ bahavo raṃsayo yassa **sahassaraṃsi**. Dvādasattā, pabhākaro, vibhākaro, vikattano [[vissakammunā vikattito](#), [kammani yu \(cintāmaṇiṭṭhā\)](#)], mattaṇḍo, divamaṇi, taraṇi, mitto, citrabhānu, vibhāvasu, gahappati, haṃso, savitāiccādīnipi sūriyassa nāmāni.

**64.** Pajjena sūriyādīnaṃ raṃsippabhānaṃ nāmāni. Rasanti taṃ sattāti **raṃsi**. Ā bhuso bhātīti **ābhā**. Pakārena bhātīti **pabhā**. Dīppatīti **ditti**. Rocate dīppateti **ruci**. Dīdhyati dīppatīti **dīdhiti**. Dīppatīti vā **dīdhiti**, passa **dho**, ikārāgamo. Miyyante khuddajantavo aneneti **marīci**, īci. Asati gacchati disantanti **aṃsu**, ussāgamo. **Marīci**sahacaraṇato **dīdhityā**dayo [[khalitapāṭho \(?\)](#), [savarasāmī tu āṅguli kākalisāri sarāri tumbiari susi dīmityattayo thīpumesu iccāha \(cintāmaṇiṭṭhā\)](#)] **bhānu aṃsu** ca dvīsu. **Maya** gamanatto daṇḍako dhātu [[daṇḍakappakarāṇe āgatadhātūti attho](#), [niruttisāramaṇjūsāṭṭikāyaṃ 253.413 piṭṭhesu passitabbaṃ](#)], **khapaccayo** **ūkārāgamo**, atha vā **mā** māne, **ukha** gatyattho daṇḍako dhātu [[daṇḍakappakarāṇe āgatadhātūti attho](#), [niruttisāramaṇjūsāṭṭikāyaṃ 253.413 piṭṭhesu passitabbaṃ](#)], māya mānāya ukhatīti **mayūkho** [[māpasamaṃ gaganamaṃ pamāṇayaṃ ukhati gacchatīti pisodarādi \(cintāmaṇiṭṭhā\)](#)]. Kirati timiraṃ **kiraṇo**. Kirati timiraṃ **karo**.

**65.** Dvayaṃ ādiccamaṇḍalotikhyāte uppātādijāte raṃsimaṇḍale. Sūriyassa pari samantato dhīyate **paridhī**, pari samantato visatīti **pariveso**, sūriyaṃ vā pariveṭṭhayatīti **pariveso**. **Ṭhassa so**. Upasūriyakamaṃ, maṇḍalanti dvepi paridhino nāmāni.

Dvayaṃ marīcikāyaṃ. Marīcisadisatāya **marīci**. Migānaṃ taṇhā pipāsā yassaṃ jalābhāsattā sā **migataṇhikā**.

Sūriyassa udayato pubbe **uṭṭhitaraṃsi** uggataraṃsi aruṇo nāma siyā. Aruṇavaṇṇatāya arati gacchatīti **aruṇo**. Sūrasūto, anūru, kassapeyyo, kassapi, garuḍāggajotipi aruṇassa nāmānīti. Ākāsavaṇṇanā.

**66-67.** Catukkaṃ kāle. Kalyante saṅkhyāyante āyuppamāṇādayo anenāti **kālo**, karaṇaṃ vā kāro, bhāve ṇo, so eva **kālo**, na hi kriyāvīnimutto kālo nāma koci atthi, mahākālassa pana sassatabhāvato atītādīvohāro natthevāti avayavakālānaṃ samūhabhāvato sopi “kālo”ti vutto. Sattānaṃ jīvitaṃ asati khepetīti **addhā**, tassa **dho**, ākārantoayaṃ **addhāsaddo** pume. Punappunaṃ etīti **samayo**. Vināsaṃ lātīti **velā**, vaṇṇalopo. Diṭṭho, anehotipi kālassevanāmāni.

Khaṇādayo pana **tabbisesā** tassa kālassa viśesā bhedā. Ke te, kittakappamāṇā cetyāha “**khaṇo**”iccādi. Dasahi accharāhi āṅguliphoṭanehi lakkhito kālo khaṇo nāma, **khaṇu** himśāyaṃ, khaṇotīti **khaṇo**, a. Dasa khaṇā layo nāma **bhave** bhavanti, etena vā vacanena vikabhisaṅkhyāpekkhinopī vācakā santīti gamyate. Layati gacchati, sattānaṃ jīvitam lunanto vā ayati gacchatīti **layo**. Dasa layā khaṇalayo nāma, khaṇalayānaṃ samūhabhāvato. Te dasa khaṇalayā muhutto nāma **siyā** siyuṃ vā, ayamanitthī. **Huccha** koṭīlye, kuṭīlayati rattidivase subhāsubhadassanatoti **muhutto**, to, dhātuyādimhi **mukārāgamo**, **cchalopo** ca. Te dasa muhuttā khaṇamuhutto nāma.

Tikaṃ dine. Dibbanti kīlāntyasmim **divaso**, so. Na jahāti paccāgamaṇaṃ **ahaṃ**. Ādadāti nibyāpāranti **dinaṃ**, ino, ālopo ca, dibbati vā etthāti **dinaṃ**, vassa **no**. Ghasaro [**ghasati andhakāraṃ ro (cintāmaṇīṭikā)**], vāsarotipi dinassa nāmāni.

**68. Kallantaṃ paccūse.** Pabhātyasmim lokoti **pabhātaṃ**. Tathā **vibhātaṃ**. **Usa** rujāyaṃ, paccūsati vināseti timiranti **paccūso**. Kalyante saṅkhyāyante anena saṅkhyādayoti **kallaṃ**. Ahomukhaṃ, ūsotipi paccūsassa nāmāni.

Dvayaṃ padose. Dosāya rattiyā ārambho **abhidoso**. Dosāya rattiyā pārambho **padoso**. Abhidhānato **pāsaddassa** pubbanipāto, appadhānarasso ca, atha vā abhidussanti padussanti ca yattha sabbakammāni abhidoso padoso ca.

Tikaṃ sāyanhe. Sāyati dinaṃ avasāyatīti **sāyo**, sāyanto vā dinantaṃ karonto ayatīti **sāyo**, punnapuṃsake. Sammājhāyanti taṃ **sañjhā**, (“brahmuno tanu pitā lokassa janettī”ti hi āgamo nikāyantarikānaṃ.) [**( ) etthantare pātho adhiko viya dissati**] Dinānaṃ accayo atikkamo, avasānaṃ vā **dinaccayo**. Dinantotipi tasseva nāmaṃ.

Pubbaṅhāparaṅhamajjhanhavasena tividhā sañjhā [**amara 4.3**]. Pubbaṅca taṃ ahañcāti **pubbaṅhaṃ**. Aparāṅca taṃ majjhaṅca taṃ ahañceti **aparaṅhaṃ majjhanhaṃ**. Sabbatrāvayave samudāyopacārato ahassekadese **ahasaddoti** kammadhārayo, tāsam tissannaṃ sañjhānaṃ samāhāroti sañjhamityuccate. Samāharaṇaṃ samāhāro, ekībhāvo, so ca bhinnakālānaṃ na bhavatīti buddhiyā samakālaggahaṇato ekakālattā tasmim abhidheyye digusamāso, tathā hi samāhāro samūho taṃsambandhe chaṭṭhiyāyeva bhavitabbanti cintento ācariyo na aññapadatthasamāso ayanti **ākārassāppadhāne** rassattanti sañjhaṃ. Samāhāro bhāvo tassekattā ekavacanaṃ, kammavacane tu samāhāre tisso sañjhā samāhaṭāti paṭhamantānaṃ samāse sapadatthapādhānyā bahuvacanaṃ, rassābhāvo ca.

**69. Pañcakaṃ rattiyaṃ.** Nisati taṇuṃ karoti sabbabyāpāraṃ **nisā**. Rajjanti rāgino atra **rajanī**, yu, ī. Rāti gaṇhāti abyāpāranti **ratti**,ti, rajjanti vā ettha **ratti**. Paṭhamamajjhimapacchimayāmasena tayo yāmā pahārā yassā **tiyāmā**. Saṃvuṇoti dinaṃ **saṃvarī**. Nisīthinī, khaṇadā, khaṇā, vibhāvarī, tamassinī, yāminī, tamīccādīnipi rattiyā nāmāni.

**Candikāyuttā** candappabhāya yuttā ratti juṅhā nāma, juṅhāyogato **juṅhā**. Tamo ussanno yassaṃ sā **tamussannā** ratti **timisikā** nāma, timisaṃ ussannaṃ etthāti **timisikā**, upadhāya ittaṅca.

**70. Tikaṃ aḍḍharattiyaṃ.** Majjhimāratti kammabhūtā “nisītho, aḍḍharatto, mahānisā”ti ca vuccati. Nissate sayate asmim **nisītho**. Aḍḍhaṅca taṃ ratti cāti **aḍḍharatto**, rattekadese **rattisaddo**, rattiyā aḍḍhanti vā **aḍḍharatto**. Mahatī ca sā nisā cāti **mahānisā**.

Catukkaṃ andhakāre. Andhaṃ hataṃ diṭṭhasattikaṃ lokaṃ karotīti **andhakāro**. Tamatīti **tamo**, atha vā tamanti ākaṅkhanti ratim lokā ettha **tamo**, **tamu** ākaṅkhāyaṃ, **tamasaddo** anitthī, taṃsahacaraṇato andhakāropi. Timisaṃ iso, atha vā **timu** temane, timanti ettha rāgenāti **timisaṃ**. **Timiraṃ**, pubbeva **irapaccayo**.

**71. Catuddasannaṃ rattīnaṃ pūraṇī** catuddasīsāṅkhāto kāḷapakkho ca ekagghano vanasaṅḍo ca

meghapāṭalañca aḍḍharatti ca etehi catūhi samannāgato tamo caturaṅgatamaṃ nāma.

72. Andhañca taṃ tamañcāti **andhatamaṃ**, yaṃ lokaṃ andhakāraṃ karoti. Ayaṃ **andhatamasaddo ghanatame** bālhatame vattati.

Dvayaṃ pahāre. Paharīyate bheriyādi atrāti **pahāro**, pume saññāyaṃ apaccayo. **Yā** pāpuṇe mo, upayameti vā aho ratti cānena **yāmo, yamito ṇo**. Pahāro eva yāmo iti saññito **yāmasaññito**.

Dutiyā tithi pāṭipado nāma. Paṭipajjate cando khayam, udayam vā yassam **pāṭipado**. Tatiyādī tithiyeva, na pāṭipado. Tanotīti **tithi**, atha vā **tā** pālāne ithi. **Tithisaddo** dvīsu.

73. Dvayaṃ pannarasiyaṃ, pannarasannaṃ tithīnaṃ pūraṇī **pannarasi, paṇṇarasī**tipi pāṭho atthi. Dvayaṃ puṇṇamāyaṃ tithiyaṃ. Miyyate tithīnaṃ khayō vuḍḍhi cānena māso, cando, puṇṇo ca so māso cāti puṇṇamāso, tassāyaṃ tithi, puṇṇamāso yassamatthīti vā **puṇṇamāsī**. Puṇṇo mā cando yattha, puṇṇamassāyaṃ vā tithi **puṇṇamā**, “puṇṇimā”ti pāṭhe pana sati candassa puṇṇabhāvo puṇṇo, tena nibbattā bhāvapaccayantā tena nibbatte imo dissati, lokāsayattā liṅgassa itthiliṅgattaṃ, sā puṇṇamā ekakālāhīne cande sati anumati nāma, anumaññante anugacchante devatāpitūhi saha yassam sā **anumati**. Puṇṇe pana cande sā puṇṇamā rākā nāma, rāti dassanāvākāsaṃ **rākā**, ko [kalāhīne sā’numati puṇṇe rākā nisākare (amara 4.8)].

**Aparā** kālāpakkkhasambhūtāpannarasī pana amāvasī, amāvāsītipi uccate. Amā saha vasanti ravicaṇḍā yassam **amāvasī, amāvāsī** ca dīghaṃ katvā, **amāsaddo** sahattho abyayaṃ. Dasso [dassalā (ka.), dissante ravicaṇḍā atra, “gaṇakehī”ti gha (cintāmaṇiṭikā)], sūriyindusaṅgamoti tassāyeva nāmāni.

74. Saṭṭhighaṭikāhi lakkhito kālo ahoratto nāma. Ghaṭenti ahorattiyoti **ghaṭikā**. Aho ca ratti ca **ahoratto**, pume. Adiguttepi ahorattanti napuṃsakepi. **Te** pañcadasa ahorattā pakkho nāma. Pacanti pariṇamanti bhūtānyaneti **pakkho**. Pabbāparabhūtā **te** ca pakkhā yathākkamaṃ **sukkakālā** sukkaṃpakkkhākālapakkhā nāma. **Jotisatthakkamena** sukkaṃpakkkho pubbasaññito, kaṇhapakkho aparasaññito. Tato eva māsavisesse loke sakaparapakkkhoti [lokepyaparapakkkhoti (ka.)] rūlhi. **Suca** soke, **sukko**, socanti ettha andhakārābhilāsīnoti katvā, sūceti pakāsetīti vā **sukko**. Kirati sukkanti kāro, ṇo, sova **kālo**, kena vā jotinā arati ettha kāro, sova **kālo**. **Te duve** sukkakālapakkhā samuditā **māso** nāma. **Masi** parimāṇe, kammaniṇo.

75-76. Sāddhapajjena dvādasamāsānaṃ nāmāni. Cittāya paripuṇṇenduyuttāya yutto, upalakkhito vā māso **citto**, saṃyogantattā na vuddhi, evaṃ sabbatra. Paripuṇṇenduyuttatamaṃnakkhattanāmavasena dvādasannaṃ māsānaṃ nāmāni veditabbāni. Cittamāsādayo phaggunamāsapariyantā dvādasā koṭṭhāsā kamena māsāti ñeyyā. Pasatthatamattā jeṭṭhā, taṃyogā **jeṭṭho**. Asayho ravi atreti **āsālho**. **Yassa lo**, savantyaṣmiṃ **sāvaṇo**, yu. Phalantyaatra **phagguno**, yu, **lassa go**, **assa u**. Kattikamāso pacchimakkattiko nāma. Assayujamāso pubbakattiko nāma.

77. Dvayaṃ sāvaṇamāse. Antovīthito bahi nikkhamati sūriyo ettha, adhikaraṇe anīyo. Dvayaṃ cittamāse. Nānāpupphaphalavicittatāya lokānaṃ rammaṃ karoti, ramanti vā etthāti **rammako**.

78. **Kattikakālapakkhato** pacchimakkattikato paṭṭhāya caturō caturō māsā **kamā** kamato hemantagimhānavassānasaññitā utuyo nāma honti. Himāni ettha santi hemo, so eva **hemanto**, “suttanto vananto”ti yathā, hinoti vā hāniṃ gacchati sabbametthāti **hemanto**, antapaccayo, **māgamo** ca. Girati pīlayatīti **gimhāno**, māno, **rassa ho**, vaṇṇavipariyayo ca. Vassati ettha **vassāno**yu. **Utuyo dvīsūti** paccāsatiyā **utusaddo** eva dvīsu, na **hemantādayo**, **amarakose** pana **utusaddo** pume vutto [amara 4.20].

79. Aññathāpi utubhedam dassetuṃ ariyasāmaññamāha “**hemanto**”iccādi. **Vā** atha vā **vuttānusārena** ututtayapabhede vuttavacanassānusārena. Idam pana “kattikakālapakkhato”ti

vacanaṃ sandhāya vuttaṃ, tasmā kattikakāḷapakkhato pabhuti dve dve māsā **kaṃā** kamato hemanto, sisiro, vasanto, gimho, vassāno, sarado utūti cha **utū** bhavanti, punappunaṃ etīti katvā, tu, issa **u**. Sisiraṃ sīlalaṃ, taṃyogā **sisiraṃ**, vāvidhānato na vuddhi, **makāro** padasandhikaro. **Vasa** kantiyāṃ. Vasiyateti **vasanto**. Pupphadhanuttā [**pupphavantattā (ka.)**] vā vasati kāmo ettha **vasanto**. Sarati pīlayati asminti **sarado**, tassa **do**. Sā sunakhā ramanti etthāti vā **sarado**, massa **do**.

**80-81.** Tikaṃ gimhe. Usati dahatīti **uṇho**, ṇho, **salopo** ca. Nidahante yasminti **nidāgho**, **hassa gho**. Girati pīlayatīti **gimho**, mo, rassa **ho**, vaṇṇavipariyayo ca. Tikaṃ vassānotumhi. Vassati pavassati etthāti **vasso**, **vassāno**, **pāvuso** ca. Assa **u**, saṃyogalopo ca.

Vassānādikehi tīhi utūhi **dakkhiṇāyanaṃ** sūriyassa dakkhiṇadisāgamaṃ bhavati, aññehi **tīhi** sisiravasantaḡimhehi **uttarāyanaṃ** uttaradisāgamaṃ bhavati. **I** gatiyaṃ, bhāve yu, ayaṃ. Pussasaṅkantiṃrabbha āsāḷhaṃ yāva ādicassa uttarā gati **uttarāyanaṃ**. Āsāḷhasaṅkantiṃrabbha pussaṃ yāva dakkhiṇā gati **dakkhiṇāyanaṃ**. **Vassoyanadvayanti** idaṃ ayanadvayaṃ sampiṇḍitaṃ vasso nāma. Vassanti etthāti **vasso**, vassakālena vā upalakkhito **vasso**, “citto, cakkhudasaka”nti yathā.

Pajjaddhaṃ vasse. Saṃvasati ettha **saṃvaccharo**, charo, **sassa co**, “vaccharo”tipi tasseva nāmaṃ. Natthi itthilingattametesu **anittī**. Paccāsatiyā **saradopi** taṃpaccāsatiyā **hāyano**pi. Saradakālena lakkhito **sarado**, yathā “sotadasakaṃ, vesākho”ti. Jahāti bhāveti **hāyano**, padatthe vā jahanto ayatīti **hāyano**. Samayati vikalayati bhāveti **samā**, **sama** vekalye. “Samā vasse thīḷiṅgo tu, samaṃ sabbasamānesū”ti **ruddo**.

Sabbasattānaṃ sabbapārisadattā [**sabbapaṭipadattā (ka.)**] sabbavohārakusalatthaṃ kālādhikārattā parasamaye kathitaṃ devānaṃ vassappamāṇampi idhāharitvā dīpetabbaṃ. Tathā hi manussānaṃ māsenā pitūnaṃ ahoratto, evaṃ manussānaṃ vassena devānaṃ ahoratto, tatrottarāyanaṃ devānaṃ dinaṃ, ratti pana dakkhiṇāyanaṃ, devatānaṃ saṭṭhyādhikāhorattisatattayena vassena dvādasavassasahassāni devānaṃ yugaṃ. Tena vuttaṃ –

“Esā dvādasasahassī, yugākhyā parikittitā;  
Etaṃ sahasagūṇitaṃ, aho brahmamudāhaṭa”nti [**“vedadīpakaganthe”ti nissaye**].

Taṅca narānaṃ catuyugaṃ dibbasahassadvayena brahmuno dve diveti. Kata, tetā, dvāpara, kalivasena catuyugaṃ. Tatra **katayugassa** manussasaṅkhyāya pamāṇaṃ aṭṭhavīsatisahassādhikāni sattarasavassalakkhāni, **tetāya** channavutisahasādhikāni dvādasavassalakkhāni, **dvāparassa** catusaṭṭhisahasādhikāni aṭṭhavassalakkhāni, **kalissa** bāttiṃsasahasādhikāni cattāri vassalakkhāni. Vuttaṅca –

“Suññaṃ suññaṃ khaṃ nāgā, karamunisasino;  
Māna’ mādo yugassa, tetāya khaṃkhaṃsuññaṃ.

Rasanasūriyā, vassasaṅkhyā pasiddhā;  
Suññaṃ suññaṃ khaṃ vedā, rasabhujagamiti.

Dvāpare vassasaṅkhyā, suññākāsaṃkhaṃnetta-;  
Guṇajalanidhaya, vassasaṅkhyā kalisse”ti.

Piṇḍo cesa vīsativassasahasādhikāni tecattālīsavassalakkhāni. Vuttaṅca “khākāsasuññaṃbaradantasāgarā catuyugānaṃ parimāṇasaṅgaho”ti. Brahmuno ahorattena narānaṃ dve kappā.

Tatra aṭṭha nāgā, dve karā, satta munayo, eko sasī, cha rasā, dvādasa sūriyā, cattāro vedā jalanidhaya ca. Dve nettāni, tayo guṇā, bāttiṃsa dantā, saṅkhyāya pasiddhehetehi saṅkhyā gahetabbā. **Khākāsambarasaddā** suññaṃpariyāyā. Suññaṅca gaṇite bindunā saṅgahitaṃ.

Sabbañcetam paṭiyugam paṭilomena patthāraye. Tatra katayugassa patthāro yathā – 1728000. Tetāya yathā – 1296000. Dvāparassa yathā – 864000. Kalissa yathā – 432000. Catuyugapiṇḍassa ca yathā – 4320000. Yugānam paṭipatthārañca piṇḍassa ca yathākkamam antimam bindumādāya paṭilomena gaṇaye. Tam yathā –

“Ekam dasa satañceva, sahassa’ mayutam tathā;  
Lakkhañca niyutañceva, kamā dasaguṇottara’nti.

Tatra dasasahassāni ayutam. Dasalakkhāni niyutam. Tañca kalidvāparesu natthīti lakkhapariyantameva tatra gaṇaye, tadevam yugānam, tampiṇḍassa ca aṅkato pubbvuttā vassasāṅkhyā saññātā bhavātīti.

Tatra brahmuno dinam narānam udayakappo, ratti pana khayakappo. Ekasmiñca brahmadine manusaññitā catuddasa brahmasutā bhavanti. Tatrekassa manvantarassa ekasattatidibbayugāni pamāṇam, tañca mānusaṃ catuddasabhi uttaram [caturāsītiuttaram (?)] yugasatadvayam. Tadevam catuddasabhi manvantarehi catunavutyuttarāni navadibbayugasatāni bhavanti. Mānusaṃ tu catuvīsatiyugasahassacatukkaṃ. Esañca [chasattatyādhikanavatiṃsayugasatam (?)] manvantarānam aṭṭhavīsasahassādhikasattarasamānusaṃvassalakkhasāṅkhyā vā katayugappamāṇakā pañca sandhayo bhavanti. Tena vuttam **sūriyasiddhante** [1.18-19] –

“Yugānam sattati sekā, manvantara’ miho’ccate;  
Katassa saṅkhyā tassante, sandhi vutto jalaplavo.

Sasandhayo te manavo, kappe ñeyyā catuddasa;  
Katappamāṇā kappādo, sandhī pañcadasaṭṭhitā’nti.

Katayugassa ca pādena kalino pamāṇam, pādadvayena dvāparassa, pādattayena tetāya. Catuyugañcetam cakkamiva bhamatīti pañcadasahi sandhīhi narānam yugāni catuvīsati bhavanti. Devānam tu yugacakkaṃ. Etāni ca sasandhicatuddasamanvantarānyekatopi piṇḍitāni devānam yugasahassam bhavati, narānam catuyugasahassam, tañca brahmuno dinamekam. Añño manu asmiṃ **manvantaram**, brahmasutā eva manavo.

**82.** Pañcakam khayakappe. Kappate jagatī vinassateti kappo. Khayanti ettha khayō. Kappo ca khayō cāti **kappakkhayā**. Saṃvattate uparamate, vinassate vā jagatī asminti **saṃvaṭṭo**. Catuyugānamante jāto **yuganto**. Palīyate khīyate yattha lokoti **palayo**, pume, saññāyam ṇo. Keci panettha “kappakkhayō tū”ti pāṭham vatvā dvinamekābhīdhānattam kappenti, tam **amarakosena** ca **taṭṭikāya** ca na sameti. Vuttañhi tattha “saṃvaṭṭo, palayo, kappo, khayō, kappantamiccapī”ti [amara 4.22] ca “pañcakam khayakappe”ti ca.

Dvayam kāḷakaṇṇiyam. Ninditabbattā na lakkhīyateti **alakkhī**. Attano nissayam kāḷavaṇṇasadisam karoti appakāsakattāti **kāḷakaṇṇī**, **karato** ṇo, rassa **ṇo**, ī ca. Dvayam siriyaṃ. Pasamsitabbattā lakkhīyateti **lakkhī**. Katapuññehi sevīyate, te vā sevātīti **sirī**, ro, ī ca.

**83.** Dvayam dānavānam mātari. **Dā** avakhaṇḍane, dāyatīti **danu**. Dvayam devānam mātari. **Ditīti** asurānameva vemātikā mātā, tassā paṭipakkhabhāvena **aditī**.

**84.** Āguntam pāpe. Pānti rakkhanti attānamasmāti **pāpam**, **pakāraṇṇāgamo**, duggatiṃ pāpanato vā **pāpam**. Kilyate sithilī kariyyate yeneṭi **kibbisam**, **lassa vo**, iso ca, karoti anīṭṭhaphalanti vā **kibbisam**, **ibbiso**. Virūpena gacchatīti **veram**. Na hanti dhaññanti **agham**, **hanassa gho**, sādhuhi agantabbattā vā **agham**, **hana** gatiyaṃ. Kucchitam caritam **duccaritam**. Du ninditam karaṇamassa **dukkaṭam**. Na punātīti **apuññam**. Kusalānam paṭipakkham **akusalam**. Kam sukham hanatīti **kaṇham**, vaṇṇavipariyayo. Kalyate anena **kalusam**, uso, kam vā sukham lunanto seṭṭi **kalusam**. Du ninditam itam gamanamassa **duritam**. Agantabbam gacchati etenāti **āgu**, ā piḷayaṃ gacchatīti vā **āgu**, “ā tu kodhamudāṭṭisū”ti hi **ekakkharakose** vuttam.

**85-86.** Chakkaṃ dhamme. Kucchitenākārena santāne sentīti kusā, rāgādayo, te lunāti chindatīti **kusalaṃ**. Sukhaṃ karoti, sobhanaṃ vā karaṇamassa **sukataṃ**. Sukhaṃ karotīti **sukkaṃ**. Punātīti **puññaṃ**. Dharati sabbanti **dhammaṃ**. Apare panidaṃ “puññadhamma” mityekapadaṃ vadanti, taṃ **amarakosena** [amara 4.24] virujjhanato na gahetabbaṃ. Sundaraṃ caraṇamassa **sucaritaṃ**.

Tikaṃ diṭṭhadhammike. Diṭṭhadhammo nāma paccakkho attabhāvo, tattha nibbattaṃ **diṭṭhadhammikaṃ**. Ihaloke jātaṃ **ihalokikaṃ**. Sandiṭṭhe paccakkhe attabhāve jātaṃ **sandiṭṭhikaṃ**. Dvayaṃ samparāyike. Taṃ vacanattathato suviññeyyaṃ.

Dvayaṃ takkāle. Tasmimyeva kāle jātaṃ, nāsannakālādīsūti **takkālaṃ**. Tadā tasmimyeva kāle jātaṃ **tadātvam**, tvam, **tadāttantipi** pātho. Dvayaṃ āyatikāle. **Uttarakālo** pacchimo kālo. Āgamissatīti **āyati**, āpubbo i gatimhi. Ettha ca yaṃ imasmiṃ attabhāve dūramāsannaṃ vā, taṃ diṭṭhadhammikaṃ. Yaṃ pana imasmiṃ attabhāve vā samparāye vā dūratarāṃ, taṃ **āyati**.

**87-88. Pamodantaṃ pāmojje.** Hasati yenāti **hāso**. Attā mano yassa attamano. Duṭṭhassa hi mano attā nāma na hoti, tassa bhāvo **attamanatā**, pāmojjaṃ. Pīṇeti tappetīti **pīti**. Vindati sukhaṃ etāyāti **vitti**. Tussanti etāyāti **tuṭṭhi**, taṃsahacaraṇato **vitti**, taṃsahacaraṇato **pīti** ca nāriyaṃ, **attamanatā** pana niddesato rūpabhedo. Ā bhuso nandayatīti **ānando**. **Muda** hāse, **pamudo**, **āmodopi**. Santussanaṃ **santoso**. Nandanāṃ **nandi**. **Sammado sammadāpi** [sammudo, sammadopi (?)], ukārassa **a**. Pamoditassa puggalassa, cittassa vā bhāvo **pāmojjaṃ**.

Tikaṃ sukhe. Suṭṭhu khaṇatīti **sukhaṃ**, kvi. Sādīyati assādīyatīti **sātaṃ**. Phassati sinehatīti **phāsu**, phusati vā bādhati dukkhanti **phāsu**. Sattakaṃ kalyāṇe. **Bhadi** kalyāṇe, bhaddatīti **bhaddaṃ**. Pasatthatarattā **seyyo**. Sobhatīti **sobhaṃ**. **Khī** khaye, khepeti asukhaṃ **khemāṃ**, mo. Kalyaṃ nirogaṃ aṇati gacchati, kalyaṃ vā hitaṃ aṇayati pāpayatīti **kalyāṇaṃ**, kammani ṇo [kammani upapade ṇapaccayoti adhippāyo]. **Maṅga** gatyattho, maṅgati dhaññaṃ **maṅgalaṃ**, alo. Sameti dukkhanti **sivāṃ**, vo.

**89.** Chakkaṃ dukkhe. Dukkaraṃ khamanamettha **dukkhaṃ**. **Kasa** gamane, kasati apuññanti **kasiraṃ**, iro, kucchitenākārena setīti vā **kasiraṃ**. **Kira** vikkhipane, kirati sukhami **kiiccaṃ**, katā vā puññakaraṇicchā yenāti **kiiccaṃ**, “dukkhūpanisā saddhā” ti hi vuttaṃ. Natthi adhigamanatthaṃ iṭhā etthāti **nīgho**, **hassa gho**, atha vā nihantya puññaṃ hiṃsati gacchatīti vā **nīgho**, puññaṃ vā na hanti na gacchatīti **nīgho**. Virūpamasati yenāti **byasanaṃ**, visiṭṭhaṃ vā asati khepetīti **byasanaṃ**. Na hanti dhaññanti **aghaṃ**. Ete pāpādayo guṇe yathāvuttalingā. **Pāpapuññāni sukhādi** ca **ākiiccaṃ kiicchantaṃ** guṇayogato **dabbe** visesye vattamānāni tīsu. Yathā –

Pāpā utumatī kaññā, pāpo rājāpyarakkhako;  
Pāpaṃ byādhakulaṃ hiṃsaṃ, pāpo vip̄po ca sevako;  
Puññaṃ titthamidaṃ puññā, nadī puñño’ya’massamo.

Sukhaṃ kāmikulaṃ dabbaṃ [sabbaṃ (?)], sukho vāso sahā’mbayā [sahānvayo (ka.)];  
Sukhā yuvati’ricchantī, sukhā ve maghavaggahā [sukhā yuvatikā gahā (ka.)].

Yadā tu sakatthappadhānaṃ sukhādikameva visesyattena vattumicchate, na tu dabbaṃ (pubbamiva visesanaṃ,) [( ) cintāmaṇiṭṭikāyaṃ na dissati] tadā rūpabhedottameva liṅgaṃ. Yathā –

“Dāliddepi [valittepi (ka.)] dhanittepi, vaso pariṇāno sukhaṃ;  
Sukhaṃ sajjanavāso ca, sukhaṃ santi anuttarā” ti.

Nanu “dukkaṭoyaṃ byāpāro, sukataṃ kammaṃ, kalusoyaṃ me byāpāro” ti aññesampi tīsu vutti attheveti kiṃ pāpapuññānameva gahaṇaṃ bhavatīti? Vuccate – “duṭṭhu kato dukkaṭo, suṭṭhu kataṃ sukata” miccevaṃ kriyānibandhanāpi tīsu vutti sambhavati, nāvassaṃ guṇanibandhanā eva. Kalusassapi yadā siṭṭhapayogesu visesyavutti tilingatā upalabbhate, tadā pāpaggahaṇa’ matthappadhānaṃ byākhyātabbaṃ.

**90.** Pañcakaṃ subhāsubhakammamate. Itthāniṭṭhavipākabhāgo yattha atthīti **bhāgyaṃ**.

Subhāsubhaphalaṃ netīti **niyati**,ti. Subhāsubhaphalaṃ bhājetīti **bhāgo**.

Itthāniṭṭhavibhāgabhāgodhīyati etthāti **bhāgadheyyaṃ**. Subhāsubhaphalaṃ vidadhātīti **vidhi**. Ayo, subhāvaho, devaṃ, diṭṭhaṃiccādīnīpi subhāsubhakammamattassa nāmāni. Pañcakaṃ jātiyaṃ.

Uppajjanaṃ **uppatti**, nippajjanaṃ **nibbatti**, **pada** gatiyaṃ, **nipubbo**,ti, **passa bo**. Jananaṃ **jāti**.

Janīyate **jananaṃ**. Uddhaṃ bhavanaṃ **ubbhavo**.

**91.** Pajjaṃ hetumhi. Attano phalaṃ niminātīti **nimittaṃ**, **mā** parimāṇe, **nipubbo**. Karoti

phalanti **kāraṇaṃ**. Tiṭṭhati phalametthāti **thānaṃ**. Pajjati nipajjati phalametenāti **padam**, visesena jāyateti **bijaṃ**, rassassa dīghatā. Nissesena attano phalaṃ bandhati pavattetīti **nibandhanaṃ**.

Nidīyate nicchīyate aneneti **nidānaṃ**, yu, nidadāti phalanti vā **nidānaṃ**. Pabhavati phalametasmāti **pabhavo**, hinoti gacchati pariṇamati kāriyarūpatanti **hetu**, tu, hinoti vā patiṭṭhāti phalametthāti **hetu**, **hi** patiṭṭhāyaṃ. Sambhavati yena phalanti **sambhavo**. Sinoti phalaṃ bandhatīti **setu**. Paṭicca phalametasmā etīti **paccayo**.

**92.** Yaṃ kāraṇaṃ **samāsannaṃ** āsannataraṃ phalena, taṃ padaṭṭhānanti mataṃ. Padānaṃ

hetūnaṃ thānaṃ **padaṭṭhānaṃ**, yathā “rājarājā”ti. Tividhaṃ kāraṇaṃ upādānakāraṇaṃ

sahakārīkāraṇaṃ kāraṇakāraṇanti. Yathā bījaṃ aṅkurassa upādānakāraṇasaṅkhātaṃ padaṭṭhānaṃ,

bhūmijalādi sahakārīkāraṇaṃ, “kammaṃsa [kampaṃsa (?)] kāraṇaṃ jaro, tassa kāraṇaṃ kapho”ti kapho kāraṇakāraṇaṃ kammaṃsa [kampaṃsa (?)].

Tikaṃ sarīrādhipatideve. Jīvanti sattā yenāti **jīvo**. Pūreti nissayassābhilāsanti **puriso**, iso. Atanti

satataṃ gacchanti sattā yenāti **attā**. Dvayaṃ sattarajotamosāmyāvattthāyaṃ. Padhīyante palīyante

atra guṇā sattarajotamo rūpāti **padhānaṃ**, yu. Pakaroti purisopabhogattamaṃ saddādikāriyanti

**pakati**,ti. Moharāgadosānaṃ yathāsāṅkhyāṃ sattarajotamānīti saññā. Sato bhāvo **sattaṃ**, thitiparatā.

Rajjantyaatrāti **rajo**, satthiparatā. Tamantyaatrāti **tamo**, palayaparatā.

**93.** Pajjena pāṇino nāmāni. Paṇanti jīvanti sattā yenāti **pāṇo**, so yassatthi, so **pāṇo**.

Sarīrasāṅkhāto kāyo yassatthi, so **sarīri**. Kammena bhavatīti **bhūtaṃ**, napuṃsake, pumevāti

**vāsaddattho**. Rūpādīsu sañjātīti **satto**, nicchandarāgāpi rūlhiyā sattāti vuccanti. Deho kāyo yassatthīti

**dehī**. Pūretīti pūti, pūtisaṅkhātaṃ āhāraṃ gilati adatīti **puggalo**, tissa lopo, sattānaṃ āyumaṃ pūrento

gacchatīti puggo, taṃ lāti bhakkhatīti **puggalo**. Jīvanti yenāti jīvaṃ, tamassatthīti **jīvo**.

Yathāvuttattho pāṇo yassatthīti **pāṇī**. Pakārena jātatā **pajā**. Jāyatīti **jantu**, tu. Kusalākusalaṃ janetīti

**jano**. Lujjatīti **loko**, **luja** vināse, **jassa ko**. Yathā purimakā sattā jātijarāmarāṇaṃ gacchanti, tathā

ayampi gacchatīti **tathāgato**.

**94.** Rūpādayo cha cakkhādigayhā dhammā “gocarā”ti “ālambā”ti “visayā”ti

“ārammaṇāni”ti “ālambaṇāni”ti ca vuccante. Rūpayati pakāseti attano sabhāvanti **rūpaṃ**. Sappati

uccāriyatīti **saddo**, **sappa** gatiyaṃ vā, sappate nīyate yenetī **saddo**. **Gandha** addane, addanaṃ

hiṃsanaṃ, yācanaṅca, hiṃsate abhilaṣīyate vā **gandho**, gandheti vā attano vatthumaṃ sūceti pakāseti

“īdamettha atthī”ti pesuññaṃ karonto viya hotīti **gandho**. Rasanti taṃ sattā assādentīti **raso**.

Phusīyatīti **phasso**. Gāvo indriyāni carantyesu **gocarā**. Cittacetāsikehi ālambīyanteti **ālambā**. **Si**

bandhane vipubbo, visinonti vibandhanti indriyānīti **visayā**. Āgantvā cittacetāsikā ramanti etthāti

**ārammaṇāni**, yu. Ete **indriyatthā**tipyuccante, indriyehi atthyante abhilaṣīyanteti katvā.

**95.** Pajjaddhaṃ sukke. **Suca** soke, socanti etena tadatthikāti **sukko**, a. **Gu** sadde, guyate

kittīyateti **goro**, ro. **Si** sevāyaṃ, sevīyateti **sito**, sinoti vā bandhati cittanti **sito**. Avadāyati

sabbavaṇṇeti **odāto**. **Dā** avakhaṇḍane **avapubbo**. Dhāvati sujhatyaneneti **dhavalo**, alo. **Sita** vaṇṇe,

ṇo, **seto**. Paḍi gatiyaṃ, paṇḍati pakāsetīti **paṇḍaro**, aro. Suci, visado, ajjunotipi sukkanāmāni.

Chakkaṃ ratte. **Soṇa** vaṇṇe, ṇo, rattuppalavaṇṇo, **ruha** janane, ito, **latte lohito**. Rañjantyaneneti

**ratto**, **ranja** raṅge. Tambo udumbarasaṅkhāto lohaviseso, tabbaṇṇatāya **tambo**. Mañjetthā nāma

rattavallī, yāya hatthidantādivikatiyo rattā bhavanti, tabbaṇṇatāya **mañjettho**. **Rohito** lohitasamo,

**alattameva** viseso.

**96. Sāmalantaṃ kaṇhe. Nīla** vaṇṇe, a. Kassateti **kaṇho, kasa** vilekhane, ṇho. Na sito **asito**. Vaṇṇesu ekakoṭṭhāsabhāvena kalyateti kālo, so eva **kālo. Maca, maci** kakkane, kakkanaṃ pisaṇaṃ, setādikaṃ macatīti **mecako**, ṇvu, assettaṃ. **Sā** tanukaraṇe, sāyati tanukarīyati paṭipakkhavaṇṇehīti **sāmo. Sāmalo** sāmasadiso, **malapaccayo**va viseso.

**Paṇḍusaddo** sitapīte utto, sitapītasammissitavaṇṇe **paṇḍusaddo** vuttotyatto. Vuttañca “sitapītasamāyutto, paṇḍuvaṇṇo pakittito”ti [[cintāmaṇiṭṭikā 5.13](#)]. Paṇḍati ekagaṇanaṃ gacchatīti **paṇḍu, paḍi** gatiyaṃ, u. Hariṇo, paṇḍurotipi paṇḍuvaṇṇanāmāni. **Īsaṃpaṇḍu** abyattapaṇḍuvaṇṇo **dhūsaro** nāma, yathā dhūlivaṇṇo. **Dhūsa** kantikaraṇe, curādi, aro.

**97. Kiñciratto** abyattarattavaṇṇo **aruṇo** nāma, yathā macchassa cakkhu [[yathā madamattassa cakkhurāgo \(cintāmaṇiṭṭikā 5.15\)](#)], sūriyādo taruṇo vutto.

**Setalohito** setarattamisso vaṇṇo pāṭalo nāma, yathā pāṭalakusumaṃ. Pāṭayateti **pāṭalo**, alo, **paṭa** vibhājane.

Dvikaṃ pīte. **Pā** pāne, kammani to, ittañca. Haliddiyā iva ābhā yassa **halidyābho**.

Tikaṃ tiṇapattādigate vaṇṇe. **Lasa** kantiyaṃ, atisayena lasyateti **palāso**. “Pālāso”ti pāṭhe tu rassassa dīghatā. **Hara** haraṇe, manaṃ haratīti **harito**, ito. I, **hari**.

**98. Nīlapītasammissavaṇṇe** kaḷāro, kapilo ca vattanti. **Kala** saṅkhyāne. Aro, lassa **lo, kaḷāro. Kaba** vaṇṇe, ilo, **bassa po, kapilo**.

**Rocanappabhe** gorocanasadisappabhāyaṃ piṅgo, pisaṅgo ca vattanti. **Pabhāsaddassa** dvilingattameva. **Piji** bhāsattho, **piṅgo**. Paratra **sakāra**vaṇṇāgamo, **pisaṅgo**.

Kaḷārādīnaṃ catunnaṃ piṅgalavisesatthavācakataṃ dassetvā piṅgalasāmaññatthavācakattampi dassetumāha “**kaḷārādi**”ccādi. Tassāyamattho – na kevalaṃ **kaḷārādayo** piṅgalavisesattheyeva pavattanti, atha kho piṅgalasāmaññatthepi vattantīti. Vuttañhi **amarakose** “kaḷāro kapilo piṅgo, pisaṅgo kaddu piṅgalo”ti [[amara 5.16](#)]. Keci pana **kaḷārādayo pisaṅgapariyantā** cattāro saddā piṅgalaguṇe vattamānā pume vattanti, guṇini pana vāccalingāti evaṃ pacchimena sambandhaṃ katvā vadanti, taṃ **amarakosena** virujjhanato idha ca “sukkādayo”ti sabbesaṃyeva gahaṇato na gahetabbaṃ.

**99. Tikaṃ** sabale kokilakaṇṭhasadise. Kalyateti **kalo, masi** parimāṇe, kammani ṇo, kalo eva māso **kammāso, lassa mo**, kalanaṃ vā kalo, taṃ masatīti **kammāso**, yathā “kumbhakāro”ti. **Saba** gatiyaṃ, sabatīti **sabalo**, alo. Ciyyateti **citto**, ta. **Traṇapaccaye citro**. Kammīro, kabburotipi sabalassa nāmāni.

Kaṇhapītamisse sāvo vutto. **Se** gatimhi, sayatīti **sāvo**, avo. Kapisotipi **sāvassa** nāmaṃ. Kaṇhalohitamisse dhūmābhe pana dhūma, dhūmalā vattanti. Dhūmo viyāti **dhūmo**. Dhūmaṃ lātīti **dhūmalo. Ete sukkādayo sāvantā** yadā abhedopacārā **guṇini** guṇimhi vattanti, tadā vāccalingā, yathā sukko haṃso, sukkā haṃsī, sukkaṃ haṃsakulaṃiccādi yojjaṃ. Yadā **guṇe** guṇamatte vattanti, tadā pume, yathā haṃsassa sukko, mayūrassa citto iccādi yojjaṃ.

**100. Lāsanantaṃ** nacce. **Nata** gattavināme, **pabbajjādittā naccādeso**. Natanaṃ **naccam**, naṭanaṃ vā **naccam**, sabbatra bhāvasādhanam. Natīyate **nattanaṃ**. Lasyate **lāsanam, lasa** kantiyaṃ, lasitabbanti vā **lāsanam**.

Naccam, vāditaṃ, gītaṃ iti idaṃ bhoriyattikaṃ nātyaṃ nāmetyuccate [[amara 7.10](#)]. **Tura** turaṇahiṃsāsu. Turīyanteneneti **tūriyam**, murajādi. Tabbhavo saddo toriyo, ṇo. Tena lakkhitaṃ tikaṃ **toriyattikaṃ**. Naṭassedam **nātyam**. Tatiyassa toriyasāmaññassa tu pāsāṅgā nāṭakā.

**101.** Naccatthānaṃ rājanāṅgaṇādi **raṅgo** nāma siyā “ramantā gacchanti ettha, rajjanti etthā”ti vā katvā. **Sūjhasūcanaṃ** hatthādīhi sūcitabbassa pakāsetabbassa sathappahārādino sūcanaṃ pakāsaṃ **abhinayo** nāma “nayanaṃ nayo, passantānaṃ abhimukhaṃ nayo”ti katvā. Byañjakotipi tasseva nāmaṃ.

Bharatasatthavuttaatthuttarasatakaraṇanipphannathirahatthapariyatthakādināmako dvattim sappakāro [[vitthāro bharatamunikate nātyasatthe catuttha ajjhāye passitabbo](#)] naccaviseso **aṅgavikkhepo, aṅgahāro** nāma “aṅgassa hāro, vikkhepo”ti katvā. Tikāṃ naṭe. Sabbatra kattusādhanāṃ, “naccatīti **naṭṭako**”tyādinā.

**102.** Singārādayo nava rasā **nātyarasā** assādanīyattā. Yathā hi nānābyañjanasaṅkhatamannaṃ bhuñjantā rase assādayanti sumanā purisā hāsaṃva adhigacchanti, tathā nānābhīnayaḥṇāṇīte aṅgasatpete thāyībhāve assādayanti sumanāti [[subodhālaṅkārasa mahāsāmiṭṭikāya 352 gāthāvaṇṇanāyampi](#)].

**103.** Tesu singārasseva sarūpaṃ, pabhedaṅca dassetumāha “**posasse**”ccādi. Nāriyaṃ saṅgamaṃ **paṭicca** kāraṇaṃ katvā **posassa** purisassa yā **pihā** icchā manovikāraviseso **pose** ca purise saṅgamaṃ **paṭicca** kāraṇaṃ katvā itthiyā yā **pihā** icchā manovikāraviseso, eso ratikīlādīnaṃ kāraṇabhūto, ratikīlādīkāraṇasaḥito vā raso **siṅgāro** nāma. Ettha ca itthipurisānaṃ dassanasavanaphusavāsena vā vippayogavasena vā yā pihā sañjātā, so raso nāma. Yaṃ pana taṃ kāraṇaṃ katvā pavattaṃ gītaṃ, tameva lokānaṃ assādanakattā raso nāma. Phalūpacārasena pana pihā rasoti vuttā, sabbatrevaṃ.

**104.** Uttamānaṃ itthipurisānaṃ pakati saṃyogavīyogasabhāvo sā ettha siṅgāre pāyo bahulanti **uttamapakatippāyo**, yebhuyyena uttamānaṃ saṃyogavīyogappavattaṃ gītameva siṅgāro nāmātyattho. Itthipurisānaṃ pihā hetu etassāti **itthipurisahetuko**. So siṅgāro sambhogo, vīyogoti iminā pabhedenā duvidho mato. Tatra ca –

Vāpivanagehuyyāna-mālācandanādayo;  
Sambhogassa vibhāvā te, ye caññe lalitaṅkarā.

Vīyogassa tu piyādassanaṃ vibhāvo, rasajanako ca vibhāvo. Vuttaṅca –

“Jayante ca rasā yena,  
Sa vibhāvo pakittito;  
Tesamevā’nubhāvo’yaṃ,  
Khyāto kavīhi byañjako”ti.

Saha bhuñjanamanubhavanaṃ **sambhogo**. Vīyujjanaṃ nānābhavanaṃ **vīyogo**. **Siṅgaṃ** nāmādhātu, vijjhanaṭṭhena siṅgaṃ, nāgarikabhāvasaṅkhatassa kilesasiṅgassetāṃ nāmaṃ, taṃ karoti, siṅgaṃ vā pabhuttaṃ, taṃ karoti rāgīsūti **siṅgāro**, āro, kilesasiṅgākaraṇaṃ vilāsoti vuttaṃ. Suci, ujjalotipi siṅgārassa nāmāni.

Sokopacayasabhāvo **karuṇo**.

Itthanasāṅganāsāya [[itthanasādhanaṇāpāya \(cintāmaṇiṭṭikā\)](#)],  
Vadhabandhanatālanā;  
Sāpaklesopatāpehi,  
Jāyate karuṇo raso.

Ussāhavaddhano **vīro**. Vibhāvā tassa vinayupatāpabalavikkamā. Sa cāyaṃ dānavīro dhammavīro yuddhavīroti tividho.

Vimhayopacayasabhāvo **abbhuto**.

Pāsāduyyānaseḷādi-gamanā dibbadassanā;  
 Sabhāvīmānamāyenda-jālasippādidassanā [jālavijjādidassanā (ka.)];  
 Hadayecchitalābhehi, vibhāvehissa sambhavo.

Hāsopacayasabhāvo **hāso**.

Sābahitthā savikatā, nepathyā byāṅgadassanā;  
 Asambandhakathālāpā, hāso so kuhakādibhi.

Bhayopacayasabhāvo **bhayānako**.

Uccabheravasamrāva-yakkhapetādidassanā;  
 Suññāgāramahārañña-vadhabandhanadassanā.

Tāsāyāsāṅkatobbego, sivolūkaruṇādibhi;  
 Vibhāvehi ca itthīnaṃ, nīcānañca bhayānako.

Samaṇopacayasabhāvo **santo**.

Dassanā santavesānaṃ, santacittāna tādināṃ;  
 Santakāraṇadhammānaṃ, santo nāma raso bhava.

Jigucchopacayasabhāvo **bībhaccho**.

Pūtimaṃsādikānaṃ tu, dassanasutikittanā;  
 Vīgatehi vibhāvehi, bībhaccho jāyate raso.

Kodhopacayasabhāvo **ruddaṃ**.

Tañca saṅgāmahetukaṃ, uggakammaupaghāta-;  
 Musāvādādīpharusā, vacanādīhi bhavati.

Etesu ca bībhaccharuddāni napuṃsake, añime tu pume rūpabhedā. Ete ca nava nāṭyarasā  
**ratanakosana**yena vuttā. Vuttañhi tatha –

“Siṅgāravīra bībhaccha-rudda hāsa bhayānakā;  
 Karuṇā’bbhuta santāca, nava nāṭyarasā ime”’ti.

**Amarakose** pana –

“Siṅgāravīra karuṇā-bbhuta hāsa bhayānakā;  
 Bībhaccha ruddāti rasā”’ti [amara 7.17].

Aṭṭheva rasā vuttā. Atheha navamo santo raso kasmā na vuttoti? Vuccate –

Hāso rati ca kāruṇānaṃ,  
 Kodhussāhabhayaṃ tathā;  
 Jigucchā vimhayo ceti,  
 Ṭhāyībhāvā pakittitā.

Ṭhāyī eva tu rasībhavatipyāgamo, tasmā pakatiyā aṭṭhasaṅkhyattā aṭṭheva tu te vuttāti na vutto.  
 Santaraso cāyaṃ dhammasiṅgārattā siṅgārarase evānupaviṭṭho. Dhammayuddhakāmattena tividho hi  
 siṅgāro. Keci pana piyasamāgamādivibhāvajaparamaṃ vassalyākhyāṃ rasamāhu.

**Rabhasopyāha** –

“Sīngāra vīra bībhaccha-rudda hāsa bhayānakā;  
Karuṇā’bbhutasantā ca, vassalyañca rasā dase’’ti.

Aññe tu –

“Sīngārānugato hāso,  
Karuṇo ruddakammajo;  
Vīrato abbhuto jāto,  
Bībhacchā ca bhayānako’’ti –

Cattāro rasā iccāhu.

**Bībhacchanti** vadha bandhane, cho, abbhāsikārassa dīgho. **Vassa bho, dhassa co bībhaccho.**  
Ruddo devatā asseti ruddaṃ. Vuttañca –

“Sīngāro haridevohi, hāso pamathadevato;  
Karuṇo yamadevo tu, ruddo ruddādhidevato’’ti [[saddakappaddume rodrapadepi](#)].

Ettha ca kāmakodhahāsādikato cittavikāro **bhāvo** “bhāvayati pakāsayati kavino adhippāya’’nti  
katvā. So ca ṭhāyī byabhicārī sāttiko ceti tividho. Tatra –

Hāso rati ca kāruññaṃ,  
Kodhu’ssāha bhayaṃ tathā;  
Jigucchā vimhayo ceti,  
**Ṭhāyībhāvā** pakittitā.

**Byabhicārī** tu tettiṃsappabhedā. Yathā –

Saṅkā gilāni nibbedo,  
Tathā issā mado samo;  
Ālasyaṃ dīnatā cintā,  
Moho sati matī dhiti.

Cāpalyaṃ hariso pīḷā,  
Āvego jaḷatu’ggatā;  
Suttaṃ vitakko tāso ca,  
Gabbhu’ssukko visādatā.

Niddā’bahitthā’marisā,  
Maraṇaṃ byādhireva ca;  
Apamāro ca ummādo,  
Vibodho tiṃsa tuttarā.

**Sāttiko** aṭṭhavidho. Yathā –

Thambho sedo ca romaṅco,  
Sarabhedo tu vepathu;  
Vevaṇṇa’massupalayā,  
Iccete aṭṭha **sāttikā**ti.

Thirattā ekantikattā **ṭhāyī**. **Byabhicārī** anekantikattā. Yathā nāṭikāya sīngāro ṭhāyī, tadupakārā  
hāsādayo byabhicārīno, moharāgadosā eva saṅkhyabhāsāya sattarajotamānītyuccante. Tatra sattena

āsayena nibbatto **sāttiko**. Bhāvassa bodhako abhinayo **anubhāvo** “anu pacchā bhāvayati pakāsayatī”ti katvā.

Tatra **sambhogasabhāvo** yo **ratyākhyo** bhāvo, tassa locanacāturīyabhamukkhepamihitavibbhamacittaṅgahārivākyādi anubhāvo. Vuttañca –

“Tassa locanacātura-bhamukkhepasitavibbhamo;  
Cittaṅgahārivākyādi, anubhāvo pakittito”ti.

**Viyogassa** tu anubhāvo –

Abhilāpo tathā cintā,  
Tassa saraṇakittanā;  
Ubbego ca vilāpo ca,  
Ummādo byādhireva ca;  
Jaḷatā maraṇaṅceva,  
Dasevettha pakittitā.

**Hāsassa** tu vikārakālādi anubhāvo, yo tu karuṇo.

Assusāsehi vevaṇṇa-  
Thambhagattasatikkhayā;  
Paridevitasokehi,  
Abhinayo sasūribhi.

Karacaraṇavadanavepathugattathambhahadayakampanasukkhoṭṭhatālukaṅṭhehi **bhayānako** niccamabhinayo.

**Ruddassa** tu bhūkuṭyādi anubhāvo.

**Vīro**’bhinīyate cāga-  
Vesārajādito tathā;  
Akkhepasūcatādīhi,  
Therasorādito bhava.

**Bībhacchassa** tu –

Ayaṃ pacchādanā byatta-  
Pādabāhacchikūlanā;  
Ubbejanādīhi mato,  
Tajjehi’bhinayo sadā.

**Abbhutaṃ** pana –

Dantalocanavitthārā,  
Pasādopasamādihi;  
Romaṅcatedatāsassu,  
Sādhuvādehi dassaye.

Sāttikānaṃ tvaṭṭhannaṃ thambhasedaromaṅcasarabhedavepathuvevaṇṇamassupalayānaṃ yathākkamaṃ nikriyatā, vāta, ccāsīta, dobhaggaḷā’pāṅgapūraṇa, mukhacchāyāvīpallāsa, locanamajjana, mahipātādayo abhinayā.

Evaṃ byabhicārīnaṃ nibbēda, gilāni, saṅki’ssā, mada, samā’lasyādīnaṃ yathākkamaṃ sāsa,

santāpa, disāvalokana, guṇamacchera, bhīta, ṅgamaddana, samādayo abhinayāti.

Byabhicārisu saṅkā nāma āsankacittatā. Gilāni gelaññatā. Nibbedo attāvamānaṃ. Mado pamādukkamso. Samo khedo. Dīnatā cetaso dukkhatā. Dhīti santoso. Hariso cetopasādo. Pīlā ruddācārādīhi mukhavikāro. Avego sambhamo. Jaḷatā appaṭipatti, uggatā dāruṇattam. Suttam supanaṃ. Tāso cittakkhobho. Ussāho ussukkaṃ. Visādo khedo. Abahitthā ākārāguttatā. Amariso akkhamatā. Vibodho viniddatā. Sesā papañcabhayā na vitthāritāti. Rasavaṇṇanā.

**105.** Silokena vacaso nāmāni. Bhāsītābanti **bhāsitaṃ**. **Lapa** vacane, **lapitaṃ**. Bhāsīyateti **bhāsā**. Voharīyateti **vohāro**, **hara** haraṇe **vipubbo**, “**vohāra** vacane”ti vā dhātu. Vuccateti **vacanaṃ**. **Vacopi**, manogaṇoyam. Uccateti **utti**,ti. Vuccateti **vācā**, a. Giṇanti saddāyanti tanti **girā**, **ge** sadde, iro, gāyitābbāti vā **girā**. Vāyate saddāyateti **vāṇī**, yu, ī ca, paresam mammavijjhanatṭhena vāṇo viyāti vā **vāṇī**, ī. Bharato nāma satthakāro isi, tassesā **bhāratī**. Kathīyateti **kathitā**. Vuccateti **vacī**, ī. Brahmī, sarovatītipi vacaso nāmāni.

**106.** Ekamevākhyātapadaṃ yattha **ekākhyāto** savisesanena kārakapadena sahitatā **sakārako padacayo** sambandhattho padasamudāyo vākyam nāma siyā, yathā – vessantaro rājā sukhavipākaṃ kammaṃ karoti, puriso gacchati. **Ākhyāta**ggahaṇaṅcetha kriyāsaddopalakkhaṇam, tena devadatto kaṭam katavā iccādīnipi vākyam nāma siyā. **Amarakose** pana – “tisyādyantacayo vākyam, kriyā vā kārakānvitā”ti [amara 6.2] dvīhi lakkhaṇehi vākyamāha. Tassattho – **tisyādyantacayo** tyādīsyādyantapadānaṃ cayo samūho sambandhattho vākyam, tam yathā – uccaṃ paṭhati, odanaṃ pacati. Tathā ca bhāvākhyam ākhyātam sābyayakārakavisesanaṃ vākyam, ākhyātam tyādyantaṃ sābyayam vā sakārakam vā savisesanaṃ vā vākyamuccate. **Tyādiggaṇam** kriyāsaddopalakkhaṇam, tena devadatto kaṭam katavā iccādīnipi vākyam. Upalakkhaṇanirapekkham aparaṃ vākyalakkhaṇamāha “kriyā vā kārakānvitā”ti. Kriyāpadaṃ vā kārakasambandham vākyam, yathā – rājā gacchati, rājā gato. Imasmiṃ pakkhe sābyayassapi anabyayassapi sabbassa kriyākārakapadasamūhassa vākyattamāha.

Bhayādīhi yaṃ dvikkhattum vā tikkhattum vā **udīraṇam** kathanam “sappo sappo, vijjha vijjhā”tyādikaṃ, tam āmeditaṃ ñeyyam. **Medi** ummādane, āpubbo dvattikkhattumuccāraṇe vattati. Yathā “etadeva yadā vākyam, āmedayati vāsavo” [“**harivaṃse**”ti **cintāmaṇiṭṭikāyam vuttam**]. “Devadattenāmeḍo kato” iccatrāpyayamevattho, sokādīnā hi “bhātā bhātā”ityuccāriyate, bhāve kammani ca to. Kammaṅca padaṃ vākyamhā.

**107.** Āmeditassa visayam dassetumāha “**bhaye**”ccādi. “Sappo sappo, coro coro”tyādīsu **bhaye**. “Vijjha vijjha, pahara paharā”tyādīsu **kodhe**. “Sādhu sādhu”tyādīsu **pasamsāyam**. “Gaccha gaccha, lunāhi lunāhi”tyādīsu **turite**. “Āgaccha āgacchā”tyādīsu **kotūhale**. “Buddho buddhoti cintayanto”tyādīsu **acchare**. “Abhikkamathāyasmanto abhikkamathāyasmanto”tyādīsu **hāse**. “Kahaṃ ekaputtaka, kahaṃ ekaputtakā”tyādīsu **soke**. “Aho sukham aho sukha”ntyādīsu **pasāde**. Casaddo avuttasamuccayattho, tena garahā’sammānādīnaṃ saṅgaho daṭṭhabbo. Tattha “pāpo pāpo”tyādīsu **garahāyam**. “Abhirūpaka, abhirūpakā”tyādīsu **asammāne**. Evametesu navasu, aññesu ca āmeditavacanaṃ **budho** paṇḍito **kare** kareyya yojeyya āmedānaṃ punappunuccāraṇam āmediyati vā punappunuccāriyatīti **āmeditanti** katvā.

**108.** Iru, yaju, sāmanti tayo vedā siyum, tatra **irusaddo nārī** itthilingo. **Ica** thutiyam, iccante devā etāyāti **iru**, u, **cassa ro**. Yajante aneneti **yaju**, u. **So** antakammani, karaṇe mo, soyanti pāpamaneneti **sāmam**, ossā, “**sā** tanukaraṇāvāsānesū”ti vā dhātvattho. Vidanti dhammameteḥīti **vedā**.

**Ete eva** tayo vedā tayī nāma, tayo avayavā assāti **tayī**. Ayaṃ **tayīsaddo nārī** itthilingo. Tikam vede. Munāti jānāti dhammam anenāti **manto**, to, **ussa a**. Suyyate dhammam etāyāti **suti**. Itthiyam **sutisaddo**.

**109.** Vedasatthakārake dasa isayodassetumāha “**aṭṭhako**”ccādi. Attham hitam, atthe vā satthe

karotīti **aṭṭhako**. Vāmaṃ kalyāṇavacaṇaṃ karotīti **vāmako**, rassasarīrattā vā vāmano, so eva **vāmako**, nassa **kakārattaṃ** katvā. Vāmo nāma haro, so devo assa **vāmadevo**.

“Vāmaṃ sabbe patīpe [patīpeti paṭikūle] ca, daviṇe [daviṇeti dhane] cātisundare;  
Payodhare hare kāme, jaññā vāma’mapitthiya’nti.

Hi **nānatthasaṅgahe**.

Aṅgirasassa isino apaccaṃ **aṅgirasō**, citrasikhaṇḍino apaccaṃ putto. Atha vā aṅgimhi kāye raso siddhippatto pārado yassāti **aṅgirasō**. Teneva tassa puttaṃ surācariyaṃ “jīvo”ti vadati. Jīvayati raṇe asuranihate deveti **jīvo** [amara 3.24 cintāmaṇiṭṭikā oloketabbā]. Bharatīti **bhagu**, bhaṃ vānakkhattaṃ gacchati jānātīti **bhagu**, u. Yamaṃ saṃyamaṃ dadāti paresanti yamado ca so dakkhiṇeyyaggittā aggi ceti **yamadaggi**, rāmassa pitā [parasurāmassa pitā (saddakappaddume)]. Vasiṭṭhassa apaccaṃ **vāsīṭṭho**. Bhāradvājassa apaccaṃ **bhāradvājo**. Kassapassa apaccaṃ **kassapo**. Vessāmittassa apaccaṃ **vessāmitto**. Iti ime dasa isayo **mantānaṃ** vedānaṃ **kattāro** kārakā.

110. Vede dassetvā tassa chaḷaṅgāni dassetumāha “**kappo**”ccādī. Yaññakammānamupadesako **kappo** ‘kappate pabhavati’ti katvā. Sādhusaddānamanvākyāyakaṃ **byākaraṇaṃ** visesena ākarīyante pakaticcādinā ābyāpādyante anena saddāti, yu. **Jotisatthaṃ** gaṇanasatthaṃ subhāsubhakammaphalajotanaṃ. Sikkhyante abbhāsyante [ajjhayante (ka.)] etāyāti **sikkhā**, akārādivaṇṇānaṃ thānakaṇapaṇāyatanānaṃ paṭipādikā. Nicchayena, nissesato vā utti **nirutti**, vaṇṇāgamo vaṇṇavipariyayoccādikā. Chandasi anuṭṭhubhādivuttānaṃ paṭipādikā **chandoviciti**, etāni cha vedānaṃ aṅgānīti vadanti.

111. Purāvuttanibandhanapāyattā purāvuttaṃ, tassa pabandho vitthāro, santāno vā **bhāratādiko** bhāratayuddhakathādiko **byāsā**dīpakato gantho itihāso nāma, **itihāsaddo** pārampariyopadeso nipāto, itihā’tthi asminti **itihāso**.

Rukkhādīnaṃ nāmapariyāyehi **nāmappakāsakaṃ** ratanaṃ mālādikaṃ satthaṃ nighaṇṭu nāma, **sotiminā nighaṇṭu**saddassa pulliṅgattaṃ dīpeti, sabbatrevaṃ. Tattha tatthāgatāni nāmāni nissesato ghaṭenti rāsīkaronti etthāti **nighaṇṭu**, bindāgamo, vacanīyavācakahāvena atthaṃ saddaṅca nikhaṇḍati bhindati vibhajja dassetīti vā nikhaṇṭu, so eva **khassa ghakāraṃ** katvā **nighaṇṭūti** vutto. **Rukkhādīnaṃ nāmappakāsakantiminā** ekekassa atthassa anekapariyāyanāmappakāsakattaṃ vuttaṃ, nidassanamattañcetaṃ, anekesaṃ atthānaṃ ekasaddavacanīyatāpakāsakavasenaṃ pi tassa ganthassa pavattattā [dī. ni. ṭī. 1.256; ma. ni. ṭī. 1.22; a. ni. ṭī. 2.3.59; sāratta. ṭī. 1.tatīyasaṅgītikathāvaṇṇanā].

112. Loke yaṃ vitaṇḍavādīnaṃ satthaṃ, taṃ lokāyatanti viññeyyaṃ. **Tanu** vitthāre, aññamaññaviruddhaṃ, saggamokkhaviruddhaṃ vā tanonti etthāti **vitaṇḍo**, ḍo, **ṇattaṃ**, viruddhena vā vādadaṇḍena tāḷenti ettha vādinoti **vitaṇḍo**, **taḍi** tāḷane, adesampi hi yaṃ nissāya vādīnaṃ vādo pavatto, taṃ tesam desatopi upacāravasena vuccati, yathā “cakkhuṃ loke piyarūpaṃ sātārūpaṃ, etthesā taṇhā pahīyamānā pahīyati, ettha nirujjhamānā nirujjhatī”ti [dī. ni. 2.401; ma. ni. 1.134; vibha. 204]. **Lokāti** bālalokā, te ettha āyatanti ussahanti vāyamanti vādassādenāti **lokāyatam**, āyatim hitam tena loko na yatati na ihatīti vā **lokāyatam**, tañhi gantham nissāya sattā puññakriyāya cittampi na uppādentī.

Yo **kavīnaṃ** paṇḍitānaṃ **hito** kavittabhogasampattādīpayojanakaro **kriyākappavikappo** kavīnaṃ kriyāsāṅkhātakappabandhanavidhividhāyako subodhālaṅkāradīko gantho, so keṭubhaṃ nāma, kiṭanti gacchanti kosallaṃ kavayo bandhanesu etenāti **keṭubhaṃ**, **kiṭa** gatiyaṃ, abho, assukāro, atha vā kiṭati gameti kriyādivibhāgaṃ, taṃ vā anavasesena pariyādānato gamento pūretīti **keṭubhaṃ**, **ubha**, **umbha** pūraṇe.

Vacībhedaḍilakkhaṇā kriyā kappīyati vikappīyati etenāti **kriyākappo**. So pana vaṇṇapadasambandhapadatthādivibhāgato atibahu vikappoti āha “**kriyākappavikappo**”ti, idaṅca

mūlakriyākappagantham sandhāya vuttam. So hi mahāvisayo satahassaparimāṇo nayacaritādipakaraṇam [nalacaritādipakaraṇam (?)].

**113.** Upaladdho kenapyattho yassam sā **upaladdhatthā**, iti ākhyāyikātyuccate ākhyāyate nāyakānusāsakaritamassanti, saññāyaṃ ṇvu.

Pabandheneva ca savitthārena kappanam yassam sā **pabandhakappanā**, **kādambarīpabhuti**. Kathīyatīti **kathā**.

Atthā bhūmihiraññādayo, tatra padhānam bhūmi itaresam tappabhavattā, tesam ajjane pālāne ca upāyabhūtam sattham **atthasattham**, payānakyādipaṇītam [bahasvaticābbīkyādipaṇītam (cintāmaṇiṭkā 6.5)], tasmim **daṇḍanīti**saddo pavatto. Sāmādinam catutthopāyo vadhabandhanādilakkhaṇo daṇḍo, tassa nīti paṇayanam **daṇḍanīti**, pāyena nītissa daṇḍena byappadeso, vadhadosaḍḍhūlyena pāyaso daṇḍassa paṇayanato, daṇḍanīyatthattā satthañca **daṇḍanīti**.

Dvayaṃ kathāyaṃ. Vutto anuvattanīyo anto parisamatti yassa attano kāriyabhāgassa pāpanatoti **vuttanto**. Pavattante kāriyā yassam **pavatti**,ti. Cakārena vuttaudantādayo gahitā. Kāriyassa vutti atratthīti assatthyatthe ṇo. Uggato anto parisamatti yassa **udanto**.

**114. Adhivacanantaṃ nāme.** Sañjānanti etāyāti **saññā**, a. Ākhyāyate etāyāti **ākhyā**. Ahvayate etāyāti **avhā**, **hu** sadde, **vhe** avhāneti vā dhātu, a. Sammā ājānāti, samaṃ vā jānāti etāyāti **samaññā**. Abhidhīyate yena, yu. Namyate abbhassate asminti **nāmaṃ**, namati nāmayatīti vā **nāmaṃ**. Ahvāyateti **avhayo**, kamme yo. Nānameva **nāmadheyyaṃ**. Nāmarūpehi [nāmasaddehi (ka.) bhāgarūpanāmehi dheyyo (pāṇini 5.4.36 vā)] sakatthe dheyyo yadādinā, tiṭṭhati vā ettha atthoti dheyyaṃ, dharīyate uccāriyateti vā dheyyaṃ, nānameva dheyyaṃ **nāmadheyyaṃ**. Adhīnam vacanam **adhivacanam**, kena adhīnam? Atthena. Puṭṭhassa paṭivacanam **paṭivākyam**. Paṭigatam pacchāgatam vākyam **paṭivākyam**. Uttariyate atikkamyate yenāti **uttaram**.

**115.** Tikam pucchāyaṃ. Pucchitabboti **pañho**, ñātumicchito hi attho pañho nāma. **Puccha** pucchane, **cassa ño**, **chassa ho**, **ussa a**, **pañha** pucchānetipi dhātu. **Yuja** yoge, anuyujjītabbo pucchitabboti **anuyogo**. Pucchanam, pucchitabbāti vā **pucchā**. Eteneva nayena dvīsūpi bhāvasādhanampi kattabbameva.

Catukkaṃ nidassane. Pakatena sadisaṃ nidasseti etenāti **nidassanam**, pakatassopapādanam vākyam. Upogghaññate [upogghaññate (?)] paṭipādīyate anenāti **upogghāto**. **Upa** upubbo **hanadhātu** paṭipādanattho. Dassīyate anenāti **diṭṭhanto**, anto, diṭṭho vā pakatassa anto parisamatti yenāti **diṭṭhanto**. Sabbatrāpi vā kammaśādhanampi kattabbam. Udāharīyati pakatassopapādanāyāti **udāharaṇam**.

**116.** Catukkaṃ saṅkhepe. **Samāti** tulyatthā. Saṅkhipīyate ekadesato kathīyatīti **saṅkhepo**, **khīpa** perañe. Saṅharīyate saṅkhepena paccākhyāyate etenāti **saṅhāro**. Samasyate saṅkhipīyateti **samāso**, **asu** khepane. Saṅkhepena gayhate anenāti **saṅgaho**.

“Tvam sataṃ suvaṇṇam dhārayasi” ityādikaṃ **tucchabhāsanam** abhūtabhāsanam abbhakkhānam nāma. Asaccena akkhānam bhāsanam **abbhakkhānam**.

**117.** Dvayaṃ vivādāya vibhāgavisaye [iṇavādādivisaye (cintāmaṇiṭkā 6.9)]. Viruddham katvā avaharati vadati yanti **vohāro**. Viruddham katvā vadati yanti **vivādo**. Sabbatra bhāvasādhanam vā yujjati. “Musāvādam vadanto ghorāni tvaṃ narakāni yassasi” tyādisarūpaṃ **sapanam**. **Sapa** akkose, tho, **sapatho**.

Tikam khyāte. Yajati etenāthi **yasō**, **jassa so**, sabbattha yātīti vā **yasō**, so, yasati payasatīti vā **yasō**. Silokati pattharatīti **siloko**, **siloka** saṅghāte. **Kitta** saddane, kittīyate kathīyateti **kitti**, i.

**Samañña** ca khyāte, **saṃ āpubbo** jānāti khyāte. Tathā hi “ñāto, abhiññāto, saṅkhyāto, vissuto, samañña”ti **ratana**kose vuttaṃ. Uccadhaninā saddanaṃ **ghosana** nāma, **ghusa** sadde, ghusanaṃ saddanaṃ ghosana.

**118-119.** Dvayaṃ paṭisadde. Ghusanaṃ ghoso, taṃ paṭigato, dutiyāsamāso. Evaṃ ravaṃ paṭigato **paṭiravo**. Atha vā ghosassa patirūpo **paṭighoso**. Ravassa patirūpo **paṭiravo**. Paṭisuti, paṭiddhanītipi paṭisaddassa nāmāni, vacīmukhaṃ vacanopakkamo **upañña**so nāma, **upanipubbo āsa** upavesane, upa paṭhamaṃ purimavacanassa samīpaṃ vā nyāso ṭhapanāṃ **upañña**so, **nyassa ño**.

Sattakaṃ thutiyāṃ. **Kattha** silāghāyaṃ, yu, kathanāṃ vāasarūpadvibhāvavasena **katthanā**. **Silāgha** katthane, **silāghā**. Sīlassa vā sabhāgaguṇassa āhananaṃ sīlāghā, sā eva rassaṃ katvā **silāghā**. **Vaṇṇa** pasamsāyaṃ, vaṇṇiyateti **vaṇṇanā**. **Nu** thutiyāṃ,ti, **nuti**. **Thu** abhitthave,ti, **thuti**. **Thoma** silāghāyaṃ, **thomanāṃ**. **Papubbo saṃsa** pasamsane, a.

**Sikhaṇḍīnaṃ** mayūrānaṃ **nādo** nadaravo kekā nāma, **kā** sadde, keiti kāyatīti **kekā**, kammani a, atha vā kāyati, kāyanaṃ vā kā, ke mayūre pavattā kā **kekā**, aluttasamāso. Gajānaṃ nādo koñcanādo nāma, koñcasakuṇanādasadiso nādo **koñcanādo**. Hayānaṃ assānaṃ dhani saddo hesā nāma, **hesa** abrattasadde, hesanaṃ **hesā**, he iti pavattatīti vā **hesā**.

**120-121.** Dvayaṃ pariyāye. Paribyattamatthaṃ ayanti gacchanti bujjhanti etenāti **pariyāyo**. Eko attho punappunaṃ vuccati yenāti **vevacanaṃ**. Dvayaṃ sākacchāyaṃ. Saha, sammā vā avirodhena kathā **sākacchā**, **saṃkathā** ca. To, **thassa co**, **tassa cho**.

Sāddhapajjena garahassa nāmāni. Dosakkhānena vadanāṃ **upavādo**. **Kusa** avhāne bhedane ca, kvaci “apakkoso”ti pāṭho, ṇo. Vaṇṇo thuti, tassa avadanaṃ **avaṇṇavādo**. Hīlanena vadanāṃ **anuvādo**. Janānaṃ vādo garahaṇaṃ **janavādo**. Garahaṇena vādo **apavādo**. Parivadanaṃ **parivādo**, rassassa dīghatā. Ete upavādādayo **tulyatthā** samānatthā. Visamavuttappabhedesu vattamidaṃ. **Khipa** perañe, khipanaṃ bahikaraṇaṃ **khepo**. **Nidi** kucchāyaṃ, a, **nindā**. Yathā **upavādā**dayo garahatthā, **kucchā**dayopi tathāti **tathāttho**. **Kuccha** avakkhepane, curādi, **kusa** akkosetimassa vā **pabbajjādittā** “kucchā”ti rūpaṃ nipphajjati. **Gupa**, **gopa** kucchanesu, “tījagupakitamānehi khachasā vā”ti cho. **Garaha** kucchane. Tattha keci “**upavādā**dayo abbhakkhānatthā, **khepā**dayo nindatthā”ti vadanti, taṃ **amarakosena** virujjhanato abbhakkhānatthassa ca vuttattā na gahetabbaṃ. Ete **upavādā**dayo satta abbhakkhānepi vattanti.

Vivādakāmassa dubbādo upārambho, so ca īdise sabbalokacūlāmaṇibhūte sakyakule sambhūtassa bhagavato kimidaṃ kammamucitanti guṇāvīkaraṇapubbakopyatthi, bandhakīsutassa tavedamucitamevāti nindāpubbakopi upārambho. Tatra yo **nindāpubbo** sanindo upārambho, so paribhāsanamuccate. Upagantvā pasesaṃ cittassa ārambhanāṃ vikopanaṃ **upārambho**. Dosakkhānena bhāsanāṃ **paribhāsanāṃ**.

**122. Anariyānaṃ** lāmakānaṃ vohārato, **ariyānaṃ** uttamajanānaṃ vā avohārato anariyavohāroti saṅkhātānaṃ adiṭṭhe diṭṭhavādādīnaṃ aṭṭhannaṃ vohārānaṃ vasena **yā** vācā lāmakajanehi **pavattitā** vuttā, **vītikkamadīpanī** ajjhācāravītikkamāsādhani sā vācā ariyajanehi vattabbamariyādātikkamattā **abhivākyāṃ** nāma siyā.

**123. Muhumbhāsā** bahuso abhidhānaṃ anulāpo nāma, anu punappunaṃ lāpo **anulāpo**. **Anatthikā girā** nippayojanaṃ ummattādivacanaṃ palāpo, payojanarahito lāpo **palāpo**, pasaddo viyogatthajotako.

Gamanāgamanādisamayā ādimhi bhāsanāṃ piyavacanaṃ ālāpo, ādimhi lāpo **ālāpo**, **āpucchāsaddopyatra**. Dosena paṭiṭṭhito pariddavo paridevanaṃ anusocanaṃ atikkamalāpo vilāpo nāma, vividhena, vividhaṃ vā lāpo **vilāpo**. Paridevanaṃ paridevo, so eva **pariddavo**, **deva** paridevane.

**124.** Viruddhaṃ vacanaṃ **virodhotti**. Viruddhaṃ palāpo **vippalāpo**. Sandissateti sandeso, sandissamāno attho, tassotti. Yāya sandiṭṭho attho abhidhīyate, sā **sandesotti vācīkamuccate**. **Vaca** sandese, sakatthe ṇiko, sandiṭṭhatthā vācā eva **vācīkamiccatho**.

**Mithu** aññamaññaṃ virodharahitaṃ vacanaṃ “**sambhāsanam, sallāpo**”ti ca vuccati. Yathā eko brūte “ajja sobhanaṃ nakkhatta”nti, itaropyāha “tathevā”ti.

**125.** Niṭṭhuraṃ vākyam kakkasavacanaṃ pharusam nāma, pare jane ussāpeti dāhetīti parusam, tadeva **passa phakāram katvā pharusam**. Asavanīyattā na icchitabbanti **niṭṭhuraṃ**, uro, yathā “nāgo”ti. Dvayam kaṇṇasukhavacane. Manaṃ ā bhusam ñāpeti tosetīti **manuññaṃ, ñā** parimāṇatosananisānesu, assukāro. Hadayaṃ manaṃ gacchati pavisatīti **hadayaṅgamaṃ**.

**Samkulā**divvayaṃ **pubbāparavirodhini** pubbāparaviruddhe vākye, yathā –

Yāvajīvamahaṃ monī, brahmacārī ca me pitā;  
Mātā ca mama vañjhāsī, aputto ca pitāmahō.

Samkulanti jaḷibhavantyanenāti **saṃkulaṃ**. Kilissante etthāti **kiliṭṭhaṃ**.

**126.** Samudāyattharahitaṃ dasadālimādivākyam [dasa dāṭhimāni ṭhaḷapūpā kuṇḍa’ majājinaṃ palālapinḍā (nyāyabhāssa 5.2.10 moggallānapañcīkāṭīkā 1.1)] asambaddhattā abaddhamiti **kittitaṃ** kathitaṃ, na bajjhate hadayamatrāti **abaddhaṃ**, to.

Natthi tathaṃ saccamatrāti **vitathaṃ**. Pharusādayo vitathasaddaṃ yāva tiliṅgikā.

**127.** Pajjaddhaṃ saccavacane. **Sammā**saddoyaṃ abyayaṃ, sabbaliṅgavibhattivacanesu ca samāno. Na vitathaṃ **avitathaṃ**. Santesu sādhusu bhavaṃ **saccaṃ**. **Sata** sātacche vā, vajādīnā yo, saccam. **Tathasaddo** bhūtapariyāyo, “tathena maggena yathātthabhājīnā”ti [tathāgatā jināti (ka.)] payogo. Tathe sādhu **tacchaṃ**, sādhatthe **yo**. **Yathātathasaddāpi** ca saccatthā aliṅgā. **Tabbantā** saccavacanavantavācakā **sammā saccaṃ yathātathaṃ**saddavajjitā sesā **avitathā**dayo tīsu liṅgesu vattanti. **Saccaṃ**saddo tu aliṅgo. **Amarakose** pana **sammā saccaṃ**saddānampi tabbati tiliṅgattaṃ vuttaṃ, yathā – saccaṃ tacchaṃ ritaṃ sammā, amūni tīsu tabbati [amara 6.22]. Yathā – sacco brāhmaṇo, saccā nārī, saccaṃ vippakulaṃ. Idha pana sabbaliṅgavacanavibhattīsu rūpabhedābhāvā **sammā**saddassa abyayattaṃ, tiliṅgesvapi rūpabhedābhāvā **saccaṃ**saddassa aliṅgattaṃca vuttaṃ. Yathā – sammā vācā, sammā vohāro, sammā vacanaṃ. Saccaṃ brāhmaṇo, saccaṃ nārī, saccaṃ vippakulaṃ. **Micchā**musāsaddā pana sabbatrāpi abyayameva bhavanti. Yathā – micchā vācā, micchā vohāro, micchā vacanaṃ. Musā vācā, musā vohāro, musā vacanaṃ.

**128.** Soḷasa saddamattapariyāye dassetuṃ upajātīṃ “**ravo**”iccādimāha. Ruyate saddāyateti **ravo, ru** sadde. Nadanaṃ nādo, nirattho nādo **ninādo, nada** abyattasadde. Evaṃ **ninādo**, rassattameva viseso. Sappati uccārīyatīti **saddo**. **Ghusa** sadde, pātubhāvo ghoso **nigghoso**. Nadanaṃ **nādo**. **Dhana** sadde, dhanīyatīti **dhani**. Nigghoso ca nādo ca dhani ca **nigghosanādadhanayo**. Ravo eva **rāvo**. **Ārāvoti** upasaggena padaṃ vaḍḍhitaṃ. Tathā **saṃrāvavirāvaāravā**. Ghusanaṃ **ghoso**. Ārāvo ca saṃrāvo ca virāvo ca ghoso ca āravo cāti dvando. **Su** savane, suyayateti **suti**. Sarati suyamānataṃ gacchatīti **saro**. Nissanati etenāti **nissano, sana** sambhattiyaṃ nipubbo. Saro ca nissano cāti dvando.

**129.** Visajjīyate na laggīyate semhādīhīti **visaṭṭho**. Manitabbanti **mañju, ju, mana** ñāṇe, suṇantānaṃ vā manaṃ rañjetīti **mañju, u, na ralopo**. Sukheneva vijānitabbattā **viññeyyo**. Hitasukhanipphādanato sotabboti **savanīyo**. Bahiddhāparisā aṅgulimattampi na visarati na gacchatīti **avisārī**, tassilatthe ṇī, vividhena vā na saratīti **avisārī**, chinnassarānaṃ viya dvedhā na hotīyattho. Vindyate labbhateti **bindu, vassa bo**, niggaḥītāgamo, u ca, vaṭṭattā vā **bindu**, imasmim pakkhe **pabbajjādīnā** rūpasiddhi. Pañcannaṃ ṭhānagatīnaṃ dūrattānato jātattā **gambhīro**. Punappunaṃ nādo ninnādo, kriyābhikkhaññattā dvittaṃ, **assa i**, niggaḥītāgamo, so ettha atthīti **ninnādī**. Icevamaṃ

bhagavato aṭṭhaṅgiko saro hoti.

**130.** Khaggādīnaṃ tiracchānagatānaṃ rutaṃ vassitanyucate. **Ru** sadde, **rutam**. **Vassa** sadde, vassanaṃ ravanaṃ **vassitam**.

**Kolāhalā** didvayaṃ bahūhi sambhūya kate abyattasaddhe. **Kula** saṅghāte [[saṅkhyāne \(ka.\)](#)], kolanaṃ kolo, ekībhāvo, taṃ āhalati vindatīti **kolāhalo**. Karoti hiṃsati madhuranti kalo, taṃ halatīti **kalahalo**. **Hala** vilekhane.

Tikaṃ gāyane. **Ge** sadde, getabbaṃ **gītaṃ gānaṃ gītikā** ca. Sabbatra bhāvasādhanam.

**131.** Tantikaṇṭhoṭṭhitā [[amara 7.1](#)] usabhādayo satta sarā. Chajjādayo tayo **gāmā** samūhātyattho. Vuttañca “gāmo nāma sarasamūhassa sandhāna”nti. Manussalokavādanavidhinā ekekassa sarassa vasena tayo tayo mucchanā katvā ekavīsati mucchanā, devalokavādanavidhinā pana samapaññāsa mucchanā vadanti. Tattha hi ekekassa sarassa vasena satta satta mucchanā, antasarassa ca ekāti samapaññāsa mucchanā āgatā, teneva **sakkapañhasuttasamvaṇṇanāyamaṃ** “samapaññāsa mucchanā mucchitvā”ti [[dī. ni. aṭṭha. 2.345](#)] pañcasikhassa vīṇāvādanaṃ dassentena vuttaṃ. **Muccha** mohasamussayesu, yu, **mucchanā**. Yathā kamena vīṇā vādītuṃ sakkā, evaṃ sajjanāhi mucchanatṭhānāni ekūnapaññāsātyattho. Ekekassa sarassa satta satta ṭhānāni. Yato sarassa mandatāravavatthānaṃ hoti, tena ekūnapaññāsa ṭhānāni. Icetaṃ **saramaṇḍalam** sarasamūho.

**132.** Sarādīnaṃ nāmasarūpappabhedam dassetumāha “**usabho**”ccādi. **Isa** gatiyam. Isati cittaṃ pavisatīti **usabho**, abho, issu ca. “**Usa** dāhe”ti vā dhātvattho. Yasmā pana so saro usabho viya nadati, tasmā **usabhoti** vuccati. Dhīmantehi gīyateti **dhevato**, vaṇṇavikāro, vattam.

Nāsam kaṇṭhamuro tāluṃ,  
Jivham dante ca nissito;  
Chadhā sañjāyate yasmā,  
Tasmā chajjo sa uccate [[cintāmaṇiṭṭikā 7.1](#)].

Gandham lesam aratīti gandharo, rassassa dīghatte gandhāro cetyaññe [[aññesamapīti \(pāṇini 3.137\) dīgho \(cintāmaṇiṭṭikā 7.1\)](#)], gandhārā nāma janapadā, tehyayam gīyateti **gandhāro**, ṇo. Majjhe layavise bhavo **majjhimo**. Pañcannampi dhevatādīnaṃ pūraṇo **pañcamo**, (pañcannaṃ vā mahābhūtānaṃ pūraṇo **pañcamo**.) [( ) [etthantare pāṭho adhiko viya dissati](#)] Nissesato sīdanti sarā yasminti [[yasmāti \(ka.\) – sadato adhikaraṇe ghau \(cintāmaṇiṭṭikā 7.1\)](#)], ṇo. “Nisīdanti sarā yasmim, nisādo tena hetunā”ti hi vuttaṃ. Ete satta sarāti **gaditā** kathitā.

**133-135.** Usabhādayo ye nadanti, te dassetumāha “**nadanti**”ccādi. Usabham nāma saram gāvo nadanti. Tathā dhevataṃ **turaṅgā** assā, chajjam **mayūrā** sikhaṇḍino, gandhāram ajā, majjhimam **koñcā** sakuṇaviseṣā, pañcamaṃ **parapuṭṭhādī** kokilādayo, nisādam **vāraṇā** hatthino nadanti. Vuttañca **nāradamuninā** –

“Chajjam nadati mayūro, gāvo nadanti usabham;  
Ajo roti ca [[ajāvikā tu \(ka.\)](#)] gandhāram, koñcā nadanti majjhimam.

Pupphasādharane kāle, kokilo roti pañcamaṃ;  
Asso tu dhevataṃ roti, nisādam rotī kuṅjaro”ti.

Mayūrādayopi sabbe ime sattā samadā [[santo \(ka.\) ete ca samadā pañcamaṃ gāyanti \(cintāmaṇiṭṭikā 7.1\)](#)] pañcamaṃ nadanti.

Chajjo gāmo, majjhimo gāmo, sādharāṇo gāmoti tayo gāmā. Tatra vīṇādaṇḍam vibhāgam katvā adhobhāgassa “chajjagāmo”ti saññā, majjhabhāgassa “majjhimagāmo”ti, uparibhāgassa “sādharāṇagāmo”ti saññā. Kim pana gāmahede kāraṇam? Yasmā ekasseva sarassa gāmantare

bhedo, taṃbhede gāmānampibhedo. **Māghaṭṭikāyaṃ** pana sādharmaṇagāmaṭṭhāne gandhāragāmo kathito, ekekasmīṇca gāme satta satta mucchanā. Idha pana usabhādīsu sattu saresu paccekāṃ tisso tisso mucchanā kathitā. Kimkāraṇā? Idha manussalokavādanavidhinā, tattha ca devalokavādanavidhinā kathitattā tatheva ṭhānāni satta satteva labbhareti. Yathā usabhādīsu tesu yathāvuttesu saresu paccekāṃ ekekasmīṃ sare tisso tisso mucchanā siyuṃ, tatheva ṭhānāni satta satteva labbharetyattho.

**136.** Sarānaṃ gāmesu bhinnasuttitaṃ dassetumāha “**tisso**”iccādi. Usabhassa sarassa tārakalamandavasena tisso sutiyo. Dhevatassa sarassa tāra mandavasena duve. Chajjassa tārakala manda kākalīvasena catasso. Gandhārassa ca tathā. Majjhimassa tārakala kākalīvasena tisso. Pañcamassa kala kākalīvasena duve. Nisādassa tāradivasena catasso sutiyo. Icevaṃ sattu saresu kamato sampiṇḍitā dvāvīsati sutiyo siyuṃ. **Māghaṭṭikāyaṃ** pana aññathā sutibhedo vutto. Vuttañhi tattha –

“Catussuti suviññeyyo, majjhimo majjimaṭṭhito;  
Dvissuti cāpi gandhāro, tissuti usabho tathā.

Chajjo catussuti ñeyyo, nisādo dvissutī tathā;  
Catussuti dhevato tu, pañcamo tissutī mato”ti.

Sabbametaṃ **nāṭakasatthato** gahetabbaṃ.

**137.** “**Uccatare**”tyādinā sutibhede sarūpato dasseti. **Uccatare rave** atyuccadhanimhi tāro, tārayati bodhayatīti **tāro**. **Abyatte** abyattakkhare **madhure** utisukhe kalo, **kala** made. Gambhīre dhanimhi mando. **Madi** thutimodamadamo hasupanagatīsu. Mandayate bujjhatenenāti **mando**.

**Tārā**dayo tayo vāccaliṅgattā tīsu. Tāro dhani, tāra vāṇī, tāraṃ rutaṃ iccādi. Abyattamadhurasaddo **kalo**. Tatra kale sukhume **kākalī**saddo, ipaccayanto, īsaṃ kalā vāṇī **kākalī** nāma, **kāsaddo**yamīsattho. **Kriyādisamatāti** gītavādītapādanyāsādīkriyānaṃ, kālassa ca samattaṃ layo nāma, **laya** sāmyagatīsu, ādhāre apaccayo, sabbābhīnāyānampi sāmyaṃ layoti keci.

**138.** Dvayaṃ vīṇāyaṃ. **Vi** janane, to, iṇattaṃ, **vīṇa** veṭhaneti vā dhātu, ā, vīṇā. **Valla** saṃvaraṇe, vallate dhanivisesaṃ, ṇvu, **vallakī**, nadādi. Vipañcītipi vīṇāya nāmaṃ. Vipañcayati **vipañcī** [vipañcayati vitthārayatisaddaṃ (cintāmaṇiṭṭikā 7.3)], nadādi.

**Sā** vīṇā **sattatanti** sattaḥi tantūhi visiṭṭhā parivādinī nāma, parito vadatīti **parivādinī**, inī. Vīṇādayo cattāropi vīṇāsāmaññāvācakā icceke, tesāṃ mate **sāsadda**ssa catunnampi itthiṅgattadīpakatā viññeyyā, tathāpi **amarakosena** [amara 7.3] virujjhanato tesāṃ mataṃ na gahetabbaṃ.

Kaṭṭhādīhi doṇisaṅṭhānena kataṃ vajjabhaṇḍaṃ vīṇāya pokkharo nāma, poseti vaḍḍheti saddeti **pokkharo**, kharo, vuddhi, vaṇṇavikāro ca. **Du** gamane, ṇi, **doṇi**. Kakubho, pasevakotipi pokkharassa nāmāni. Kaṃ vātaṃ kubhati bandhatīti **kakubho**. Pasibbanti tamiti **pasevako**.

Dvayaṃ pokkharaveṭhake cammani. Vīṇābhāvaṃ upagacchati yenāti **upavīṇo**. Veṭhati pokkharanti **veṭhako**, ṇvu.

**139.** Ātatādīpaṇcakaṃ pañcaṅgikatūriyassa nāmāni.

**140. Cammāvanaddhesu** cammena bandhanīyesu bheriyādīsu majjhe **talekekayutaṃ** ekekena talena yuttaṃ kumbhathuṇadaddarīkādikāṃ tūriyaṃ ātataṃ nāma, ātanotīti **ātataṃ**, **tanu** vitthāre. Mahatīdivīṇāvisesopi [“**mahatī**”ti nāradassa **vīṇā** (saddakappaddume)] ātatamevāti “**cammāvanaddhesu**”ti visesanaṃ kataṃ. Kumbhasaṅṭhānattā kumbho ca taṃ thunanagarasambhūtattā thunañceti kumbhathuṇaṃ. Tadeva **kumbhathuṇaṃ**, atha vā **thu**

abhitthave, kammani ño. Kumbho ca so thuño ceti **kumbhathuño, thuña** pūraṇeti vā dhātvattho. **Dara** vidāraṇadāhesu, dvebhāvo, **kā**pubbassikāro ca, daddarasaddaṃ karotīti vā **daddarikā**.

**141.** Ubhayatalaṃ murajādikāṃ tūriyaṃ vitataṃ nāma, visesena saddaṃ tanotīti **vitataṃ, sabbavinaddhaṃ** sabbapassesu, pubbapacchābhāgesu ca pariyaṇaddhaṃ paṇavādikāṃ, **ādinā** caturassaālambaragomukhīdayo ātatavitataṃ nāma, “cammaṇapariyaṇaddhaṃ hutvā tantibaddhaṃ ātatavitata”nti hi vuttaṃ. **Paṇa** byavahāraṭṭhūsu, paṇīyatīti **paṇavo**, avo.

**142.** Vaṃsasaṅkhādikaṃ susiraṃ nāma, randhaṃ susiraṃ, taṃyogā **susiraṃ. Vana, sana** sambhattiyaṃ, **so, vaṃso. Sama** upasamakhedesu, kho, **saṅkho**. Sammatāḷādikaṃ accantaṃ pīḷanato, analasaṃyogato vā dravībhūtaṃ puna ghaṇāyateti **ghanākhyāṃ. Hana** hiṃsāyaṃ, kammani ño, **hassa gho**. Ghaṇabhāvena samaṃ bhavatīti **sammaṃ**, daṇḍādīhi tāḷitabbato **tāḷaṃ, taḷa** tāḷane, sammañca taṃ tāḷañceti **sammataḷaṃ. Ādinā** kaṃsatāḷasilātāḷādīnaṃ gahaṇaṃ. Tattha **sammataḷaṃ** nāma kaṭṭhamayaṭṭaḷaṃ. **Kaṃsatāḷaṃ** nāma lohamayaṃ. Silāya ca ayopattena ca vādanatāḷaṃ **silātāḷaṃ**.

Catukkaṃ ātatādīnaṃ nāmaṃ. Ā samantato tujjate tāḷīyateti **ātojjaṃ**. Vaṃsādikepi mukhavāyūnā ātojjanamattheva. Vādayanti dhanayanti tanti **vādittaṃ vāditañca**, itto, to ca. Vādayanti tanti **vajjaṃ**, yo.

**143.** Dvayaṃ bheriyaṃ. Bhāyanti sattujanā etenāti **bheri**, ri. **Ubha** pūraṇe, ubhanaṃ ubhi. “Dunda”iti saddena ubhi yatra sa **dundubhi**. Pumiṭṭhiyamete dve [serī thī, **dundubhi pumā (amara 7.6)**]. Dvayaṃ mudīṅge. Muddaṃ modāṃ iṅgati gacchati yenāti **mudīṅgo**. Murā asurā jāto **murajo**.

**Assa** murajassa **bhedā** visesā āliṅgaṅkyoddhakā bhavanti. Vuttañca –

“Haritakyākati tvāṅkyo,  
Yavamajjho tatho’ddhako;  
Āliṅgyo ceva gopuccho,  
Ākalyā sampakittito”ti [cintāmaṇiṭṭikāyampi].

Āliṅgyateti **āliṅgo**, ño. Ucchaṅke bhavo **akyo**. Uddhaṃ katvā ekena mukhena vādanato uddho santo kāyati saddāyatīti **uddhako**, uddhasaddoyaṃ tiliṅgiko. Uggacchatīti **uddho**, to, **gamissa do**, nerutto. Yo tu **upari**pariyāyo **uddhaṃ**saddo, so abyayameva.

**Tiṇavādīni** cattāri paṇavassa nāmāni. **Tanu** vitthāre, avo, assa ittaṃ, **ṇattañca, tiṇavo. Mā** māne sadde ca, “ḍiṇḍi”iti māyate saddāyateti **ḍiṇḍimo**, ño.

**144.** “Ālamba”iti saddāyateti **ālambaro**. “Ālambaro tūriyarave, gajendānañca gajjite”ti [amara 23.167] hi **amarakosa nānatthasaṅgahesu**.

Vīṇādīnaṃ vādanakaṭṭhakuṭṭilādikaṃ koṇo, kuṇyate saddāyatēnenāti **koṇo**, ño. “Dadda”iti saddaṃ karotīti **daddari**, daddati vā saddavisesena pariṇamatīti **daddari**, ri. “Paṭa”iti saddaṃ jahātīti **paṭaho**, paṭaṃ hantīti vā **paṭaho. Hana** hiṃsāgātīsu, kvi. Apare **maddalā**dayo bherippabhedā. “Madda”iti saddaṃ lātīti **maddalā, lā** ādāne, a. “Mandalā”tipi pāṭho, maddaṃ saddaṃ lātīti **mandalā. Ādinā** ḍamaruādayopi bherippabhedā viññeyyā.

**145. Janappiye** janehi piyāyitabbe vimaddoṭṭhe vilepanakuṅkumādīnaṃ, nānāgandhadabbānañca vimaddanobbhūte **parimalo** bhavo, parimajjati pavattayatyāsayanti, a, nerutto, **mala, malla** dhāraṇe vā. Parimalyate dhārīyateti, ño. **Vimaddaggaṇa**ṇena vāpikūpādino [vimaddagandhādino (ka.)] nirāso, **janaggahaṇa**ṇena makkhikādino. **So** parimalo gandho **dūragāmī** atinihārī atidūrapātī āmodo vuccate, āmodante anena, ño. Ito paraṃ **iṭṭhagandhā**dayo **viṣasadda**pariyantā **ṭisu** liṅgesu vattante.

**146.** Catukkaṃ iṭṭhagandhe. Iṭṭho gandho **iṭṭhagandho**, atha vā iṭṭho gandho assa **iṭṭhagandho**. Suṭṭhu rabhanti tussantyanenāti **surabhi**, i. Sundaro gandho assa **sugandho, sugandhi** ca, antassikārādeso.

Dvayaṃ duggandhe. Pūti gandho assa, pubbe viya ikārādeso, kammadhārayasamāsaṃ assatthyaṭṭhepi kattumicchanti, pakriyālāghavatthaṃ bahubbīhiyeva nyāyoti. Duṭṭhu gandho assāti **duggandho**, tena vuttaṃ **kaccāyanena** – “kammadhārayamantatthiyehi bahubbīhi laghutarō” ti. Aññe tu lāghava’manādaramānā icchanteva mantatthiyaṃ. Duvidho vā vāccadhammo lahu garu ca, tatra bahubbīhinā lahu, kammadhārayamantatthiyenagaru. Kiñca bahubbīhinā atisāyanādyattho na gamyateti avassaṃ tappaṭipādanāya kammadhārayapubbako mantatthiyeva daṭṭhabbo.

Dvayaṃ citādhūmādigandhe. **Visa** vippayoge, **so**. Āmassa vasādivatthuno gandho taṃyogā, i, **yaṃsaddo** tassa napuṃsakattadīpako.

**147. Kuṅkumā**dayo cattāro catujjātīgandho nāma. **Kuka, vaka** ādāne, umo, niggahītāgamo ca, **kuṅkumaṃ**, lohita candanaṃ, yaṃ “kasmīraja” nti vuccati, **kamissa** vā **kuṅkādeso, kuṅkumaṃ**. **Yu** missane, yu, yavanaṃ, tassa pupphaṃ **yavanapupphaṃ**, devakusumaṃ, yavanadese jātaṃ pupphanti vā **yavanapupphaṃ**. Yaṃ “lavaṅga” ntipi vuccati, yaṃ pupphaṃ nuhīpupphasamānaṃ. **Tagi** gatyattho **daṇḍako** dhātu, aro, **tagaraṃ**, kuṭīlaṃ. Taruto jāto **turukkho, kho, uttañca**, sallakīdavo hi “turukkho” ti vutto.

**148.** Pajjena charasānaṃ nāmāni. Kaṃ pānīyaṃ sevateṭi **kasāvo**, avo, atha vā kaṃ savāpetīti **kasāvo su** savane. Tuaropi kasāyopi **kasāvapariyāyo**. **Tija** nisāne, to, titto, kaṭu. **Madhu** mādhuriyaṃ, taṃyogā **madhuo**. Lunāti jaḷattanti **lavaṇo**, yu. **Ambasade**, aro, **ittama**, lattañca. **Kaṭa** gatiyaṃ, ṇvu, **uttama**. Ime cha rasā nāma vuccanti. **Tabbati** dabbe **kasāvādisaddā tisu** liṅgesu vattanti.

**149.** Dvayaṃ phoṭṭhabbe. Phusitabbo **phasso, phoṭṭhabbo** ca, tabbo, **sassa ṭo, tassa ṭho**. Tikkaṃ visayimhi. Visayo assa gayhaṭṭhenāthhīti **visayi**. Ukhati gacchati visayeti **akkhaṃ**, ussattaṃ dvittañca, natthi khaṃ vedanā etthāti vā **akkhaṃ, na** hi sukhavedanādayo sampayogavasena pañcasu indriyesu uppajjanti, javanādīsu eva pana uppajjantīti tathā vuttaṃ, manindriye tūpacārā [manindriyesupacārā (ka.)] akkhaṃ. Indo attā, tassa liṅgaṃ **indriyaṃ**, iyo. Nā’nantarena payojakaṃ cakkhādayo byāpārayante, tasmā atthi attā cakkhādīnaṃ payojakoti cakkhādikaṃ liṅgamattano bhavati **nikāyantarikā**. Sayamaṃ tikkhamandādibhāve cakkhuvīññādīnaṃ tikkhamandādibhāvasambhavato tesu indati paramissariyaṃ karotīti vā **indriyaṃ**.

Chakkaṃ nayane. Neti attano nissitaṃ puggalanti **nayanaṃ**, yu. **Asu** byāpane, asati visayesu byāpī viya bhavati **akkhi, sassa ko**, atha vā **akkha** byāpanadassanesu, akkhati visayesu byāpībhavati, akkhati vā passati etenāti akkhi. Netīti **nettaṃ**. Locati passati etenāti **locanaṃ**. **Accha** dassanabyāpanesu, i, **acchi**. Cakkhati assādeti rūpanti **cakkhu, u**, cakkhati passatīti vā **cakkhu**.

**150.** Pañcakaṃ sote. Suṇāti etenāti **sotaṃ**. Saddo gayhate anenāti **saddaggaho**. **Kara** karaṇe, ṇo, **kaṇṇo**, kaṇṇati suṇāti etenāti vā **kaṇṇo, kaṇṇa** savane. Suṇāti yenāti **savanaṃ, suti** ca, yu, ti ca.

Catukkaṃ ghāne. Nasanti etāyāti **natthu, thu, ā, nāsā**. Ṇvu, **aka** ca ikāro ca **nāsikā**. **Ghā** gandhopādāne, ghāyati gandhopādānaṃ karotīti **ghānaṃ**, yu, ghāyantyanenāti vā **ghānaṃ**.

Dvayaṃ jivhāyaṃ. Jivati etāyāti **jivhā, ho, jiva** pānadhāraṇe. Jivitanimittaṃ raso jivitaṃ nāma, taṃ avhāyatīti vā **jivhā**, vaṇṇalopo. Rasanti etāyāti **rasanā, rasa** assādane, rasaṃ jānātīti vā **rasanā, ṇāssa nā, nī** naye vā, a.

**151.** Pajjaṃ sarīre. Sarati gacchati, saranti vā taṃ hiṃsantīti **sarīraṃ**, īro. **Vapa** bījasantāne. Vapati kusalākusalabījametthāti **vapu, u**. Gacchati, gaṇhāti vā kusalākusalametnāti **gattaṃ, gamu** gatiyaṃ, **gaha** upādāne vā. “Attā” ti abhidhānaṃ, buddhi ca bhavanti etasmāti **attabhāvo**. Vuṇoti

saṃvarati etthāti **bondi**, **vu** saṃvaraṇe, di, niggahītāgamo. Vividhaṃ gaṇhāti etthāti **viggaho**. **Diha** upacaye, dihati vaḍḍhati ettha kusalākusalanti **dehaṃ**. Ayaṃ **dehasaddo purise** pulliṅgevattati. Kucchitānaṃ āyo uppattiṭṭhānanti **kāyo**. **Tanu** vitthāre, u, tanu, **tanusaddo**yaṃ itthiyaṃ. Etthāpi **vāsaddo** sambandhitabbo. “Aṅgenāṅgaṃ tanu ca tanunā gālhatattena tatta”nti [uttaramegha 42] hi **meghadūte** vuttaṃ. Kaḷe retasi vamaṃ **kaḷevaram**, aluttasamāsoyaṃ.

**152-154**. Chakkaṃ citte. Cintetīti **cittaṃ**. **Ceto ca**, nalopo. Manati jānātīti **mano**. Vijānātīti **viññāṇaṃ**, yu. Harati attano ādhāranti **hadayaṃ**, yo, **rassa do** ca. Mano eva **mānasaṃ**, sakatthe saṇa.

Cuddasa buddhākhyaṣṣa guṇassa nāmāni. Jhāyatīti **dhī**, **jhe** cintāyaṃ, jhassa **dho**, nadādi, **dhī**, dhāretīti vā **dhī**, kvi, nadādi, dhī, saṅkhāresu dhīkāro jāyati etāyāti vā **dhī**, nadādi. Paññāyate etāyāti **paññā**, a. Bujjhate tāyāti **buddhi**,ti. **Medha** hiṃ sāsāṅgamesu, karaṇe a, **mi** hiṃsāyaṃ vā, dho, **medhā**. Manati jānātīti **mati**, **muti** ca, **uttaṃ**, munātīti vā **muti**, **muna** ṇāṇe,ti, **muti**. **Bhū** sattāyaṃ, ri, nadādi, **bhūrī**, bhūsaṅkhāte atthe ramatīti vā **bhūrī**, kvi, nadādi. Manati jānātīti **mantā**, anta, ā. Vidati jānātīti **vijjā**, **pabbajjā**dinā siddhaṃ. **Yu** missane. Yamati missībhavati ñeyyesūti **yonī**. Paṭimukhaṃ bhanti upaṭṭhahanti ñeyyā etenāti **paṭibhānaṃ**, yu. Na muyhati etenāti **amoho**. Vīmaṃsā vicayo samupekkhā upaladdhi paṭipatti uttacetanādīnīpi buddhināmāni.

**Vipassanā**dayo **nepakkantā** pariyāyā **paññābheda** paññāvisesā. Tattha vividhaṃ aniccādikaṃ saṅkhāresu passaṭīti **vipassanā**, yu. Sammāḍassanalakkhaṇā **sammādiṭṭhi**, sā duvidhā lokiyalokuttaravasena. Tattha purimā chabbisuddhippavattikāle, itarā ṇāṇadassanavisuddhikāle labbhati. **Ādipariyāyena pabhutinā** anaññātaññassāmītindriyādayo gahitā. Tattha tattha kāriyesu vicāraṇā. **Māna** vīmaṃsāyaṃ, so, cittābhogādi. Vicārayate etāyāti **vicāraṇā**, **cara** saṅcaye, curādigaṇo, yu. Sampajānātīti sampajāno, puggalo, dhammasamūho vā, **ñāssa jā**, tassa bhāvo **sampajāññaṃ**, **nyassa ño**, dvittaṃ, taṃ sātthakasampajāññādivasena catubbidhaṃ. Nissesato pāceti kusaladhammeti nipako, ṇāṇī puggalo, tassa bhāvo **nepakkaṃ**. Dvayaṃ vedanāyaṃ. Vedayatīti **vedayitaṃ**, **vida** anubhavane, **curādittā** ṇayo, to, **ikārāgamo** ca. Vedayatīti **vedanā**, yu.

**155**. Pañcakaṃ vitakke. **Takka** vitakke. Takketi sampayuttadhamme ārammaṇaṃ abhiniropetīti **takko**. **Vitakkoti** upasaggamattameva viseso. Saṅkappanti pabhavantyanenāti **saṅkappo**, ṇo, **kappa** vitakke, **kappa** sāmattiye vā, bhūvādi, saṅkappayanti pabhavantyanenāti vā **saṅkappo**, **kappa** vitakke, curādi. **Apa** pāpuṇane, appeti sampayuttadhamme pāpeti ārammaṇanti **appanā**, yu, ā. **Ūha** vitakke. Ūhantyanenāti **ūho**. **Takkaūhasaddā** cettha ajjhāhāravācakāpi bhavanti, ajjhāhāraṃ nāma ūnapūraṇatthamadhikappabhedāharaṇaṃ [madhikopādānaṃ (cintāmaṇiṭṭikā)]. “Ajjhāhāro takka ūhā”ti [amara 5.3] hi **amarakose** vuttaṃ. Dvayaṃ jīvitindriye. **Ayati** gamanatto **daṇḍako** dhātu. Ayati addhānaṃ gacchati yenāti **āyu**, ṇu, eti etenāti vā **āyu**, **i** gatimhi, ṇu, isse, e aya. Jīvanti anenāti **jīvitaṃ**, **jīva** pāṇadhāraṇe.

Catukkaṃ samādhimhi. Nānālambaṇavisāraṇābhāvato ekaṃ aggaṃ ārammaṇametassāti ekaggaṃ, cittaṃ, “**aggasaddo** cettha ālambaṇavācako”ti hi **saddhammaṭṭikāyaṃ** vuttaṃ, tassa bhāvo **ekaggatā**, ekaṃ vā ārammaṇaṃ ajati gacchātīti ekaggaṃ, tassa bhāvo **ekaggatā**. Kāmacchandaṃ sametīti **samatho**, tho, **samu** upasame, “samādhi kāmacchandassa paṭipakkho”ti [pārā. aṭṭha. 1.11; dha. sa. aṭṭha. 160] hi vuttaṃ. Vikkhipanaṃ nānārammaṇaperaṇaṃ vikkhepo, so natthi etthāti **avikkhepo**. Ekārammaṇe suṭṭhu ādhānaṃ **samādhi**, saññāyami, nānālambaṇavikkhepavasappavattaṃ adhisāṅkhātāṃ cittabyadhaṃ sametīti vā **samādhi**, nerutto.

**156**. Pajjena vīriyassa nāmāni. **U** dukkhalābhaṃ, uddhaṃ vā sahati khamatīti **ussāho**, ṇo. **Ā** bhuso kāyaṃ, cittaṅca tāpetīti **ātappo** [ātāpo (?) abhidhānappadīpikāṭṭikā 1135 gāthāyaṃ passitabbaṃ], **tapa** santāpe. Līnaṃ cittaṃ paggaṇhāti ukkhipatīti **paggaho**. Attano nissayaṃ paramatthaṃ gaṇhāpetīti vā paggaṇho. “**Pasaddo** paramatthepī”ti hi **ekakkharakose** vuttaṃ. Vāyamanti yenāti **vāyāmo**, **vāyama** ussāhane, atha vā **vaya** gamanatto **daṇḍako** dhātu, vayati sabbakālanti **vāyāmo**, amo, vāyo viya sadā amati gacchātīti vā **vāyāmo**. Paraṃ paraṃ ṭhānaṃ akkamatīti **parakkamo**, paraṃ paccanīkabhūtaṃ kosajjaṃ akkamatīti vā **parakkamo**. Padahati

yenāti **padhānaṃ**, yu. **Dahassa dho, dha** bhasmīkaraṇe [[papubbadhādhātunā sādhetabbaṃ maññe](#)]. Vīre sādhu, vīraṇaṃ vā kammaṃ, vidhinā vā īrayitabbaṃ pavattetabbanti **vīriyaṃ, īra** gatiyaṃ, īhati eti vā yāya subhāsuhaphalanti **īhā, īha** ceṭṭhāyaṃ, **i** vā gatimhi, pacchime **hapaccayo**, uddhaṃ yanti yenāti **uyyāmo**, amo. Tiṭṭhati ettha subhāsuhaphalanti **dhiti**,ti, **ṭhā** gatinivattiyaṃ.

**157.** Pajjena vuttapariyāyassa vīriyassa cattāri aṅgāni dasseti. Tacādīnaṃ tiṇṇaṃ **avasissanaṃ** avasesatā maṃsalohitehi avadhībhūtehi, maṃsalohitānaṃ pana **sussanaṃ** sukkhatā. Etāni cattāri adhiṭṭhānavasappavattāni vīriyassa **aṅgāni** kāraṇāni honti. **Aṅga** gamanatto **daṇḍako** dhātu. Aṅgati siddhiṃ gacchati vīriyaphalameteḥīti **aṅgāni**. **Taca** pālāne, ṇo, **taco**. **Naha** bandhane āru. **Nhārūtipi** pāṭho. Tattha **nantassa** lopo. **Sisa** asabbappayoge, yu, dvittaṃ. Asati khepeti addhānanti **aṭṭhi**,ti, napuṃsake, nerutto, ā bhuso tiṭṭhati etenāti vā **aṭṭhi**, i. **Mana** ñaṇe, so, nassa niggahītaṃ, **maṃsaṃ**. **Ruha** janane, ito, **lattaṃ, lohitaṃ**.

**158.** Asājhasāadhanepi yassā vasena uyyāmo, sā **adhimatteḥā** adhikasattiyuttā īhā ussoḷhī nāma, u pabalaṃ dukkarakammaṃ sahati yāyāti **ussoḷi, sahassa solho**, nadādi, ussāhānaṃ ūhāti vā **ussoḷi**, yathā “padaṭṭhāna”nti, ākāraṇo, **hassa ḷo, ūlopo**, nadādi, vāyāmattepi. Dvayaṃ satiyaṃ. Sarati, saranti vā tāya, saraṇamattameva vā esāti **sati**,ti, pamādaṃ vā sarati hiṃsatīti **sati**. Anu punappunaṃ sati **anussati**, upasaggamattameva vā viṣeso, dvepi itthiyaṃ.

Dvayaṃ lajjāyaṃ. **Laji** pīḷe, **kātantadhātu**. **Lajja** lajjane, moggallānadhātu, lajjati pāpāti **lajjā**, a. **Hirī** lajjiyaṃ, i. Hiriyati pāpāti **hirī**. **Samānā** tulyatthā dve. Dvayaṃ ottappe. Ottappati bhāyati pāpatoti **ottappaṃ, tapa** bhaye **avapubbo**. Pāpato bhāyati sīlenāti **pāpabhīru**, puggalo, cittaṃ vā, tassa bhāvo tathā.

**159.** Pajjaddhena upekkhāya vedanāya nāmāni. Majjhatte majjhattasabhāve pavattā **majjhattikā**. Dvinnaṃ vedanānaṃ samīpe pavattā ikkhā anubhavananti **upekkhā, ikkha** dassane. Adukkhā ca sā asukkhā ceti **adukkhamasukkhā, makāro** padasandhikaro.

Dvayaṃ manasikāre. Bhavaṅgavasena pavattassa cittassa ābhujanato āvaṭṭāpanato **cittābhogo**. Pālanajjhohārattho cettha **bhujadhātu** āvaṭṭanatto **āpubbattā**, idaṃ pana vīthijavanapaṭipādake sandhāya vuttaṃ, cittassārammaṇe ābhujanaṃ pavattanaṃ vā **cittābhogo**, idaṃ pana ārammaṇapaṭipādakavasena vuttaṃ. Bhavaṅgamanato visadisaṃ manāṃ karotīti **manakkāro**, karaṇaṃ vā kāro, manasmīṃ kāro **manakkāro**. Ettha ca paṭhamavikappena dve paṭipādakā vuttā, pacchimena tu itaro.

Dvayaṃ adhimokkhe. **Muca** mocane, adhimuccanaṃ “idamevā”ti sannitṭhānakaraṇaṃ **adhimokkho**. Nicchayanaṃ niṇṇayanaṃ **nicchayo, caya** gamanatto **daṇḍako** dhātu, **cassa** dvittaṃ, **chattaṃ**, ni bhusaṃ chedanaṃ vā **nicchayo, chidi** dvidhākaraṇe, issattaṃ, **dassa yo**, asarūpadvittaṃ.

**160.** Pajjaddhaṃ dayāyaṃ. **Daya** dānagatihiṃsārakkhaṇesu. Dayati paradukkhāṃ, attasukhañca hiṃsatīti **dayā**, a. **Kapi** calane, anu punappunaṃ kampeti attādhārassa cittanti **anukampā**. Kaṃ sukhaṃ rundhatīti **karuṇā, rudhi** āvaraṇe, **dhassa ṇo**, atha vā karonti attānamadhīnametāyāti **karuṇā**, yu, ā, karuṇā, sā eva **kāruṇṇaṃ**. **Anuddayāti** upasaggena padaṃ vaḍḍhitāṃ.

Pajjaddhaṃ viratiyaṃ. **Ramu** uparame **vipubbo**, viramaṇaṃ **veramaṇī**, yu, nadādi, veraṃ maṇati vināsetīti vā **veramaṇī**. Viramaṇaṃ **virati**,ti. Dūrato viramaṇaṃ **ārati**.

**161.** Catukkaṃ khantiyaṃ. Titikkhanaṃ khamanaṃ **titikkhā, tija** khantiyaṃ, kho, dvittaṃ, kattādi, ā. Khamanaṃ sahanaṃ **khanti**,ti. Khamate **khamanaṃ, khamā** ca, **khamu** sahane. Dvayaṃ mettīyaṃ. **Mida** snehe, mijjati sinehatīti **mettā**, ta, ā. **Metti**,ti. Atha vā mitte bhavā **mettā, metti** ca.

Pajjaddhaṃ diṭṭhiyaṃ. Dassīyate **dassanaṃ, disa** pekkhane, yu. Dassanaṃ **diṭṭhi**. **Labha** lābhe,ti, **laddhi**, micchādiṭṭhiyameva. Sesā tu ubhayatra. Ṭhitapakkho **siddhanto** [[ṭhito pakkho](#)]

siddhanto, [pubbapakkhāṃ nirasya siddhapakkhaṭṭhāpane iti bhāvo \(cintāmaṇiṭṭikā\)](#)], siddho anto anenāti viggaho. Samantato ayaṇaṃ gati **samayo**.

**162. Dohaḷantaṃ taṇhāyaṃ. Tasa** pipāsāyaṃ, yāya tasanti, sā **taṇhā**, ṇho. **Iṇamhi tasiṇā. Eja** kampāne, **ejā**. Saṃsārato nissaritamappadānavasena jālasadisattā **jālinī**, upamāne inī. **Visa** pavesane, sabbatra visatā patthatāti **visattikā**, sakatthe ṇiko. **Chanda** icchāyaṃ, chandanāṃ **chando**, kattukamyatāpī. Tesu tesvārammaṇesu ākulībhūtattā jaṭā viyāti **jaṭā**. **Kamu** icchāyaṃ, ti, **nikanti**. **Isu** icchāyaṃ, a, issa **ā, āsā**. **Sivu** tantasantāne, bhavādīhi bhavādayo sabbatīti **sibbinī**, a, inī. Satte bhavaṃ netīti **bhavanetti**, ti.

**163. Jhecintāyaṃ, ārammaṇābhimukhaṃ jhāyatīti abhijjhā, ā. Vana** sambhattiyaṃ, vanati yena so **vanatho**, tho. **Vā** gatiyaṃ, vāti ārammaṇanti **vānaṃ**, yu. **Lubha** icchāyaṃ, lubbhanāṃ **lobho**, ṇo. **Ranja** rāge, rajjanaṃ, rajjanti vā yena so **rāgo**, ṇo. **Laya** gatiyaṃ, ā punappunaṃ layatyārammaṇesūti **ālayo**, punappunaṃ layati saṃsilesati yenāti vā **ālayo**. “**Layo** vināse saṃsilese, sāmye toriyattikassa ce”’ti **nānatthasaṅgahe. Piha** icchāyaṃ, curādi, a, pihayati yāyāti **pihā**. Cittassa nānārammaṇesu vibbhamakaraṇato manaso ratho iva **manoratho**, mano eva ratho viyāti vā **manoratho**. **Isu** icchāyaṃ, a, sassa **cchādeso**. **Lasa** kantiyaṃ, abhimukhaṃ katvā lasati yenāti **abhilāso**, ṇo. **Kamu** icchāyaṃ, ṇo, **kāmo**. **Duha** papūraṇe, duhanaṃ doho, taṃ lātīti **dohaḷo**, duṭṭhaṃ hadayametenāti vā **dohaḷo**, **hadayassa haḷo**, **hala** kampāne dvisaddūpapado, dvīhi halati kampaṭīti vā **dohaḷo**, a, dvissa **do**, **lassa ḷo**. Dve hadayā assa paramatthassāti vā **dohaḷo**. A, dvissa **do**, **hadayassa haḷo**, **dassa ḷo** vā, **yalopo**, icchāvīsesattepi dohaḷassa sāmāññavatticchāya niddeso.

Ataṇhāsabhāvampi ruciṃ ālambaṇicchāsabhāvasāmāññena idheva vattumāha “**ākaṅkhātu**”iccādi. **Kaṅkha** icchāyaṃ, a, **Ruca** rocane, rocanaṃ kattukāmatā, i, **ruca** dittiyaṃ vā, ruci. Kattukāmateva. **Sā** ruci adhikā lālasā nāma, **lasa** kantiyaṃ, punappunaṃ, atisayaṃ vā lasatīti **lālasā**, dvittaṃ, assā. “Yācanāyaṃ mahicchāyaṃ [[taṇhātīreke yācanāyaṃ \(cintāmaṇiṭṭikā 7.28\)](#)], ussukke lālasā dvisū”’ti **ruddo**.

**164. Tikaṃ virodhe. Pāyena vīresu bhavaṃ veram, paṭighapāpesupi. Rudha** paṭighāte, virujjhaṇaṃ **virodho. Disa** appītiyaṃ, viddesanaṃ **viddeso**.

**Rosantaṃ kodhe. Dusa** appītiyaṃ, dussanaṃ **doso**. Ārammaṇe paṭihaññatīti **paṭighaṃ, hana** hiṃsāyaṃ, **paṭighasaddoyaṃ** pulliṅge vā bhavati. **Kudha** kope, kujjhaṇaṃ **kodho**. Āgantvā haññatīti **āghāto. Kupa** kope, kupaṭīti **kopo**, kopayati vā cittanti **kopo. Rusa** rosane, rusanāṃ dussanaṃ **roso**.

Dvayaṃ parānatthacintane. Byāpajjati vinassati cittametenāti **byāpādo**, paṭighepi. **Pada** gatimhi. Parasampattīsu nābhīramatīti **anabhirati, ramu** ramaṇe, ti.

**165. Dvayaṃ upanāhe. Naha** bandhane, punappunaṃ, upagantvā vā nayhati cittanti **upanāho**. Bajjhati veramanenāti **baddhaveram**. Dvayaṃ soke. **Suca** soke, ṇo, sucanaṃ **soko**. Suate **socanaṃ**.

Tikaṃ rudite. **Rudi** assuvimocane, sabbatra bhāve to. **Kadi** avhāne, rodane ca, **tapaccayassa aṇṇādeso ruṇṇam**. Dvayaṃ paridevane. Devanaṃ sokena vilāpo, punappunaṃ, samantato vā devo **paridevo, pariddavo** ca.

**166. Tikaṃ bhaye cittutrāsasaṅkhāte. Sabbatra bhāvasādhanam. Bhī** bhaye, bhāyanaṃ **bhīti**, ti. **Bhayaṃ**, ṇo. **Tasa** ubbeje, uttasate **uttāso**, ṇo. Dvayaṃ mahati bhaye. Bhīruno idaṃ **bheravaṃ**, ṇo. Mahantaṅca taṃ bhayaṇakattā bhayañcāti **mahabbhayaṃ. Mahābhayantīpi** pāḥo.

**167. Pajjaṃ bhāyitabbasāmāññe. Bheravasaddoyaṃ sāmāññavācakopi atthīti idha niddeso.** Bhāyati yasmāti **bhimsanaṃ**, so, yu, bindāgamo. Bhāyati yasmāti **bhīmaṃ**, mo. **Dara** vidāraṇe, darīyatīti **dāruṇam**, uṇo. Bhāyati yasmāti **bhayānakam**, ṇvu, **anakādeso. Ghura** bhīme, ghurati

bhimsatīti **ghoram**, no. Paṭivattati bhayaṃ cittutrāso yasmāti **paṭibhayaṃ**. Bhāyati yasmāti **bhesmaṃ**, **smapaccayo**. Bhayaṃ karotīti **bhayaṅkaraṃ**, aluttasamāsoyaṃ. Ime nava **bheravādayo** bhayabheravādihetumhi dabbe visesanabhāvena vattante, tadā tīsu līngesu, sāmāññaena tu napuṃsake.

168. Dvayaṃ parābhyudayaśahane. **Issa** issatthe, **issa** issāyanti vā dhātvattho, issati santesupi guṇesu vacasā, manasā vā dosāropanaṃ karotīti **issā**, a. **Ussuya** [usūya (?)] dosāvikaṇe. Tikam macchere. **Masu** āmasane, **ccheraccharapaccayā**, macchameva **macchariyaṃ**, sakatthe iyo, atha vā **masuiccetassa** paṭipadikassa **sussa** **ṇamhi ccheraccharā**, **masu** maccheretipi dhātu.

Tikam aññaṇe. **Mūha** vecitte, muyhanti tena sampayuttadhammā, sayam vā muyhati, muyhanamattameva vā tanti **moho**. **Vida** ññaṇe, na vidatīti **avijjā**. Na vijjānāṭṭīti **aññaṇaṃ**. Tikam māne. Bhūtenābhūtena vā parato ukkaṃsakappanena cetaso unnati **māno**, yathā “sūro atthavāha’masmi sīlavā buddhisampanno”ti [avehi bhalavā asmi, sīlavā buddhisamyuto (cintāmaṇiṭṭikā 7.22)]. **Māna** pūjāyaṃ, curādi, a. Dhāraṇattho **dhādhātu**, karotyatthe **vipubbo**, seyyādibhāve attānaṃ vidadhāti yāya sā **vidhā**, tīsu. Uddhaṃ namati yāya sā **unnati**, itthiyanti.

169. Dvayaṃ uddhacce. **Hana** gatiyaṃ, uddhaṃ uddhaṃ hanati gacchatīti uddhato, to, **hanassa dho**, asarūpadvittam, cittam, uddhatassa bhāvo **uddhaccaṃ**. **Dhāva** gatiyaṃ, uddhaṃ dhāvati cittametenāti **uddhavaṃ**, a, rasso.

**Tāpā**dipaṅcakaṃ kukkucce. **Tapa**, **dhupa** santāpe, tapati cittametenāti **tāpo**, no. Kucchitam karotīti kukkutaṃ, cittam, taṃsamaṅgī vā, tassa bhāvo **kukkuccaṃ**. Pacchā tapati etenāti **pacchātāpo**. Anu pacchā tapati yena so **anutāpo**. **Sara** gatiyaṃ, virūpena pati punappunaṃ sarati cittametenāti **vippaṭisāro**, tassa **ṭo**.

170. Pajjam vicikicchāyaṃ. **Likha** lekhane, manaṃ vilekhati dvidhākaṇavasenaṭṭīti **manovilekko**. **Diha** upacaye. Idha pana **sam**pubbattā saṃsaye, kaṇe no. **Sī** saye, idha **sam**pubbattā kaṅkhāyaṃ, sabbatrevam. “Kathamida”miti kathayati yāya sā **kathaṃkathā**. **Kīta** rogāpanayane, **chapaccayo**, dvitādi, vigatā cicicchā ñānappaṭikāro etāyāti **vicikicchā**. **Ila** gatikampanesu, dvidhā ilati cittametenāti **dvelhakaṃ**, **hapaccayo**, sakatthe ko ca. **Kaṅkha** vicikicchāyaṃ, a, itthiyaṃ. **Saṅka** saṅkāyaṃ. Vividhenākārena maññati yasmā, sā **vimati**. **Mana** ññaṇe, itthiyanti.

171. Tikam nīcapakatidosasambhūtarūpissariyādinimittike made, yasmim sati uttaradānasādarolokaṇādivimukho puriso jāyate. Madopyatra “kathūrīgabbaretesu, madohassebhadānesū”ti [kattari gabbharetesu, mado purisamānesūti (nissaya)] **rabhaso**. **Gabba** māne, curādi, a, atha vā **gara** secane, bo. **Māna** pūjāyaṃ, viseso mānetīti **abhimāno**. Ahaṃkāre **ahaṃsaddo** nipāto, **amhasaddopyatra**, “aha”miti attānaṃ karoti yenāti **ahaṃkāro**. Dvayaṃ cintāyaṃ. **Cinta** cintāyaṃ, a. **Jhe** cintāyaṃ, jhāyate **jhānaṃ**, dvīsupi bhāvasādhanam, a. Vitakkacintānaṃ ko bhedo? Vitakko tāva vācāya pubbabhāgappavatto, “pubbeva kho, gahapati, vitakketvā vicāretvā pacchā vācam bhindatī”ti [sam. ni. 4.348] hi vuttam. Itarā pana tassā apubbabhāgappavattāpīti ayametāsam viseso. Atha vā vitakko pakiṇṇakapariyāpanno eko cetasikadhammo, itarā pana sabbasādhāraṇapariyāpanno manasikāraṇāmaṃko eko cetasikadhammoti ayametāsam viseso.

Dvayaṃ nicchaye. **Naya** gamanattho **daṇḍako** dhātu, ārammaṇaṃ nicchinanto nayatīti **niṇṇayo**, **nassa** **ṇattam**. Atha adhimokkhanīṇṇayānaṃ ko bhedo? Adhimokkko ārammaṇaṃ ajjhogāhetvā tiṭṭhati, niṇṇayo vinicchayaṃattamevāti ayametesam viseso. Atha vā adhimokkko pasādepi sambhavati, itarā pana na tathāti ayampyetesam bhedo. Tatra **nicchayasaddo** idhāpi pavattatīti dvīsupi vutto.

Pādena abhyupagamassa nāmāni. **Patipubbo** jānāti abhyupagame, itthiyaṃ a, **paṭiññā**. Tathā suṇoti ca, a, **paṭissavo**, dvīsupi bhāvasādhanam. Saṃvidā’gū, paṭiññānaṃ, niyamo, assavo, saṃsavo, aṅgikāro, abhyupagamo, samādhīccādīnīpi abhyupagamassa nāmāni [amara 5.5].

172. Chahi padehi anādarassa nāmāni. **Māna** pūjāyaṃ, curādi, **mana** ñāṇe vā, heṭṭhā katvā jānanam **avamānam**, bhāve yu. Yo yenānādarito, sa tato avassameva kāyavacīmanānam aññatarenāvadhīyateti anādarepi byavadhānābhicārato **tirasaddo** antaradhāne vattamāno sambajjhateti tirodhānakaraṇam **tirakkāro**. **Pari parāpubbo bhūdhātu** avaññāṇe, **avapubbo** jānāti ca, sabbatra bhāve ṇo, a ca. **Dara** ādare, ādaro sakkāro, tabbiparīto **anādaro**. Parābhavanam **parābhavo**. Avajānanam **avaññā**.

Dvayaṃ ummāde. Cittassa vibbhamo bhanti ummādo. **Mada** ummāde, uggatehi, ummaggaṇṭhitehi vā dosehi madanam **ummādo**.

173. **Snehantaṃ snehe**. Piyassa bhāvo **pemaṃ**, imo, **piyassa pattaṃ**, pīnayatīti vāpī, pino bhāvo **pemaṃ**, imo. **Siniha, sniha** pītiyaṃ, bhāve ṇo. Dvayaṃ mucchāyaṃ. **Pīla** vibādhāyaṃ, cittassa pīlā **cittapīlā**, vigatā nīlādisañjānanalakkhaṇā saññā etasmāti visaññī, tassa bhāvo **visaññitā**.

Dvayaṃ pamāde. Yena sakko samāno sayam kattabbaṃ na karoti, so pamādo, **mada** pamāde **papubbo**, pamajjanam **pamādo**, ṇo. **Saja** visajjanālingananimmaṇesu. Satiyā visajjanam **sativosaggo**, issa o. Apubbavattuparikkhātisaye **kotūhalā**divayaṃ. **Tuja** hiṃsāyaṃ, kuṃ pāpam tojatīti **kotūhalam**, alo, vaṇṇavikāro ca. **Tula** nikkase, kuṃ pāpam tulayatīti **kotūhalam**, a, **hakāraṇaṇāgamō**. Kotukam, kutukaṇca etesaṃ pariyāyāni.

174. **Vilāsādayo kriyā** ceṭṭhā, kimvisiṭṭhā? Sā kriyā **nārisiṅgārabhāvajā** itthīnam ratibhāvajā, yā **hāvasaddenocante**. Huyante rāgino atrāti **hāvo, hu** havane, ṇo. **Ādinā** vicchittipabhutīnam gahaṇam, tathā hi vuttaṃ **nāṭakaratanakose** –

“Līlā vilāso vicchitti, vibbhamo kilakiñcitam;  
Mottāyitam kuṭṭamitam, vibboko lalitam tathā.

Vikatañceti viññeyyā, dasa thīnam **[thīnam ceṭṭhā (ka.)]** sabhāvajā;  
Hāvo ca helā vikkhepa-sammūḷhamadakapaṇya’nti.

Tatra piyasamīpagamane yo thānāsanagamanavilokitesu vikāro, akasmā ca kodhamihitacamakāramukhavikūṇanam, so **vilāso**, **vipubbā lasadhātumhā** ṇo. Sukumāravidhānena bhamukanettādikriyāsacivakaracaraṇaṅgavinyāso **lalitam, lala** vilāse, to. Aladdhapiyasamāgamena kucittavinodanattam piyassa yā vesagatidīṭṭhihasitabhaṇitehānukati karīyate, sā **līlā, lala** vilāse, **lala** upasevāyanti vā dhātvattho, a. Surate pavaḍḍhecchā helā, **helā** vā, **hila** hāvakaṇe, a. Madarāgahassajanito vipariyāso **vibbhamo**. Ābharaṇavilepanādīnam kutoci piyāparādhato issāyānādarena cattānam sakhīnam payatanena vāraṇam **vicchitti, chidi** dvedhākaṇe,ti. Piyena dattam pītinibandhanam svappamapi bhūsanam vicchittītyaññe. **Kilakiñcitādayo** nāṭakasatthānusārato **[byākhyāsudhāṭikāṭippaṇe]** ñeyyā.

175. Tikaṃ hasite. **Hasa** hasane, sabbatra bhāvasādhanaṃ. So hāso mando samāno mihitam, sitaṇcuccate. **Miha** īsaṃhasane. Mandassitam mhitantipi pāṭho, **mhi** īsaṃhasanetipi dhātu, **mhissa, mihissa** vā **syādeso, sitam**. Sabbatra bhāve to.

Īsaṃphullitadantehi, kaṭakkhehi soṭṭhavehi ca;  
Alakkhitadvijadvāram, sitamicchanti sūrayo **[cintāmaṇiṭikā 7.34]**.

Dvayaṃ mahāhasite. **Aṭa** gatiyaṃ, dūragāmihāso **aṭahāso**, atikkanto vā hāso **aṭahāso, tassa ṭo**, ikārassattaṇca. Sitātihasitānam antarālikam **vihāsitaṃ**.

Ākuñcitakapola’kkham, sassanam nissanam tathā;  
Patthāvottham sānurāgam, āhu vihasitam budhā **[cintāmaṇiṭikā 7.35]**.

Dvayaṃ lomuggame. Romānam añcanaṃ **romaṇico, aṅca** gamane, ṇo. Lomānam haṃsanam

uddhaggabhāvo **lomahaṃsano**.

**176. Parihāsā**dichakkaṃ vallabhādīnaṃ parihāse. Parihasantyatrāti **parihāso**, ṇo, paribhavitukāmena hāsoti vā **parihāso**. **Du** parihāse, **du** anādareti vā dhātu, a, **dava** dāheti vā dhātu. **Khiḍa** kīlāyaṃ, khiḍḍā, **khiddā**tipi pāṭho, atha vā khaṃ tucchāṃ iḍḍā vācā, sā etthāti **khiḍḍā**. **Kīla** pītiyakīlanesu, **kīla** vihāreti vā, kīlanāṃ **keḷi kīlā ca kīlitañca**. **Parihāsā**dichakkesupi adhikaraṇasādhanampi ācariyā vadanti.

Tikaṃ niddāyaṃ. Nīpubbo **dā** supane, a. **Supa** saye, ino, **supinaṃ**. A, **soppaṃ**. Accantaparissamādikāraṇā sabbaṅganimīlanāṃ **middhaṃ**. Mucchāpāyaṃ middhaṃ. **Mida** kāriyakkhamane, to. Medhayati vā middhaṃ, akammaññabhāvena vihiṃ satītyattho, kampanattho **caladhātu** mucchāpāye **papubbo**. Akkhidalānaṃ pacalabhāvena ayati pavattatīti **pacalāyikā**, ṇvu, assittaṃ.

**177-178. Ketavaṇṇaṃ** kūṭe. Karaṇaṃ kati, ninditā kati **nikati**. **Aṭa** gamane, kucchitenākārena aṭatīti **kūṭaṃ**. **Kuṭa** chedaneti vā dhātu [saddanītidhātumālāyaṃ pana “kūṭa appasāde”ti dhātunā sādhitam]. **Rabhi** byāje, byājo nāma ketavaṃ. **Saṭha** ketave, saṭhaṃ, saṭhayati na sammā bhāsati yenāti vā **saṭhaṃ**. Kitavassa dhammo **ketavaṃ**, kitavo nāma jūtakāro, coro vā, **kita** nivāse, avo. Kapaṭo, byājo, upadhi, kusati iccādīnipi ketavassa nāmāni.

Sattakaṃ sabhāve. Bhavanaṃ bhāvo, sassa attano, santo vā saṃvijjamāno bhāvo **sabhāvo**. **Saja** visajjanāliṅgananimānesu, natthi visajjanametassāti **nissaggo**. **Rūpa** pakāsane, saṃvijjamānaṃ rūpaṃ **sarūpaṃ**. Karaṇaṃ bhavanaṃ kati, paṭhamaṃ kati **pakati**. Yathā paṭhamakāle sambhūtā, tatheva sabbadāpītyattho. **Sīla** samādhimhi, samādhi niyamo. **Lakkha** dassanañkesu, tatheva lakkhitabbanti **lakkhaṇaṃ**, yu. Tatheva bhavatīti **bhāvo**.

Dvayaṃ ussave. **Usa** dāhe. Kaṃ usavanti uggirayantyatrāti **ussavo**, nānāsamidhīhi savanti etthāti vā **ussavo**. **Chi** chedane, chindati sokamethhāti **chaṇo**. Yu. Issa lopo. Sokaṃ, pāpañca chindantā aṇanti saddāyanti etthāti vā **chaṇo**. **Chi** chedane. **Aṇa** saddattho **daṇḍako** dhātu.

**179.** Yathā **sasnehaṃ** pakatitilatelādisnehasahitaṃ dīpakaṃ pajjotaṃ dhārento **jantu** naro atyandhakāragabbhādīsvapi ṭhitāni **khuddakānyatthajātāni** atisukhumānipi nānādabbasamūhāni sukhaṃva sampassati, tathā **sasnehaṃ** buddhāpariyāyādiānekapariyāyasnehasahitaṃ imaṃ **abhidhānappadīpikaṃ** ganthaṃ uggahaṇadhāraṇādīnā dhārento **jantu** sotujano **khuddakāni atthajātāni** nānāsatthesu āgatāni atigambhīrāni atthajātāni sukhaṃ sampassatīti yojanā.

Iti sakalabyākaraṇamahāvanāsaṅgañānacārinā kavikuñjarakesarinā sirimahācaturāṅgalena mahāmacena viracitāyaṃ abhidhānappadīpikāvaṇṇanāyaṃ saggakaṇḍavaṇṇanā samattā.

Saggakaṇḍavaṇṇanā niṭṭhitā.

## 2. Bhūkaṇḍa

### 1. Bhūmivaggavaṇṇanā

**180. Idha** bhūkaṇḍe **sāṅgopāṅgehi** bhūmyādīhi dasahi, pātālena cāti ekādasahi koṭṭhāsehi kamato **vaggā** bhūmivaggādīnāmakā vaggā vuccante. Sappadhānopakārakāni āṅgāni **khārādīni**, āṅgānaṃ upakārakāni ca upaṅgāni **addhādīni**.

**181.** Sāddhapajjena bhūmiyā nāmāni. Vasūni ratanāni dhārayatīti **vasundharā**. **Khamu** sahane, **khassa cho, chamā**, atha vā **chi** chedane, sattānamadhopatanaṃ chindatīti **chamā**, mo, itthiyamā ca. Bhavantyassaṃ bhūtānīti **bhūmi**. **Bhū** sattāyaṃ, mi. **Puthaiti** pāṭipadike ṭhite nadādi, ī, **puthassa puthu**ādese, vuddhimhi ca kate **puthavī**. Ussuvādesse **puthuvī**. **Pathādesse** tu **pathavī**, imasmim pakkhe **avāgamo**, atha vā **thava** gatiyaṃ, pathavati etthāti **pathavī**, nadādi, sabbattha pattharatīti vā

**pathavī, thara** santharaṇe **papubbo, rassa vo, nadādi, puthavī**, assu.

“Madhuno keṭabhassāpi, medamaṃsapariplutā;  
Tenāyaṃ medinī devī, vuccate brahmavādibhī”ti [[cintāmaṇiṭikā 11.3](#)]. –

Vacanato medayogā **medinī, ī**, inī ca. **Mida** snehane vā, yu, nadādi, issettañca. **Maha** pūjāyaṃ, nadādi. Vitthiṇṇattā **ubbī**, nadādi, avati bhūtānīti vā **ubbī**, assu. Vasūni santyaṃsaṃ **vasumatī**. Gacchanti yassaṃ lokā, sā **go**, pumitthiyaṃ. **Kā** sadde, kāyati ettha, kāyati māravijayakāleti vā **ku**, u. Vasūni dhārayatīti **vasudhā**. Sabbāṃ lokāṃ dharayatīti **dharāṇī**, yu, nadādi. Dharatīti **dharā**, itthiyaṃ ā. **Gamu** gamane, gacchantyassaṃ **jagatī, antapaccayo, gassa** dvittāṃ, **jattañca, nalopo**, nadādi. **Bhū** sattāyaṃ, ri, nadādi, kvimhi **bhū**. Bhūte satte dharatīti **bhūtarō**. **Ava** rakkhaṇe, yu, nadādi, **avanī**.

**182.** Khārā lavaṇarasā mattikā ūsotyuccate. Khādatīti **khārā, dassa ro**. Padesakattā mattena pamāṇena yuttā **mattikā**. Ūsa rujāyaṃ, **ūso**. Ūsayogā **ūsavā**, vantu. **Rapaccaye ūsaro**. Dvepi tīsu vattante.

**Thala** ṭhāne, adhikaraṇe a. Kittimaṃ thalaṃ, akittimā thalī, nadādi. Thaddhalūkhamhi **bhūbhāge** bhūmippadese **jaṅgalasaddo** vattati. Tattha nijjalattā kakkhaḷattā **thaddho**. Tikkhasakkharādividāragavādikhuragaṇḍuppādavaccādisahitattā lūkho veditabbo. **Gala** cavanādhopatanādanesu. Jalaṃ galati ettha, jalena vā galanti etthāti **jaṅgalo**, nijjalo deso, “jaṅgalo nijjale dese, tilinḡo pisite thiya”nti [[tikaṇḍasesa 3.3.393](#)] hi **tikaṇḍaseso**, lassa lopo, niggaḥitāgamo ca.

**183.** Vedena paññāya ṭhanti etthāti vedeḥo. So eva videho, imaṃ dīpamupādāya sineruno pubbadisābhāgattā pubbo ca so videho ceti **pubbavideho**. Evamaparuttāsesu. Gavena yantyetthāti **goyāno**. Aparo ca so goyāno ceti **aparagoyāno**. Jambuyā lakkhito, kappatṭhāyitādippabhāvena vā tappadhānodīpoti **jambudīpo**. Dhammatāsiddhassa pañcaśīlassa ānubhāvena kaṃ sukhaṃ uru mahantamethhāti **kuru**, kuṃ pāpaṃ rundhanti etthāti vā **kuru**, kvi. **Dīpa** dittippakāsanesu, jalamajjhe dippantīti dīpā, dippanti ettha saddhammāti vā dīpā, pamāṇato mahantā dīpā **mahādīpā**.

**184.** Kuruādayo ekavīsati **janapadantarā** janapadavisesā, **ādinā** suramahapaccuggatā talakuṭā asmākādayo ca **pumbahutte** pullinḡe bahutte ca siyuṃ. Kuru nāma jānapadino rājakumārā, tesāṃ nivāso ekopi janapado rūlḥīsaddena “kurū”ti bahuvacanena vuccati, evaṃ sabbatra. Kuṃ pāpaṃ rundhatīti kuru, khattiyakumārā, tesāṃ nivāso **kurū**, paccayalopato na vuddhi, sabbatrevaṃ [[pāṇini 1.2.52 4.2.81 suttesu passitabbam](#)]. Arivijayalokamariyādātikamādīsū sakkontīti **sakkā**. Kosāṃ lantī gaṇhanti, kusalaṃ pucchantīti vā **kosalā**. Magena saddhiṃ dhāvanti **magadhā**, kvi, maṃsesu giḡjantīti vā **magadhā**. **Gidha** abhikaṅkhāyaṃ. Sevanti yenāti **sivi, si** sevāyaṃ, vi. Sivāṃ karontīti vā **sivī**, aññatthe i. **Kala** sadde, **iṅgapaccayo**, kaliṅgā, tesāṃ nivāso **kaliṅgā**, uttarāpatho [[“jagannāthā pubbabhāge kaṇhātīrantaraṃ sive kaliṅgadeso saṃvutto” ityuttadese \(thomanidhi\)](#)], kaliṃ gaṇhantīti vā **kaliṅgā**, kvi, kalaṃ madhurasaddaṃ gāyantītivā **kaliṅgā**, assittaṃ, kena sukkena liṅgantīti vā **kaliṅgā, liṅga** gamanatto **daṇḍako** dhātu. Attanā khāditaṃ lañjaṃ parājitehi yācitepi puna na vamaṇtīti **avantī**. Pañcālassa puttā **pañcālā**. Vajjetabbāti **vajjī**, “vajjetabbā ime”tyādinā pavattavacanamupādāya vajjīti laddhanāmā rājāno. Vajjīraṭṭhassa vā rājāno **vajjī**. Raṭṭhassa vā pana taṃsamaññā taṃnivāsīrājakumāravasena veditabbā. Gaṃ pathaviṃ dhārentīti **gandhārā**, kittigandhena arantīti vā **gandhārā**. **Cita** ussāhane, cetanti ussahanti yuddhakammādīsūti **cetayo**.

**185.** **Vaṅga** gamanatto **daṇḍako** dhātu. Viṣiṭṭhāni dehāni yesāṃ **videhā**, pubbavidehadīpato āgatattā vā **videhā**. **Oja** dittiyaṃ, kambunā sambukena ojanti tassāṃ vohāraṇatoti **kambojā**, kambukajo ojo balametesanti vā **kambojā**. **Mada** maddane, maddantīti vā **maddā**, maṃ sivāṃ dadantīti vā **maddā**, pañcakāmaguṇādīhi modantīti vā **maddā, mada** hāse. **Bhañja** avamaddane, **bhaggā**. **Aṅga** gamanatto **daṇḍako** dhātu. Sīhaṃ lantīti **sīhalā**. **Kāsa** dittiyaṃ, sampattiyā kāsantīti **kasmīrā**, mīro. **Kāsa** dittiyaṃ, i, **kāsī**. **Paḍi** gatiyaṃ, **paṇḍu**, u. Atha vā kuṃ pāpaṃ rundhati etthāti **kuru**, iti ekopi janapado nissitānaṃ bahuttā bahuvacanena vuccati. Evaṃ sabbattha.

**186.** Dvayaṃ bhuvane. **Luja** adassane, lujjatīti **loko**, **gassa ko**, **jassa vo**. Bhavanti etthāti **bhuvanam**, yu. Jagati, viṭṭhapādīnīpi bhuvanapariyāyāni. Dvayaṃ desasāmaññe. **Disa** atisajjane, atisajjanaṃ pabodhanaṃ, “ayaṃ itthannāmo”ti disati apadisatīti **deso**. **Si** sevāyaṃ, saññāyaṃ a, **visayo**.

Siṭṭhācārarahito milakkhadeso **kāmarūpādi** paccanto nāma. **Milakkha** abyattiyam vācāyaṃ, milakkhanti abyattavācaṃ bhāsantīti **milakkhā**. Siṭṭhācāramaggadassanattāya paññācakkhuno abhāvā rāgādimalaṃ akkhiṃhi yesanti vā milakkhā, assittaṃ, tesam nivāsaṭṭhānaṃ **milakkhadeso**. Paccante majjhimadesassa bahiddhābhāge jāto **paccanto**.

Byavattā catuvaṇṇānaṃ, yasmim̐ dese na vijjate;  
Milakkhadeso so vutto, majjhabhūmi tato paraṃ [[cintāmaṇiṭṭikā 11.7](#)].

Ariyācārabhūmittā majjho ca so deso ceti **majjhadeso**, navayojanasataparikkhepo majjhimadeso.

**187. Salilappāyo** bahūdako deso anūpo nāma, anugatā āpā atrāti **anūpo**, **āpassa** ādino **uttam**, paralopo vā. **Kaca** bandhane, cho, **kaccham**. Anūpadeso ca. Abhinavoggamanena tiṇena lakkhite harite dese saddalo, **dala** dittiyam, bhāve a. Vijjati dalo yattha **saddalo**.

**188.** Nadiyā ābhatena ambunā udakena jīvanti etthāti **nadyambuḥjivano** deso nadī mātā assāti **nadīmātikoti** vuccati, bahubbīhimhi ko. Vuṭṭhiyā vassena nipphajjati sassametthāti **vuṭṭhinipphajjasassako** deso devo mātā assāti **devamātikoti** vuccati, bahubbīhimhiyeva ko, **devasaddo** cettha vuṭṭhimāha.

**189. Anūpādayo devamātikāntā** tīsu liṅgesu. **Candasūrādo** candasūriyasinerupabbatādīmhi sassatisaddo **īrito** kathito. Sabbadā saranti gacchantīti **sassatiyo**, **sara** gatiyam, **sarasaddassa so**,ti.

**Ratha** gatiyam, rathanti ettha nagarādayoti **raṭṭham**, to. Nāgarehi vijjintabbanti **vijitam**. Āliyam pavattamāno yo setu, so **purise** pulliṅge vattati. **Si** bandhane, tu. **Ala** bhūsane, i, **āli**, tassaṃ āliyam.

Nagarapabbatādino **upāntabhū** samīpabhūmi **parisaro** parito sarantyatrāti, ṇo.

Tikaṃ vaje. Gāvo tiṭṭhantyrātri **goṭṭham**. **Kula** saṅkhyāne, gāvo kulantyetthāti **gokulam**, gunnaṃ kulaṃ gharanti vā **gokulam**. **Vaja** gatiyam, vajanti yaṃ gāvo nivāsanattāyāti **vajo**. Goṭṭhānakaṃ, goṭṭhānantipi vajassa nāmāni.

**190.** Silokena maggassa nāmāni. Pathikehi majjate nittiṇaṃ karīyateti **maggo**, **majja** suddhiyam, ṇo, **jassa gattam**, pathikehi maggīyateti vā **maggo**, **magga** anvesane, maṃ sivaṃ gacchati ettha, etenāti vā **maggo**, “mo sive parisāyañce”ti hi **nānatthasaṅgahe**, sivaṃ gamanaṃ karotīyattho, kriyāvīsesanametaṃ. **Pathi** gatiyam, curādi, **nāgamo**. Panthayanti yantyanenāti **pantho**, a, kāritalopo. Pathati yātyanenāti **patho**. **Ada** gamane, adati yattha sā **addhā**, dho, addhā maggo, **addhāsaddo**yaṃ kālepi, samabhāgatthavacane tu addham, tasmā **addhasaddo** pumanapumsakavasena dviliṅgo, **rājāditte** addhā, **arājāditte** addham. **Añja** gatiyam, aso. **Vaja** gatiyam, umo, **jassa to**. **Pada** gatiyam, a, **dassa jo**, dvittam, **pajjo**. **Aya** gatiyam, yu, **pada** gatiyam, avo, nadādi. **Vatta** vattane, vattanaṃ gamanādi, ani, nadādi, **vattani**. Kantanadaṇḍe punnapumsakaṃ. Pathikehi pādehi haññateti **paddhati**. **Pādasaddasamānatthena padasaddena** niyatappayogato vuttinā siddho, **padasaddūpapado hanadhātu**,ti, **hanassa dho**, alopo. **Paddhatisahacaraṇato vattani**, taṃsahacaraṇato **padavī** ca itthiyam.

**191-192. Tabbedā** tassa maggassa visesā **jaṅghamaggā**dayo **apathantā**. Jaṅghāhi gato maggo **jaṅghamaggo**. Sakaṭehi gato maggo **sakaṭamaggo**. **Te** jaṅghamaggasakaṭamaggā mahāmagge vattanti.

Ettha ca “tethā”ti **athasaddo** na vattabbo, “te cā”ti pana vattabbo. “Matāddhanī”ti pāṭhe pana sati “tethā”ti vattabboyeva, tadā ekapadike addhani magge ekapadī matāti yojanā kātābbā. Gacchataṃ eko asahāyo pādo yassaṃ, na nisinnasseva yamakoti **ekapadī**, samāsante nīccamīpaccayo, **kapaccaye ekapadiko**, īssa rassattaṃ.

Corakaṇṭakādīdose duggame pathe kantāro, **punnapuṃsake**, kena pānīyena taranti atikkamanti yanti **kantāro**, **tara** taraṇe, corakantārādīsu panāyaṃ rūḷhivasena vutto, atha vā **kati** chedane, sappāṭibhayattā kantati nīccagamanāgamanametthāti kantāro, āro, **nāgamo** ca. Dukkheṇa gacchanyetthāti **duggamo**.

**193.** Dvayaṃ **paṭimagge**. Paṭi abhimukheṇa gantabbo maggo, patho ca **paṭimaggo**, **paṭipatho** ca. **Dīghamañjasam** atidūro maggo addhānanti vuccate. Addhānaṃ ayaṇaṃ **addhānaṃ**, accāyato maggo, yathā “padaṭṭhāna”nti, **yalopo**.

Dvayaṃ pasattheddhani. Sobhano patho, pantho cāti viggaho. Gantabbapathabhāvato apetaṃ **uppathaṃ**, **apathaṅca**, abyayībhāvasamāso, **asaddo** atra nipāto.

**194-196.** Paramāñūnaṃ chattiṃsa eko aṇu nāma, aṇutopi aṇutarattā paramo aṇu, aṇuto vā paramoti **paramāṇu**, **aṇa** saddattho **daṇḍako** dhātu, u. **Te** aṇavo chattiṃsa tajjārī nāma, taṃ taṃ attano nissayaṃ malīnakaraṇavasena jarāpetīti **tajjārī**, **jara** jīraṇe, **jara** vayohānimhi vā, a, nadādi. **Tāpi** tajjāriyo chattiṃsa rathareṇu nāma, rathānaṃ sañcaraṇavasena pavatto reṇu **rathareṇu**. **Te** rathareṇavo chattiṃsa likkhā nāma. **Lakkha dassane**, pakaticakkhunāpi lakkhyateti **likkhā**, assittaṃ.

**Tā** likkhā satta ūkā nāma, **ūkāti** vuccati sirovattakimi, tappamāṇattā **ūkā**. **Tā** satta ūkā dhaññamāso nāma, dhañño vīhiyeva parimāṇitabbattā māso cāti **dhaññamāso**, **masi** parimāṇe. **Te** satta dhaññamāsā aṅgulaṃ nāma, **aṅga** gamanattho, ulo, **aṅgulaṃ**, pamāṇaṃ, **ulipaccaye aṅguli**, karasākhā. **Amudviccheti** aduṃ dvādasāṅgulaṃ vidatthi nāma, kaṇiṭṭhasahitenaṅguṭṭhena vitthārīyate, vidhīyateti vā **vidatthi**, **vipubbo tanu** vitthāre. **Dhā** dhāraṇe, ubhayatrāpiti, pubbapakke tassa **tho**, **nassa to**, **tassa do**. Pacchime **dhassa do**, **tassa tho**, asarūpadvibhāvo ca. **Tā** duve vidatthī ratanaṃ siyuṃ, **ramu** kīlāyaṃ, tano, **malopo**. **Tāni** satteva ratanāni **yaṭṭhi** nāma, **yata** payatane,ti, **tassa tho**, **tassa to**. **Tā** vīsati yaṭṭhiyo **usabhaṃ** nāma, **usa** dāhe, abho. Ettha pana usabhanadantaraṃ usabhaṃ. Usabhānaṃ asītipparamāṇaṃ gāvutaṃ nāma, gavamaṃ, gavehi vā yutaṃ **gāvutaṃ**. **Yuja** samādhimhi, gonadantarehi gahitappamāṇasamādhānanyattho, taṃ catugāvutaṃ **yojanaṃ** nāma, **yuja** samādhimhi, yu, “ettakaṃ yojanaṃ nāma hotū”ti catugāvutehi samādhānanyattho.

**197.** Āropitānaṃ ācariyadhanūnaṃ pañcasataṃ koso nāma, anāropitānanyapare. **Kusa** avhāne, ṇo, kusaṃ avhānaṃ koso, idha pana kosappamāṇattā **koso**, dvisahassakarappamaṇo. Aññattha pana –

“Catukkādhivīsatiyā, aṅgulehi karo bhava;  
Khyātamaṭṭhasahashehi, kosamānaṃ vibhāvinā”tyuttaṃ.

**Caturambaṇanti** caturambaṇavīhibījajātaropanayogyo bhūmippadeso karīsaṃ nāma, karonti ettha kasanaropanaṇādikanti **karīsaṃ**, īso. Caturambaṇabījajātāni ropentyetthāti **caturambaṇaṃ**, ambaṇaṃ ekādasadoṇamattaṃ, aññe pana “caturambaṇaṃ catuyatṭhikaṃ ṭhānaṃ karīsaṃ nāmā”ti vadanti, taṃ karīsabbhantarānaṃ pariyāyabhāvappasaṅgā na gahetabbaṃ.

Pamāṇato hatthānaṃatṭhavīsappamāṇaṃ ṭhānaṃ abbhantaraṃ nāma, abbhantare antokoṭṭhāse jātaṃ, na bahikoṭṭhāseti **abbhantaraṃ**. Yattha yattha hi yo yo ṭhito, nisinna vā, tattha tattha samantā atṭhavīsatihathappamāṇaṃ ṭhānaṃ tassa tassa abbhantaraṃ ṭhānaṃ nāma. **Bhūmyādittā bhūmivaggo**, atha vā aṅgāpekkhāya bhūmiyeva padhānaṃ, padhānena ca byappadeso bhavatīti bhūmivaggabyappadeso.

Bhūmivaggavaṇṇanā niṭṭhitā.

## 2. Puravaggavaṇṇanā

198. Chakkaṃ nagare.

“Paṭṭanañca adhiṭṭhānaṃ, nagaraṃ puṭabhedanaṃ;  
Thiyo pū nagarī pūriyo, ṭhāṇiyaṃ kabbaṭṭaṃ puṭa”nti.

Hi silokapariyāyesu **vopālito**.

“Vicittadevāyatanam, pāsādāpaṇamandiraṃ;  
Nagaraṃ dassaye vidvā, rājamaggopasobhita”nti [cintāmaṇiṭṭikā 1.2.1]. –

Nagaralakkhaṇaṃ. **Pu** pālana, **pura** pālaneti ca, punāti pureti ca rakkhati paracakkā duggatāyāti **puram**, ro, a ca, **pura** aggagamanetipi dhātvattho. Nagā pāsādādayo assa santi **nagaraṃ**, ro. **Vākā**rena **nagarasaddassa** pulliṅgattaṃ samuccinoti [nagariyo vā pattanaṃ (amara 1.2.1) pakkhe pattanasāhacariyā napuṃsakattaṃ. (cintāmaṇiṭṭikā 1.2.1)], **purasaddassāpītyācariyā**. Akutobhayattā ṭhāṇāya hitaṃ **ṭhāṇiyaṃ**, īyo. Paṇikānaṃ puṭā bhijjante atrāti **puṭabhedanaṃ**.

Niccanivāsanaṭṭhānaṃ dassetvā itaraṃ dassetumāha “**thiya**”miccādi. Rājā tiṭṭhati etthāti **rājathānī**, yu, nadādi, niccanivāsanaṭṭhānepi “caturāsītinagarasahassāni kusavatīrājathānīpamukhānī”tyādīsu [dī. ni. 2.263]. Dārukhandhādīhi ā samantato varanti parikkhipiyanti etthāti **khandhāvāro**, patthanattho **varadhātu āpubbattā** parikkhipanattho hoti. Pañcakaṃ nagare, “khandhāvāro”ti pana ekameva aciranivāsanaṭṭhānassa nāmaṃ.

199. **Mūlapurā aññatra** mūlapuraṃ vajjetvā yaṃ puramatthi  
yojanavithiṇṇapākārādiparikkhittaṃ, taṃ mūlapurassa taruṭṭhāniyassa sākḥāsadisattā  
**sākḥānagaraṃ** nāma.

200-201. Sāddhapajjadvayena mūlapurassa nāmāni. Vānaraśīsaṃ, taṃsaṅṭhāno vā pāsāṇo ettha atthīti “vānaraśīsa”nti vattabbe **vassa battaṃ**, vaṇṇavipariyayaṃ, dīghaṃ, **ṇattaṃ**, **sassa** lopañca katvā “**bārāṇasī**”ti vuttaṃ. Savatthassa isino nivāsanaṭṭhānattā **sāvatti**, sabbaṃ dhanamettha atthīti vā **sāvatti** [ma. ni. atṭha. 1.14], **sabbassa sāvo**, dhanavācako **atthasaddo**, i. Tikkhattum visālībhūtattā **vesālī**, assatthutthe ī. **Mathi** hiṃsāyaṃ, ilo, assittaṃ, **mithilā**. Alaṃ bhūsanametthāti **ālavī**, vī, **lattañca**. **Kusa** avhāne, “khādatha pivathā”tyādīhi dasahi saddehi kosanti etthāti **kosambī**, bo, nadādi, kusambarukkhavantatāya vā **kosambī**, kusambassa isino assamato avidūre māpitattāti eke [udā. atṭha. 35; ma. ni. ṭī. 1.14; 2.284]. Uggamaṃ ripuṃ jayati yattha, sā **ujjenī**, yu, nadādi. **Takka** ūhe, ūho ūnapūraṇaṃ, takkanaṃ takko, so sīlaṃ sabhāvo yattha sā **takkasilā**, yo hi purisakārena ūno, so tattha gantvā tamūnaṃ pūretīti. **Cama** adane, po, **campā**. Sānaṃ dhanānaṃ ākaraṃ uppattiṭṭhānaṃ sākaro, so eva **sāgalam**. Saṃsumārasaṅṭhāno giri etthāti **saṃsumāragiraṃ**, saṃsumāro gāyati etassa māpitakāleti vā **saṃsumāragiraṃ**, ge sadde, iro. Rājūnameva ādhipaccavasena pariggahitabbattā **rājagahaṃ**. Ādikāle kapilānāmassa isino nivāsanaṭṭhānattā **kapilavattu**, pumanapuṃsake.

Sāko rājūnaṃ yuddhādīsu satti sañjātā etthāti **sāketam**, “sāko sattimhi bhūpāle, dumadīpantaresu ce”ti **nānatthasaṅgahe**. Sañjātatthe ito, sāko nāma rājā, dumo vā ettha ādikāle sañjātoti vā **sāketam**. Indamaṃ paramissariyabhāvaṃ pāpuṇanti etthāti **indapattam**, indo vā sakko devarājā, so patto etthāti **indapattam**. Ukkaṃ dhārayati etassa māpitakāleti **ukkaṭṭhā**, vaṇṇavikāro. Yassa māpitaṭṭhāne pāṭalīnāmakko eko taruṇarukkho atthīti taṃ **pāṭaliputtakam**, atha vā pāṭalī nāma eko gāmaṇī, tassa putto ettha vasatiādikāleti **pāṭaliputtakam**. Cetiyaṭṭhe uttamattā **cetuttaram**, “jetuttara”nti pāṭhe pana vaṇṇavikāro, verijayaṭṭhānattā jetañca taṃ uttamattā uttarañceti vā **jetuttaram**. Yassa māpitakāle dīpo dippati, taṃ **saṅkassam**, **kāsa** dittiyaṃ, dvittaṃ, sammā kasanti etthāti vā **saṅkassam**, **kasa** vilekhane, yassa māpitakāle nimittamolokentā brāhmaṇā kusahattham

naraṃ passivā māpentī, taṃ **kusināraṃ**. Ādinā mathura [[madhura, mādhura \(ka.\)](#)] pāsānapurasonīkādayopyanekapuravisesā saṅghatā.

**202.** Catukkaṃ abhantaragāmagge. Rathassa hitā **racchā**, pabbajjādi. Visayante pakāsāyante vikkayaena dabbāni yassaṃ, sā **visikhā**, **vipubbo si** sevāyaṃ, kho, visanti etthāti vā **visikhā**, **visa** pavesane, kho. Rathassa hitā **rathikā**, iko. **Vī** gamane, thi, **vīthi**.

**Anibbidhā** racchantarena majjhe anibbidhā racchā byūho nāma. Byūheti sampiṇḍeti jane aññatra gantumappadānavasenāti **byūho**, **ūha** sampiṇḍane **vipubbattā**. Na nibbijjhate racchantarenāti **anibbidho**, **vidha** sampahāre, a. Nibbidhā racchantarena racchā **patho**, **addhīti** ca vuccati. **Patha** gamane, patho. **Ada** gamane,ti, addhi.

**203.** Catukkaṃ caccare. Catunnaṃ pathānaṃ samāhāro **catukkaṃ**, **cara** gatibhakkhanesu, caro, **rassa co**, **caccaraṃ**, aṅgaṇavācako cāyaṃ. Dvinnāṃ, catunnaṃ vā maggānaṃ sandhi **maggasandhi**. **Singha** ghāyane, āṭako.

Dvayaṃ vappassopari iṭṭhakādiracite veṭhane. **Vappaṃ** nāma dugganagare parikhāmatikaṃ kūṭaṃ [[kuṭim \(ka.\)](#)] katvā gohi, hatthīhi ca vimaddāpetvā tiṃsahatthappamāṇaṃ pākārassa heṭṭhimatalaṃ, tathā hatthasataṃ tato uddharitvā paṃsunā vappaṃ kārāye, tassopari pākāranti, pakubbanti tanti **pākāro**, samantato karīyateti vā **pākāro**, akattari ca kārake saññāyaṃ ṇo, rassassa dīghatā. **Vu** saṃvaraṇe, vuṇotīti **varaṇo**, yu, rāgamo ca. “Sālo”ṭipi pākārassa nāmaṃ.

Dvayaṃ rājabhavanasāmaññe. Sabbagehānaṃ visesena pakāsānato **uddāpo**, **dīpa** pakāsane, īssākāro. Saṅgama karonti tanti **upakārikā**, ṇvu. Ke paccaye thīkatākārapare pubbo **akāro** dīghaṃ [[kātanta 2.2.65](#)], **akādesopi** hi “ko”ṭi vuccati, yathā devadatto “datto”ṭi. **Kapaccayo** vā.

**204.** Dvayaṃ gehādino mattikeṭṭhakādimaṃyabhittiyaṃ. **Kuṭa** chedane, kuṭati chindati magganti **kuṭṭaṃ**. **Bhidi** dvidhākarāṇe,ti, **bhitti**. Gunnaṃ vācānaṃ puraṃ **gopuraṃ**. Dvārasamīpe kato koṭṭhako **dvārakoṭṭhako**, **kusa** akkose, ṭhako, **koṭṭhakoti** gehaviseso.

Dvayaṃ indakhīle. **Isa** icchāyaṃ, **esa** gavesane vā, iko. Indassa sakkassa khīlo kaṇṭako **indakhīlo**. Dvayaṃ dvārapassopasālāyaṃ’hamyādipiṭṭhe ca vātakuṭikāyaṃ. **Adḍa** atikkamahimsāsū, a. **Ālakapaccaye** **aṭṭālako**.

**205.** Upari mālādiyuttaṃ sobhanathambhadvayaṃubhayato nikhanitvā yaṃ bahidvāraṃ kappīyate, taṃ toraṇaṃ. **Tura** vāraṇe, yu, thavantā vā raṇantyaṭṭrāti **torāṇaṃ**, **tu** abhitthave. **Raṇa** saddattho, vaṇṇavikāro. Dvārassa bahi **bahidvāraṃ**. Pari samantato khaññateti **parikhā**. Dīghabhāvena yuttā **dīghikā**.

**206-207.** **Sadumantaṃ** gehe. **Manda** modanathutiḷattesu, mandante yatthāti **mandiraṃ**, iro. Sīdanti tatthāti **sadanaṃ**, yu. **Sada** visaraṇagatyāvasānesu. Na gacchantīti agā, thambhādayo, te rāti gaṇhātīti **agāraṃ**. Rassassa dīghatte **agāraṃ**. **Ci** caye, nicīyate chādīyateti **nikāyo**, **yamhi cissa** **kādeso** nipātanā. **Lī** silesane, ṇo, **nilayo**, **ālayo** ca. **Vasa** nivāse, āvasantyaṭṭrāti **āvāso**, ṇo. **Bhū** sattāyaṃ, bhavantyaṭṭrāti **bhavanaṃ**. Visanti tanti **vesmaṃ**, mo. **Kita** nivāse, adhikarāṇe yu, **niketanāṃ**. Nivisanti, nivasanti vā yatra, taṃ **nivesanaṃ**. **Ghara** secane, gharati kilesametthāti **gharaṃ**, gayhatīti vā **gharaṃ**, ṇo. **Gahassa** **gharādeso**. Gaṇhāti purisena ānītaṃ dhananti **gahaṃ**. Adhikarāṇe tho, **āvasatho**. **Sara** gaticintāhimsāsū, saranti cintenti ettha subhāsubhakammāni, sarati vā sūriyasantāpādikanti **saraṇaṃ**. **Si** sevāyaṃ, ṇo, **patissayo**. **Uca** samavāye, **okaṃ**. **Sala** gamane, “itthiyamatīyavo vā”ṭi a, **sālā**, **saradhātumhi** sati **lattameva** viseso. **Ci** caye, kammani ṇo, **cayo**. **Kuṭa** chedane, i. **Vasa** nivāse,ti. Upadhassa ette **gehaṃ**. **Sadadhātumhā** umo, **sadumaṃ**.

Dvayaṃ mukharahitadevakulasadise yaññāyatane. **Cita** pūjāyaṃ, kammani iyo. **Yata** yatane, āyatanti vāyamanti ettha phalakāmāti **āyatanaṃ**, atha vā āyantīti āyāni, tāni tanotīti **āyatanaṃ**, phalakārakantyaṭṭho. Ettha **tusaddo** samāgatānaṃ dvinnāṃ pubbāparagamanattho. “Cetiyyātanāni

cā''tipi pātho.

**208.** Dvayaṃ devānaṃ, narapatīnañca iṭṭhakādimaye bhavane. Aññassāpi sādīsyā. Pasīdanti nayanamanānyatrāti **pāsādo**. **Yu** missane, po, dīgho ca, dīghavidhānasāmatthiyā **ottābhāvo**.

Dvayaṃ rājato aññesaṃ dhanīnaṃ byavahārakādīnaṃ bhavane. Muṇḍo chadanametassa, na pāsādassa viyāti **muṇḍacchado**, dvittama. **Hara** haraṇe, yo, **yamhi miāgamo** ca.

Duggapuradvāre vā, yattha katthaci vā mattikādimaye gajakumbhamhi yo **yūpo** pāsādo patīṭṭhito, so hatthinakho nāma, hatthisseva nakho yassāti **hatthinakho**, **nakhasaddena** vā nakhasahito pāsādo gayhate.

**209.** Supaṇṇassa garuḷassa vaṅkena pakkhena sadisachadanaṃ geḥaṃ **suvaṇṇavaṅkacchadanaṃ**. **Vaṅka** gamane. Ekapasseyeva chadanato **aḍḍhayogo**.

Ekeneva kūṭena yutto anekakoṇo patissayaviseso māḷo nāma, vaṭṭākārena katasenāsananti keci. **Mā** māne, ḷo, **māḷo**.

Caturasso patissayaviseso pāsādo nāma, āyatacaturassapāsādoti keci.

**210.** Santehi bhāti dibbatīti **sabhāyaṃ**, **sabhā** ca, purime yapaccayo, **santassa sadeso** tūbhayatra. Maṇḍā raviraṃsayo, te pivati nāsayatīti **maṇḍapo**, **vāsaddena maṇḍapapadassa** pulliṅgattaṃ samuccinoti, janānaṃ ālayo sannipātaṭṭhānaṃ **janālayo**. Āsanatthāya katā sālā **āsanasālā**. Paṭikkamanti etthāti **paṭikkamanaṃ**, **kamu** padavikkhepe, adhikaraṇe yu.

**211.** Jinassa vāsabhūtaṃ bhavanaṃ gandhakuṭi nāma, dibbagandhehi paribhāvitā kuṭi **gandhakuṭi**.

Tikaṃ pākāṭṭhāne. Rasāni santiyassaṃ **rasavatī**, pacanaṃ pāko, tassa ṭhānaṃ **pākāṭṭhānaṃ**. Mahantāni bahūni asitabbāni santettha **mahānaṃ**, **asa** bhakkhane, yu, vaṇṇavipariyayo.

**212.** Suvaṇṇakārādisippīnaṃ kammasālā āvesanaṃ. Āvisantyaṣmiṃ **āvesanaṃ**, yu. **Pānamandiraṃ** surāpānatthaṃ katamandiraṃ soṇḍā nāma, kattabbākattabbaṃ vicāretvā attanā icchitavattukāraṇā sabbamaṃ deyyadhammaṃ sanontīti soṇḍā, **sana** dāne, tanādi. **Do**, assottaṃ, vaṇṇavikāro ca, tesamaṃ eṣā vasati **soṇḍā**. **Pānasaddasannidhānā** surāsoṇḍāyevidha gahitā. Vaccassa gūthassa visajjanaṭṭhānaṃ **vaccatṭhānaṃ**. Vaccassa visajjanaṭṭhānā kuṭi **vaccakuṭi**. Munīnaṃ isīnaṃ vasanaṭṭhānaṃ assamo nāma, ā kodhaṃ samenti etthāti **assamo**, ā bhuso samenti ettha rāgādayoti vā **assamo**.

**213.** Tikaṃ paṇyavikkayasālāyaṃ. **Paṇa** byavahāre, paṇitabbāti paṇyā, vatthādayo, te ettha vikkiṇantīti paṇyavikkayo, **kī** dabbavinimaye, so eva sālā gehanti **paṇyavikkayasālā**. Āpaṇayante byavaharante asminti **āpaṇo**, ṇo. Paṇyānaṃ vikkayāya nīyamānānaṃ vīthi pantho **paṇyavīthikā**. **Vasa** acchādane, to, udakaṃ vasitaṃ acchādanaṃ katamanenāti **udosito**, vassottaṃ, bhaṇḍaṭṭhapanassa sālā **bhaṇḍasālā**. **Kamu** padavikkhepe, caṅkamatyatrāti **caṅkamaṃ**, **caṅkamo** ca, dvittādi.

**214.** Jalanti etthāti jantā, **jala** dittiyamaṃ, anto, ‘‘itthiyamatiyavo vā’’ti a, ā, **lalopo**, janetyatra agginti vā jantā, **jana** janane, anto, sā eva gharaṃ **jantāgharaṃ**. Aggino sālā **aggisālā**. **Pā** pivane, papivantyassanti **papā**, a. Pānīyaṭṭhā sālā pānīyasālā, sā eva **pānīyasālā**.

**Gasa** gamane, bho, **sassa bo**. Avati rakkhatīti **ovarako**, aro, sakatthe ko, assottañca. Vasanaṃ vāso, tadatthaṃ agāraṃ **vāsāgāraṃ**. Sayati etthāti sayanī, yu, nadādi, sā eva gahaṃ **sayaniggahaṃ**.

**215.** Catukkaṃ rājittāgāre, tadatthiyato [tadaṭṭhīyato (ka.)] upacārena rājittīsūpi.

Rājithhīnamagāraṃ **itthāgāraṃ**. Avarundhīyante rājithhiyo anenāti **orodho, rudha** āvaraṇe. Suddhā kāmāpagamattā parisuddhā rakkhakā ante samīpe yassāti **suddhanto**. Ante abbhantare puram geham **antepuram**, purassa anteti vā **antepuram**. “Antopura”ntipi pāṭho.

Raññaṃ rājūnaṃ **asabbavisayatthānaṃ** sabbehyasādhāraṇatthānaṃ “kacchantara”nti **matam** kathitaṃ, yaṃ “pamadavana”nti vuccati, pamadavanaṃ nāma upakārikāsannihitaṃ vā purasannihitaṃ vā antepurocitaṃ, yatra antepurasahito eva rājā viharati, nāññajanappaveso [amara 14.3]. Pamadānaṃ vanaṃ pamadavanaṃ. Nipātanā **yākāraṇaṃ** [īkāra ākāraṇanti attho] itthigatānaṃ rasso kvacītirasso. Kacchassa pakoṭṭhassa antaraṃ abbhantaraṃ **kacchantaraṃ**. Pakoṭṭhaṃ nāma abbhantaradvāraṃ.

**216.** Dvayaṃ itthakādiracite ārohane. Upānena saha vattateti **sopāno**, sopānaṃ vā napuṃsakepi. Ārūyate yena taṃ **ārohanaṃ**, yu, **ruha** janane.

Dvayaṃ kaṭṭhādiracitāyaṃ. Nicchayena sayanti pākārādikametāyāti **nissenī, si** sevāyaṃ, ṇī, nadādi. Uddhamārohate etāyāti **adhirohiṇī, sāsaddo** dvinnampi itthilingattaṃ joteti.

**217.** Pañcakaṃ jālake. Vātaṃ pivatīti **vātapānaṃ**. Gavaṃ akkhi **gavakkho**, samāsantattā a, saññāsaddato pullingattaṃ, **akkhi** sadde vā, gavaṃ akkhi gavakkhīti viggaho. **Jala** dittiyaṃ, **jālam**. Sīharūpayuttaṃ pañjaraṃ **sīhapañjaraṃ**. Ālokānaṃ ātapānaṃ pavisaṇatthānaṃ sandhi chiddanti **ālokasandhi**, ālokīyanti etenāti āloko, so eva sandhīti vā **ālokasandhi**.

Dvayaṃ laṅgiyaṃ. **Lagi** gatyattho, a, nadādi. Pari punappunaṃ gamanāgamanavasena hantīti **paligho**, ṇo. Kapiṇṇapamatthakattā **kapisīso**. Aggaḷaṃ nāma kavāṭako [kavāṭaphalavidhāraṇo (ka.)], tassa thambho **aggaḷatthambho**, “aggaḷaṃ tīsu kallole, daṇḍe cāntakavāṭesū”ti **rabhaso**, itthiyamato āpaccayo, **aggaḷā**. Nissesato abbatī vassodakamanenāti **nibbam**, **abba** gatihiṃsāsu. Chaddassa chadanassa koṭi heṭṭhimāvasānaṃ **chaddakoṭi**, tassaṃ.

**218.** Tikam gehacchadane. Chādeti etenāti **chadanaṃ, chada** saṃvaraṇe, curādi. **Paṭagamane**, “paṭyādīhyala”nti alo. Chādeti etenāti **chaddam**, dvittādi.

Tikam gehaṅgaṇe. **Aja** gatimhi, iro, **ajiram**. **Cara** gatibhakkhanesu, caro. **Aṅga** gamane, karaṇādhikaraṇesu yu, vaṇṇavikāro, **ṇattam**.

Pañcakaṃ gehadvārato bahipakoṭṭhake, vīthiyaṃ dvārapiṇḍake ca. Alindo tvaññapiṇḍakepicchate. Paṭhamam hananti gacchanti etthāti **paghāṇo, paghaṇo** ca, **hanassa ghaṇādeso**. Alī sakhā indo etthāti alindo, “gehekadese alindo, paghāṇo paghaṇobhave”ti [cintāmaṇiṭṭikā 12.12] **amaramālāyaṃ**. **Alindo**, dīghādi. Padhānaṃ mukhaṃ **pamukham**, gehassa hi catūsū mukhesu tadeva padhānaṃ, yattha sādhujanāpi āgantukāpi nisīdanti. Dvāraṃ bandhati pidahati etthāti **dvārabandhanaṃ**.

**219.** Dvayaṃ dvārabāhāyaṃ. Pīṭhāni lohavikatiādīhi saṅghaṭṭiyanti etthāti **pīṭhasaṅghāṭakam**, pīṭhehi saṅghaṭṭiyatīti vā **pīṭhasaṅghāṭakam, ghaṭa** ghaṭane. Dvibhāgena bāhāsadisattā bāhā, dvārassa bāhā **dvārabāhā**. “Kapāṭam, kavāṭa”ntipi dvārabāhāya nāmāni, kam vātaṃ pāṭayati, vāṭayati ceti kammani ṇo, itthiyaṃ **kapāṭi**.

Dvayaṃ gehādīnaṃ kūṭe. **Kuṭa** chedane, kammani ṇo. **Naya** gamanattho, ke sīse nayatīti **kaṇṇikā**, ṇvu, **ittam**, **ṇattañca**.

**220.** Dvayaṃ dvāre. Dve arantyratīti **dvāram**, dujjane vārayantyaṃ rakkhakāti vā **dvāram**, ulopo. Paṭiharanti apanenti etasmā rakkhakā aññātanti paṭiharo, paṭipakkhe harati etasmāti vā paṭiharo, rassassa dīghatte **paṭihāro**.

Catukkaṃ ummāre, yaṃ “dvārapiṇḍikā”nti vuccati. **Ura** gatimhi, **māro** karaṇe. Deham neti

pavesenāti **dehanī**, “dehalī”tipi pāṭho, dehaṃ lāti pavesenāti **dehalī**. **Ila** gatimhi, ṇvu. Indo eva pādaṃ khipati etthāti **indakhīlo**, **khipa** perañe. **Passa** lopo, atha vā iṃ gamanaṃ dadātīti indo, dvāraṃ, tattha ṭhapito khīlo kaṇṭakoti **indakhīlo**, vegagabhighātanato hi so khīlo viya hoti.

**Thambha** paṭibandhane, thambho, dhāretīti vā **thambho**, **dhara** dharaṇe, **rambhapaccayo**, vaṇṇavikāro ca. **Thu** abhitthave, uṇo, yu vā, dhāretīti vā **thūṇo**, yu, ralopo, assū.

**Aḍḍhendupāsāṇe** addhacandākāre pāsāṇe **paṭikāsaddo** vattati. **Paṭa** gatiyaṃ, ṇvu. Itthikatākārapare ke assittaṃ. **Gaji** sadde, ṇvu, assittaṃ, bindāgamo ca. **Isa** icchāyaṃ, ṭhako.

**221. Valabhīti** cūlā, “sikhāyaṃ valabhī cūle”ti **ruddo** [rassantā ca, sikhāyaṃ vaḷabhiyaṃ cūleti ruddo (cintāmaṇiṭṭikā 12.15)]. Tacchādane **dārumhi** kaṭṭhe gopānasī matā. **Vaṅketi** dāruvisesanaṃ. Gaṃ vassodakaṃ, sūriyādikiraṇaṇca pivanti vināsayanti abbhantaramappavesanavāsenaṭi gopānā, iṭṭhakādayo, tāni sinonti bandhanti etthāti **gopānasī**.

Sodhādigehesu chekapakkhāvāsattaṃ yo bahi kariya kaṭṭhekadeso ṭhapīyate, so viṭaṅko. Kapote pālayatīti **kapotapālikā**, kammani ṇvu. **Ṭaki** nivāsagatīsu. Vīno pakkhino ṭaṅkanti etthāti **viṭaṅko**. No.

**222.** Dvayaṃ kuṅcīkāchidde. Kuṅcīkāya vivaraṃ chiddaṃ **kuṅcīkāvivaraṃ**. Tāḷassa pavesanaṭṭhānabhūto chiggaḷo chiddaṃ **tāḷacchiggaḷo**.

Tikaṃ kuṅcīkāyaṃ. **Kuṅca** koṭīlye, ṇvu. Tāyati rakkhatīti **tālo**. Alo, talati tiṭṭhati etenāti vā **tālo**, **tala** paṭiṭṭhāyaṃ. Avāpurati vivarati yenāti **avāpuraṇaṃ**, **vara** saṃvaraṇe, yu, **vassa po**, uttaṃ, upasaggassa dīghatā ca, “apārutā tesam amatassa dvārā”ti [dī. ni. 2.71; ma. ni. 1.283] vacanato **pura**, **pāra** saṃvaraṇetipi dhātvatthaṃ paṭhanti. **Avapubbo vu** saṃvaraṇetipi dhātvatthe pana sati **vassa rattam**, upasaggassa dīghatā ca, “apārutā, saṅghāṭiṃ pārupitvā”tyādīsu pana **pakāraṇaṇṅagamena** siddho. **Vida** lābhe, imhi vedikā, sakatthe ko. Itarattha iyeva.

**223. Saṅghāṭādayo mandiraṅgā** gehaṅgavisesā. Sammā ghaṭenti ettha gopānasyādayoti **saṅghāto**, pubbapacchimadakkhiṇuttarāyāmasena thambhānamupari ṭhito kaṭṭhaveseso, te pana pubbapacchimayāmā tayo kaṭṭhā, dakkhiṇuttarāyāmā pana heṭṭhimaparicchedato tayo kaṭṭhā, ukkaṭṭhaparicchedena pana pañcasattanaṇṅādayopi. Dvinnaṃ pakkhānaṃ apatanatthaṃ bandhanato pāso viyāti **pakkhapāso**. Tulati saṅghātesu paṭiṭṭhatīti **tulā**, **tala** paṭiṭṭhāyaṃ, assuttaṃ, pakkhānaṃ vā samavāhitabhāvakaṇṭhato tulayati mināti etāyāti **tulā**, **tula** ummāne.

Tikaṃ sammajjanīyaṃ. **Muji** sodhane, yu. **Majja** saṃsuddhiyaṃ, yu. **Sudha** suddhiyaṃ, sabbatra karaṇe yu.

**224.** Tikaṃ saṅkāraḥḍḍanappadeso. **Kaṭa** chaḍḍanamaddanesu, saṅkaṭanti etthāti **saṅkaṭiraṃ**, īro, “saṅkaṭo”ti vā saṅkāro vuccati, taṃ īrayanti khipanti etthāti **saṅkaṭiraṃ**, **ira** khepe. Saṅkāraṇa ṭhānaṃ **saṅkāraṭṭhānaṃ**. Saṅkāraṃ kaṭati chaḍḍeti etthāti **saṅkārakūṭaṃ**, assū, sakatthe ko.

Catukkaṃ sammajjanīyā nirākatē [nirassate (ka.)] thusādīmhi. Nānāvidhe saṅkāre rāsīkaraṇavasena kacati bandhati etenāti kaco, so ettha icchitabboti **kacavaro**, **vara** icchāyaṃ. Ucchiṭṭho kalāpo samūho **uklāpo**, **kassākāralopo**. Nānāvidhehi tiṇādīhi saṅkarīyate missīkarīyate **saṅkāro**, no. Avakarotipyatra. Avakarīyate nirassateti, a. “Sammajjo majjanī ceva, saṅkāro’vakaro mato”ti halāyudho. **Kasa** vilekhane, ambu.

**225. Gharādibhūmi** gharakhattavīhārādīnaṃ yo bhūmippadeso vatthu nāma, taṃ napuṃsake, vasanti etthāti **vatthu**, ratthu. **Gasa** madane, gasanti etthāti **gāmo**, mo. Saṃvasantyaṭrāti **saṃvasatho**, atho.

**Pākaṭo** khyāto gāmo, so nigamo nāma, atireko gāmo **nigamo**, bhusattho ni, saññāsaddattā rasso.

Upabhuñjītabbhogamanussādīhi ( ) [(ibhyo) (?)] vaḍḍhito adhiko gāmo nigamatopi adhikatarattā “adhibhū”ti **irito** kathito, adhiko bhavatīti **adhibhū**.

**226.** Dvayaṃ gāmādi pariyaṅtabhāge. **Si** bandhane, mo. Paricchinditvā ādīyateti **mariyādā**, passa mo.

Dvayaṃ ābhīrakuṭiyāṃ [ghoso ābhīrapallī siyā (amara 12.20)]. **Ghu** sadde, ghosantyatrāti **ghoso**. Gopālānaṃ gāmo **gopālagāmako**, sakatthe ko.

Puravaggavaṅṅanā niṭṭhitā.

### 3. Naravaggavaṅṅanā

**227-228.** **Porisantāni** manussajātiyā nāmāni. Mano ussannamassāti **manusso**, satisūrabhāvabrahmacariyayogyatādiguṇavasena upacitamānasā ukkaṭṭhaguṇacittā, ke pana te? Jambudīpavāsino sattavisesā. Tenāha bhagavā – “tīhi, bhikkhave, ṭhānehi jambudīpakā manussā uttarakuruke manusse adhiggaṅhanti deve ca tāvatimse. Katamehi tīhi, sūrā satimanto idha brahmacariyavāso”ti [a. ni. 9.21]. Tathā hi buddhā bhagavanto paccekabuddhā aggasāvakamahāsāvakacakkavattino ca aññe ca mahānubhāvā sattā tattheva uppajjanti. Samānarūpādītāya pana saddhiṃ parittadīpavāsīhi itaramahādīpavāsīnopi manussātveva paññāyimsūti eke, apare pana bhaṅanti “lobhādīhi, alobhādīhi ca sahitassa manassa ussadatāya manussā, ye hi sattā manussajātikā, tesu visesato lobhādayo, alobhādayo ca ussadā, te lobhādīhi ussadatāya apāyamaggaṃ, alobhādīhi ussadatāya sugatimaggaṃ, nibbānagāmimaggaṅca pūrenti, tasmā lobhādīhi, alobhādīhi ca sahitassa manassa ussadatāya parittadīpavāsīhi saddhiṃ catumahādīpavāsīno sattavisesā manussāti vuccanti”ti. Lokiyā pana manuno apaccabhāvena manussāti vadanti, manu nāma paṭhamakappiko lokamariyādāya ādībhūto hitāhitavidhāyako sattānaṃ pituṭṭhāniyo, yo sāsane “mahāsammato”ti vuccati, paccakkhato, paramparatāya ca tassa ovādānusāsaniyaṃ ṭhitā tassa puttasadīsatāya manussāti vuccanti, tato eva hi te “mānavā, manujā”ti ca voharīyanti, **ussapaccayo**. Manuno apaccaṃ **mānuso**, uso. **Mara** pāṇacāge, co, **macco**, **pabbajjādīnā** vā tyapaccayo, dhātvantassa lopo ca. Tato “yavata”miccādīnā co, dvittāṃ. Manuno apaccaṃ **mānavo**. **Mānavopyatra**, ṇavo. Manumhā jāto **manujo**. Nī naye, netīti **naro**, aro. **Pusa** posane, ṇo, puretīti vā **poso**. **Pura** pūraṇe, so, ussottāṃ, **ralopo**. Punātīti **pumā**, **pu** pavane, mo, **sissā**. Puretīti **puriso**, **poriso** ca, iso, rassassa dīghatāya **pūriso** ca. Ettha ca **manussādīpaṅcakaṃ** itthiyampi vattate, **narā**dayo tu pumeyeva viṣiṭṭhalingattā. Tatra manussa mānusa manuja māṇavehi **nadādittā** ipaccayo, ekasakāralopo, manusī, mānusī, manujī, māṇavī. Maccā, itthiyamato **apaccayo**.

**Viddasupariyaṅtaṃ** paṇḍite. Paṇḍā buddhi sañjātā assāti **paṇḍito**, taratyādi. **Paḍi** gatiyaṃ vā, to. Bujjhatīti **budho**. Vidati jānātīti **vidvā**, **vida** ñāṇe, vo, **sissā**. **Bhū** sattāyaṃ, atthe vibhāveti pakāseti sīlenāti **vibhāvī**, ṇī. Rāgādayo sametīti **santo**, to, sundaro anto avasānametassāti vā **santo**. Sundarā paññā yassa **sappañño**. Kinnāma na vindatīti **kovido**, nerutto, kuṃ pāpaṃ vindatīti vā **kovido**. Dhī paññā yassathīti so **dhīmā**, sobhanaṃ jhāyatīti **sudhī**, **jhe** cintāyaṃ. **Jhassa dho**, ī, sundarā dhī yassāti vā **sudhī**. **Kavi** vaṇṇe, i, itthiyaṃ kavī ca, **ku** sadde vā, i, kavi. Byañjayatīti **byatto**, **añja** gatiyaṃ, to. Bhujādīnamanto no dvi ca. Viṣiṭṭho attā yassāti vā **byatto**. **Cakkha** dassane, yu, **vicakkhaṇo**, vicāretīti vā **vicakkhaṇo**, nerutto. Vigato sārado etasmāti **visārado**.

**229.** Medhā dhāraṇā matī paññā yassāti **medhāvī**, vī. Atisayamatiyuttatāya **matimā**. Paññāya yogato **pañño**. Visesaṃ jānāti sīlenāti **viññū**, rū. **Vida** ñāṇe, uro, **viduro** [vidūo (ka.)]. **Rūpaccaye vidū**. Dhīyogā **dhīro**, ro. Viṣiṭṭhadassanasīlatāya **vipassī**, ṇī. Dosaṃ jānātīti **dosaññū**, rū. Bujjhatīti **buddho**, to. **Du** gatiyaṃ, a, ussāvo [du gatiyaṃ abbo (sūci)], **dabbo**. **Vida** ñāṇe, dasu.

**230-231.** **Mahilāntaṃ** itthisāmaññe. **Isu** icchāyaṃ, to, nadādi. Sīmassa anto sīmanto, kesaveso,

taṃyogā **sīmantinī**, inī. Narassāyaṃ **nārī**, idamatthe ṇo. Tiṭṭhati gabbho yassaṃ, sā **thī**. **Dhā** dhāraṇe vā, vaṇṇavikāro, ī. **Bandha** bandhane, ū, **bandhassa vadhā**deso ca [[ṇvādi 3](#)], **vadhū**saddo suṇisābhariyānampi vācako. **Vana** sambhattiyaṃ, to, **ikārā**gamo ca. **Aṅga** gamanatto, yu, **aṅganā**, viṣiṭṭhanāriyampi aṅganā, tadā kalyāṇaṅganārīlakkhaṇopetaṃ pasatthaṃ hatthapādādikamaṅgamassatthīti assatthyatthe **aṅgā** kalyāṇe **napaccayo** [[moggallāna 4.92](#)]. Virūpesupi mado rāgamado yassā sā **pamadā**, viṣiṭṭhanāriyaṃpyatra **pamadā**, tadā pakaṭṭho mado rūpasobhaggajanito cetovikāro yassā sā **pamadā**. Rūpalāvanyaṃsammaṇṇatāya **sundarī**, viṣiṭṭhāyampi. Kamaṇiyavuttitāya **kantā**, **kamu** kantiyaṃ, to. Kantiyogā vā **kantā**, viṣiṭṭhāyampi. Ramayati vinodayati nāyakaṃ, sā **ramaṇī**, nandādīhi yu, nadādi, viṣiṭṭhāyampi. **Daya** rakkhaṇe, kammani to. Appaṃ balaṃ yassā sā **abalā**, appatthoyaṃ **akāro**. Mātuyā gāmo viya gāmo yassā sā **mātugāmo**, mātā viya gacchatīti vā **mātugāmo**, **gamu** gamane, ṇo, mātā viya gasatīti vā **mātugāmo**, **gasa** adane, mo, mātā viya gāyatīti vā **mātugāmo**, **gā** sadde, mo. Mahī viya sucim asucimpi lātīti **mahilā**, mahantesu bahūsupi rattacittesu ilati gacchatīti vā **mahilā**, **ila** gamane, **maha** pūjāyaṃ vā, iro, **lattaṃ**, ā, **mahilā**. Mahelāpyatra.

Tikaṃ viṣiṭṭhanāriyameva. **Lala** vilāse, nandādīhi yu. **Lala** icchāyanti **curādigaṇato** vā yu. Bhayapakati **bhīru**, **bhī** bhaye, ru, “bhīru atte jane’tthiya”nti **rabhaso**. Atisayitakāmā **kāminī**, kāmo siṅgārārūpo mado yassatthīti inī, sabbatrevāṃ. Vāmalocanā, bhāvinī, nitambinī, rāmāiccādīnipi viṣiṭṭhanārīnāmāni.

Dvayaṃ paṭhamavayasi vattamānāyaṃ.

Aṭṭhavassā bhava gorī, dasavassā tu kaññakā;  
Sampatte dvādase vasse, kumārītya’bhidhīyate [[cintāmaṇiṭṭikā 16.8](#)].

Iha tvabhedopacārenekattaṃ. Aññe panāhu “**kaññā**saddoyaṃ pumunābhisambandhapubbake sampayoge nivatteti”ti. **Kumāra** kīlāyaṃ, curādi, kumārayatīti **kumārī**, a, nadādi, sakatthe ko, ṇvunā vā siddho. Kamaṇiyateti **kaññā**, kana dittikantigatīsu, yo, nyassa ñattaṃ, a, ā.

**Yuvasaddato** pāṭipadikatoti, yuvati. Varitthipariyāyasāmaññepi **yuvatisaddo** pakatyantaramatthīti. **Tara** taraṇe, yu, **uttaṃ**, ī ca.

**232. Sābhisekā** laddhābhisekā rājittihī **mahesī** nāma, **maha** pūjāyaṃ, kammani iso, isse, tato ī, mahatiyo rājittihīyo īsati abhibhavatīti vā **mahesī**, **isa** issariye, ī. Mahesito aññā rājanāriyo **bhoginiyo** bhogayogā, ī, inī ca. Yānārī purisassa saṅketāṃ yāti, sā “dhavatthinī, abhisārikā”ti coccate. Dhavaṃ patiṃ atthayati icchatīti **dhavatthinī**, **attha** yācanicchāsu, inī, asatīviseso. **Sara** gatiyaṃ, abhisarati saṅketanti, ṇvu.

**233.** Chakkaṃ vesiyaṃ. Catusaṭṭhikalākusalatāya, sīlarūpādimmattāya ca gaṇyate ādīyate **gaṇikā**, **gaṇa** saṅkhyāne, ṇvu. Veso ākappo, tenātisobhate, kammavesehi vā icchīyateti. Atisobhane, icchatthe vā **yapaccayo**. Vaṇṇasammaṇṇā dāsī **vaṇṇadāsī**, dāsimpi hi vaṇṇasammaṇṇaṃ keci sāmikā dhanalobhena gaṇikaṃ karonti. Nagaraṃ sobhetīti **nagarasobhinī**. Rūpena upajīvatīti **rūpūpajivinī**. Atisayavesayuttatāya **vesī**.

Dvayaṃ asatīsāmaññe. Kulāni aṭṭati nāsayatīti **kulaṭṭā**. Bandhamaṇubandhaṃ kāyatīti **bandhakī**, nadādi.

**234.** Catukkaṃ uttamanāriyaṃ. Varo āroho soṇi yassā sā **varārohā**. Uttamaṅgaṇayogā **uttamā**. Soṇigāravana mattagajo viya bandhanagāminī **mattakāsini**, **kasa** gatiyaṃ. Varavaṇṇayogā **varavaṇṇinī**, inī.

“Sīte sukhoṇhasabbaṅgī, gimhe yā sukhasītālā;  
Bhattu bhattā ca yā nārī, sā bhava varavaṇṇinī”ti. **ruddo**;

Dvayaṃ akhaṇḍitacaritrāyaṃ. Pati sāmikova kamanīyo yassā **patibbatā**, patimhi vatamassāti vā **patibbatā**. Asa bhuvī, anto, ī, ādilopo. Sametīti vā **satī**, **samu** upasame, anto, ī.

Dvayaṃ kāmarattarājaputtādino kulassa niyatapatiyaṃ. Kulānurūpā itthī **kulitthī**, kulaṃ pāleti rakkhatīti **kulapālikā**, ṇvu.

**235.** Dvayaṃ matabhattikāyaṃ. Vigato dhavo bhattā yassā **vidhavā**. Pati suñño naṭṭho yassāti **patisuñña**.

Dvayaṃ atticchāya patyanvesiniyaṃ kaññāyaṃ. Patim varati gavesatīti **patimbarā**, dutiyāyālopo. Sayameva patim varatīti **sayambarā**, paṭhamāyālopo, **vara** patthanāyaṃ.

Catukkaṃ vijātāyaṃ. **Vijanī** gabbhavimokkhane, to, vijāyitthāti **vijātā**. **Sū** abhisave, to. Jātaṃ apaccaṃ putto etissāti **jātāpaccā**. Pasūtāva **pasūtikā**, **kapaccayo**, ittañca.

**236.** Dvayaṃ dūtiyaṃ. Yā pesīyate, sā **dūti**, **du** gamane,ti, **imhi** dūti. Sañcārayati yathābhimatanti, ṇvu.

Tikaṃ dāsiyaṃ. Du kucchitaṃ asati bhakkhatīti **dāsī**, ī, dīyante tāyāti vā **dāsī**, **dā** dāne, so, ī ca. **Ciṭa** pesane, kammani ṇo, ī. Kuṭaṃ udakakumbhaṃ dhāretīti **kuṭadhārikā**, ṇvu.

Dvayaṃ subhāsubhanirūpiniyaṃ saṃvarikādīmhi. **Vara** gatiyaṃ, kattari inī. Subhāsubhassa ikkhaṇaṃ nirūpanaṃ yassātthīti, i, sakatthe ko. Ime dve saddā tulyatthā.

Yā sayāṃ khattiyajāti yassa kassaci bhariyā, sā khattiyānī, khattiyā ca. Khattiyassāpaccāṃ **khattiyānī**, āno, ī. **Ṇamhi khattiyā**.

**237.** Pajjaṃ aggisakhipubbakatapāṇigahitāyaṃ bhariyāyaṃ, aññatra tūpacārā. Dārayante yenāti **dāro**, **dara** vidāraṇe, akattari ca kārake saññāyaṃ ṇo. Jāyati putto yāyāti **jāyā**, **jana** janane, yo, **janissa jā** ca, ā, jayatīti vā **jāyā**, **ji** jaye, yo, jissa **jā**, ā, **jāyā**. **Kala** sañkhyāne, atto. Gharaṃ netīti **gharaṇī**, **ṇattaṃ**. Bharitabbato **bhariyā**, **bhara** bharaṇe, yo. Piyāyitabbato **piyā**, **pī** tappanakantīsu, yo. Pajaṃ puttaṃ pāletīti **pajāpati**, **pā** pālāne,ti, **āttaṃ**, rassattañca. Dvinnaṃ pūraṇī **dutiyā**. Paṭhamo bhattā, bhariyā dutiyā. Sāmikassa pāde paricaratīti **pādapāricārikā**, ṇvu. Patinī, pāṇigahitā, sahadhamminīti tassāyeva nāmāni.

**238.** Tikaṃ sakhiyaṃ. Tesu tesu kiccesu saha khāyati pakāsātīti **sakhī**, **sahapubbo khā** pakāsanakathanesu, ī. **Ala** bhūsane **āpubbo**, i. Vayasā tulyā **vayasā**, tulye saññāyaṃ so [[pāṇini 4.4.91 sutte yapaccayo dissati](#)].

Jarovuccati corassāmiko, tassāyaṃ **jārī**, ṇo, ī. Sāmikaṃ atikkamma aññatra caratīti, inī.

**239.** **Pume tūti** liṅganto **tusaddo** na pubbaṃ bhajate. **Ara** gamane, tu, **arassuttaṃ**. Ratiyā jāyatīti **rajo**, tilopo. **Puppha** vikasane, **pupphaṃ**.

Tikaṃ rajassalāyaṃ. Utuyogā **utunī**, inī. Rajayogā **rajassalā**, salo. Pupphavantatāya **pupphavatī**. Thīdhamminī, avī, atteyī, malinī, utumatī, udakīccādīnīpi tassā nāmāni.

Tikaṃ gabbhiniyaṃ. Garu alahuko gabbho kucchi etissāti **garugabbhā**. Āpanno patto gabbhaṭṭho satto etāyāti **āpannasattā**. Gabbhayogā **gabbhinī**.

Tikaṃ yena veṭhito gabbho kucchiyaṃ tiṭṭhati, tatrāsāyati khyāte. Gabbho āsayate tiṭṭhatyatrāti, ṇo. Jaraṃ etīti **jalābu**. U, **rassa lo**, yassa **bo**, jarāpubbo **i** gatiyaṃ. Kalaṃ jarataṃ lātīti **kalalo**, **kala** sañkhyāne vā, alo.

**240-241.** Sattakaṃ bhaddari. **Dhū** kampane, santāsaṃ dhunotīti **dhavo**, a. Saṃ etassatthīti **sāmiko**, **āmipaccayo**, sakatthe ko, **ipaccayo** vā, niggahītassa mo, **assa** ca dīgho, **sāmiko**. **Bhara** bharaṇe, bharaṭīti **bhattā**, ritu. **Kamu** icchāyaṃ, to, “pakkamādīhi nto cā”ti ntattaṃ. **Pā** rakkhaṇe, atī, **pati**. **Vara** icchāyaṃ, a, **varo**. **Pī** tappanakantīsu, yo.

Ratikāraṇattā patino upa **upapati**, samāse kate abhidhānato pubbanipāto, appadhānabhūto vā pati **upapati**. **Jara** vayohānimhī, jīyante anenāti **jāro**, **dāro** ca.

Sattakaṃ putte. Narake na patantyanena jātenāti **apaccam**, **pata** gatiyaṃ, yo, **tyassa co**, na patati na vicchindati vaṃso etenāti vā **apaccam**, putte, dhītari ca niccanapuṃsakoyaṃ. **Pū** pavane. Punāti pitaro tenāti **putto**. “Chadādīhi tatraṇa”ti to. Pūretīti vā **putto**. Attato jāto **atrajo**, “**attajo**”tipi pāḥo. Suyateti **suto**. **Su** abhisave, suṇātīti vā **suto**, to, **su** savane. Tanumhā jāto **tanujo**, **tanayo** ca, yo, tanoti mudanti vā **tanayo**, ayo. Sūyateti **sūnu**, kammani nu, **sū** pasave.

**Puttā**dayo **sūnu**pariyantā dhītari vattamānā itthiyaṃ vattanti. **Duhitā**, **dhītā** ca sadā nāriyameva. **Duha** papūraṇe, rātu, ottābhāvo, **ikārā**gamo ca. **Dhā** dhāraṇe, rātu, āssī. Puttādayo ca te sāmāññeneva kuṇḍagolakādīnaṃ vācakā. Savañṇāyaṃ tu uḍhāyaṃ sajāto sayam janito suto oraso nāma. **Sajātasaddena** kuṇḍakagolakakhattādibyavacchedo. Jīvati bhaddari jārajo suto **kuṇḍākhyo**. Mate bhaddari jārajo **golakākhyo**. Ariyāsuddajo suto khattā nāma [**khattā ariyāsuddānaṃ (amara 20.3)**]. **Ādinā** māgadhadīnaṃ gahaṇaṃ. Vuttañhi –

“Amate jārajo kuṇḍo,  
Mate bhaddari golako”ti [**amara 16.36**].

“Māgadho suddakhattājo”ti [**abhidhānu 503 gāthā**] ca.

Urasā manasā nimmito, **urasaddā** tatiyantā nimmitatthe ṇo, nivīṭṭhattā tena nimmitoti vuccati. Uraṣi bhavoti **vā oraso**.

**242.** Catukkapaṭtipatinīnaṃ yuge, “dārā pume bahutte ca, daṃ kalatre napuṃsake”ti [**cintāmaṇiṭṭikā 16.38**] **amaramālā**, **jaṃsaddo** tvabyayo dāravacano. Tasmā “jampati, dampati”tipi bhavitabbaṃ, idha pana kaccāyanamatenodāhaṭṭā. Jāyā ca pati ca **jāyāpati**. Itarītarayogadvando. Jāyā ca pati ca **jānipati**, tathā **jāyampati**ādayo, **jāyāsaddassa** patimhi pare jāni, tudañca, jāyañca **yadā**dinā.

Tikaṃ napuṃsake. Vigato rāgassavo yasmā **vassavaro**. **Su** savane, aro. **Paṇa** byavahāre, ḍo, **paḍi** liṅgavekalye vā, bhūvādi. Na itthī na pumā **napuṃsakam**, niruttinayena **itthipumānaṃ puṃsakabhāvo**, **nassa** ca pakati. Tatiyāpakati, saṇḍo, kalībantipi tassa nāmāni. Tatiyā pakati tatiyappakāro, samajātike itthipurise apekkhitvā tatiyattaṃ pakārassa. Paṭhamā hi pakati itthī, dutiyā pakati puriso, itarapakati tatiyā pakati.

**243.** Chakkaṃ ñātimatte, bandhuyeva **bandhavo**, a, ussāvo. Bandhatīti **bandhu**, u. Sassa attano jano **sajano**. Samānaṃ gottaṃ kulaṃ assāti **sagotto**, **samānassa** sabhāvo. **Ñā** avabodhane, kammeti, ñātiyeva **ñātako**, attam, sakatthe ko ca. **Susaddopyatra** [**sva (amara 16.36)**].

Dvayaṃ sattapurisāvadhikesu nikaṭaṇṇāṭīsu. Lohitena sambandho **sālohitto**, **sambandhassa** sādesso, pubbanipāto ca, samānaṃ piṇḍadānaṃ yassa **sapiṇḍo**, sanābhayopyatra [**nābhi sattapurisāvadhikakule (cintāmaṇiṭṭikā 16.33)**]. Tikaṃ pitari. **Tā** pālāne, to kattari. Janayatīti **janako**, ṇvu. **Pā** rakkhaṇe, ritu, assittaṃ.

**244.** Chakkaṃ mātari. **Ama** pūjāyaṃ, kammani mo, bo ca, **ammā**, **ambā**. Janayatīti **jananī**, yu, nadādi. **Māna** pūjāyaṃ, puttaṃ mānetīti **mātā**, rātu, pātīti vā **mātā**, **pātissa mo**. Janetīti **janetti**, ti. Janetīti **janikā**, ṇvu, ittaṃ.

Appadhānabhūtā mātā **upamātā**, kumāre dhāretīti **dhāti**. **Dhā** dhāraṇe, ti. **Jāyāya** bhariyāya **bhātiko** kaniṭṭho ca jeṭṭho ca sālo nāma, sassa attano esā sā, bhariyā, tassā bhātā **sālo**, jāyāya bhātari alo. **Sara** gaticintāhimsāsu vā, ṇo, **lattaṃ**, **sāla** vitakke vā, curādi.

**245. Sāmino** bhattu bhaginī nanandā nāma, na nandatīti **nanandā**, attābhāvo **nassa** vibhāsādhikārā. **Nanda** samiddhiyaṃ, bhūvādi.

Dvayaṃ ayyikāyaṃ. Mātuyā mātā **mātāmahī**. Pitūnaṃ pitari ca mātari ca āmaḥaṃ **yadādinā**, nadādi. **Araha** pūjāyaṃ, ṇvu, **rahassa yo, aya** gatimhi vā, ṇvu, **ayyikā**.

Mātuyā bhātā mātulo nāma, mātuyā bhātā **mātulo**, mātu bhātari **ulapaccayo**. **Assa** mātulassa **pajāpati** jāyā mātulānī nāma, mātulassa bhariyā **mātulānī**, mātulabhariyāyaṃ āno, nadādi, atha vā mātulassa esā **mātulānī**, ī, **assa āno**.

**246. Jāyāpatīnaṃ** dvinnaṃ **jananī** mātā sassu vuttā, **sasa** gatihimsāpānesu. **Tappitā** tesāṃ jāyāpatīnaṃ pitā pana sasuro nāma, **sasadhātumhā** uro. Bhaginiyā putto pana bhāgineyyo nāma, bhaginiyā apaccaṃ **bhāgineyyo**, ṇeyyo.

**247.** Dvayaṃ sutassa, sutāya ca puttesu. **Naha** bandhane, ritu, **nī** naye vā. Puttassa putto **paputto**, **ttalopo**, **ussattañca**. Sāmibhātā devaro nāma, atha vā sāmibhātā kaniṭṭho sāmīno bhātā devaro nāma. Jeṭṭho tu sasuro evoccate. **Divu** kīlāyaṃ, aro.

Dvayaṃ dhītupatimhi. **Jana** janane, ritu, assāttaṃ, nassa **mādeso** ca. Dvayaṃ pitupitari. Pituno pitā **pitāmaho**.

**248. Husāntāni** padena padena nāmāni. Mātuyā bhaginī **mātucchā**, ccho. Pituno bhaginī **pitucchā**, pitubhaginī pitucchā bhavetyattho.

**Pitāmahasaddo** na kevalaṃ janakapitarameva vadati, atha kho janakapitupitādayopīti etthāpi “papitāmaho” iccudāhaṭo. Pituno ayyako **payyako**, **tulopo**. **Su** savane, ṇhā. **Ṇisamhi sunisā**. **Samhi husā**, **hattaṃ**. Sabbatra “itthiyamato āpaccayo” ti ā.

**249.** Catukkaṃ ekodare bhātari. Samānodare ṭhito **sodariyo**, **samānassa so**. Samāno gabbho sagabbho, tatra bhavo **sagabbho**, ṇo. Samānodare jāto **sodaro**. Samānodare jāto **sahajo**. **Sahasaddo** tulyavacano.

Mātāpitū te dve janā pitaro vuccante. Ubhinnampi janakabyappadesaniyatattā abhedavacanicchāyaṃ pituttamattheva. Nanvabhedā jāti, tassā cobhayatra sattādekattaṃ, na ca jātiyā līngasaṅkhyā bhavanti, adabbattā bahuvacanaṃ na siyāti? Nesa doso, na hi jātipadatthikassa na dabbāṃ, dabbapadatthikassa vā na jātīti. Kintubhayesaṃpyubhayapadattho ihāttaviseso. Jātipadatthikassa jāti padhānabhūtā dabbāṃ guṇabhūtāṃ, dabbapadatthikassa tu vipariyayo, tatra jātivacanicchāyaṃ dabbe viya līngasaṅkhyā vattabbā, tassa ca bahuttā bahuvacanaṃ. Pubbe viyābhedavacanicchāyaṃ putto ca dhītā ca puttā vuccante, jaññattañhi puttabyappadesaniyataṃ dhītaripyatthi, vipariyaye tu na bhavatyānabhidhānato. Bhedavacanicchāyaṃ puttadhītaroti bhavati.

**250.** Sassu ca sasuro ca sasurāti vuccante. Tadopacchānāsambandhinibandhanā hi byappadeso sassuyampi ṭhito. Bhedavacanicchāyaṃ tu pubbe viya paccatthaṃ saddaniveso. Bhātā ca bhaginī ca bhātaro vuccante. Ekagabbhosittatthaṃ bhātubhyappadesaniyataṃ bhaginiyaṃpyatthi. Tato ekagabbhosittatassābhedavacanicchāyaṃ ubho bhātaro vuccante. Ettha ca sabbatrāpi virūpekaseso daṭṭhabbo. Duvidho hi ekaseso sarūpāsarūpavasena. Tatra sarūpekasese bahuvacanameva, itaratra pana dvivacanaṃ, yathā puriso ca puriso ca purisā, nāmañca rūpañca nāmarūpañca nāmarūpaṃ, mātā ca pitā ca pitaroti.

Bālyayobbanavuḍḍhattāni tīṇi vayāni. Tatra tikaṃ bālye. Dvayaṃ yobbane. Bālassa bhāvo

**bālattaṃ**, ttaṃ. Tāpaccaye **bālatā**. Nyamhi **bālyaṃ**, atha vā **bala** pāṇane, balanti assasitapassasitamattena paṇantīti **bālā**, balyante saṃvarīyanteti vā **bālā**, **bala** saṃvaraṇe. Tesam bhāvo **bālattādi**. Yuvassa bhāvo **yobbaññaṃ**, **yobbanañca**, bhāve ṇyo, ṇo ca, atha vā **yu** missane, **yu**, **ussa uvādeso**, vuddhi. Tesam bhāvo **yobbaññaḍi**.

**251.** Ye jarākatā sukkā kesādayo, te **palitaṃ** nāma siyuṃ, tesam vā yaṃ sukkattaṃ, taṃ palitaṃ nāma. **Paca** pāke, ito, **cassa lattañca**.

Dvayaṃ valipalitādimiti kāyaparipāke. Jīyanti vuḍḍhā bhavanti assaṃ **jarā**, **jara** vayohānimhi, jarā eva **jaratā**, sakatthe **tāpaccayo**. **Vissasā**tipi jarāya nāmaṃ. Visesena saṃsate adho pātayatīti **vissasā**. **Saṃsati**’rayaṃ pamādattho, avasaṃsanattho ca, iha avasaṃsanattho, niggaḥitalopo, dvittañca.

Bālyayobbanavuḍḍhattāni pubbe vuttāni. Idāni tabbatināmānyāha. Tatra addhaṃ chāpasāmaññe. **Putha**, **patha** vitthāre, uko, **puthuko**, **pala** gamane, ṇvu, assittaṃ, dvittañca, **pillako**. **Chupa** samphasse, ussattaṃ, **chāpo**. **Kumāra** kīlayaṃ, **kumāro**. **Bala** pāṇane, ṇo, **bālo**, **pū** pavane, to, sakatthe ko, **potako**, itthiyaṃ **potakī**. Poto, sāvo, sāvako, abbhako, ḍimbho, susuko, susuiccādīnīpi chāpasāmaññatthāni.

**252.** Bālasāmaññavācakāni dassetvā visesabālanāmāni dassetumāha “**athu**”ccādi. Uttāno, uttānaṃ vā sayatīti **uttānasayo**. **Kapaccaye uttānaseyyako**. Thanam pivatīti **thanapo**, **ḍimbhasaddopyatra**.

**253.** Sattakaṃ taruṇe.

Āsoḷasā bhava bālo,  
Taruṇo tu tato bhava;  
Vuddho tu sattatyāyumaḥ,  
Tīni vayāni lakkhaye.

**Tara** taraṇe, uṇo. Vayasi yobbane tiṭṭhatīti **vayaṭṭho**, to, “vayo bālyādi pakkhī ca, yobbanañca vayo kvacī”ti [[cintāmañiṭṭkā 16.42](#)] **ruddo**, **daha** bhasmīkaraṇe, aro, **yu** missane, a, **uvādeso**, **sissākāro**. **Sasa** plutagatimhi, u, assuttaṃ, susu, **taruṇassa** vā pāṭipadikassa **susvādeso**. Manuno apaccaṃ mānavo, vaṇṇavikāro, **nassa ṇattaṃ**, **māṇavo**. Kucchāyaṃ **kapaccayo**, **māṇavakoti** siddhaṃ. Vuttañca –

“Apacce kucchite mūḷhe, manutossaggiko mato”ti [[mahābhāssa 4.1.161](#)] **dara** vidāraṇe, ṇvu.

Dvayaṃ sukhavaḍḍhite kumāre, sukho kumāro **sukumāro**, **khalopo**, sukkena edhati vaddhatīti **sukhedhito**. “Sukhocito”tipi pāṭho, sukhaṃ ucitaṃ sampiṇḍitaṃ etthāti **sukhocito**, **uca** samavāye.

**254-255.** Dvipādena vuḍḍhassa nāmāni. Āyumahattaṃ lātīti **mahallako**, ṇvu, dvittaṃ. **Vaḍḍha** vaḍḍhane, kattari to, **tassa dho**, **ḍḍhassa ḍo**, assuttaṃ, **dhā** gatinivattiyam, iro, **dhassa thattaṃ**, issa ettaṃ. **Jara** vayohānimhi, kattari to, **tassa innādeso**, dhātvantalo, **ṇattañca**, **jiṇṇo**, sakatthe **kamhi jiṇṇako**. Pakataṃ vayo yobbanamassāti **pavayotipi** vuḍḍhassa nāmaṃ.

**Valinantāni** pādena nāmāni. Tatra tikaṃ jeṭṭhabhātari. Agge pure kāle, pubbe ca kāle jāyatīti **aggajo**, **pubbajo** ca. Ayañca vuḍḍho ayañca vuḍḍho, ayamimesaṃ visesena vuḍḍhoti **jeṭṭho**, **vuḍḍhasaddā itṭhapaccayo**, “vuḍḍhassa jo iyitṭhesū”ti **vuḍḍhassa jo**. Alope parassāsavaṇṇattaṃ.

Tikaṃ pacchājāte bhātari. Ayañca yuvā ayañca yuvā, ayamimesaṃ visesena yuvāti **kaniṭṭho**, **kaniyo** [[kaniṭṭho kaniyo \(ka.\)](#)] ca. **Iyitṭhesu yuvasaddassa kanādeso** [[kaṇādeso \(ka.\)](#)]. Anu pacchākāle jāto **anujo**. Jaghaññe pacchākāle jāto **jaghaññaḥjo**. Aparasmim pacchākāle jāto **aparajoti** dvepyatra.

Vali sithilaṃ taco cammaṃ yassa **valittaco**, dvittaṃ. Vali cammametassatthīti **valino**, ino. **Uttānasayā**dayo **valinantā** vāccalīngatā tīsu līngesu vattanti, yathā – uttānasayo bālo, uttānasayā kumārī, uttānasayaṃ napuṃsakaṃ.

**256.** Pañcakaṃ matthake. **Si** saye, so, dīgho ca, aṅgesu uttamaṅgattā **uttamaṅgaṃ**, uttamo ca taṃ aṅgañcātipi **uttamaṅgaṃ**. Sīsañca uttamaṅgañca **sīsottamaṅgāni**. **Si** sevāyaṃ, ro, sevanti etenāti **siro**. **Muda** tose, dho. **Sissākāro**. **Masa** āmasane, ttho, sakatthe ko ca, **masi** parimāṇe vā.

Pajjaddhaṃ kese. Ke matthake seti tiṭṭhatīti **keso**. Sattamiyālopo, **kati** chedane, alo, assuttaṃ. **Vala** saṃvaraṇe, kammani **ṇapaccayo**, **vālo**. Uttamaṅge sīse ruhatīti **uttamaṅgaruho**. Muddhani jāyatīti **muddhajo**. Vālo ca uttamaṅgaruho ca muddhajo ceti itarītarayogadvando. Cikuro, kacotīpyatra. **Ci** cayane, **kura** sadde, anekathattā chedane. Vaḍḍhamāno cikaṛiyateti **cikuro**, **kaca** bandhane, a.

**257.** Kusumagabbhā **kesā** kesacūḷā muttikādinā bahi **saṃyatā** santhatā dhammilo nāma. Ekato katvā dharīyati bandhīyatīti **dhammilo**, kammani ilo. Dhammena nānādesiyamanussānaṃ samācārena ilatīti vā **dhammilo**, **ila** gamane.

Dvayaṃ kumārānaṃ sikhāpañcake, cūḷattayeti keci. Kākānaṃ pakkhasaṅṭhānattā **kākapakkho**. Sikhā eva **sikhaṅḍako**, sakatthe ko. **Sikhāsikhaṅḍasaddānamabhedattāyeva** hi “sikhaṅḍī, sikhī cā”ti moro vutto.

**Pāso**, **hattho** ca ime dve **kesacaye** kesapariyāyato pare hutvā kesānaṃ kalāpe vattanti, na kevalā, yathā – kesapāso kesahattho iccādi. **Pā** rakkhaṇe, pāti rakkhati avayaveti **pāso**, so, **pasa** bandhaneti keci, ṇo. **Hana** gatiyaṃ, avayavā nihananti etthāti **hattho**, tho, pakkhopyatra.

**Tāpasānaṃ** vatīnaṃ **tahim** kesacaye **jaṭāsaddo** vuccati, **jaṭa** jaṭane, **jaṭa** saṅghāte vā, “itthiyamatīyavo vā”ti a.

**258.** Positabhattādīhi yā banjhate, tatra **veṇī**, **paveṇī** ca. **Vī** pajane, pajanaṃ gabbhavimokkho, **vī** tantasantāne vā, ṇī. Pakkhe paveṇī.

Dvayaṃ sīsamajjhacūḷāyaṃ. **Cūḷa** sañcodane, **cūḷa** hāvakaṇe vā, a. **Sikhā** vuttā. Kesapāsīpyatra, nadādi.

Nārīnaṃ kesamajjhamhi **paddhati** ujugatamaggo sīmantoti **mato** kathito. Sīmassa anto **sīmanto**, **sī** saye vā, anto, majjhe **makāraṇṇāgamo**.

**259.** Tikaṃ lome. **Lū** chedane, vaḍḍhamānaṃ lūyateti **lomaṃ**, mo. Tanumhi ruhatīti **tanuruhaṃ**, a. **Ruha** janane, **rūha** pātubhāve vā, mo, **halopo**, **ottañca**, **lū** chedane vā, mo, lassa rattaṃ, **romaṃ**. Akkhimhi jātaṃ lomaṃ pamhaṃ, pakhumañcoccate. Paminoti tenāti **pamhaṃ**, papubbo **mā** parimāṇe, **hapaccayo**. Akkhino pakkhadvaye jātaṃ **pakhumaṃ**, umo, **kalopo** ca.

**Pumamukhe** purisānaṃ mukhe vuttaṃ **[pavuṭṭhaṃ (ka.)]** lomaṃ massu nāma, **masa** āmasane, su, **massu**.

Tikaṃ **bhamumhi**. **Bhama** anavaṭṭhāne, **ū**, **malopo**, **bhū**. Umhi **bhamu**, kapaccaye **bhamuko**. **Bhamukasahacaraṇato** **bhamu** pullīngo.

**260.** Tikaṃ nettodake. **Khīpa** peraṇe, po, issattaṃ. Nette jātaṃ jalaṃ **nettajalaṃ**. **Asa** adhopatane, su, **assu**. Nettajalañca assu cāti dvando. **Assu** napuṃsake.

Dvayaṃ akkhiputtalikāyaṃ. Nette dissamānā tārā **nettatārā**. **Kaṅṅāsaddato** taddhito apaccayo, **kaṅṅāsaddassa** **kanīnā**deso, itthikatākārapare ke pubbo **akāro** ikāramāpajjate **[kātanta 2.2.65]**,

**kanīnikā.** Tārakāpyatra.

Chakkaṃ mukhavivare, kavayo pana tadupalakkhitepi samudāye yujjante. **Vada** viyattiyam vācāyam, karaṇe yu. **Mu** bandhane, kho, **ottābhāvo** nipātanā, **mukhaṃ. Sabbadharakate** pana khaññateti dhātunā mukhanti nipātitaṃ, **khanu** avadāraṇe. **Tuḍi** toḍane, a. **Tanu** vitthāre vā, ḍo, assuttaṃ. Vadati tenāti **vattam**, to, vuccate anenāti vā **vattam**. **Vada** viyattiyam vācāyam, to. **Lapa** vacane, karaṇe yu. Ānanti asanti anenāti **ānanam**, **ana** pāṇane, yu. Assampyatra. **Asa** bhakkhane. Karaṇe so.

**261.** Aḍḍham dante. Dvīsu ṭhānesu dvikkhattuṃ vā jāyateti **dvijo**. Lapane mukhe jāyatīti **lapanajo**. **Dā** avakhaṇḍane, dāyati bhakkhamanenāti **danto**, anto, **dasā** adane vā, dasanti bhojjamanenāti **danto**, anto, dhātvantalopo. **Damu** damane vā, to. **Daṃsa** daṃsane, daṃsate vilikhyate bhakkhamanenāti **daṃsano**, yu. **Rada** vilekhane, yu, **radano**. Amhi **rado**.

**Dantabhedasmiṃ** dantaviseṣe **dāṭhāsaddo**. Itthilingoyam. **Daṃsadhātuto** ṭho, **daṃsissa** ca **dā**, **dāṭhā**, muddhajadutiyoam. **Akkhikoṭṭisu** vāmadakkhiṇanettānam antesu **apāṅgo** vattati, sarīraṅgasaṅkhātassa kaṇṇassa apa samīpaṃ **apāṅgo**.

**262.** Catukkaṃ oṭṭhe. Dante āvarati chādayatīti **dantāvaraṇam**. **Usa** dāhe, to, “sādisantapucchabhanjahaṃsādīhi ṭṭho”ti sahādibyañjanena **ṭṭho**, ottadvittāni, **oṭṭho**. Gadrabhepyayam. Atha vā **usa** dāhe, ṭṭho, ottadvittādi, ubhayatrāpi muddhajadutiyo, īsam kiñci kālam dhāreti bhakkhametthāti **adharo**, īsattho hyatra **akāro**.

“A pume mādhave ñeyyo,  
Paṭisedhe tadabyayam;  
Īsatthe ca viruddhatthe,  
Sadisatthe payogato”ti. –

Hi **ekakkharakose** vuttaṃ. Dasane dante chādayatīti **dasanacchado**. Ettha keci **adharasaddena** heṭṭhimoṭṭhamevāhu, tesam vacanam “nettantādharapāṇipādayugalehi”ccādīhi mahākavipayogehi asamsandanato na gahetabbaṃ.

Tikaṃ kapole. **Gaḍi** vadane kadese, a, dhātuppakriyatthañhi dhātupāṭhavacanam, sabbatrāpyevam. Kena jalena pūriyateti **kapolo**, alo, **kapa** acchādane vā, olo, **kapolo**, nadādi. **Gaḍi**. Adharā adhobhāgo **cubukaṃ** nāma, cibukaṃpyatra. **Cibu** olambake, ṇvu, assuttaṃ.

**263.** Dvayam gīvāya purobhāge. **Gala** adane, karaṇe a, **gila** gilane vā, gilati anenāti **galo**, issattaṃ. **Kaṇa** saddattho **daṇḍako** dhātu, ṭho, **kaṇṭho**, muddhajadutiyoam.

Tikaṃ ekattham. **Gā** sadde, īvo. Kaṃ sīsam dharatīti **kandharā**. Siraṃ dharatīti **sirodharā**, siro dhiyyate assanti vā **sirodharā**, **dhā** gatinivattiyam, aro.

Suvaṇṇamayo āliṅgo murajabhedo, tena **sannibhā** sadisā yā gīvā, sā kambugīvā matā, mahāpurisalakkhaṇametaṃ. Atha vā yā gīvā tīhi lekhāhi **ankitā** lakkhitā, sā kambugīvā matā, mahāpurisalakkhaṇametañca. Kambu vuccati suvaṇṇam, kambumayena āliṅgena sannibhā gīvā **kambugīvā**, **kamba** saṃvaraṇe, u, kambu.

**264.** Tikaṃ khandhe. **Ana** gatiyam, so. Bhujānam siro matthakaṃ **bhujasiro**. Kaṃ matthakaṃ dadhātīti kandho, so eva **kandho** kakārassa **khakārakaraṇavasena**, khamatī bhāranti vā **kandho**, **khamu** sahane, to, **tassa dho**, **massa no**, niggahītam vā. **Tassandhi** tassa kandhassa majjham jattu nāma, yaṃ kandhānam majjhe tiṭṭhati. **Jana** janane, **jara** vayohānimhi vā, tu, **jattu**, **taṃ** napuṃsakam.

Dvayam bāhumūle. Bāhūnam bhujānam mūlam **bāhumūlam**. **Kaca** bandhane, cho. **Assa**

kacchassa adhobhāgaṭṭhānaṃ **passaṃ** vuccati, **disa** pekkhane, **apaccayo**, **disassa passa**deso.

**265.** Tikaṃ bāhumhi. Vahati anenāti vāhu, vāhu eva **bāhu**, ku [ṇvādi 6]. Bhuñjate anenāti **bhujo**. **Bhuja** pālanajjhohāresu. Bāhu ca bhujo ceti dvando, ete dve dvīsu, itthiyaṃ **bhujā**. Vahati yāyāti **bāhā**. Aparosaddopyatra [a pārosaddopyatra (ka.), a pavetṭhasaddopyatra (?)].

Tikaṃ hatthe. **Hasa** hasane, tho. **Hara** haraṇe vā. Nakkhattepyayaṃ. **Kara** karaṇe, a. **Paṇa** byavahārathutīsu, i. **Pā** rakkhane vā, ñi. Karo ca pāṇi ca **karapāṇayo**. Pañcasākho, sayopyatra.

**Pakoṭṭhanto** hatthagāṇṭhi maṇibandho nāma. Pakoṭṭho nāma āmaṇibandhaṃ kapparassa adhobhāgo. Maṇivikaṭṭhaṃ bandhati etthāti **maṇibandho**. **Kusa** akkose, ṭho, **pakoṭṭho**.

Dvayaṃ bhujamajjhagaṇṭhimhi. **Kapu** hiṃsāyaṃ, aro. **Kupparotipi** pāṭho, tadā assuttaṃ. **Kapu** hiṃsāyaṃ, oṇi, kapoṇi, itthiyaṃ. Kaphoṇīpyatra, tattha **passa phattaṃ**.

**266. Pāṇissa** pāṇitalassa sambandhīnaṃ maṇibandhakaniṭṭhānaṃ dvinnāṃ **antaraṃ** bahiṭṭhānaṃ **karabho** vuccati, yena kumārakā satthaṃ katvā aññamaññaṃ paharanti, **kara** hiṃsāyaṃ, abho, **kara** karaṇe vā.

Dvayaṃ aṅgulimatte. Karassa pāṇissa sākhā **karasākhā**. **Agi** gatyattho, **aṅga** gamanattho vā, uli. Itthiliṅgoyaṃ [(nadādi) (ka.)], **aṅguli**.

**Tā** aṅguliyo pañcappabhedā, yathā – aṅguṭṭho tajjanī majjhimā anāmikā kaniṭṭhā ceti kamā siyūṃ. **Aṅga** gamanattho, assuttaṃ, agge pure tiṭṭhatīti vā **aṅguṭṭho**, niggahītāgamo, assuttañca. **Tajja** hiṃsāyaṃ, tajjeti yāya, sā **tajjanī**, yu, nadādi. Majjhe tiṭṭhatīti **majjhimā**. Natthi nāmamassāti **anāmikā**, sakatthe ko. Atisayena khuddakāti **kaniṭṭhā**. Yuvappānaṃ kana, kaṇa vā iyyiṭṭhesu.

**267.** Tajjanyaḍīhi yute aṅguṭṭhe **tate** pasārite sati padesādikā catasso saññā kamato siyūṃ, yathā – tajjanīyute aṅguṭṭhe **tate padeso**. **Disa** pekkhane. Majjhimayute aṅguṭṭhe **tate tālo, tala** patiṭṭhāyaṃ. Anāmikāsahite aṅguṭṭhe **tate gokaṇṇo**, gokaṇṇasadisattā, tappamāṇattā vā **gokaṇṇo**, atha vā gokaṇṇo nāma eko migaviseso, takkaṇṇasadisappamāṇattā **gokaṇṇo**, tālo ca gokaṇṇo ca **tālagokaṇṇā**. Liṅgabhedā “tālagokaṇṇavidatthī” ti na vuttaṃ, kaniṭṭhāyute aṅguṭṭhe **tate vidatthi**, vitanotīti vitatthi, vitatthi eva **vidatthi, tanu** vitthāre,ti, **tassa tho. Vidatthi**. “Kamā tato”tipi pāṭho.

**Kuñcito** saṅkocito pāṇi **pasatākhyo, papubbo sara** gatiyaṃ, to. Pamāṇappakaraṇato vitatañjaliyevāyaṃ kavīhi icchito. Sampuṭaṅjali panāyaṃ, pasāritasahitā [pasāritasahitattā (ka.)] yassa aṅguliyo bhavantīti.

Kuñcito ca tataṅguṭṭho, sapatākoti sammato;  
Patākehi tu hatthehi, sampuṭaṅjali icchito.

Devatānaṃ garūnañca, pitūnañce’cchito pure;  
Atthappakaraṇādīhi, bhedo ñeyyo tahim tahim.

Yathā jalaṅjalim dadāti, añjalina pivati, devoyaṃ katañjaliriti. Puṭaṅjalissa vā vakkhamānattā idha vitatañjaliyeva.

**268.** Tikaṃ sappakoṭṭhe vitatakare. **Ramu** kīlāyaṃ, tano, **malopo, ratanaṃ**, maṇibuddhādīsu ca. **Kuka** ādāne, u, dvittaṃ. **Hasa** dhātumhā tho, to vā, **hattho**, hatthasahitattā vā pakoṭṭho **hattho**.

Dvayaṃ sampuṭaṅjalimhi. Karamayo puṭo **karapuṭo, añja** byattigantikantīsu, ali, añjali. Karapuṭo ca añjali ceti **karapuṭañjalī**.

Dvayaṃ nakhe. Kare jāyati ruhatīti **karajo**. Natthi khaṃ indriyaṃ etthāti **nakho**, saññāsaddattā

na attam, avisayattā vā. Punabbhavo, kararuho, nakharotipi nakhassa nāmāni.

Dvayam puṭaṅgulikaretikhyāte muṭṭhimhi. **Khaṭa** icchāyam, ṇvu, **khada** hiṃsāyam vā, **dassa ṭo. Mu** bandhane,ti, **tassa ṭho**, dvittam.

**269. Passadvayavittatā** passadvayepi vitatā pasāritā **sahakarā** sapāṇayo dve bāhū byāmo nāma, byāmīyate anenāti **byāmo**, **vipubbo yāma** añche. **Uddham** upari tatā vitatā bhujā ca poso ca tesam samuditānam pamāṇasadiṣam pamāṇam yassa tasmim **uddhantatabhujaposappamāṇe porisasaddo** vattati. **Bhujasaddena** saharakā bhujā gayhate, ekassa **pamāṇasaddassa** lopo, purisassa pamāṇam **porisam**. **Purisasaddo** cettha sakarabhujapurisam vadati, tīsu, yathā – porisam jalam, poriso hatthī, porisī yaṭṭhi.

**270.** Dvayam urasi. **Usa** dāhe, ro, **salopo**, **ara** gatimhi vā, assukāro. **Hara** haraṇe, yo, **rassa do**. Koḷam [kotṭha (ka.)], bhujantaram, vakkhotipi uronāmāni. Tikam uroje. **Tanu** vitthāre, tanoti icchanti **thano**, **tassa tho**, **thana** devasadda, **thana** coriye vā. **Kuca** saṅkocane, **kuco**. Payo khīram dhāretīti **payodharo**. **Kuco** ca payodharo cāti dvando.

**Thanaggasmim** thanassa agge cūcukam, napuṃsake. “Cūcuko so kucānana”nti [cintāmaṇiṭikā 16.77] tu **ratanakoso**, **cu** cavane, uko, dvittam, dīgho ca, **cūcukam**, **cancu** gatiyam vā, uko, **nalopo**, assukāro, **cūcukam**.

Dvayam **pitthe** kāyassa pacchābhāge. **Piṭa** saddasaṅghātesu, to. Itaratra **ti**, **pisu** secane vā.

**271.** Tikam tanumajjhe. Majjhe bhavo **majjho**. **Laga** saṅge, a. Majjhe bhavam **majjhimam**. Catukkam udare. **Kusa** akkose, chi, **sassa co**. **Gaha** upādāne, ani, **imhi gahaṇī**, gabbham gaṇhāti dhāretīti vā **gahaṇī**, gabbhāsayaṣaṇṇito mātukucchippadeso, tejodhātumhi pana yathābhuttāhārassa vipācanavasena gaṇhanato achaddanato **gahaṇī**. Upubbo **dara** gamane. Udarati uddham gacchati vāyu yatrāti **udaram**. **Gu** sadde, abho, dvittādi, **gabbho**. Picaṇḍa jaṭhara tundāpyatra.

**Kucchisambhave** kucchiṭṭhe koṭṭho, anto cāti ime dve vattanti, **kusa** akkose, to, **ṭho** vā. **Ama** gamanatto, to.

**272.** Catukkam kaṭiyam. **Hanadhātumhā** yu, **hassa** dvittam, **hassa jo**, **hanassa gho** ca, **jaghanam**. Nicchayena tamatīti **nitambo**, **tamudhātumhā** bo. **Sū** pasave, ṇi. **Kaṭa** vassāvaraṇesu, kaṭyate āvarīyate vatthādīhi **kaṭi**, i, ete dve nāriyam. Ettha ca **jaghanasaddena** itthikaṭiyā aggabhāgo, **nitambasaddena** itthikaṭiyā pacchābhāgo, sesadvayena kaṭisāmaṇṇam vuttanti daṭṭhabbam, vuttaṅca “pacchā nitambo thīkaṭiyā, jaghanam tu puro bhava”ti [amara 16.74].

**273. Liṅgam** liṅgasāmaṇṇe. Aṅge sarīre jāyatīti **aṅgajātam**, **aṅgasaddo** sarīravācako, aṅgametassatthīti katvā. Rahasi ṭhāne jātam aṅgam **rahassaṅgam**, sattamiyālopo, issattam, **sassa** dvittaṅca. Vatthena guyhitabbanti **vatthaguyham**. **Miha** secane, karaṇe yu, mihati retomuttāni yenāti **mehanam**. Nipubbo **miha** secane, to, **nimittam**. Uttamaṅgattā **varaṅgam**. **Vaja** gatiyam, assikāro, paccayehi vinā jāyatīti vā **bijam**, virahattajotako hyettha **vikāro**. **Phala** nipphattiyam, phalati etena puttanti **phalam**. Liṅgati “itthī, puriso”ti vibhāgam gacchati yenāti **liṅgam**. **Liṅga** gamane, līnam apākaṭam aṅganti vā **liṅgam**. Etesu **bijaphalasaddā** aṇḍepi vattanti.

Dvayam purisaliṅgapasibbake. **Ama** gamane, ḍo, **aṅasaddattho** vā, ḍo, **aḍi** aṇḍatthe vā, to. **Kusa** akkose, ṇo. **Aṅḍasaddo** cettha bijepi, aṅḍakosoti samuditampi kosassa nāmam, “kukkuṭacchāpakasseva aṅḍakosamhā”ti [pārā. 13, 14] hi vuttam, **amarakosepi** [amarakose 16.76] aṅḍakosoti samuditeneva nāmam vuttam. Ettha ca aṅḍassa bijassa koso **aṅḍakosoti** viggaho kātabbo.

Dvayam itthiyā aṅgajāte. **Yu** missane, adhikaraṇeni, **yoni**, itthiyam pume cāyam, itthī ca pumā ca **itthipumam**, tasmim. Bhajanti asminti **bhagam**. Māramandira mārakūpā cātra.

**274-275.** Tikam itthipurisānam sambhave. Sucissa paṭipakkho **asuci**, ikāranto, dvīsu, sambhavalīngo vā. **Sam**pubbā **bhūdhātumhā** a. **Saka** sāmattiyam, to, **tassa ko**, assuttam, **suca** soke vā, ko.

Dvayam vaccamagge. Punanti anenāti **pāyu**. **Pū** pavane, u, ūssāyo, **paya** gamanatto vā, payati vaccamanenāti **pāyu**, karaṇe u, ayam **purise** pullīnge vattati. **Guda** kīlāyam, a. Apānaṃpyatra.

Aṭṭhakam vacce. **Gūtha** karīsossagge, **gupa** gopane vā, tho. **Kira** vikiraṇe, īso, **karīsam**. **Vara** varaṇasambhattīsu, co, gūthañca karīsañca vaccañceti dvando, tāni vikappena pume vattanti, niccam napuṃsake, pullīngattam tesam katthaciyeva, sabbatra napuṃsakattameva bahulantyatto. **Mala** calane, a, **mala** dhāraṇe vā. **Saka** sattiyam, **sassa cho**. Uccārīyate jahyateti **uccāro**, upubbo **caradhātu** cajane, ukkhipane ca vattati. **Miha** secane, lo, vaṇṇavipariyayo, ḷattañca. Avakarīyateti **ukkāro**, avassuttam, **kira** vikkhipane. Samalaṃpyatra. **Samu** upasame, alo.

Dvayam mutte. **Su** savane, savanam sandanam, curādi, ṇo. **Muca** mocane, to, **mutta** passāve vā. **Uccate** kathīyate. **Gomutte** gavam sambandhini mutte **pūtimuttasaddo** vattati. Ajja pavattampi hi tam duggandhabhāvena pūtimuttantveva vuccati, yathā “pūtikāyo”ti. Assādīnam male **chakaṇasaddo**, **saka** sattiyam, yu, **sassa cho**.

**276.** Nābhiyā adhobhāgo vatthi nāma, so dvīsu. Vatthi muttapuṭam. “Muttāsaya puṭo vatthi”riti [cintāmaṇiṭikā 16.73] **ratanamālā**. Vasati muttametthāti **vatthi**, **vasa** nivāse,ti, **tassa tho**, **tthipaccayena** vā siddham. Uccaṅgam aṅkañca ime dve ubho saddā pume vattanti. Ussajjati etthāti **uccaṅgam**, **saja** saṅge, **sassa cho**, dvittam. **Aṅka** gamanatto, a, aṅko, atha vā **aṅka** lakkhaṇe, a, **aṅko**, “uccaṅgacihanēsva’ṅko”ti **amarakose** [amara kose 23.4].

Dvayam jānūparibhāge. **Ara** gamane, u, assūkāro. **Sanja** saṅge, āsajjati vatthamatrāti **satthi**, thi. Ūru ca satthi ceti dvando, napuṃsakepi.

Tikam jānumhi, ūruno pabbam gaṅṭhi **ūrupabbam**. **Jana** janane, ṇu. Dvitte **jaṅṇu**.

**277.** Dvayam pādagaṅṭhimhi. **Gupa** rakkhaṇe pho, sakatthe ko. Pādassa gaṅṭhi **pādagaṅṭhi**. Ghuṭikāpyatra. **Ghuṭa** parivattane, ghuṭiyate aneneti **ghuṭikā**, ṇvu.

Dvayam pādassa pacchābhāge goppakassādho bhāge. Pume tūti **tvantam** liṅgapadam. **Pasa** bādhanaphusanesu,ti, **tassa ṇo**, **sassa ho**, vaṇṇavipariyayo, **ṇipaccayena** vā siddham. **Sakāra**vaṇṇāgame vuddhiyañca **pāsaṅhi**. Elipyatra, **ila** gatiyam,ti, **talopo**.

Dvayam pādage. Pādassa aggam **pādaggam**. Pakattham padam **papadanti** kammadhārayo. “Papado”tipi pātho. Tikam pāde. **Pada** gatimhi, ṇo, pajjateti **pādo**. Pajjate gacchatīti, a. **Caramhā** karaṇe yu, **caraṇam**, idam pume vikappena, niccam napuṃsake. Aṅhipyatra, **ahi** gatiyam. I, **hassa gho**.

**278.** Dvayam hatthādyavayave. **Aṅgi** gatyatto, a. **Avapubbo** **yu** missane, a. Patīko, apaghanopyatra. **Patipubbā** imhā ko. **Apapubbā** **hanimhā** a, **ghanādeso** ca.

Dvayam passatthimhi. **Pā** rakkhaṇe, su, **likāra**vaṇṇāgame, sakatthe ko, **passa pho**. Aḷāgame **phāsukā**. “Pāsuḷikā, pāsukā”tipi pātho. **Phusa** samphassetipi dhātu, tadā upaccayādi.

Dvayam aṭṭhimatte. **Asu** khepane, i, **sassa ttho**, **aṭṭhi**, idam **paṇḍake** napuṃsake vattati. **Dhā** dhāraṇe, tu, itthī. Kīkasam, kullaṃpyatra. **Galassa** kaṅṭhassa heṭṭhimante jātamaṭṭhi **galantaṭṭhi**. **Aka** gamane, kho, sakatthe ko.

**279-280.** Dvayam sirasoṭṭhikhaṇḍe. Samudite tu **karoṭi**, itthī [amara 16.69]. **Kapu** sāmattiye, aro, kam sīsam pāletīti vā **kapparo**, rasso, **lassa rattañca**. Kam pālayatīti, kammādimhi ṇo.

“Siroṭṭhimhi kapālo’thī, ghaṭādisakalepice”’ti **ruddo** [cintāmaṇiṭṭikā 16.68]. Kapālo athīti [anittḥīti attho] chedo. **Kapālasaddo** vikappena pulliṅgo. **Kaḍi** chede, aro. Mahatī sirā **mahāsirā**, **sirāti** ca. **Si** bandhane, ro.

Tikaṃ susiravatyam vāyuvahantasirāyam. Tividhā hi kāyasirā ekā vāyuvahā, aparā suttamivāṭṭhibandhinī, aññā āhāravāhinī antakhyā. Tatra tatiyena paṭhamā, paṭhamadutiyeḥi dutiyā ca dīpitā, tatiyā pana parato vakkhati. **Naha** bandhane, aru. **Si** bandhane, ro. **Dhama** sadde, yu. Nadādi, ani vā, **dhamanī**.

Tatiyam dassetumāha “rasaggasā”’tyādi. Rasam gasatīti **rasaggasā**, **gasa** adane. Rasam harati netīti **rasaharanī**, yu, nadādi.

Tikaṃ maṃse. **Mana** ñāṇe, so. **Misa** sadde, āpubbo āmasane vā. **Pisa** avayave, to. Palalam, kabbampyatra.

Dvayam ātapādinā sukkhamaṃse. Tiliṅgakantūti **tvantaṃ** liṅgapadam. **Vala**, **valla** samvaraṇe, ūro, itthiyam “itthiyamato āpaccayo”’ti ā, **vallūrā**. Uddham tattaṃ **uttattaṃ**. **Tapa** santāpe, to.

**281.** Catukkaṃ lohite. **Ruha** janane, to, **ito** vā. Runjhate cammenāti **rudhiram**, iro. **Soṇa** vaṇṇe, to. **Raṇja** rāge, to. Asam, khatajampyatra [khatā jāyate (cintāmaṇiṭṭikā 16.64)].

Tikaṃ kheḷe. **Lā** ādāne, alo, itthiyamā, **lala** icchāyam vā, itthiyamā. **Khela** gatiyam, a. **Khala** calane, saṅcaye vā, ṇo, ḷattaṃ, kham vā ākāsam ilatīti **kheḷo**. **Ila** gatiyam, kammani ṇo, **ila** gatimhi vā, a, isse.

Dvayam pitte. **Mā** parimāṇe, dhu. **Mada** ummāde vā, ṇu, **dassa dho**. Māyūti pāṭhe **maya** gatiyam, ṇu. **Mādhumāyusaddā** dve **purise** pulliṅge. Apidadhātīti **pittaṃ**. Apipubbo **dhā** pidhāne, to, **alopo**, bhujādi, **pittaṃ**, napumsake.

Dvayam semhe. **Silisa** silesane, curādi, silisyate atreti **semho**, mana, **lisassa ho**, vaṇṇavipariyayo. Itaratra umo, **silesumo**. Kaphopyatra, kena toyena phāti vuddhi yassa **kapho**, nerutto.

**282-283.** Vilīno vibhūto sneho **vasātyuccate**, **vasa** nivāse, ā. Dvayam avilīnasnehe. **Mida** snehane, ṇo. **Vapa** bijasantāne, a, **vapā**. “Vapā vivaramedesū”’ti **nānatthasaṅgahe**, **amarakose** pana medādīnamekatthata dīpitā, vuttañhi tattha “medo tu vapā vasā”’ti [amara 16.64].

Tikaṃ candanasuvaṇṇādyalaṅkāraṅkatasarīrasobhāyam. **Kapu** sāmattiye, ākappanam **ākappo**, ṇo. “Nepacche gehamatte ca, vesō vesyāgahepi [vessagahepi (ka.)] ce”’ti [cintāmaṇiṭṭikā 16.99] **rabhaso**. **Vasa** kantiyam, **visi** byāpane vā, ṇo. Nissesato pathanam pakhyānam **nepaccham**, **patha** pakhyāne ghyāṇa. Paṭikammaṃ, pasādhanampyatra.

Chakkaṃ hārādyābharāṇe. **Maḍi** bhūsāyam, karaṇe yu. **Sādha** saṃsiddhiyam, yu, **sāṭha** saṅkhāragatīsu vā, **pasāṭhanam**, muddhajadutiyoṭra. **Bhūsa** alaṅkāre, karaṇeyeva yu. Ābhariyyate tanti **ābharāṇam**, **bhara** bharaṇe, kammani yu. Alam vibhūsanam kariyyateneṇeti **alaṅkāro**, ṇo. **Piḷandha** bhūsane, karaṇe yu. Parikkhāropyatra [parikaropyatra (ka.)].

Dvayam makuṭe. **Kira** vikiraṇe, iṭo. **Maki** maṇḍane, uṭo. Mukuṭotipi pāṭho, ete dve anittḥī.

Dvayam makuṭaggaṭṭhe nāyakamaṇimhi. Makuṭacūḷāyam cumbitā maṇi **cūḷamaṇi**. Makuṭasirasi cumbitā maṇi **siromaṇi**.

**284.** Dvayam unḥīsapaṭṭe. Siraso veṭhanam **siroveṭhanam**. Upubbo **naha** bandhane, iṭo, vaṇṇavikāro. Yam bahukālam debyāmanussesvapi bhavati, tatra kaṇṇābharāṇe **kuṇḍalā**didvayam.

**Kuḍi** dāhe, alo. **Veṭṭha** veṭṭhane, kaṇṇassa veṭṭhanam **kaṇṇaveṭṭhanam**, muddhajadutiyoṃ.

Tikaṃ tālakākhye kaṇṇābharane. Kaṇṇānam bhūsanam **kaṇṇikā**, **kaṇṇā** bhūsane bahulalakkhane ṇiko. Kaṇṇacchadanam pūrati yena so **kaṇṇapūro**. Kaṇṇassa vibhūsanam **kaṇṇavibhūsanam**, karaṇe yu. Tālapattampyatra.

**285.** Dvayaṃ gīvābharane. Kaṇṭhassa bhūsā **kaṇṭhabhūsā**, thī. Gīvāyaṃ bhavaṃ **gīveyyam**, bhavathe eyyo, gīvāya ābharanam vā gīveyyam, **gīvato** ābharane eyyo.

Dvayaṃ muttāvaliyam. Hariyate mano yena **hāro**. Muttānam āvali panti **muttāvali**. Hārāsaddopyatra.

Catukkaṃ pakoṭṭhābharane. Pakoṭṭho nāma kapparassādhobhāgo. **Nī** naye, uro, **iyādeso**. **Vala** saṃvaraṇe, ayo, anitthī, **niyuropi**. **Kaṭa** vasāvaraṇagatīsu, ṇvu. Pari samantato harati cittaṃ yanti **parihārakam**, ṇvu. Avāpakopyatra.

**286-287.** Dvayaṃ muttādighaṭitavalayavikatyābharane. **Kā** sadde, **kaṇapaccayo**, **kaṇa** sadde vā, dvittam, **kaṅkaṇam**, **kaki** gatyatthe vā, yu, **kaki** lolye vā, kaṅkati yenāti **kaṅkaṇam**, karaṇe yu. Karassa bhūsā **karabhūsā**, thī.

Dvayaṃ khuddaghaṇṭikāyam. Kiṃ kucchitam kaṇatīti **kiṅkaṇī**, nadādi. Kiṅkiṇītipi pāṭhantaram, tadā yadādi. Khuddā eva ghaṇṭā **khuddaghaṇṭikā**, sakatthe ko, **ghaṭa** calane.

Dvayaṃ aṅgulyābharane. Aṅgulyam bhavaṃ **aṅgulyakam**, īyo, sakatthe ko, aṅgulīnamābharanam **aṅgulyābharanam**. Ummikāpyatra. Tamevāṅgulyakam **sākkharamakkharavantam** “muddikā, aṅgulimuddā”ti coccate. **Muda** tose, ṇvu, ā, **muddikā**, phalavisesepiyam. Aṅgulyam bhavā muddā **aṅgulimuddā**.

Dvayaṃ itthikaṭyābharane. **Rasa** sadde, kattari yu, ā, **rasanā**. Sāyeva **inīmhi rasanī**. “Sāre dhanimhi rasanam, jivhāyam rasanā na so”ti **ruddo**. Mehanassa khassa mālā **mekhalāti** nirutti, mehanindriyassa mālātyattho. Kāñcī sattakī, sārasanampyatra.

Ekayaṭṭhi bhava kāñcī, mekhālā tva’ṭṭhayaṭṭhikā;  
Rasanā soḷasā ñeyyā, kalāpā pañcavīsati [[kalāpo pañcavīsako \(cintāmaṇiṭikā 16.108\)](#)].

Tikaṃ sovaṇṇe pagaṇḍabhūsane. Pagaṇḍo nāma kapparassoparibhāgo. **Ke** sadde, uro, **yāgamo**. **Aṅga** gamane. Do. Bāhumūlassa, bāhumūle vā bhavaṃ vibhūsanam **bāhumūlavibhūsanam**.

**288.** Catukkaṃ itthicaraṇavibhūsane. Aṅgadākāram pādabhūsanam **pādaṅgadam**. **Maji** saddattho, īro, pāde kaṭakam **pādakaṭakam**. Ūnam pādam pūretīti **nūpuro**, vaṇṇavipariyayo. Pādakaṭako ca nūpuro ceti **kaṭakasaddassa** pulliṅgepi pavattanato dvandasamāso. Tulākoṭi, haṃsakopyatra. **Tula** gatikoṭīye. Kuṭilakoṭittā **tulākoṭi**, pume. Haṃsagattittā **haṃsako**.

**289.** Mukhaphullādayo alānkārappabhedā siyuṃ. Mukhaphullam nāma suvaṇṇamayo mukhālānkāro, mukhe phullatīti **mukhaphullam**, **phulla** vikasane, dantādīsu suvaṇṇamayālānkāropi mukhaphullameva. **Uṇṇatam** suvaṇṇādiracitam nalāṭābharanam, **upubbo namu** namane. Ettha ca mukhaphulluṇṇatānam visesaṃ vipariyayenāpīti vadanti. Gāvīnam thanākārattā gatthanam, ossattam, tameva uttamattā **uggatthanam**, catuyaṭṭhiko hārabhedo. **Gamu** gamane, ṇvu, dvittam, assittaṅga, **giṅgamakam**, bāttiṃsayaṭṭhiko hārabhedova. **Ādinā** addhahāro, māṇavako, ekāvalī, nakkhattamālādayo hārabhedā ca saṅgayhanti [[amara 16.106](#)].

**290.** Pajjam vatthamatte. **Cila** vassane, cilyate acchādīyateti, ṇo, thiyam **celī**. Chada saṃvaraṇe, āpubbo karaṇe, yu. **Vasa** acchādane, vasyate acchādīyateti **vattham**, tho. **Ṇamhi vāso**. **Yumhi vasanam**. **Ama** gamane, karaṇe yu, **aṃsukam**, raṃsipariyāyopyyam. **Amba** sadde, kattari aro.

**Paṭa** gamane, karaṇe a, sobhanacelepyayaṃ. **Du** gamane, karaṇe so, dvittamaṃ, durūpaṃ asati khepatīti vā **dussamaṃ**, durūpaṃ asati dīpetīti vā **dussamaṃ**, dupubbo **asa** dittiyaṃ. **Cala** vasane, assottaṃ, ḷattañca. **Saṭa** rujāvisaraṇagatyāvasānesu, ṇvu.

**291.** Pajjamaṃ vatthabhede. Tatrādidvayaṃ dukūlakhye vatthe. **Khu** sadde, mo, **khumasaddā** vikāre ṇo, khumāya vikāro **khomaṃ**, khumā nāma atasī, tabbakkalasambhavaṃ vatthamaṃ, vāccalingoyaṃ. **Kūla** āvaraṇe, dukkhena kulyateti **dukūlaṃ**, dumehi jātaṃ kūlanti vā **dukūlaṃ**. Keci pana “dukūlampi ekaṃ vatthantaramaṃ, na khomanāma”nti vadanti. Taṃ “khoma”maṭṭe dukūle ca, atasīvasaneṇi ca”, “khoma”maṭṭe dukūlecā”ti **nānatthasaṅgahatikaṇḍasesesu** [nānatthasaṅgaha 3.3.295] vuttattā na gahetabbaṃ. Koso nāma kimigabbho, tato jātattā **koseyyamaṃ**, eyyo, “koseyyamaṃ kimikosottha”nti [amara 16.111] hi vuttamaṃ. Koseyyameva dhotamaṃ paṭṭuṇṇamaṃ nāma, vuttañca “paṭṭuṇṇamaṃ dhotakoseyya”nti [amara 16.113]. Paṭṭuṇṇantipi pāṭhantaramaṃ. Paṭṭuṇṇaraṭṭhe jātattā **paṭṭuṇṇantipi** vadanti. **Kamu** kantiyamaṃ, kamaṇiyattā **kambalo**, raṅkunāmakassa hariṇavisesassa lomenasaṅjātavatthamaṃ [rāṅkavaṃ vigaromajamaṃ (amara 16.111)], alo, **vāgamo** ca majjhe. **Vāsaddo kambalasaddassa** napuṃsakattaṃ samuccinoti. **Rallakopi** [amara 16.116] kambalapariyāyo. **Saṇa** sadde, kattari a, saṇo nāma thirattaco eko rukkhayoni, yassa tacena kevaṭṭādayo jālādīni karonti, saṇassa vikāro **sāṇamaṃ**, vatthamaṃ. Migalomāni koṭṭetvā sukhumāni katvā katamambaraṃ **koṭumbaramaṃ**, **kuṭa** chedane, usso, assu, koṭumbaraṭṭhejātattā vā **koṭumbaramaṃ**. Bhaṅgaṃ nāma khomādīni sabbāni ekajjhāni vomissetvā katavatthamaṃ, **bhanja** avamaddane, atha vā bhaṅgaṃ nāma sāṇaphalaṃ, tabbikārattā vatthamaṃ **bhaṅgaṃ**, vuttañca **nānatthasaṅgahe** “bhaṅgā sāṇākhyasasseṇi”ti. **Sassasaddena** cettha phalaṃ vuttamaṃ, “rukkhādīnaṃ phalaṃ sassa”nti [amara 14.15] vacanato. Bhaṅgampi vākamayamevāti keci. **Vatthantaramaṃ** vatthaviseso. **Ādinā** kappāsādayopi gahitā.

**292-293.** Catukkaṃ paridhānabhūte adhovatthe. Adhobhāge vasīyateti **nivāsanaṃ**, nisaddo adhobhāgassa jotako. **Vasa** acchādane, kammani yu. Bāhulyena antare majjhe bhavaṃ **antarīyaṃ**, īyo. Samānalingattā dvando. Antare bhavaṃ **antaramaṃ**, ṇo. Antare majjhe bhavo vāso **antaravāsako**, sakatthe ko. Upasaṃbyānaṃpyatra [amara 16.117].

Pañcakaṃ uparidhāne. **Vara** acchādane, **papubbo**, kammani ṇo, ubhayatrāpi vuddhi, **pāvāro**. Uttarasmiṃ dehabhāge āsajjateṭi **uttarāsaṅgo**, ā pubbo **saṅja** saṅge. Upari saṃvīyate pidhīyate bāhulyenāti, yu. **Upasaṃpubbo vī** tantasantāne. Uttarasmiṃ dehabhāge bhavaṃ vijjamānaṃ **uttaramaṃ**, **uttarīya**ñca, ṇo, īyo ca. Saṃbyānaṃpyatra.

Navamaṃ vatthamaṃ ahatanti **matamaṃ** kathitamaṃ, na haññati yaṃ pāsāṇādīhīti **ahataṃ**. Tantato aciramāharitamaṃ vatthamaṃ. Anāhataṃ, nippavāṇi, tantakaṃpyatra. Vuttañca “anāhataṃ nippavāṇi, tantakañca navambare”ti [amara 16.112].

Dvayaṃ cirakālattā niddase jīṇṇavatthe. Natthi anto dasā yassa **nantakamaṃ**, sakatthe ko. Kucchito paṭo **kappaṭo**, **kappa** vitakke vā, aṭo. Dvayaṃ athiravatthe, jīṇṇavasanaṃ athiramaṃ vatthamaṃ. “Paṭa”iti carati phoṭatīti **paṭaccaramaṃ**, paṭaccameva **paḷaccaramaṃ**, ḷattaṃ.

**294.** Dvayaṃ koṭikādisannāhe, coḷe ca. **Kaca** bandhane, uko, niggahītāgamo ca. Vāṇamaṃ saramaṃ vārayatīti **vāravāṇo**, kammani ṇo, abhidhānato **vārassa** pubbanipāto, anitthiyamete. Vatthassa avayave **dasāsaddo** itthī. “Dasā vatyamavatthāyaṃ, vatthamaṃse bahumhi dvisū”ti [cintāmaṇiṭikā 16.114] **rabhaso**. **Dā** chedane, kammani so, rasso.

**Uttamaṅgamaṃhi** sīse yo kañcuko suvaṇṇādīmayo, so “nāḷipatto”ti kathito. Nāḷipatto taṃsaṅṭhāno suvaṇṇādīpaṭo nāḷipatto. Sīsakaṃ, siriyaṃ, sirohantipi tassa nāmāni.

**295.** Tikaṃ dīghatte. Āpubbo **yamu** uparame, ṇo. Ā bhuso yāti gacchatīti vā **āyāmo**, yā gatipāpuṇesu, mo. Dīghassa bhāvo **dīghatā**. **Ruha** janane, ṇo.

Dvayaṃ vitthāre. Vatthavisaye “osāro”ti rūḷhe. Samantato nayhatīti **pariṇāho**, **naha**

bandhane, ño. Vitthārena saraṇaṃ visāro, so eva **visālatā**.

**296.** Catukkaṃ cīvare. Arahataṃ dhajo **arahaddhajo**, rūḷhiyā tadaññacīvaresu. Kasāyena, kasāvena ca rattaṃ **kāsāyaṃ**, **kāsāvañca**, samānaliṅgattā dvando. Ci caye, īvaro. Vatthakhandhehi cīyateti **cīvaraṃ**.

Maṅḍalādayo **tadaṅgāni** samūhabhūtassa cīvarassa avayavāni. **Maḍi** bhūsāyaṃ, alo, **maṅḍalaṃ**. Cīvarapariyantoyaṃ mahāpathaviyā cakkavālapabbato viya cīvarassa samantato tiṭṭhati. Vivatṭo nāma cīvaramajjhagatamaggo, so hi visuṃ visuṃ vatṭatīti **vivatṭoti** vuccati, **vatṭa** āvatṭane. Kusi nāma maggānaṃ majjhagatavatthakhaṇḍaṃ, **kusa** chedane, kammani i, **kusi**, pumitthiyaṃ.

**297.** Phalādīnaṃ yāni cattāri santi, etā vatthassa **yonīyo** kāraṇāni tato taduppattito. Kappāsikaṃ vatthaṃ **phālaṃ** nāma phalavikārattā, vikāre ño, tīsu. Yathā – phālo paṭo, phālā celī, phālaṃ vatthaṃ. Khomādayo pana paṭā **tacabbhavā** tacato sañjātā.

**298.** Koseyyaṃ vatthaṃ **kimijaṃ** nāma. Migalomamayantu **kambalaṃ**. Dvayaṃ byavadhāyakapaṭe, kaṇḍapaṭepīti keci. **Samānatthā** ete dve tulyatthātyattho. **Ju** gatiyaṃ, bhūvādī, **ju** bandhane vā, yu, **anakādeso**, **sā** itthī. Tiro kariyati pidhīyati yāya, sā **tirokaraṇī**, yu. Patisīrāpyatra. **Patipubbo si** bandhane, ro.

**299.** Dvayaṃ uparibandhapaṭe, **athasaddotra** liṅgādijotako. Uddhaṃ locate bandhīyateti **ullocam**, **luca** dassane. Candātape vitanyateti **vitānaṃ**, **tanu** vitthāre, ño, curādi. Dvayampi punnapuṃsakanti **iritam** kathitaṃ.

Dvayaṃ sināne. **Naha** soce, karaṇe yu, **sinā** soce, karaṇe yu, “sināne”ti sattamyantaṃ padaṃ. Dvayaṃ kulyādīnā [[kuṭyādīnā \(ka.\)](#)], [[kujjanādīnā \(nissaya\)](#)], [[kuṅkumahaliddādīnā \(cintāmaṇiṭikā 16.121\)](#)] aṅganimalīkaraṇe. Ubbattīyate visārīyate malamaneneti **ubbattanaṃ**, **vatu** vattane, bhūvādī. **Majja** suddhiyaṃ, yu. **Samanti** dvayamidaṃ samānatthaṃ.

**300.** Tikam nalātakate cittake. Tilakākati **tilako**. Cittakākati **cittakaṃ**. Cakārena tamālapattākati **tamālapattam**. Sāmaññaena visesakaṃ, ubho **visesakatilakā** anitthī, sesadvayaṃ napuṃsakaṃ [[amara 16.123](#)].

Tikaṃ candane, **cadi** hilādane, hilādanaṃ sukhāpanaṃ, yu. Gandhānaṃ sāro uttamo **gandhasāro**, gandhayutto sāro thiraṃso vā gandhasāro. Malayadīpagirimhi jāyatīti **malayajo**. Bhaddasirīpyatra.

**301.** Tikaṃ pītacandane. “Gosīsa”iti pabbate malaye dese jātaṃ **gosīsaṃ**, go viya jalaṃ viya sītanti vā gosītaṃ, tadeva **tassa sakāraṃ** katvā **gosīsaṃ**. Tilapaṇṇappamāṇapaṇṇayuttatāya **telapaṇṇikaṃ**. Manam haratīti hari, tameva candananti **haricandanaṃ**. Pītasāru, susītaṃpyatra. **Gosīsā**dayo tayo pume, napuṃsake ca vattanti.

Catukkaṃ rattacandane. Tilapaṇṇappamāṇapaṇṇayuttatāya **tilapaṇṇī**. Purimena bhedakaraṇatthaṃ na vuddhi. Pattamaṅgamasseti **pattaṅgaṃ**, khuddapaṇṇatāya appadhānapattamiccattho. “Aṅgaṃ gattanti kopāya-patīkesvappadhānake”ti hi **nānatthasaṅgahe**. **Raṇja** rāge, hetukattari yu. Rattavaṇṇatāya rattañca taṃ candanañceti **rattacandanaṃ**, **amarakose** pana “**gosīsādīni rattacandanantāni** visese vattanti”ti [[amara 16.131](#)] vuttāni. Tatra gosīsassa yathāvuttoyevattho. Dhavalaṃ, susītaṃ, candanaṃ, telapaṇṇikaṃ malayapabbatadesajameva. **Hari** maṇḍūko, tadākāre pabbate jātaṃ candanaṃ **haricandanaṃ**. Pakkambaphalagandhi pītavaṇṇaṃ. **Tilapaṇṇīpattaṅgāni** rattacandanasadisassa rattasārassa ekassa candanassa nāmāni.

Dvayaṃ rattacandane. Atha vā tilapaṇyādīni cattāri lohitaṇṇasadisassa rattasārassa ekassa candanavisesassa nāmāni. Kucandanaṃpyatra. “Pattaṅgaṃ rañjanaṃ rattaṃ, patraṅgañca kucandana”nti **ratanaṃmālāyaṃ**.

**302.** Dvayaṃ vaṇijādīnaṃ ‘‘kāḷeyā’’iti rūlḥepītakaṭṭhe. Kāḷavaṇṇaṃ anusaṛati sīlenāti **kāḷānusārī**, kāḷavaṇṇajanakotyattho. Kāḷaṃ janetīti kāḷiyaṃ, ‘‘**kāḷīyakantu** kāḷeyaṃ, vaṇṇadaṃ kantijāsaka’’nti [**jāsakaṃ kantidāyakaṃ (cintāmaṇiṭṭkā 16.126)**] **byādi**.

Tikaṃ agarusāmaññe. **Lū** chedane, ho. Lahunāmattā **agaru**. **Rassa latte agalu**, dvayaṃ pume. Vamsikaṃ, rājārahaṃ, kimijaṃ, joṅgakaṃpyatra.

Asmiṃ agaramhi kāḷe sati ‘‘kāḷāgarū’’tyuccate. Mallikāpupphagandhi agaru pana maṅgalyuccate.

Dvayaṃ sallakīdave. Turukkho vutto. **Piḍi** saṅghāte, ṇvu. Sihalo, yāvaṇopyatra.

**303.** Dvayaṃ miganābhiyaṃ. **Kattha** silāghāyaṃ, ūro, nadādi, sakatthe ko. Migassa mado **migamado**, migo marati yenāti vā migamaro, so eva **migamado**.

Dvayaṃ kuṭṭhe. **Kuṭa** chedane, ṭho, to vā, ‘‘kuṭādīhi ṭho’’ti ṭho, **kuṭṭhaṃ**, rogabhedepi. Attano chāyūpagate aje pāletīti **ajapālakaṃ**, ṇvu. Pāribhābyaṃ, pākalaṃ [**phālakī (ka.)**], uppalaṃ, vāppaṃpyatra.

Dvayaṃ piḍaṅge. Rogāṃ lunanto aṅgati gacchatīti **lavaṅgo**. Devānaṃ kusumaṃ pupphaṃ **devakusumaṃ**. Sirisaññāṃpyatra.

Dvayaṃ kuṅkume. Kasmīraṭṭhe jātaṃ **kasmīrajaṃ**. Aggisikhaṃ, vamaṃ, vallīkaṃ, pītaṃ, rattasaṅkocaṃ, pisunaṃ, dhīraṃ lohitacandaṃpyatra.

**304.** Dvayaṃ dhunake. Yakkhehi kato dhūpo **yakkhadhūpo**, yakkho devo. Sajjarukkhasa silesa **sajjulaso**. Assu, **silopo**, essattaṅca, sajjassa raso davo sajjulaso, assu, **lattaṅca**. Sajjarasotipi pāṭho. Rālo, sabbaraso, bahurūpopyaṭra.

Tikaṃ takkole. **Takka** vitakke, olo. **Kula** saṅkhyāne, ṇvu. Kosayuttaṃ phalametassāti **kosaphalaṃ**. Dvayaṃ jātiphale. Kosasahitaṃ jātiphalametassāti **jātikosaṃ**. Jātiphalametassa, na kittimanti **jātiphalaṃ**.

**305.** Pajjaddhaṃ kappūre, ghano hutvā saratīti **ghanasāro**. Abbhamiva sitaṃ **sitabbho**, abhidhānato pubbanipāto, **kappa** sāmattiye, ūro. Candasañño, himavāluko, himāvḥayopyatra.

Pajjaddhaṃ lākhāyaṃ, ā bhuso rattaṃ karotīti **alattako**, **lattaṃ**, kvi. **Yu** missane, ṇvu. **Lākha** sosane, a, **lā** ādāne vā, kho. **Jana** janane, tu, **nalopo**. Dumāmayopyatra.

**306.** Dvayaṃ saraladdave. Siriyā lakkhiyā āvāso **sirivāso**. Saralanāmakassa rukkhasa davo raso **saraladdavo**. Pāyaso, vakadhūpo, siriveṭṭhopyatra. ‘‘Sirivāse paramanne ca, pāyaso sammato pume’’ti [**cintāmaṇiṭṭkā 16.129**] **ruddo**. Dvayaṃ añjane. **Añju** byattimakkhanagatikantīsu, yu. **Kajja** byasane. Kajjati roganti **kajjalaṃ**, alo.

Dvayaṃ gandhagāhāpanacuṇṇe, **vasa** hiṃsattho, vasati duggandhanti vāso, ṇo, **vāsa** upasevāyaṃ vā, **vasa** nivāse vā. So eva cuṇṇaṃ. **Yuja** yoge, kammani ṇo, vāso eva yogo **vāsayogo**. Dvayaṃ vilepanamatte. **Vaṇṇa** vaṇṇakriyāvitthāraguṇavacanesu, curādi. Vaṇṇayatīti **vaṇṇakaṃ**. ṇvu. **Lipa** upadehe. Vilepīyateti **vilepanaṃ**, kammani yu.

**307.** Yo gandhamālyadhūpādīhi vatthatambulādīnaṃ saṅkhāro, taṃ ‘‘vāsana’’mityuccate, **vāsa** upasevāyaṃ, vāsīyate saṅkharīyateti **vāsaṃ**, yu.

Tikaṃ pupphadāme. **Mā** māne, lo, **mala** dhāraṇe vā, a. Mālova mālyaṃ. **Dama** gatiyaṃ, pupphāni damantyatrete **pupphadāmaṃ**, pupphānaṃ rāsikaraṇaṭṭhānamiccatho. **Dā** lavane vā, mo.

**Amarakose** pana “mālāmālyāni muddhani pavattāya mālāya nāmānī”ti [amara 16.135] vadati. **Mālamālyasaddā** pupphepi, “mālā mālyam pasune”ti hi **nānatthasaṅgahe**. Dvayam gandhaggāhite vatthādo. **Bhū** sattāyam, kammani to, vuddhādi. Vāsāpeti gandham gāhāpeti yanti **vāsitaṃ, vasa** nivāse, kamme to, tīsu, yathā – bhāvito paṭo, bhāvita celī, bhāvitaṃ vattham. Vāsito, vāsita, vāsitaṃ vattham.

**308.** Pañcakaṃ muddhamālāyam. **Tasi** alaṅkāre, bhūvādi. Uddham tasīyateti **uttamso**. Sikhāyam jāto **sekharo**, ro. Muddham avati rakkhatīti **aveḷā, ava** rakkhaṇe, elo, ḷattam. “Āveḷā”tipi pāṭho, dīghattam. Sekharo ca aveḷā cāti dvando. Muddhani alaṅkataṃ mālyam **muddhamālyam**, tasmim. **Avapubbo tasi** alaṅkāre, uddham tasīyateti avatamso, so eva **vaṭamso**, sakatthe ko, **tassa ṭo**, anekatthattā upasagganipātānam uddhambhāvajotako cettha **avasaddoti** tathottam.

Tikaṃ seyyāyam. Sayantiyassam **seyyā**, yo. Sayantiyatreti **sayanam, senaṅca**. Ubhayatrapī adhikaraṇe yu, isse, **e aya**, itaratra ettam, “vā paro asarūpā”ti alopo ca, sayanīpyatra.

Dvayam mañce. **Paripubbo aki** lakkhaṇe, ṇo, ilopo, **rassa lattam. Maci** dhāraṇocchāyapūjanesu, bhūvādi a, sakatthe ko. Khaṭāpyatra, khaṭyate ākaṅkhate sayanattihēhīti **khaṭā, khaṭa** ākaṅkhāyam.

**309.** Dvayam mañcādhāre. Mañcassa ādhāro **mañcādhāro**. Paṭipajjati pavattati seyyā yena, so **paṭipādo**. Mañcaṅge mañcāvayave **aṭanisaddo** itthiyam, **aṭa** gamanatto, ani, yu vā, nadādi, rasso.

**310.** Kuḷīrapādādayo ime cattāro **mañcantarā** mañcabhedā siyuṃ. Tattha kuḷīro kakkāṭako tassa saṅṭhānapādattā **kuḷīrapādo**. Aṭaniyam āhacco, āhacca vā pādo tiṭṭhati yassāti **āhaccapādo**, pubbapakkhe “riccā”ti yogavibhāgena **riccapaccayanto āhaccasaddo**, parapakkhe tu **tvāpaccayanto**, yassa aṭanichidde pādo pavisitvā tiṭṭhati, so āhaccapādo. **Masa** āmasane, āro, sakatthe ko. Yassa pādacchidde aṭani pavisitvā tiṭṭhati, so **masārako**. Bundena pādena saha ekābaddhā aṭani yassa so **bundikābaddho**, ekārassittam. Ettha ca majjhe dvinnam mañcānam lakkhaṇam vipariyayenāpi vadanti.

**311.** Dvayam sīsādhāre. Visesena sīsam vahaṭīti **bibbohanam, yu, battam**, assottaṅca. Upadhīyate sīsāsanam karīyateti **upadhānam, yu, dhā** dhāraṇe.

Tikaṃ sāmāñṇapīṭhe. **Pīṭha** hiṃsāsamaṅkilesesu, bhūvādi, ṇvu, ā. **Yadādinā ke** paccaye itthikatākāre pare pubbo **akāro ikāramāpajjate**, “ke”ti kiṃ? Cetanā. “Paccaye”ti kiṃ? Bakā. “Itthī”ti kiṃ? Pācakā. “Kata”iti kiṃ? Vuttakammā, kammaṭṭapaccayoyam, **tapaccaye pīṭham** [mogallāna 4.142 suttampi passitabbam]. Āsate asminti **āsanam**.

Dvayam uttamārahapīṭhe. **Kuca** saṃpaccanakoṭīlyapatithambhavilekhanesu, cho. Bhaddam kalyāṇam pīṭham **bhaddapīṭham**. Gajadantādimayakesamajjaniyampi dvayamidamāhu. Tada pasādhānī, kaṅkatikāpyatra. **Pīṭhantare** dīghapīṭhe **āsandī** matā. **Sada** visaraṇagatyāvasānesu, nadādi, bindāgamo ca.

**312.** Āyānavitthāravasena mahanto āsanappabhedo “kojavo”ti mato, **kuju** theyyakaṇe, ṇo, kuyam pathaviyam javatīti vā **kojavo**, ju gatiyam. Dīghena lomena yutto āsanappabhedo “**gonako**”ti mato, **gu** sadde, yu, sakatthe ko, ussottam.

Dvayam attharaṇe. Migalomapuṇṇatāya jātam **uṇṇāmayam. Thara** santharaṇe, **pādi**pubbova, na kadācīpi **pādirahito**, ā bhuso tharīyateti **attharaṇam, yu**.

Dvayam saṃsibbanacittake. Cittarūpamassatthīti **cittakam**. Bāhulyena na ikārāgamo. Vānena saṃsibbanena sañjātam cittarūpamassāti **vānacittakam**, sakatthe ko.

**313.** Dvayam nirantarapupphapaṭe. Ghanam sandhibhūtam puppharūpametthāti

**ghanapuppham.** Paṭalameṭṭissāthhīti **paṭalikā**, iko. Dvayaṃ bahumudulome setavatthe. **Si** sevāyaṃ, sivatthikehi sevīyateti **seto**, to. **Paṭa** gamane, ṇvu, **paṭikā**, addhendupāsāṇepi.

Dvīsupi pariyanesu yassā dasā santi, sā **uddalomī**, uditam dvīsu lomam dasā yassā sā **uddalomī**, issattam, dvittaṅga. Ekasmiṃ pariyanṭeyeva dasā yassā **ekantalomī**, ekasmiṃ ante pariyanṭe lomam dasā yassāthhīti **ekantalomī**, uddalomī ca ekantalomī ceti **uddalomiekantalomino**, “padānaṃ sandhi vatticchāto, na samāsantaragesū”ti vuttepi gāthābhāvato chandohānibhayā visandhi. Yattha pana gāthāyampi **[agāthāyampi (?)]** visandhi “dhammasaṃvaṇṇanāya’ntiādimāhā”tyādīsu, tattha kathanti? “Na samāsantaragesū”ti imassāniccattā tatthāpi na doso, “nena niddiṭṭhamanicca”nti hi paribhāsitaṃ **[naghaṭitaṃ aniccaṃ (paribhāsendusekhara 97)]**.

**314. Tadeva** yathāvuttadvayameva soḷasannaṃ itthīnaṃ **naccayoggaṃ** naccassa yogyaṭṭhānabhūtaṃ “kuttaka”mityuccate. **Hi** padapūraṇe. “Naccayogyamhī”tipi pāṭho, tadā bhāvasattamī. Karonti ettha naccanti **kuttakaṃ, kara** karaṇe, to, assu, bhujādi, sakatthe ko.

Sīhādirūpehi vicittarūpaṃ vatthaṃ, āsanaṃ vā **vikatikā** nāma bhava, ekasseva hi kattuno pakativikatisaṅkhātāvattāvasena dvittaṃ, vatticchāvasena liṅgasāṅkhyāvibhattibhedaṅga hoti, yathā – manussā yakkhabhattaṃ ahesuṃ, sattappakaraṇāni abhidhammo nāma bhavanti, devadatto rajjaṃ pāpuṇātīti. Yatra hi pakatiyā vā vikatiyā vāti dvinnampi vuttatā siyā, tatra vācako pakatiyāyeva saṅkhyāṃ gaṇhāti, netarassa tannissitabhāvenāppadhānato **[kaccāyanasāre 6-7 gāthāsu passitabbaṃ]**. Yadā pana pakatiyā sambandhādibhāvaṃ vattumicchati, tadā attanā vattabbassa aññatthassābhāvā vikatiyuccate vācakena, yathā – devadattassa rajjaṃ pāpuṇāti, idha pana liṅgabhedeneva vuttaṃ “cittaṃ vikatikā bhava”ti. Vikarīyateti **vikati**.

**315.** Kaṭṭissakoseyyasaṅkhātānaṃ dvinnamattharaṇānaṃ karaṇappakāraṃ dassetuṃ ariyāsāmaññaṃāha “**kaṭṭissa**”miccādi. Kosiyakaṭṭissamayaṃ kosiyasuttakaṭṭissavākehi pakatamattharaṇaṃ kaṭṭissaṃ nāma, virūpekasesavasena kosiyāṅga kaṭṭissaṅga kaṭṭissāni, tehi pakataṃ attharaṇaṃ **kaṭṭissaṃ**. Kosiyasuttana pakatantu attharaṇaṃ **koseyyaṃ** nāma. **Ratanapatisibbanti** idaṃ dvinnampi visesanaṃ, attharaṇaṅga iti **kamā** kamato “bhava”ti ajjhāharitabbaṃ. **Attharaṇasaddassānuṇṇāmayesvapi** pavattanato etthāpi “attharaṇa”nti vuttaṃ, yathā – suttaṃ kammanti. Ettha ca **ca**kāro pādantattā garūsu gaṇhitabbo, teneva hi sattapaññāsamattā paripuṇṇā honti, ariyāya hi paṭhamapāde dvādasamattā, tathā tatiye, dutiye aṭṭhārasa, catutthe pannarasamattāti sampiṇḍitā sattapaññāsamattā honti.

**316.** Tikaṃ dīpe. **Dīpa** dittiyaṃ, divādi. Dippatīti **dīpo**, ṇo. “Padīpo”ti aññapadanivattanatthaṃ upasaggena padaṃ vaḍḍhitam. **Juti** dittiyaṃ, bhūvādi, ṇo.

Dvayaṃ ādāse. “Pume tū”ti **tvantaṃ** liṅgapadaṃ. Ādissate asminti **ādāso**, ṇo, āpubbo **disa** pekkhane, issā. Dippati etthāti **dappaṇo**, yu, issattam. Makuropyatra.

Dvayaṃ cammamayakīlāguḷake. Vāsabhavanehi yuvatīhi saha kīlāsambhavā ñeyyā, tappakkamenassābhidhānaṃ. **Guḍi** vedhane, ṇuko, usse, **gudda** kīlāyameva vā, tadā **dassa ṇḍo**. **Kadi** avhāne rodane ca, ṇuko, **kudda** kīlāyameva vā, ussattam, **pubbadassa no**.

Dvayaṃ bījanīmatte. **Vaṭi** vibhājane, tālavaṇṭehi katattā **tālavaṇṭaṃ**. Vaṇṭaṃ nāma bījanādikaraṇatthaṃ visuṃ bhājito tālapattāvayavo, **tālavaṇṭasaddassa** yathāvuttavacanatthayogepi sati saññāsaddattā bījanīsāmaññaṃ pavatti veditabbā. Yadā pana tālavaṇṭehi katabījanimeva vattumicchati, tadā ekena **tālasaddena** visesetvā “tālatālavaṇṭa”nti vattabbaṃ. Yathā – tilassa telam, sugatassa sugatacīvaranti. Bijanti vāyunā yojayanti yāya, sā **bījanī**, yu, nadādi, **yuja** yoge, **yassa vo**, ussī, **vaja** gatiyaṃ vā assī. Byajanaṃpyatra.

**317.** Dvayaṃ caṅkoṭake. **Kuṭa** chedane, sakatthe ko. **Karaḍi** bhājanatthe, ko. Dvayaṃ kappūrādisampuṭe **[sarūpakādisampuṭe (ka.)]**. Samuggacchatīti **samuggo**, kvi. **Puṭa** saṃsilesane,

bhūvādi, a.

Pajjaddham methune. Gāmvāsīnaṃ dhammo ācāro **gāmadhammo**, **gāmasaddena** cettha gāmvāsīno vuttā, yathā “gāmo āgato”ti. Asataṃ asappurisānaṃ dhammo, saddhammapaṭipakkhattā vā **asaddhammo**. **Byaya** khaye, byayati balametenāti **byavāyo**, majjhe **vāgamo**, atha vā vigato ayo vuḍḍhi tasmāti avāyo, atisayo avāyo **byavāyo**. Mithunānaṃ itthipurisānaṃ samānacchandānaṃ ācāro **methunaṃ**, tadaññesu upacāro, **ramu** ramane, bhāve, karaṇe vāti.

**318.** Catukkaṃ vivāhe. **Vaha** pāpuṇe, ṇo. **Upapubbo yamu** uparame, a. Aññamaññassa pāṇino gahaṇaṃ **pāṇiggaho**. **Nī** naye, a. Ubbāho, pāṇipīlanampyatra.

Dhammakāmatthā tayo vaggā vuccante. Āgamaniddiṭṭho samācāro **dhammo**. Visayavisayasannipātaṃ sukhaṃ **kāmo**. Sabbopakaraṇaṃ **attho**. **Samokkhakā** mokkhasahitā dhammakāmatthā catubbaggo vuccante. Tivaggena visamyutto **mokkho** nibbānaṃ. Tulyabalehi pana dhammādīhi catūhi padhānehi **catubhadra** [amara 17.57] muccate.

**319-320.** Dvayaṃ khuḷje. Kucchitaṃ vajjatīti **khuḷjo**, kassa **kho**, **valopo**, ṇo. **Gaḍi** nindāyaṃ, ulo.

Tikaṃ rassasarīre puggale. **Rasa** sadde, so. Byāmapamānaṃ na lātīti **vāmano**, nerutto. Rasso ca vāmano ceti dvando. **Lakuḍi** vāmanatthe, a, sakatthe ko, laku viya ghaṭikā viya ḍeti pavattetīti vā **lakuḍako**.

Pañcakaṃ paṅgulaḷjane. Parena aṅgatīti **paṅgulo**, ulo. Pīṭhena sappati sīlenāti **pīṭhasappī**, **sappa** gamane, **upaccaye paṅgu**, dvīsu. Chinno gamanādiiriyāpatho yassāti so **chinniriyāpatho**. Vigatā akkhasadisā jaṅghā yassāti **pakkho**, yathā hi rathassa akkhe bhinne gamanaṃ na sijjhati, tatheva tassāpi akkhajaṅghāya bhinnāyāti opammasaṃsandanaṃ.

Dvayaṃ khañje. **Khaji** gativekalye, bhūvādi, khañjatīti, a. **Khoḍi** gatipaṭighāte, ko.

Dvayaṃ avākye. Vattumasakkuṇeyyattā migasadisoti **mūgo**, issū. Suññaṃ vaco yassāti so **suññavaco**.

Hatthādivaṅko puriso “kuṇī”tyuccate. Kuṇanaṃ kuṇo hatthādivekalyaṃ, tametassatthīti **kuṇī**, atha vā **kuṇa** saṅkocane, ī, kucchitaṃ nayatīti vā **kuṇī**, **ṇattaṃ**, “hatthena kuṇī, pādena kuṇī”iccādipayogā. Dvayaṃ apāṅgadassane jane. **Vala** saṃvaraṇe, iro. Kucchitaṃ karotīti **kekaro**, usse.

**321.** Dvayaṃ nikkesasīse. Nikkesaṃ sīsametassa, **khala** khalane, saṅcaye ca, āṭo, nikkesattā khaṃ tucchaṃ sīsaṃ lātīti **khallāṭo**, ṭo.

Tikaṃ khuramuṇḍasīse. **Muṇḍa** khaṇḍane, bhūvādi, a. **Bhaṇḍa** paribhāsane, u, sakatthe ko, **muṇḍako**, muṇḍikopyatra.

Akkhīnaṃ majjhe ekenākkhinā suñño kāṇo nāma, **kaṇa** saddagatinimīlanesu, ṇo, kaṇati nimīlatīti **kāṇo**, taṃ panassa nimīlanaṃ ekenevakkhinā. **Aṭṭhakathā**dīsu pana “kāṇoti ekacchikāṇo, ubhayacchikāṇo vā”ti [saṃ. ni. aṭṭha. 1.1.132] vuttaṃ. **Dvayena** akkhidvayena suñño **andho** nāma, **andha** dassanūpasamhāre, a.

**322.** Dvayaṃ naṭṭhasotappasāde. **Bandha** bandhane, iro. **Nalopo**. Suti kaṇṇo hīno vikalo yassāti **sutihīno**. Eḷopyatra.

Tikaṃ gilānasāmaññe. **Gila** hāsakkhaye, yu, byādhirogosañjāto yassa **byādhito**. **Ata**

sātaccagamane, adhikaraṇe, kattari vā uro, **āturo**, dīghādi. Āmayāvī, vikato, apaṭu, abbhāmito, abbhāntopyatra.

Ummādo vātādīpakopo rogaviseso, tabbati ummatto, **mada** ummāde, uggatehi vātādīdosehi madayatīti **ummādo**, ṇo. **Khujjā**dayo **ummattantā** vāccaliṅge yuttatāya vāccaliṅgikā, yathā – khujjo puriso, khujjā itthī, khujjam napuṃsakam. Ummatto puriso, ummattā itthī, ummattam napuṃsakam.

**323.** Navakam rogamate. **Taki** kicchajīvane, bhūvādi, ā bhuso taṅkatīti **ātaṅko**, a. **Ama** roge, yo, **maya** gatimhi vā, atha vā **ama** roge, curādi, āmayati rujjatīti **āmāyo**, a, kāritālopābhāvo. **Vidha** vijjhane, vijjhatīti **byādhi**, i, akāraṇāgamo, **bādha** vibādḥāyaṃ vā, tadā **yāgamo**, vividhā vā ādhayo manopīlā yasmimsa **byādhi**, “**pume** ādhi mānasī byathā”’ti [amara 8.28] hi **amarakose** vuttam. Rogegado, kuverāyudhe gadā, gado bhātharikaṇhassa, “āmāye cāyudhe gadā”’ti hi **nānatthasaṅgahe**. **Ruja** roge, kattari ṇo, rujā itthī. Gilānassa bhāvo **gelaṅṅam**. **Kala** gatisaṅkhyānesu, na kalati yena tam akalam, tameva **akallam**, lo. **Bādha** vibādḥāyaṃ, bhūvādi, a. Upatāpopyatra.

Dvayaṃ khayaroge, rasādisattadhātuyo sosayatīti **soso**, **susa** sosane, divādi, ṇo. **Khi** khaye, khayatīti, a. Yakkhā, rājayakkhāpyatra. **Yakkha** pūjāyaṃ, curādi.

**324.** Dvayaṃ nāsaroge. Apihitā nāsā anenāti **pīnāso**, **pīnasopi**. Upasaggato nāsāya bahubbīhimhi **nasādesam** kubbanti [pāṇini 5.4.119], apissākāralopo vaṇṇanāso, rassassa dīghatā. “Soso yakkhā rājayakkhā, patissāyo tu pīnaso, āpīnaso patissāyo”’ti **rabhaso**. Patissayopyatra. Vejjanthe imesam pīnasapatissāyānam bhedo abhihito –

Ānahyate yassa visussate ca,  
Kilidyate dhūpati ceva nāsā;  
Na ñāyate gandharase ca jantu,  
Duṭṭham vijaññā tamapīnasenāti.

Ānaddhā pihitā nāsā,  
Tanusāvappasekinī;  
Galatālotṭhasoso ca,  
Nittodo saṅkhakadvaye;  
Bhave saro paghāto ca,  
Patissāyoti lakkhitoti.

Iha tvabhedenottam. **Patipubbo** sidhātu rujatyattho. Nāsikāya jāto rogo **nāsikārogo**.

Ghāne pavatto assavo siṅghānikā nāma, **siṅgha** āghāne, bhūvādi, siṅghatīti siṅghānam, yu, tattha jātā **siṅghānikā**. Ā punappunam savati sandatīti **assavo**, **sū** abhisave. Dvayaṃ vaṇamatte. **Ara** gamane, u, **aru**, napuṃsakeyeva. **Vaṇa** gattavicuṇṇane, curādi, a, **vaṇo**, anitthī. Dvayaṃ photo. **Phuṭa** saṃsilesane, bhūvādi, **photo**, ṇo. **Pīla** vibādḥāyaṃ, curādi, ṇvu, “itthiyamato āpaccayo”’ti ā, pīlako, pīlakā, pīlakam, tīsvapi, tathā photo.

**325.** Dvayaṃ pakkavaṇādīsu sañjātaduggandhavisese. **Pubba** pūraṇe, bhūvādi, a. **Pūya** visaraṇe, duggandhe ca, bhūvādi.

Dvayaṃ lohitanissaraṇaroge. Rattassa lohitassa saṅghānamatikkamitvā saraṇam gamanam **rattātīsāro**. Pakkhandati nissaratīti **pakkhandikā**. **Kamu** padavikkhepe. “Itthiyamatiyavo vā”’titi. “Pakkamādīhinto ce”’ti ettha **cakārena** **tissantī**, dhātvantālopo ca, sakatthe ko. Dvitte. **Yadādinā** parakakārassa **kho**, pakkhandikā.

Dvayaṃ apamāre. Saraṇam sāro, apagato sāro yena **apamāro**, **sassa mo**. Itaratra **makārāgamo**.

Dvayaṃ pādabhede. Pādassa photo bhedanaṃ daraṇaṃ **pādaphoto, phuṭa** bhede. Virūpo pādo eṭāya hetubhūtāyāti **vipādikā**. Samāsante ko, pubbākārassittaṃ, vidārīyamānattā vipajjamāno pādo assanti vā **vipādikā**.

**326.** Dvayaṃ vuḍḍhippattaṇḍakosaroge. Vuḍḍhippattro rogo **vuḍḍhirogo**. Vātapūritaṃ aṇḍam koso **vātaṇḍam**. Dvayaṃ thūlapādaroge. Ghanābhāvato sithilaṃ padaṃ **sīpadaṃ**, vaṇṇanāso, dīghādī. Bhāro pādo yassa, tassa bhāvo **bhārapādātā**.

Pañcakaṃ kaṇḍuyaṃ. **Kaṇḍa** bhedane, u, dīghe kaṇḍū, **vadhūsaddova**. Timhi **kaṇḍūti**, assū, curādittā **yamhi kaṇḍūyā**, yalopābhāvo. **Khajja** theyyakaraṇabyathanesu, bhūvādī, u. **Yumhi kaṇḍūvanam**, assū. **Uvādeso**, dīgho ca.

**327.** Tikaṃ kacchuyaṃ. Yā “khasurogo” ti vuccati. Pātyattānanti **pāmam**, mana, pāmāpyatthi, pulliṅgo, rājādī, visesena tacchati kāsanti **vitacchikā**, **taccha** tanukaraṇe, ṇvu, “vivacchikā” [**viccakkā (amara 16.53)**] tipi pāṭho. **Vaccha** paribhāsanatajjanesu, bhūvādī. **Kaca** bandhane, u, **cassa chattaṃ**, dvittādī. Tilakālakantaṃ dvayaṃ dvayaṃ samatthaṃ. Tatra dvayaṃ sothe. Su gatīvuḍḍhīsu, bhūvādī, tho. **Thupaccaye sayathu**, ussattaṃ, **yāgamo** ca. Sophopyatra. Sokaṃ phāyati bahulaṃ karotīti **sopho**, **phāya** vuḍḍhiyaṃ, **phāyassa pho**, nerutto.

Dvayaṃ arisaroge. Amaṅgalatāya du ninditaṃ nāmamassa **dunnāmam**, sakatthe, kucchāyaṃ vā ko, dīghakosikāyaṃ dunnāmā, itthī. Ari viya sasati hiṃ satīti **arisam**, **sasa** hiṃsāyaṃ, kvi, **ara** gamane vā, iso. Dvayaṃ vamanaroge. **Chadda** vamaṇe, curādī, ṇvu. **Vamu** uggiraṇe, thu. Vamidhupyatra. **Chaddikā**, **vami** itthiyaṃ, **vamathu** pume.

**328-329.** Dvayaṃ paritāpe. **Du** paritāpe, tanādī, thu. Paritapanam santāpanam **paritāpo**. Dvayaṃ tilakālake. Tilasaṅṭhānam viya jāyatīti **tilako**. Tilaṃ viya kāḷo hutvā jāyatīti **tilakāḷako**.

Mahāvireko “visūcīkā” tyuccate. Nissesato sucati gacchati **sūcīkā**. **Suci**, **suca** gatiyaṃ, bhūvādī. **Suca** soceyye vā, nissesato socetīti **visūcīkā**, visesena sūci viya vijjhatīti vā **visūcīkā**. Bahumosaraṇattā mahanto vireko **mahāvireko**, **rica** viyojanasampucchanesu, ṇo.

Bhagandalādayo satta **āmayantarā** rogabhedā bhavanti. Tatra gudasamīpajo vaṇaviseso bhagandalā, itthī. Bhagaṃ yoni, taṃ dārayatīti rūlḥīto **apaccayanto nipātito**. **Dara** vidāraṇe, bhūvādī, **latte bhagandalā**. Bhagandaropyatra. Meho muttameho, so ca bahumuttatāya **madhumeho**, **rattameho**, **sukkameho** tyanekekavidho. **Miha** secane, bhūvādī, mihati muttanti **meho**, ṇo. **Jara** roge. Bhūvādī, jaratīti, a. Jaro pasiddho. **Kāsa** saddakucchāyaṃ, dittiyaṅca, bhūvādī, kāsati **kāso**, ṇo, kucchitaṃ asatīti vā **kāso**, **kuāpubbo**. **Sasa** pāṇane, sasaṃ **sāso**, bhusaṃ sasanametassatthīti vā **sāso**, **kuṭṭham**. Sāmañña tacovikāre. Sukke tu **sittam**. **Sūla** ruḷāyaṃ, bhūvādī, **sūlam**. Viddadhi, asmarī, muttakicchādayopyaneke rogabhedā.

Pajjaddham vejje. Āyubbedasaṅkhātāṃ vijjāṃ jānātīti **vejjo**, “ṇa rāgā tassedamaññatthesu cā” ti ṇo, **vida** ñāṇe vā, vindatīti **vejjo**, ṇyo, **dyassa jo**. Bhisajjati cikicchatīti **bhisakko**, a, **jassa ko**. Rogam harati sīlenāti **rogahārī**, ṇī. **Harasaddoyaṃ** kevalopi ānayanāpanayanesu vattati “manoharo, dukkhaharo” iccādīsū, idha apanayane. **Kita** rogāpanayane, bhūvādī. Tikicchatīti **tikicchako**, **chapaccayo**, ṇvu, dvittādī. Agadakaropyatra, agadam arogam pāṇīnam karotīti **agadakaro**, kammādimhi ṇo.

**330.** Dvayaṃ sallanīharaṇe vejje. Kāye pavīṭṭhasarādisallassa nīharaṇo vejjo **sallavejjo**. Yathāvuttaṃ sallaṃ nīharaṇavasena kantati chindatīti **sallakatto**, **kati** chedane, to. Dvayaṃ paṭikāre. Tikicchanaṃ **tikicchā**, bhāve a. **Patipubbo** karoti tikicchāyaṃ, **karato** ririyā.

Catukkaṃ osadhe. Bhisajānamidaṃ **bhesajjam**, nya. Na vijjate gado yasminti **agado**. Bhisajānamidaṃ **bhesajam**, ṇo. **Usa** dāhe. Rogamosāpetīti **osadham**, dho, atha vā osadhī nāma asaṃyogadabbaṃ, tehi saṃyojitaṃ osadham. Jāyupyatra. **Ji** jaye, ṇu.

**331.** Tikam ārogye. Anattakārakattā kucchitākārena sarīre sentīti kusā, rogā, te lunāti chindatīti **kusalam**. Āmayassābhāvo **anāmayam**, abyayībhāvo. Arogassa bhāvo **ārogyam**. Kusalānāmayārogyanti samāhāradvando. Dvayam anāmayajane. **Kala** gatisaṅkhyānesu. Kalati yathāsukham sabbiriyāpathesūti **kallo**, lo. “Kālam khamatīti kalyam, arogatā, tassam niyutto kalyo”ti **aṅguttaranikāyaṭīkāyam**. Natthi āmayo yasmim **nirāmayo**. Vuttopyatra. Vutti jīvitavutti pasatthā assatthīti **vutto**. Rogato niggatajane pana ullāgho, **lāgha** sāmattiye, **usaddoyam** rogavimutyattho. Narādittā, narappadhānattā ca naravaggo.

Naravaggavaṇṇanā niṭṭhitā.

#### 4. Catubbaṇṇavaggavaṇṇanā

**332.** Santatipariyantam vaṃse. **Kula** santānabandhūsu, bhūvādi, ṇo, **kulam**, **vana** sambhattiyam, so. **Samtanu** vitthāre, ṇo. Abhimukham janetīti **abhijano**, ṇo. Go vuccati abhidhānam, buddhi ca, te tāyatīti **gottam**. Gotrampi. Gavam saddam tāyatīti vā **gottam**, **tā** pālāne. **Anupubbo i** gatiyam, karaṇe a. **Tanotismāti**, **santati**, **nalopo**, itthiyam.

Santati pantivithāra-gottesu kavibhī matā;  
Paramparā bhavē cāpi, puttakaññāsu santati.

**Khattiyādayo** khattiyabrāhmaṇavessasuddā cattāro **vaṇṇā** kulāni bhavanti, ete hi aññamaññamasāṅkarato vaṇṇetabbato ṭhapetabbato **vaṇṇā**ti vuccante. **Vaṇṇa** ṭhapane.

**333-334.** Chakkaṃ kulīne. Kulassāpaccaṃ **kulino**, ino apacce. Sobhano jano **sajjano**. Sapattham sādhetīti **sādhu**, **sādha** saṃsiddhimhi, u. Sabhāyam sādhu **sabhyo**. Sādhvatthe yo. **Aya** gatiyam. Ayitabbo upagantabboti **ayyo**, kammani yo. Mahākulassāpaccaṃ **mahākulo**, ṇo.

**Bhūbhujantaṃ** rājasāmaññe. Atitejavantatāya visesena rājate dibbateti **rājā**, **rāja** dittiyam. Bhuyā bhūmiyā pati **bhūpati**, bhuṃ pāletīti vā **bhūpati**, **pā** rakkhaṇe,ti, rasso. Pathaviyā issaro **patthivo**, ṇo, dvittam, ittaṅca. Jagatiṃ bhūmiṃ pāletīti **jagatipālo**, kammani ṇo. Disānam pati **disampati**, disā, disatthe vā pāletīti **disampati**, rassattam, niggahītāgamo ca. Bhuṃ bhūmiṃ bhuñjati **bhūbhujō**, **bhuja** pālanajjhoharaṇesu, idha pālāne, rudhādi. Mahikhitopyatra. **Khi** nivāsagatīsu, mahim akhi gatavā mahīkhito.

**335.** Pajjaddham muddhābhisitte jātikhattiye, “rājajacce ca khattiye”ti vacanato. Rañño khattiyassāpaccaṃ **rājañño**, ñño apacce. “Khattiyo tu virā khattam, rājaññadvijalingano”ti **rabhasa**, **ratanakosesu** pariyāyā. Khattassāpaccaṃ **khattiyo**, apacce **iyapaccayo** dissate, khettānam adhipatibhūtattā vā **khattiyoti**ādikappikarājā vuccati, tappabhavattā pana muddhābhisittesvapi taṃsamaññā, essattam. Khattassāpaccaṃ **khattam**, ṇo. Rajjāropanasamaye dakkhiṇāvattasāṅkhodakena gaṅgānītena muddhani khattiyakaññādīhi abhisittattā **muddhābhisitto**, paṭhamakhattiyo. Tappabhavatāya pana anabhisittā ca muddhābhisittākhyā, yathā – brahmabāhujassa vaṃse jātassāpi brahmabāhujo. Brahmabāhuto jātattā **bāhujoti** hi nikāyantarikānam laddhi. Yasmim pana rājini asesā sāmantā paṇamanti, so adhissarākhyo [amara 18.2]. Sam satto laggo anto yassā sā samantā, savisayānantarā bhūmi, samantāya ime **sāmantā**, anantararājāno.

Dvayam cakkavattini. Sabbabhūmiyā issaro **sabbabhummo**, ṇyo. Puññopanītena cakkaranena vattate asādhudamanikādirājavattam anutiṭṭhatīti **cakkavattī**, ṇī, cakkaranam vatteti ākāse attano purato gamayatīti vā **cakkavattī**, puññacakkaṃ, catucakkaṃ vā sattesu vatteti, te vā asmiṃ vattetīti **cakkavattī**, cakkaranuppādanattham dvādasavassacaritam dasarājadhammam vattametassatthīti vā **cakkavattī**. Tattha antojanasmiṃ balakāye dhammikārakkhāvaraṇaguttiyā saṃvidhānam, khattiyesu, anuyuttesu, brāhmaṇagahapatikesu, negamañānapadesu, samaṇabrāhmaṇesu, miḡapakkhīsu, adhammakārapaṭikkhepo, adhanānam dhanuppādanam, samaṇabrāhmaṇe upasaṅkamitvā pañhapucchananti idam dasavidham cakkavattivattam, idameva ca gahapatike, pakkhijāte ca visum katvā gahaṇavasena dvādasavidhampi dīpesu. Catūsvapi dīpesu añādhammacakkāni sattesu

pavatteti vā **cakkavattī**. **Añño** asabbabhummo anavakāso sāmanto bhūpo maṇḍalissaro nāma. Sayamānāpavattitṭhānavasena paricchinnasseva maṇḍalassa issaro, na sabbamaṇḍalassāti **maṇḍalissaroti**pi. Ettha ca “sabbabhummo, cakkavattī”ti dvīhi nāmehi **catudīpissaro** rājā dīpito, idhānāgatepi saṅgahetvā kathitena **adhissarapadena ekadīpissaro** rājā, **maṇḍalissarapadena padessaro** rājā dīpito. Atha vā **maṇḍalissarapadena ekadīpissaro** rājā, sesehi **rājarājaññādīhi bāhujapariyantehi** padessaro dīpito.

**336.** Dvayaṃ rājabhede. Sukhumatāya līnā apākaṭā chaviyo yesaṃ te **licchavino**. Licchavī ca vajjī cāti dvando. Dvayaṃ sammāsambuddhakule rājini. Purimatarasambhūte sakyakule sañjātattā **sakyo**, ṇo. Sakkopi. Sakye bhavo **sākiyo**, iyo, yalopo, dīgho ca.

Pañcakaṃ buddhaputtassāyasmato rāhulassa mātari. **Bhadda** kalyāṇe, sokhye ca. Kulācārārūpādivasena kalyāṇattā **bhaddā**. Kaccassāpaccaṃ **kaccānā**, **apaccasaddoyaṃ** niccaṃ napuṃsake putte, puttiañca bhavatīti. “Rāhu viya candama mama nikkhamaṃ lātukāmo cāyaṃ me puttoti rāhuloti nāmena bhavitabba”nti manasi katvā “rāhu jāto, bandhanaṃ jāta”nti pitarā vutto sikkhākāmo āyasmā rāhuloyevettha rāhulo, tassa mātā **rāhulamātā**, bimbaṃ vuccati sarīraṃ, atisayavaṇṇasarīrayuttatāya **bimbā**, **vamidhātumhā** vā bo, **vassa battaṃ**. Yaso vuccati parivāro, kitti ca, te dhāretīti **yasodharā**, **manādittā** asso.

**337-339.** Yesaṃ khattiyānaṃ dhanam satam hoti, kīdisaṃ tam dhanam? **Nidhānagaṃ** pathavādīsu nidhānavasena gataṃ pavattaṃ, tesam dhanānaṃ satam kahāpaṇānaṃ, kittakappamāṇānaṃ? Koṭīnaṃ satam. Kena paricchena? **Heṭṭhimantena** heṭṭhimakoṭṭhāsena, heṭṭhimaparicchena vā koṭīnaṃ satam hoti. **Divasavaḷaṅjo** divase divase vaḷaṅjitabbo pana kahāpaṇo vīsatabaṇamattaṃ hoti, **te** khattiyā “khattiyamahāsālā”tyuccante. Mahanto dhanasāro yesante **mahāsālā**, lattaṃ, ambaṇamatra ekādasadoṇamattaṃ.

**Yesam** dvijānaṃ brāhmaṇānaṃ **nidhānagāni** nidhānavasena pavattāni asītikoṭidhanāni honti, divasavaḷaṅjo pana kahāpaṇo dasambaṇamattaṃ hoti, te dvijā “dvijamahāsālā”tyuccante.

Nidhānage, vaḷaṅje ca dhane tadupaḍḍhe tesam dvijamahāsālānaṃ dhanassa upaḍḍhabhāge sati gahapatimahāsālā nāma siyuṃ, ubhayatrāpi heṭṭhimanteneva dhanaparicchedo.

**340.** Yo na hīno, na cukkaṭṭho, majjhimādhikāryavattṭhito rājaputtasenāpatimahākāṇittharādi, so mahāmatto. Mahatī mattā paricchedo yassa **mahāmatto**, rūpabhedaṃ paṭṭhānaṃ klīvaṃ.

“Pakatiyaṃ mahāmatte, paññāyaṃ paramattani;  
Napuṃsakaṃ padhānaṃ taṃ, ekatte tu’ttame sadā”ti.

**Rabhaso** ca. “Mahāmatto, paṭṭhāno cā”ti tu puṃsakaṇḍe vopālito. Pakatṭhe tiṭṭhatīti **paṭṭhānaṃ**, yu [abhidhānappadīpikā ṭīkā 983, 1123 gāthāsūpi passitabbaṃ].

Pañcakaṃ mantinimhi. Matippadhāno sacivo sahāyo. Itikattabbatāvadhāraṇaṃ manto, taṃyogā **mantinī**. Assatṭhatthe inī, atha vā mantena nayatīti **mantinī**, atha vā mantayogā manti, netīti nī, manti ca nī cāti **mantinī**. “Matisacivamantinī”tipi pāṭho, tadā dvinnaṃ tiṇṇaṃ vā dvando. Raññā saha jīvatīti **sajīvo**. Sacate samaveto bhavatīti **sacivo**. **Saca** samavāye, vo, ikārāgamo ca. Sabbakiccesu raññā mantena amā saha bhavatīti **amacco**, **amāsaddoyaṃ** nipāto sahatṭhe **ccapaccayo**. Sajīvamatte **cāmaccasaddo** vattati. Dvayaṃ senāpatimhi. Senaṃ nayatīti **senānī**. Camūnaṃ senānaṃ pati **camūpati**.

**341.** **Nyāsādīnaṃ** iṇādānadāyavibhāgādīnaṃ **vivādānaṃ** vohārānaṃ **upadaṭṭhari** upadassite akkhadasso, akkhe vohāre passatīti **akkhadasso**, ṇo, dhammādhikaraṇiyo. Pucchāvivāko, pañhavivākopyatra.

Pajjaḍḍhaṃ paṭihāre. Dvāre niyutto **dovāriko**, ṇiko, **okārāgamo**. Paṭiharati viññāyati tenāti

**paṭihāro**, ṇo. Dvāre tiṭṭhatīti **dvāraṭṭho**, sakatthe ko. **Dvārapālako**. Dvāraṭṭhito, dassakopyatra.

**342.** Rājūnaṃ aṅgarakkhagaṇo anīkaṭṭhoti mato. “Rakkhivaggo tu yo raññaṃ, so’ nīkaṭṭho’ bhidhīyate” ti **amaramālāyaṇca**, anīkena samūhena tiṭṭhatīti **anīkaṭṭho**, ṇo.

Dvayaṃ mahallake. Kañcukaṃ coḷaṃ, taṃyogā **kañcukī**. Sokaṃ vindatīti **sovidallo**. **Vida** lobhe, lo, **kalopo**. Thāpati, sovidopyatra. Dvayaṃ sevale. Pabhuno pacchā jīvātīti **anujīvī**, ṇī. **Seva** sevane, bhū, ṇvu. Atthīpyatra. **Attha** yācanāyaṃ. Atthanamattho, āsīso, taṃyogā **atthī**.

**343.** Dvayaṃ adhikamatte. Gāmesu adhikattā adhikā ikkhā anubhavanametassa **ajjhakkho**, issattaṃ. Adhikaṃ karotīti **adhikato**. Idaṃ dvayaṃ thāyukagopānaṃ dvinnampi nāmaṃ. Tatra ekagāme adhikato **thāyuko**, bahūsu gāmesvadhikato **gopo**. Vuttañcāmarakose “thāyukodhikato gāme, gopo gāmesu bhūrisū” ti. [amara 18.7] **Ruddenāpi** vuttaṃ “gāmesvadhikate gopo, gotṭhajjhakkhepi vallabho” ti [cintāmaṇiṭṭikā 18.7].

Dvayaṃ suvaṇṇarajatajjhakkhānaṃ dvinnampi nāmaṃ. Hiraññaṃ vuccati akatasuvaṇṇādi, tatra niyutto **heraññaiko**. **Kana** dīttigantikantīsu, **nīpubbo**, kho, nikkho, suvaṇṇādivikāro, tatra niyogo **nikkhiko**. Visesato pana suvaṇṇajjhakkhe bhoriko. **Bhūrisaddo** suvaṇṇe, taṃyogā **bhoriko**. Rūpyājjhakkhenikkhiko, tasmā’ ya’ mubhayatrāpi heraññaikoti sāmāññasmiṃyeva. Vuttañca –

“Bhoriko kanakājjhakkho,  
Rūpyā’jjhakkho tu nikkhiko” ti [amara 18.7].

Sassa attano vijjīsabhūtaṃ desānantaro samantato maṇḍalībhūto rājā **satturucate** ekatthābhinivesitattā. Tato paraṃ vijjīsabhūmyekantariko **mitto** ekatthakārittānopakārattā. Arivijjīsamittānaṃ pana maṇḍalānaṃ bahibhūto dūramaṇḍalaṭṭho vijjīsabhūmiyā accantabyavahito balādhikopi yo nāpakarotyupakāroti vā, sa udāsīno dūramaṇḍalattenopakārattā. Dūramaṇḍale āsatīti **udāsīno**, **upubbo āsa** upasevane, yu, assi, **dāgamo** ca. Sattumabhiyuñjamānassa vijjīsassa sattuhitāya yo pañhiṃ gaṇhati piṭṭhito vattati, so pañhiggāho. “Pañhi pacchā padaṃ vijjīsassa” ti **ratanakose**. “Pañhipāde byūhapiṭṭhe” ti [tikaṇḍasesa 3.3.134] **tikaṇḍaseso**. “Pañhi pacchimabhāge ca, pādamaḷomadiṭṭhisu. Senāpiṭṭhe kumbhiyañce” ti tu **nānatthasaṅgahe**.

**344-345.** **Diṭṭhantaṃ** ripumhi. Mittapaṭipakkhattā **amitto**, rapatyavaṇṇaṃ rajateti **ripu**, u, ittaṃ, **rapa, lapa, japa, jappa** vacane vā. Veram virodho yassatthīti **verī**, ī, dukkhahetuttā sapatti iva **sapatto**, ivatthe akārapaccayo. **Ara** gamane, ti, bhūvādittā āgamo. **Sada** sādane, tu, bhūvādī, **sattu**, yavādicuṇṇepi. **Ara** gamane, veramaratīti **ari**, rassanto ī. Sapattādīnaṃ catunnaṃ dvando, “byañjano ca viṣaṃyogo” ti sutte **caggahaṇena ekatakārassa** lopo ca. Patiyamatthanaṃ paccattho, taṃyogā **paccatthiko**, patiyaṃ viparītagamaṃ. **Pantha** gatiyaṃ, curādi. Paripantho parissavaṭṭhānaṃ, taṃyogā **paripanthī**. Paṭiviruddho pakkho sahāyo **paṭipakkho**, tathā **vipakkho**. **Na** hito **ahito**. Himśāyaṃ ramatīti [paratīti (?)] **paro**, kvi. Paṭipakkhabhāvena amati gacchatīti **paccāmitto**, **ama** gamane, to, dvittaṃ. Natthi etasmā īti upaddavoti anīto, mitto, tappaṭipakkho paccanīto, so eva **paccanīko**, **tassa ko**, yathā niyako. Virodhossatthīti **virodhī**, ī. **Disa**, **dusa** appītiyaṃ, divādi. Vidussanasīlatāya **viddesī**, dvittaṃ, issettaṃ. Dussatīti **diso**, a. **Tapaccaye diṭṭho**, dhātvantena saha **ṭṭhādeso**. Dvesaṇo, duhadayo, dassu, sāttavo, abhigāhīpyatra.

Dvayaṃ anukūlane. Anurodhanam **anurodho**, ṇo. **Rudha** āvaraṇe. Anurūpaṃ pavattanaṃ **anuvattanaṃ**, **vatu** vattane, bhū, yu.

**346.** Pañcakaṃ mittasāmaññe. **Mida** snehe, bhūvādī, to, vayasā tulyo **vayasa**, mūlavayosaddehi saññāyaṃ sapaccayo [yapaccayo (?) pāṇini 4.4.91 suttaṃ passitabbaṃ], sabbakāriyesu saha vayatīti vā **vayasa**, **vaya** gamane, **sahassa so** vaṇṇavipariyayo. Saha ayati kiccesūti **sahāyo**, **aya** gamane, **sahassa sābhāvo**, yathā sahadhammiko. Saha vā hāni, ayo vā vuḍḍhi yassa **sahāyo**, tipadabahubbhī, yathā parakkamādhigatasampadā. Atha vā hāni ca āyo ca hāyā, **nilopo**, te yassa atthī, so **sahāyo**, “sapakkhako, salomako” tyādīsu viya **sasaddassa** vijjamānatthattā. Sundaram hadayametassāti

suhadayo, alopo, **dyassa jo**, sova **suhajjo**. **Saha** parisahane. Parisahanam adussanam, kho, **halopo**, **sakhā**, rājādi, samāno khyāto patīto vā **sakhā**, yalopo, **samānassa** ca **sabhāvo**. Siniddho, sniddho, savayopyatra. Sakhyasattapadinā pana mettiyam vattanti. Sakhimhi bhavam **sakhyam**. Sattahi padehi avagamyateti **sattapadinam** [[sattapadīna \(amara 18.12\)](#)], ino.

Dvayam abhejjamitte. Sabbakālam bhajatīti **sambhatto**, **bhaja** sevāyam, bhūvādi. Daḷho thiro mitto **dalhamitto**. Dvayam diṭṭhamattamitte. Kiñci kālam passitabboti **sandiṭṭho**. **Sam**saddoyamappattho. **Disa** pekkhane, dassanam diṭṭham, tam mattā pamānametassa **diṭṭhamattako**, sakatthe ko.

**347.** Dvayam carapurise tāpasādirūpena caramatte. Carati jānāti paracakkanti **caro**, a, cāropi, ṇo. **Gulhapuriso** guttapuriso. Yathārahavaṇṇo, paṇidhi, appasapo, phassopyatra. Tatrādidvayam vāñjikasibalalingabhikkhukaccāyanādilesena thāyinicare. Itare idhāgatasadisatthe. Vaṇṇo pakāro, **yathārahavaṇṇo** yathārahappakāro. Yena paracakkaṃ sakkā ñātum tappakāravā iccattho. Paṇidhiyyate ñeyyamasmim **paṇidhi**, i. Apakaṭṭham sappati caratīti **apasappo**, a. **Phusa** bādhanaphusanesu, a, **phasso**.

Tikaṃ pathike. Pathe gacchatīti **pathāvī**, vī, dīgho. Iko, **pathiko**. Addhani magge gacchati sīlenāti **addhagū**. Addhagopyatra.

Dvayam dūte. **Du** paritāpe, to. Sandesam vācikaṃ haratyaneneti [[haratīti \(?\)](#)].

Dvayam jotisike. Gaṇayatīti **gaṇako**, ṇvu. Muhuttaṃ kālavisesam jānātīti **muhuttiko**, vāggahaṇena na vuddhi. Samvaccharo, jotisiko, devaññū, mohutto, ñāṇiko, kātantikopyatra. Katanto devamattam, tam jānātīti **kātantiko**.

**348.** Dvayam lekhake. **Likha** lekhane, bhū, ṇvu. Lipena masyopadesena bhavatīti lipi, i, vaṇṇasaṅṭhāno, tam karotīti **lipikāro**. Akkharacaṇo, akkharacuṇcupyatra. **Cana** dāne, bhū. **Cañcu** gatiyam.

Melānandā masimaṇi, melandhu vaṇṇakūpikā;  
Masijalantu melā ca, pattañjanam masi dvisu.

Lekhanī vaṇṇatūlī ca, vaṇṇakakkharatūlikā;  
Vaṇṇadūto sotthimukho, lekho vācikaḥārako.

Kācanakitaliko ca, kācanam tannibandhanam;  
Lekhyatṭhānam ganthakuṭi, muddā paccayakārinī [[tikaṇḍasesa 2.8.27, 28, 29](#)].

Dvayam vaṇṇe. Vaṇṇīyati pakāsīyati attho yena, so **vaṇṇo**, **vaṇṇa** pakāsane. Na kharati na khīyatīti **akkharo**, **khara** vināse, **khi** khaye vā, tadā aro. **Likhanam**, **lipi**, **likhi** ime vaṇṇasaṅṭhāne vattanti. **Lipilikhiyo** itthiyam.

Bhedādayo ime caturo upāyā sattuvijayakāraṇāni. Sattuvijayamupagacchanti etehīti **upāyā**. Parasmā visilesanam **bhedo**.

Sneharāgāpanayanam, samhāsoppādanam tathā;  
Santajjanañca **bhedoyam**, viññūhi tividdho mato [[kāmandakīyanītisāra 17.8](#)].

Tatrāyam tavānuggatena pavuddho pāsādataravo viya attānañcocchindissatīti sañkāyam janitāyam snehabhattiñcāpanayati. Abhibhavanañcopādayati [[paddhañcopādayati \(ka.\)](#)]. Aññassa ca pariyaṇṇamittānuggahaṇassa maraṇamevanto bhavissatītyevaṃpakāramabhibhayanam santajjanam.



Rajjaṅgāni pakatayo, porānaṃ seṇiyopi ce’’ti [amara 18.17].

Esañca sāmyamaccaraṭṭhaduggakosabalasakhīnaṃ pubbatarassa garuttaṃ viññeyyaṃ, iha tu nāmaliṅgānusāsane **abhīdhānasatthe** anupayogato yathākkamaṃ garuttaṃ na vattumicchati byatikkamenopaññāso kato.

Suvaṇṇādimayabhaṇḍāgāraṃ **koso**, pabbatodakarukkhādīhi duggamaṃ puraṃ **duggaṃ**, **vijitaṃ** janapadavatī bhūmi, **balam** cakkam, tañca molabhatasenīsaḥāyāmittātavikabhedena chabbidham. Tatra kamāgataṃ **molam**, vetanasambandham **bhatam**, poram balam **seṇī**, saḥāyabhūtaṃ **saḥāyo**, amittabhūtaṃ **amittam**, **aṭavikam** aṭavisahāyo mittam. Tadapi sahajjam, pākataṃ, kittimañceti tividham. ‘‘Līnge sabhāve pakati, porāmaccādiyoniṣu. Tiliṅgam guṇasāmyepī’’ti [byākhyāsudhā 1.4.29] **ruddo**.

**351.** Pabhāvādīnaṃ vasā sattiyo nāma tisso bhavanti. **Saka** sattiyaṃ,ti. Tatra yaṃ sandhādīnaṃ, bhedādīnañca yāthāvato avatṭhāpanaṃ, taṃ ñāṇabalaṃ **mantasatti**, sakasampattupattiyaṃ kosadaṇḍā **pabhūsatti**, tesamēva pabhūtasampādane sāmattiyato. Vuttañca ‘‘kosadaṇḍabalaṃ pabhūsatti’’riti [cintāmaṇiṭikāyampi]. Balavatī ussāhaceṭṭhā **ussāhasatti**. Vuttañca ‘‘vikkamabalamussāhasatti’’riti [byākhyāsudhā 2.8.19 cintāmaṇiṭikāyampi].

Pabhāvādīnaṃ sakāraṇaṃ sarūpaṃ dassetumāha ‘‘**pabhāvo**’’ccādi. Damaṇaṃ daṇḍo, tadatthiyā balampi daṇḍo. Tato jātaṃ yaṃ tejo, taṃ pabhāvo. Tato jāto yo tejo, so ‘‘pabhāvo’’tipi pulliṅgena yojanīyaṃ. Pabhavanti tejassino aneneti **pabhāvo**, ṇo. Pakaṭṭho vā bhāvo **pabhāvo**. Koso dhanam, tato jāto yo tejo, so pabhāvo nāma. Tathā kosajo tejo dhanena sattūnamupakaraṇaṃ. Patapanti tejassino bhavantyaneneti **patāpo**, ṇo.

**352.** Dvayaṃ mante. Mantā vuccati paññā, sā etasmiṃ vijjati tāya nipphādetabbattāti **manto**, atha vā **manta** guttabhāsane, bhāve ṇo. Itaratra bhāve yu.

So manto **dvigocaro** dvinnaṃ janānaṃ visayabhūto catukkaṇṇo nāma. Cattāro kaṇṇā ettha **catukkaṇṇo**. So manto **tigocaro** tiṇṇaṃ janānaṃ visayabhūto **chakkaṇṇo** nāma. Manto nāma catukkaṇṇo vā chakkaṇṇo vā kattabbo, na tato paranti dvinnamevettha gahaṇaṃ. **Amarakose** pana chakkaṇṇopi paṭikkhitto. Vuttañhi tattha ‘‘achakkaṇṇo, yo tatiyādyagocaro’’ti [amara 18.22].

Sabbapārisadattā [sabbapāṭhipadattā (ka.)] byākaraṇassa sotūnaṃ samayantaresvapi paṭubhāvajanantathaṃ idhānāgatāpi chagguṇādayo ānetvā kathetabbā. Vuttañhi –

‘‘Sabbapārisadaṃ [sabbapāṭipadaṃ (ka.)] hidaṃ, sabbasattha’mato mataṃ; Nissiyate kvaci kiñci, sabbesa’matra vādina’nti.

Yathā chagguṇā sandhi viggahayānāsanadvedhāsaya [amara 18.18-9]. Tatra **sandhi** upahāralakkhaṇo tividho kosadaṇḍabhūmippadānahetuko. Apahāralakkhaṇo **viggaho**, sopi tividho pakāsayuddham kūṭayuddham tuṅhiyuddhanti.

Parabyasanaṭṭasapattidesakālātyudayāvāpayānamattena sādhe parasmim katācarassa guṇānurattapakatissa vijigīsassa yātrā **yānam** [kāmandakīyanītisāre 11 sagge passitabbam], tañca viggayhayānaṃ sandhāyayānaṃ sambhūyayānaṃ pasaṅgayānaṃ upekkhiyayānamiti pañcavidham. Patiggāhīnaṃ niggayha, sandhāya, upekkhiya vā yaṃ yānaṃ, taṃ **viggayhayānādi**. Yadā na sakkoti, tadā sāmantehi sahekībhūya yānaṃ **sambhūyayānaṃ**. Aññatra gantabbe aññasmim pasaṅgato gamanaṃ **pasaṅgayānaṃ**.

‘‘Na maṃ paro hantaṃ samattho, nāhampi para’’miti kālādike parikkhitvā vijigīsassa duggādīni vaḍḍhayato ṭhiti **āsanam**, tadapi viggayhāsanasandhāyāsanādibhedena pañcavidham. Balīnaṃ sattūnaṃ majjhe kākakkhivā’lakkhitasso’bhayatra vacanenattano samappaṇaṃ **dvedham**. Aññatarena vā balavatarena sandhi, aññatarena abalena viggaho **dvedham**. Sattuno vā pakatīhi

sandhāya yo tena viggaho, sattuneva vā yo sandhiviggahasamudāyahetuko [sattunova vā sandhiviggahasamudāyahetuno (byākhyāsudhā 1.8.18)] duggāsayassa byāpāro, sopi **dvedham**. Parasantānamapyobhayavedanānaṃ ubhayato vutti dvedhamuccate.

“Ucchijjamāno ripunā nirupāya patikriyo. Sattihīno samāsiyate”ti [byākhyāsudhā 1.8.18] hīnenāññassa balavatarassa dhammavijayino samāsayanam [balavatā arinā ucchijjamānassa hīnasattino yaṃ balavadhammavijayisamāsayanam (byākhyāsudhā 1.8.18)], tasseva vā balino sattuno kosādippadānena āsayanam **āsayo** vuccate. Ete chagguṇā.

Yasmiṃca guṇe t̥hito vijigīso sakkotyattano aṭṭhavaggiyakammāni pavattayituṃ, parassa cetānyupahantuṃ, guṇamādhiṭṭheyya, sā vuḍḍhi.

Kasi vaṇijjam patho duggaṃ, setu kuñjarabandhanaṃ;  
Khanyākaradhanādānaṃ, suññānañca nivesanaṃ [kāmandakīyanītisāra 5.78].

Ityeso aṭṭhavaggo.

Yasmiṃ vā guṇe t̥hito sakammānaṃ **vuḍḍhi**, khayaṃ vā nābhipassati, taṃ **t̥hānaṃ**, yasmiṃ vā guṇe t̥hito sakammānamupaghātaṃ passati, tasmim na tiṭṭheyya, so **khayo**, ayaṃ nītivēdīnaṃ tivaggo [amara 18.19]. Itaresaṃ dhammatthakāmā tivaggo.

Dvayaṃ guyhe. Rahasi bhavaṃ **rahassaṃ**, so, rahe vā bhavaṃ **rahassaṃ**. **Guha** saṃvaraṇe, kammani yo. Idaṃ dvayaṃ tīsu. Rahasso manto, rahassā vācā, rahassaṃ mantanaṃ.

**353.** Pañcakaṃ vijane. **Viji** puthabhāve, bhū, to ca. **Vici** vivecane, puthubhāve ca vā. “Vivittaṃ tīsu vijane, asaṃpakkapavittesū”ti **ruddo**. Vigato jano asmāti **vijano**. Chādetīti **channo**. **Chada** saṃvaraṇe. Vittamarahatīti **raho**, **raha** cāge, ramante asminti vā **raho**, vaṇṇavikāro. “Raho nidhuvane cāpi, raho guyhe napuṃsaka”nti [byākhyāsudhā 2.8.22] **rabhaso**. Dutiyo **rahosaddo** abyayaṃ. Nissalākā, upāsuyatra. Nissalākā thī, upāsu abyayaṃ.

Dvayaṃ vissāse. **Sasa** pālāne, ṇo. **Sambha** vissāse. “Vissambho kelikalahe, vissāse’paṇayepi ce”ti [cintāmaṇiṭṭikāyampi] **ruddo**.

Dvayaṃ nyāye. **Yuja** samādhimhi, samādhi abhyupagamo, to. Upagantabbattā **upāyikaṃ**. **Upāyā** sakatthe iko, opāyikaṃ, opayikampi [pāṇini 5.4.34 (gaṇa)], labbhaṃ, bhajamānaṃ, abhinītaṃ, nyāyaṃ, ñāyaṃpyatra.

**354.** Silokaṃ ovāde. **Avapubbo vada** viyattiyaṃ vācāyaṃ, bhāve ṇo. **Sāsa** anusit̥thimhi,ti, āssi, **anusit̥thi**. Anusāsate **anusāsanam**. **Pumavajje** itthiyaṃ, napuṃsake ca. Ettha ca ekassevatthassa bhinnaliṅgehi tīhi nāmehi kathanam na kevalam vāccaliṅgoyeva saddo, atha kho vācakaliṅgopyatthīti dīpanattham.

Dvayaṃ āṇāyaṃ. **Āṇa** pesane, bhāve a, **āṇā**, itthī. Avavādo, niddeso, siṭṭhipyatra. Dvayaṃ bandhane. **Dā** dāne, bhāve yu, **dā** avakhaṇḍane vā, viyogadānato **uddānam**.

**355-356.** Dvayaṃ aparādhe. Apagacchantyanenāti **āgu**, ṇu, **palopo**, rassassa dīghatā, napuṃsake āgu. Apagato rādho yena **aparādho**, **rādha** saṃsiddhimhi. Dvayaṃ rājayhe. **Kira** vikiraṇe, kattari a, **attaṃ**. **Bala** pāṇane, i. **Karasāhacariyato bali** pulliṅge. Bhāgadheyypoyatra. **Bhāgāsakatthe** dheyyo [pāṇini 5.4.36 (vā.)], bhāgattena tiṭṭhatīti vā **bhāgadheyyo**, iyo.

Dvayaṃ tuṭṭhidāye. Manorathapuṇṇattā pattabbo bhāgo **puṇṇapatto**. Tussanaṃ tuṭṭho, sossatthīti tuṭṭhī, tena dātabbo dāyo **tuṭṭhidāyo**, ākārantānamāyo.

Chakkaṃ pābhate. Tathā hi –

‘‘Hemaṃ sīhāsanam vesam, vuttam bhaddāsanam tathā;  
Upāyana’ mupaggayham, pābhatañico’ padā thiya’’nti.

Silokāddham nāma amaramālā.

Upagantvādātābbāti **upadā**, a, itthī, taṃ tamattham patthentehi ābhariyate āniyateti **pābhatam**, patthanatthajotakoyam pasaddo. Upeyyateti **upāyanam**, ito yu, upagacchati yenāti vā **upāyanam**. **Kuca** saṅkocane, ño, vigato koco yena **ukkoco**. Paṇṇena satthapaṇṇena saddhiṃ ākariyate āniyateti **paṇṇākāro**, aññatra upacārā. Pahiṇantyaneneti **pahēṇakam**, hi gatiyam, yu, sakatthe ko. Padesanam, upaggayham, upahāropyatra.

Gumbādeyyo gumbaghaṭṭadiko [**gumbaghaṭṭadito** (?)] deyyosuṅkam, anitthī, gumbo nāma jalathalamaggādīsu laddhabbhāgo, tathā ghaṭṭopi, samānatthā hete. **Ādinā** pābhatampi saṅgaṇhāti. **Suṅka** gamane, suṅkati yena, taṃ **suṅkam**. **Gamu** gamane, bo, assu, **gumbo**. Dvayam gāmajanapadādito laddhabbhāge. **Aya** gamane, ño, **āyo**. Apaccaye ayo. Dhanānam sampattakāle āgamo **dhanāgamo**.

**357.** Dvayam chattasāmaññe. Ātapatō sūriyālokato tāyatīti **ātapatam**, to. Chādayatīti **chattam**, **chada** apavāraṇe, to, **traṇapaccaye** chatram, **hemam** suvaṇṇakhacitam **raññam** rājūnam āsanam **sīhāsanā**khyaṃ. Sīhākatippadhānattā sīhākatippadhānam āsananti viggaho.

Dvayam cāmare. Vālena katā bījanī **vālabījanī**. Camaro migo tassedam **cāmarī**. ‘‘Cāmarā cāmaram romam, gucchakañcāvācūlaka’’nti [**tikaṇḍasesa 2.8.406**] **tikaṇḍaseso**. Pakiṇṇakampyatra. Pakariyate vikkhipate **pakiṇṇakam**, sakatthe ko.

**358.** Khaggādayo ime pañca rājūnam kakudhabhaṇḍāni bhavanti. **Kuka** ādāne, dho, vaṇṇavipariyayo. Rañño gamanakāle sadā ādātābbato kakudhāni ca tāni rājadhanattā bhaṇḍāni ceti **kakudhabhaṇḍāni**.

**359.** Dvayam puṇṇaghaṭṭe. Jalapuṇṇattā bhaddo kalyāṇo kumbho **bhaddakumbho**. Dvayam hemabhājane. **Bhara** bharaṇe, bharaṇam dhāraṇam posanañca, dhāraṇatthassa **bharatissa** **bhiṅgādeso**, bharaṇi dadhāti udakanti **bhiṅgāro**, āro. Karako, kuṇḍikāpyatra.

Hatthī ca asso ca ratho ca patti ca, tesam samūho hatthissarathapatti caturaṅginī senātyuccate, senaṅgattā samāhāradvandoyam. Cattāri aṅgāni yassam saṃvijjanti, sā **caturaṅginī**, ī, inī.

**360.** Dantyantam hatthini. Kuṅjo hanu, danto ca, taṃyogā **kuṅjaro**, atisaye ro, kuṃ pathaviṃ jarāpetīti vā **kuṅjaro**, aluttasamāso, kuṅje vā girikūṭe ramati, koñcanādam nadanto vā carati, kuṃ vā pathaviṃ tadāghātena jarayatīti **kuṅjaro**. Vārayati parabalam **vāraṇo**, nandādīhi yu. Hatthayogā **hatthī**. Mataṅgassa isino apaccam **mātaṅgo**, mahantam aṅgam sarīrametassāti vā **mātaṅgo**, **ha** **nalopo**, assākāro ca. Dve radā dantā yassa **dvirado**, ‘‘**rada** vilekhane dante’’ti hi **nānatthasaṅgahe**. **Gaja** sadde, gajatīti, a. Nago pabbato, so viya dissatīti **nāgo**, ño. Karena, mukhena cāti dvīhi pivatīti **dvipo**. I gamane, bho. Dantayogā **dantī**. Saṭṭhihāyano, dantāvalo, anekapo, mataṅgajo, karī, thambheramo, padmī, mahāmigo, pīlu, sindhuro, dīghamāruto, rājīvo, jalakakkho, nilluro, karaṭī, varaṅgo, suppakaṇṇo iccādīnipi hatthino nāmāni. Saṭṭhivassikattā, jātiyā saṭṭhivassakāle thāmena hāyanato vā **saṭṭhihāyano**.

Vanakarīnam yo yūthajetṭho, so sayūthānam jetṭhattā **yūthajetṭho**. Sayūthe pāti rakkhatīti **yūthapoti** coccate.

**361.** Kālāvakādīni etāni hatthirājānam kulāni. Kalambate saddāyateti **kālāvako**, ṇvu, **malopo**. Gaṅgāyam jāto **gaṅgeyyo**, thānavasena sā saññā. Paṇḍaravaṇṇatāya **paṇḍaro**. Vaṇṇavasena tambavaṇṇatāya **tambo**. Piṅgalavaṇṇatāya **piṅgalo**. Gandhayuttatāya **gandho**. **Maṅga** gamanattho, sobhanagamanayuttatāya **maṅgalo**, atisāyane, pasamsāyam vā lo. Hemavaṇṇatāya **hemo**.

Uposathakule jātattā **uposatho**, upagantvā arayo usatīti vā **uposatho**, tho, **usa** dāhe, **upapubbo vasa** nivāse vā, vasso, **uposatho**, tithīviseso ca. Chabbaṇṇadantatāya **chaddanto**. Etesañca kāḷāvako dasannaṃ purisānaṃ balaṃ dhāreti, gaṅgeyyo dasannaṃ kāḷāvakaṇaṃ, evaṃ yāvachaddantā netabbo, sammāsambuddho pana dasannaṃ chaddantānaṃ balaṃ dhāreti, teneva bhagavā kāḷāvakahatthigaṇānāya koṭisahassabalaṃ dhāreti, purisagaṇānāya dasannaṃ purisakoṭisahassānaṃ balaṃ.

**362.** Pādo karipote. Pañcavassāni yāva kalabho, **kala** saṅkhyāne, abho, kalabho, ḷatte **kaḷabho**, mātipitūhi bharitabbatā **bhiṅko**, **bharatissa bhiṅko**. Karisāvakopyatra. Pādo mattamātaṅge. Dānaṃ pabhinno yassa **pabhinno**. Majjatīti **matto**, **mada** ummāde. Gaje jāyatīti gajjo, ṇyo, mado. So sañjāto yassa **gajjito**.

Dvayaṃ hatthisamūhe. Hatthīnaṃ samūho **hatthighaṭā**. Gajānaṃ samūho **gajatā**, gāmajanabandhusahāyādīhi tā. Pādo hatthiniyaṃ. Hatthayogā **hatthinī**, ī, inī. **Kaṇa** sadde, iru, sakatthe ko. **Kareṇukā**tipi, tadā karayogā kareṇukā, iṇu. Kariṇī, dhenukā, vasā, kareṇupyatra.

**363.** **Hatthisiropiṇḍā** hatthino sirasi dve piṇḍā kumbhākhyā. Ke sirasi bhavatīti **kumbho**, assu, niggaḥītāgamo ca. Dvinnāṃ pana kumbhānaṃ majjhimaṃ vidu nāma [amara 18.37]. Aṅkusasaṅghātaṃ vindatyasminti **vidu**, pume, u. Dvayaṃ kaṇṇamūle. **Cūḷa** nimajjane, ṇvu, **cūlikā**, **cuda** sañcodane vā, codenti ettha aṅkusādīhi adantanti **cūlikā**, **dassa ḷo**, ṇvu.

Āsate asminti **āsanāṃ**, khandhadeso. Khandho eva deso **khandhadeso**, tasmim. Dvayaṃ pucchamūle. Pucchassa mūlaṃ heṭṭhimabhāgo.

**364.** Tikaṃ gajabandhanathambhe. Ālantyasmim, anena vā bandhanti **ālānaṃ**, yu. Āpubbo bandhanattho **lādhātu**. Āhananti bandhantasmim, anena vā **ālhako**, **hanadhātu**, **nassa ḷo**, vaṇṇavipariyayo ca, ṇvu. **Thambha** paṭibandhane. Bandhopyatra.

Tikaṃ saṅkhale. Anitthī tūti **tvantaṃ** liṅgapadaṃ. **Gala** secane. Nigaḷati bandhati yenāti **nigaḷo**, a, kattusādhanāṃ vā. **Adi** bandhane, andatīti **anduko**. Ṇvu, assu. Bhusaṃ khalatyanena **saṅkhalāṃ**, **kaṭi** vatthabandhanepi, “thīkaṭīvatthabandhepi, nigaḷe saṅkhalāṃ tisū”ti [cintāmaṇiṭikā 18.41] **rabhaso**. Saṅkhalikāpyatra.

Dvayaṃ gajagaṇḍe. **Gaṇḍa** vadane kadese, adhātūnampi dhātūsu pāṭho, dhātu hi kriyattho. Gaṇḍo kapolasāmañṇepi. **Kaṭa** vassāvaraṇesu, a. Dvayaṃ karimadaḷe. Dīyateti **dānaṃ**. **Mada** ummāde, karaṇe a.

**365.** Dvayaṃ hatthikare. **Soṇa** vaṇṇagaṭīsu, ḍo, **soḍa** gabbe vā, niggaḥītāgamo, ṇo ca. Dvīsu dvepe.

Dvayaṃ soṇḍagge. Karassa soṇḍassa aggaṃ. **Pusa** posane. Kharo, **sassa ko**, ussottaṃ, **pusa** vuḍḍhimhi vā, bhū, **pusa** snehasecanapūraṇesu vā, kiyādi, **pusa** dhāraṇe vā, curādi.

Hatthisa kāyamajjhamhi bandhanarajju kacchā nāma. **Kaca** bandhane, cho. Dūsā, varatrāpyatra. Kutho nāma hatthipiṭṭhattharitatitrakambalaṃ, so ādi yesante **kuthādayo**. Kuthādayo eva kappano nāma bhavanti. **Kappa** sāmattiye, sajjanāyañca, karaṇe yu. Kappanāpi. **Kaca** sajjanāyaṃ, tho, **kutho**, tīsu. “Napaṃsakamattharaṇaṃ, thī paveṇī kuthaṃ tisū”ti [cintāmaṇiṭikā 18.42] hi **vopālito**. Paveṇī, attharaṇaṃ, vaṇṇo, paritthomoti ete **kuthapariyāyā**.

**366.** Dvayaṃ rājārahe hatthini. Rājānamupagantvā vahitumarahatīti **opavayho**, arahatthe ṇyo. Rājānaṃ vahitūṃ arahatīti **rājavayho**, ṇyo. Dvayaṃ kappitahatthini. Sajjā sajjanā sañjātā yasmim **sajjito**. Kappā kappanā sañjātā yasmim **kappito**. Etasmāyeva pāṭhā sajjakappā sajjanākappanānaṃ pariyāyāti ṇeyyā.

Hatthino pāde vijjhanakaṅṭako “tomaro” tyuccate. Tujjateneneti **tomaro, tuda** byathane, aro, **dassa mo, ottam**. Veṇukampyatra [[kotram veṇukamālānam \(amara 18.41\)](#)], kvaci veḷukantipi pāṭho.

**367.** Hatthino kaṇṇamūlamhi vijjhanakaṅṭako “tutta” mityuccate. Tujjateneneti **tuttam**, to. Hatthino matthakamhi vijjhanakaṅṭako “aṅkuso” tyuccate. Aṅkate aneneti **aṅkuso, aṅka** lakkhaṇe, so, assu.

Pajjaddham hatthārohe. **Maḍi** bhūsāyaṃ, hatthiṃ maṇḍayati rakkhatīti hatthimaṇḍo, sova **hatthimeṇḍo, mi** himsāyaṃ vā, ḍo, niggahītāgamo. Hatthiṃ pāti rakkhatīti **hatthipo**, kammani ṇo. Hatthiṃ gopayati rakkhatīti **hatthigopako. Gupa** rakkhaṇe, sakatthe ko. Ādhoraṇo, nisādinopyatra.

**368.** Mātaṅghayādīnaṃ gamanādikriyāsikkhāpako ācariyo “gāmaṇīyo” tyuccate. Gamaṇaṃ gāmo, bhāve ṇo. Hatthādīnaṃ gamanakriyā gāmo, taṃ neti sikkhāpetīti **gāmaṇīyo**, aññakriyāsikkhāpanetūpacārā, gāmaṃ vā hatthādisamūhaṃ netīti **gāmaṇīyo**, gamaṇaṃ vā sikkhāpetīti **gāmaṇīyo**, sabbatra **nassa ṇattam**.

Pādadvayaṃ asse. **Haya** gatiyaṃ, a. Turaṃ sīghaṃ gacchatīti **turaṅgo**, kvi, bindālopo, lope sati **turago. Vāha** payatane, a. **Asa** bhakkhane, a. Sindhūnamadūrabhavo janapadopi sindhavo, tatra bhavo **sindhavo**, saṃyogantattā na vuddhi. Ghoṭako, pīti, turaṅgamo, vājī, gandhabbo, sattiriccādīnipi asse. **Ghuṭa** parivattane, ṇvu. Pā pāne, ti. “Pāne thī pīti asse so” ti **ruddo**. Vājayogā **vājī**, ī. “Esaṅca pubbaṃ pakkho āsi, sa tu devetyatyatthitena **sālībhūtamuninā** sakkhaṃ payojetvā vajirachedito” ti **nikāyantariyā. Sapa** samavāye, ti, **satti**, sāmattihiyepi.

**369. Tassa** assassa **bhedo** viseso assataro, assaṃ taratīti **assataro, tara** atikkamane, **tarapaccayenāpi** siddhaṃ. Padhānassabhūmibhavo sujātiko avikārī kulīnako asso ājānīyo nāma, ā bhuso kāraṇākāraṇaṃ jānātīti **ājānīyo**, anīyo, **ṇyapaccayena** vā siddhaṃ, tadā “kiyādito nā” ti **nāgamo**, ikārāgamo ca [[cintāmaṇīṭikā 18.44 gāthāyampi passitabbaṃ](#)]. Kule sambhūto **kulīnako**, īno, sakatthe ko. Saṅgāme garusatthappahārena nihato santo piyo sāmikaṃ na jahati sukhaṃ vahanasīlo yo asso, so **vinītasaddenoccate**. Visesena dammataṃ neti yanti **vinīto**.

Dvayaṃ assapote. **Kasa** gamane, oro, assi, kiñci saratīti vā **kisoro**, bindulopo, asso ca, hayo eva bālattā **hayapotako**, appatthe ko.

**370.** Dvayaṃ athāmasse. **Ghuṭa** parivattane, ṇvu, **ghoṭako**, assasāmaññepyayaṃ, kharaṃ gacchatīti khaluṅgo, so eva **khaḷuṅko, ga**kārassa **kakāraṃ** katvā, rassa **lo**, ḷattamuttaṅca, khaḷukotipi. Javena sabbesamadhiko asso **javano**, yu.

Dvayaṃ kavītikhyāte mukhabandhane. Mukhamātiṭṭhatīti **mukhāṭṭhānaṃ**. Khe mukhavivare līno **khalīno**. “Kavikā tu khalīnoti [[khalīne thī \(?\)](#)], kaviyaṃ kathanamtyapī” ti **rabhaso**. Kavi, kavikāpyatra. **Ku** sadde. I, ī ca, sakatthe ko. **Vāsaddena** napuṃsakattaṃ samuccinoti. Vuttaṅca **amarakose** “kavikā tu khalīno’nitthī” ti [[amara 18.49](#)].

Assābhītāḷīnī vettavikatādi **kasā** nāma. **Kasa** gamane, a, karaṇasādhanam.

**371.** Assassa nāsāgatarajjumhi kusā, **kusa** silesane. Dvayaṃ assāyaṃ. **Vala** saṃvaraṇe, vo, ḷattam, ā, **vaḷavā**. Asatīti **assā**, “itthiyamatiyavo vā” ti a, ā ca, **assā**. Vāmīpyatra. Dvayaṃ khure. **Khura** chedane. Saṃ sukhaṃ pharatyanaena **sapham**, nerutto. “Sapham klīve khuro pumā” ti [[amara 18.49](#)] **amarakoso**.

Dvayaṃ pucchamatte. **Puccha** pamāde. Na gacchatīti **naṅguṭṭho, aṅga** gamane, ṭho, assu, dvepi anitthiyaṃ. Lūmampyatra. Dvayaṃ kesavati naṅguṭṭhamatte, na tu hatthino eva. Vālasamūhayogā **vālahattho**, yathā kesahattho caye, tathātrāpi. Vālo dhiyyate asminti **vāladhi**, i.

Etthānāgatāpi assassa dhārākhyā [[dhāvākhyā \(ka.\)](#)] pañca gatiyo kathetabbā. Yathā –

Akkanditaṃ dhoritakaṃ, recitaṃ vaggitaṃ plutāṃ;  
Gatiyome pañca dhārā [dhāvā (ka.)], assānaṃ viññunā matā [amara 18.48-9].

Tattha vitthambhā samāvagati **akkanditaṃ, kandi** gatisosanesu, to. Tato adhikā caturāgati **dhoritakaṃ, dhora** gaticāturiye, to, sakatthe ko. Maṅgalikāyānena gamanaṃ **recitaṃ, rica** viyojanasambajjhanesu, sambajjhanāṃ missanaṃ. Vegena parikkhitto paricaraṇaṃ **vaggitaṃ, vagga** gamanattho. Turaṃ samena gamanaṃ **plutaṃ, plu** gatiyaṃ. Ta'dutta'massasatthe "samo'dhiko layo vegī, turitasso bhava kamā"ti.

**372.** Dvayaṃ yuddhatthe cakkayuttayāne. **Sanda** gamane, sandate gamyateneneti **sandano**, yu. Ramateneneti **ratho**, tho, **malopo**. Sataṅgopyatra. Satamaṅgānyassa.

Yaṃ na **raṇāya** yuddhatthaṃ cakkayuttaṃ yānaṃ, api tu kīlābhamanādyatthaṃ, so pussaratho. Vuttañca **amarakose** "ayaṃ pussaratho cacka-yānaṃ na samarāya ya"nti [amara 18.51]. **Pusa** pāsane, so, pusanāmakena phalavisesena yutto ratho **pussaratho**, pussanakkhattena kato, sajjito vā rathoti **pussaratho**.

Byagghassa cammāvuto parikkhitto ratho veyyaggho nāma, byagghassa vikāro cammaṃ veyyagghaṃ, ṇo, tena parivuto ratho **veyyaggho**, ṇo, ubhayatrāpi vuḍḍhāgamo. "Paccattaṃ [paccatthaṃ (ka.)] ayanti gacchantīti paccayā"ti vacanatthato paccattameva [paccatthameva (?)] paccayā bhavanti, yathā kārītantasmāpi payojakavasena anekakārītapaccayā. Dīpino cammāvuto ratho dīpo nāma, dīpino vikāro cammaṃ dīpaṃ, ṇo, tena parivuto ratho dīpo, ṇo.

**373.** Dvayaṃ purisayuttayāne. **Si** sevāyaṃ. Sukhatthikehi sevīyateti **sivikā**, ṇvu, **vāgamo**, ittaṃ, kitapaccayā hi yebhuyyena kammādīsipi vattanti, kiccapaccayā ca kattaripi, yathā "vinayo, nissayo, tapanīyā dhammā"tyādīsū, mahāpadesena vā kitakiccapaccayānaṃ kattukammādīsivapi pavatti veditabbā, sivaṃ karotīti vā **sivikā**, iko. Yāpyehi adhamehi yāyate niyyateti **yāpyayānaṃ**. "Yāpya pānīyake nindye"ti hi **nānatthasaṅgahe**.

Dvayaṃ sakaṭe. Anitthī tūti **tvantaṃ** līngapadaṃ. **Saka** sattiyaṃ, aṭo. **Ana** pāṇane, karaṇasādhanāṃ, natthi nāsā yassāti vā **anaṃ, sālolo**, rasso ca. Klīve'naṃ, sakaṭo, nitthīyamarakoso [amara 18.52].

Dvayaṃ cakke. Karoti gamanamaneneti **cakkaṃ**, dvittaṃ, cakkādi. Rathassa aṅgaṃ **rathaṅgaṃ**. Tassa cakkassa **anto** avasānaṃ nemi, sā **nāriyaṃ** itthiyaṃ. Nayati cakkaṃ **nemi**. Yā bhūmiṃ phusati, **nī** naye, mi, **īpaccaye** nemī ca. Padhipyatra.

**374. Tammajjhe** tassa rathassa, cakkassa vā majjhe cakkākāro piṇḍikā, yassaṃ sabbāni kaṭṭhāni āsajjante. **Piṇḍikā**sāhacariyā **nābhi** itthī, **īpaccaye** nābhī ca. Sabbāni kaṭṭhāni piṇḍetīti **piṇḍikā, piṇḍa** saṅghāte, a, sakatthe ko. Piṇḍīpi, nābhi viyāti **nābhi**.

Rathassa yugakaṭṭhaṃ yatra āsajjate, sa yugandharo. Kuṃ pathaviṃ vuṇoti acchādayatīti **kubbaro, vu** saṃvaraṇe, ro, ussattaṃ. Yugaṃ dhāretīti **yugandharo**, saññāyaṃ a, abhidhānā rasso.

Akkho sakaṭaṃ, tadavayavo vā, tathā cāhājāyācariyo –

"Akkho vibhīṭake nimbe, sakaṭe ca byavahāre;  
Rathassāvayave kasse, pāsakepya'kkha'mindriye"ti.

Tassaggagate kīle **āṇī**, itthī. Aṇipi, "sīmāssikkhaggakīlesu, aṇī āṇī ime dvisū"ti [cintāmaṇīṭikā 18.56] hi **ruddo** dvidhā paṭhāti. "Aṇī āṇī ca akkhaggakīle sīmāssisu matā"ti ca **nānatthasaṅgahopi**. Assi koṇo. **Aṇa** sadde, ṇi. Pubbapakkhe na vuḍḍhi, **ana** pāṇane vā, **ṇattaṃ**. Kaṇḍakādisatthehi parirakkhaṇatthaṃ kato rathāvaraṇo varutho, yo "rathaguttī"ti khyāto. **Vara** varaṇe, varaṇametthāvaraṇaṃ, yathā rathaṃ thiratthaṃ taṭṭhañca gopātīti **rathaguttī**, itthī, "guttī

kārāgāre vuttā, bhūgate rakkhaṇe yame’’ti **nānatthasaṅgahe**.

**375.** Rathādīnaṃ purobhāgasaṅkhāte mukhe **dhuro**. **Dhara** dhāraṇe, assu, yānamukhaṃpyatra. Akkhopakkharādayo rathassa aṅgā nāma. **Aka** gamane, kho, **akkho**, dvinnaṃ rathacakkānaṃ antaragato kaṭṭhaviseso. Upari karīyateti **upakkharo**, akkhassopari kaṭṭhaviseso. **Amarakose** pana **upakkharasaddassa** sabbarathāvayavavācakattaṃ vuttaṃ “rathāṅgantu upakkharo’’ti [[amara 18.55](#)]. “Apakkharo’’tipi pāṭho.

Sabbasmiṃ hatthādike vāhane **yānādittayaṃ**, sabbatra karaṇasādhanam. Yojanīyaṃ yujjatenenāti **yoggaṃ**, ṇyo. Pattaṃ dhoraṇaṅcātra. **Pata** gatiyaṃ. **Dhora** gaticāturiye, etthāpi karaṇasādhanam.

**376.** Catukkaṃ sārathimhi. Rathena carati sīlenāti **rathacārī**. Savati perayatīti **sūto**, **sū** peraṇe, to. **Aja** gamane. Pājetīti **pājītā**, ritu, dīghādi. **Sara** gatiyaṃ, thi, rathena saha gacchatīti vā **sārathi**, iṇa, aññatropacārā. Niyantā, yantā, khattā, sabyaṭṭho, dakkhiṇattho, rathakuṭumbīpyatra.

“Niyantā pājītā yantā, sūto khattā ca sārathi;  
Sabyaṭṭho dakkhiṇattho ca, saññā rathakuṭumbino’’ti [[amara 18.56-60](#)]. –

Vuttaṃ. Atthato sārathino rathakuṭumbī ca nāmaṃ. Rathanāyake tu “rathāroho ca rathiko rathī’’ti pacchā vakkhati. **Khudi** sampesane, tu, **dassa to**, ussattaṅca, **khattā**.

Tikaṃ rathe pājitarā aññe yodhā, atra ye “rathanāyakā’’tipyuccante. Rathamārohatīti **rathiko**, **rathī** ca. Rathena yujjatīti vā **rathiko**, **rathī** ca. Rathino, sandanārohopyatra. Dvayaṃ yodhe. **Yudha** sampahāre, ṇo. Bhaṭati yujjatīti **bhaṭo**, a. Kvaci yoddhopi.

**377-379.** Catukkaṃ padātike. Padehi atati ajatīti **padāti**, **ata** sātaccagamane, i. **Pada** gamane. Padatīti **patti**, i, dvittaṃ. Padena adatīti vā **patti**, **alopo**, **dassa to**, ime dve, vakkhamānā dve ca pume. Padehi gacchatīti **padago**, **padiko**. Pādātiko, padājayopyatra [[pādehi ajati ī, rasso ca padājim \(cintāmaṇiṭkā 18.66\)](#)].

Chakkaṃ kavace. **Naha** bandhane, karaṇe ṇo. **Kaṅka** gatyattho, aṭo. Variyate tanti **vammaṃ**, **vara** varaṇe, **vara** icchāyaṃ vā, mo, **rassa mo**. **Kaca** bandhane, a, **vakāraṇṇāgamo**. Uro chādayantyanenāti **uracchado**. **Vāsaddo** dvinnaṃ punnapuṃsakattaṃ sampiṇḍeti. **Jala** dittiyaṃ, ṇvu. Tanuttaṃ, daṃsanam, jagaropyatra. “Jagaro kaṅkaṭo yogo, sannāho ca uracchado’’ti [[cintāmaṇiṭkā 18.64 byākhyāsudhā 2.8.64](#)] **vopālito**.

Tikaṃ katasannāhe. Cammena sammā naddhavāti **sannaddho**, dho. **Sajju** gatiyaṃ, a. Vammena naddhavā **vammiko**. Daṃsito, uracchadiko, byūḷhakaṅkaṭo, jagarikopyatra.

Dvayaṃ paridahite vatthādo. **Āpatipubbo mucadhātu** paridahane, ubhayattha to, bhūjādi. Pakkhe “susapacasakato kkhakkā ce’’ti sutte **cakārena tapaccayassa kko**, dhātvantalopo ca. Pinaddho, apinaddhopyatra. Pubbapakkhe apissākāralopo.

Catukkaṃ abhicārapadātimhi. Pure caraṇasīlo, sattamiyā alopo ubhayatrāpi. Pubbe ṇī. Parapakkhe a, pubbaṃ, pubbe vā gacchatīti **pubbaṅgamo**, dutiyāyālopo. Purogo, aggesaro, paṭṭho, aggatosaro, purassaro, purogamopyatra.

Dvayaṃ asīghagāmini. Mandaṃ gacchati sīlenāti **mandagāmī**, ṇī. **Mantha** vilolaṇe, anekatthattā saṃkilese ca. Saṃkilissateti **mantharo**, aro.

Tikaṃ vegini. Turameti gacchatīti **turito**, **i** gatiyaṃ, to. Turassi, pajavī, javopyatra. Dvayaṃ jetuyoggaṭāmatte. **Ji** jaye, tabbo, **jetabbaṃ**, ṇyapaccaye **jeyyaṃ**.

**380.** Tikam sūre. **Sura vīra** vikkanteti curādīdhātu. Surayati, vīrayatīti **sūro, vīro** ca, a, dīghādi, **kanta** chedane. **Vikkanto.** Dvayaṃ sahāyamatte. Saha eti gacchatīti **sahāyo**, sabbatra kattari ca a. **Anusaddo** pacchāttho. **Samāti** ete dve tulyatthā. Anuplāpo, abhisaropi. **Sannaddhappabhutī sannaddhasaddādayo anucarantā** tīsu.

Pātheyyaṃ nāma rājādīnaṃ yātrāsveva bahulaṃ pavattatīti idha taṃ vuttaṃ, pathe hitaṃ **pātheyyaṃ**, eyyo. **Samba** maṇḍale, alo, sameti addhānaparissamametenāti vā **sambalaṃ**, alo, **bāgamo** ca.

**381.** Catukkaṃ senāyaṃ. Vāhayogā **vāhinī**. Dhajayogā **dhajinī**. Si bandhane, no, **senā. Camu** adane, ū. Camatī bhīruntī **camū**. Putanā, anīkinī, varūthinīpyatra. Ettha ca putanā anīkinī vāhinī camū senābhedepe. “Putanā nīkinī camū, senā senāntarepi ce”ti **ruddo**, “senāpabhede senāyaṃ, savantyaṃapi vāhinī”ti **rabhaso** ca. **Cakkā**ditikaṃ sāmāññena senāyaṃ, senaṅge ca. **Cāṇakye** tu senāvisese anīko vutto “tīṇi tikānyanīka”nti.

Asseva **kāmandakīye** vivaraṇaṃ, yathā –

“Assassa pattiyodhā ye, bhaveyyuṃ purisā tayo;  
Iti kappā tu pañcassā, vidheyyā kuñjarassa tu;  
Pādaṅgo pājītāvanto, purisā dasa pañca ca;  
Vidhānamitī nāgassa, catukkaṃ sandanassa ca;  
Anīkamitī viññeyya-mitī kappā nava dvipā”ti.

Karīyate viggaho yenetī **cakkaṃ. Bala** saṃvaraṇe, a. **Aṇa** sadde, iko. **Vākāro** napuṃsakattaṃ samuccinoti.

Caturaṅgabalāya susannaddhāya senāya yuddhatthaṃ desavidese **vinyāso** vibhajitvā nyasaṇaṃ ṭhapanāṃ byūho kathyate. Vibhajitvā ūhanaṃ ṭhapanāṃ **byūho**. Tabbhedā daṇḍabhogamaṇḍalāsamhatā cattāro pakatibyūhā. Tatra anīkānaṃ tiriyaṭo vutti **daṇḍo**. Samatthānāmanīkānaṃanvāvutti aññoññato vutti **bhogo**. Maṇḍalaracanāya sarantānāmanīkānaṃ sabbato vutti sappasarīramiva **maṇḍalo**. Ṭhitānamitaretarāsaṃ hatānaṃ visiliṭṭhatarānaṃ anīkānaṃ puthuvutti **asamhato**. Taduttaṃ **kāmandakena** –

“Tiriyaṭo vutti daṇḍākhyā, bhogonvāvuttireva ca;  
Maṇḍalo sabbatovutti, puthuvutti asamhato”ti.

Byūhasamaveto eva byūhassekadeso pacchābhāgo **byūhapaṇhi**, byūhassa pacchā, byūhantameva vā. Yatra ṭhito rājā sasenaṃ paṭiggaṇhati, taṃ senāya pacchā dhanusatadvayantarena ṭhitaparisaṃsahitaṃ anīkaṃ “**paṭiggaho**”tyuccate.

**382-383.** Eko hatthī dvādasapurisasaṃhito “eko hatthī”tyuccate, etena lakkhaṇena **adhamantato** heṭṭhimaparicchena tayo hatthino **hatthānīkaṃ** nāma, tathā eko turaṅgo tīpurisasaṃhito, eko ca ratho catupurisasaṃhito eko hayo, eko rathoti etena lakkhaṇena adhamantato tayo hayā ca tayo rathā ca **hayānīkaṃ, rathānīkaṃ** nāma, tenāha “tayo tayo gajādayo”ti. **Sasatthā** khaggādisatthahatthā **catujjanā** cattāro purisā **pattānīkaṃ** nāma vuttā. Heṭṭhimantatoyevetthāpi paricchedo. **Amarakose** tvaññathā kathitā –

“Ekakebharathā tyassā, patti pañcapadātīkā;  
Patyāṅgehi tiguṇehi, kamā saññā yathottaraṃ.

Senāmukhaṃ gumbagaṇā, vāhinī putanā camū;  
Anīkinī ca tāsantu, dasa akkhobhinī mata”nti [amara 18.80-1].

Tassattho – tīhi assehi gajenekena rathena ca padātībhi ca pañcahi patti nāma senantaraṃ.

Patyaṅgehi sabbehi gajādīhi yathāpubbaṃ guṇehi yathottaraṃ kamena senāmukhādikā saññā bhavati. **Yathottaranti** vacanena yathāpubbamityatthamāha, tenedaṃ vuttaṃ “bhavati tayo pattino senāmukhaṃ. Tīhi senāmukhehi gumbho. Gumbattayena gaṇo. Gaṇattayaṃ vāhinī. Vāhinittayaṃ putanā. Putanattayaṃ camū. Camuttayaṃ anīkinī. Tāsaṃ anīkinīnaṃ dasa akkhobhinī”ti.

Tatra rathānaṃ saṅkhyā sattatisahitehi aṭṭhasatehādihikānyekavīsatisahassāni, evameva gajānampi saṅkhyā, tathā ca –

Pañcasatṭhisahassāni, chasatāni daseva tu;  
Saṅkhyā tā turaṅgānañhi, vinā rathe turaṅgame.

Narānaṃ satasahassaṃ, saṃsāni naveva ca;  
Satāni tīhi ca’ññāni, paññāsaṅga padāyoti [[byākhyāsudhā 2.8.80](#)].

**384.** Heṭṭhimaparicchena senaṃ dassetvā ukkaṭṭhaparicchena dassetumāha “**saṭṭhi...pe...yanti**”ccādi. **Yantiyā** yānaṃ kubbantiyā **senāya** kattubhūtāya dhūlikatesu santesu. Kesu? Saṭṭhivaṃsakalāpesu. Kittakappamañesu? Paccekamaṃ saṭṭhidaṇḍavantesu, esā akkhobhinī nāma senā ukkaṭṭhaparicchena. Kenaci khobhetumasakkuṇeyyatāya **akkhobhinī**, yu, nadādi. **Khubha** calane.

**385.** Catukkaṃ sampattiyā. Dhanukkaṃso sampatti. **Pada** gamane, bhāveti. Yupakkhe “itthiyamatiyavo vā”ti a. **Lakkha** dassanañkesu, ī, **lakkhī**, **sirī** ca pubbe devatāvasena vuttā, idha dhanukkaṃsavasena.

Dvayaṃ sampattiviparītāyaṃ. Virūpaṃ pajjatīti **vipatti**, **padimhā** kattariti. Virūpaṃ pajjanaṃ vā **vipatti**, bhāveti. **Āpadā**sahacaraṇato **vipatti** thiyāṃ.

Catukkaṃ satthamatte. Ādāya yujjhante yanti **āyudham**, yassa vo. **Āyudham** vā. **Hara** haraṇe. Harati jīvitanti **heti**,ti, asse, ralopo, **hanativasena** vā siddham. **Sasa** hiṃsāyaṃ, tho. Atthampyatra. **Asu** khepane.

**386-387.** Saṅkhepenāyudham dassetumāha. Muttāmuttañca amuttañca pāṇito muttañca yantamuttañceti sakalaṃ taṃ āyudham catubbidham bahūnampi tabbhedānavattanato.

Catunnaṃ sarūpamāha “**muttāmuttañcā**”di. Yaṭṭhi nāma satthaviseso, na kattaradaṇḍo.

“Yaṭṭhi hāralatāsatta-bhedesu dhanudaṇḍake”ti hi **nānatthasaṅgahe**.

Tadādi āyudham muttañca taṃ amuttañceti **muttāmuttam**, kammadhārayo, yathā katākataṃ. **Churikā** asiputti, tadādikaṃ amuttam. **Yanta** saṅkocane, **yantam**, dhanvādi.

**388-389.** Pañcakaṃ dhanumhi. Usuṃ asati khipatīti, kammani ṇo, ussi. **Dhana** dhaññe, u, **hana** hiṃsāyaṃ vā, u, **hassa dho**, **dhanu**. “Dhanu vaṃsavissuddhopi, nigguṇo kiṃ karissatī”ti [[hitopadesa kathāmukha 23](#)] pume payogo. “Sarā vāpo dhanu itthī, tuṇatā tiṇatāpice”ti [[tikaṇḍasesa 2.8.51](#)] **tikaṇḍaseso**. Kiṃ nāmena daṇḍayatīti **kodaṇḍam**, **daṇḍa** nipātane, kiṃ nāmena damyatīti vā **kodaṇḍam**, **damudhātumhā** ḍo, kiṃ nāmena dunotīti vā **kodaṇḍam**, **du** paritāpe, ḍo nipātito, kuṭṭhātā vā kucchito daṇḍo yassatthīti **kodaṇḍam**. **Capa** santāpe, a, capo, vaṃsabhedo, tabbikāro **cāpo**, ṇo. Saramasati khipatīti **sarāsanam**. Kammukampi. Kammāya pabhavatīti **kammukam**.

Tikaṃ guṇe. Gacchati saro yenāti **guṇo**, **massa ṇo**, assu, **gu** sadde vā, gavati etenāti **guṇo**, yu, **ṇattam**. **Jara** vayohānimhi, a, **jiyādeso**. Pakkhe ikāralopo, **jayā**. “Jiyā cāthā”tipi pāṭho, tadā dvayaṃ guṇe. Mubbī, siñjinīpyatra. Mubbavikāro **mubbī**. **Siñja** abyattasade, inī.

Tipādo kaṇḍe. **Sara** hiṃsāyaṃ. Sarantyanenāti, pume, saññāyaṃ ṇo. Pattam vājo, taṃyogā **pattī**, ī. **Sā** tanukaraṇāvasānesu, divādi, ṇvu, **yassālopo**. Vaṇyate saddāyateneneti **vāṇo**, ṇo, **vaṇa**

sadde. Kaṇyatēneti **kaṇḍaṃ**, **kaṇa** sadde, ḍo, **kaṇḍa** bhede vā. **Isa** gamane, u, issu, **usa** dāhe vā. **Khura** chedane, apo, atha vā khe arati gacchatī khuro, assu, taṃ pātīti **khurappo**. **Tija** nisāne, yu. **Asa** khipane, kamme yu. Visikho, ajimhago, khago, āsugo, kalambo, maggaṇo, ropopyatra. Visanto khaṇatīti **visikho**. **Kala** made, ambo. **Magga** anvesane, yu. **Rupa** vimohane, divādi, a, **ropo**. “Thūlakheḍo vipāto ca, citrapuṅkho saropi ce”ti [tikaṇḍasesa 2.8.52] **tikaṇḍasese**.

Pañcakaṃ kalāpe. **Tūṇa** pūraṇe, curādi, nadādi. “Tūṇo nisaṅgo tūṇiro, upāsaṅgo ca vāṇadhi”riti [cintāmaṇiṭikā 18.88] **amaramālayaṃ** puṃsakaṇḍe. “Tūṇā”tipi itthilīṅgappakaraṇe vutto, idha pana “tuṇī, tūṇo”ti dvīsu, sarasamūhānaṃ ṭhānattā **kalāpo**. **Irapaccaye tūṇiro**. Vāṇā sarā dhiyantetreti **vāṇadhi**. “Tūṇo pasaṅga tūṇira-nisaṅgā vāṇadhi dvisū”tyamarasīhe.

**390.** Dvayaṃ vāje, yaṃ “kaṇḍapatta” mityuccate. **Pata** gamane, karaṇe kho, **tassa ko**, pakkhena katattā vā **pakkho**. Vajatyānenāti **vājo**, ṇo. Visamapivithāti **visappīto** saro diddho nāma. **Disa** appītiyaṃ, to. Littopyatra.

Tikaṃ vijjhitabbe. Vijjhanatthaṃ lakkhateti **lakkhaṃ**. Vijjhitabbanti **vejjhaṃ**, ṇyo, **jhassa jjho**, isse. Saro vayati gacchati yasmim **sarabyaṃ**, vassākāralopo. Niccaṃ sarānamabhyāsaṃ vasīkaraṇaṃ **sarābhyāso**. “Byādhepyupāsānāyañca, vāṇābhyāsepyupāsana”nti **ruddo**. Lakkhamupagantvā asanaṃ khipanaṃ **upāsanaṃ**.

**391.** Pañcakaṃ khagge. Maṇḍalaṃ aggaṃ yassa. Niggato tiṃsato’ṅgulito **nettiṃso**. **Asa** khepane, asate khippateti **asi**, i. **Khagga** khaṇḍabhede. Sāyako sarepi. Candahāso, riṭṭhi, kakkhalako, karavālopyatra. Tassa khaggassa pidhāne **kosi**, itthī. **Kusa** silesane, i, kosi, rassanto. Khaggachurikādīnaṃ muṭṭhiyaṃ **tharusaddo**. **Thara** satthagatiyaṃ, u.

**392.** Tikaṃ khaggādīnaṃ satthānaṃ vāraṇaphalake. **Kheṭa** bhakkhane, ṇvu. **Phala** visāraṇe, ṇvu. Phalatīti **phalakaṃ**, anitthī. **Cara** gatibhakkhanesu, mo, **camu** adane vā, a. Phalampi.

Vaṇṭānihārassākhaḅgākati hatthakuṇḍādi **illī**, **ilīpi**, **ila** gatiyaṃ, nadādi. Karaṃ pālayatīti **karapālikā**, ṇvu.

Dvayaṃ asiputtiyaṃ. **Chura** chedane, ṇvu. **Sasu** hiṃsāyaṃ,ti, nadādi. Asino puttī, asidhenukāpi.

Dvayaṃ vadḍhakīnaṃ muggarehi samānākārāyudhabhede. **Laga** saṅge, alo, assu, ḷattañca. Muraṃ giratīti **muggaro**, **rassa go**, **gira** niggiraṇe, mucchatīti vā **muggaro**, aro. Dughaṇo, ghanopi.

**393.** Dvayaṃ salle. **Sala** āsugatiyaṃ, a, **sara** hiṃsāyaṃ vā, lo, **rassa lo**. **Saṅka** saṅkāyaṃ, u. **Sūlampi**. **Sūla** rujāyaṃ.

Dvayaṃ vāsīyaṃ. Vasa chedanasnehāvahāraṇesu, ṇī. **Taccha** tanukaraṇe, yu, nadādi.

Dvayaṃ pharasumhi. Chedakattā kucchitā dhārā yassāti **kudhārī**. Kudhāropi. Paraṃ sasati hiṃsatīti **pharasu**. U, **passa pho**, **salopo** ca. Parasupi, so **parasusaddo** napuṃsako. Parasudhopyatra.

Dvayaṃ pāsāṇavidāraṇe. **Ṭaṅka** bandhane. **Dara** vidāraṇe. Pāsāṇaṃ dārayatīti **pāsāṇadāraṇo**, yu. Pāsāṇadārakopi.

**394.** Dvayaṃ hatthappamāṇe kaṇaye [kaṇḍe (cintāmaṇiṭikā)]. Cakkapūraṇādivāyuvāsena khippate. **Kaṇa** sadde, ayo. Bhindanasīlatāya bhindī, vāti gacchati tenāti vālo, alo, bhindī ca so vālo cāti bhindivālo, ḷatte **bhindivālo**, rasso.

Cakkādayo satthabhedā. Tatra cakkākāro āyudhaviseso **cakkaṃ**. **Kanta** chedane, assu, **kunto** dīghadaṇḍo. **Gadā**, **satti** ca pasiddhā.

Tikaṃ koṇabhāge. **Kuṇa** saddopakaraṇesu, **kuṇa** saṅkocane vā, ṇo. **Si** sevāyaṃ, a, rasso, **asso**. **Kuṭa** koṭṭille, iṇa.

**395.** Dvipādaṃ vijigīsassa yātrāyaṃ, sabbatra bhāvasādhanāṃ. **Yā** pāpuṇe, nikkhamitvā yāyate **niyyānaṃ**, yu. “Chadādīhi tatraṇa”ti traṇa. Yātrā, ā. Nadādino ākatigaṇattā ipaccayābhāvo. **Thā** gatinivattiyāṃ, **papubbo** yāne, yu, patitṭhīyate **paṭṭhānaṃ**, purecārimhi **paṭṭho**.

Pañcakaṃ dhūlimate. Tathā ca “paṃsu khodo mato reṇu, cuṇṇo dhūli’tthiyāṃ bhave”tya **maramālā**. **Cuṇṇa** pisane, **cuṇṇa** saṅcuṇṇane vā. **Paṃsa** nāsane, u. **Ranja** rāge, **rajo**, manogaṇopi napuṃsake, taṃsahacaraṇato **paṃsupi**. “Klivaṃ’parādhe reṇumhī”ti **rabhaso**. Atha vā **cuṇṇarajosahacaraṇato paṃsu** napuṃsake. **Dhū** vidhunane, **dhū** kampāne vā, li, nadādi. **Ri** gatiyaṃ, ṇu, isse.

**396.** Vaṃsakkamavedīvaṃsathutiṃ yo kubhati, so **māgadho**. Tasmim madhuko vutto. So ca khattiyāveśasambhavo bhavati, vaṃsamaggāṃ thavatīti **māgadho**, **thassa dho**. Maggaṃ dhavatīti **madhuko**, ṇvu, ggalopo.

Vīriyādithutiṃ sīlena yo paṭhati, so **vandī**, tassilādīsu ṇī.

Yo nisāvasānaṃ vibhāvento bodhayati, so **vetāliko**, vibhāvento tālasaddena bodhayatīti **vetāliko**, ṇiko.

Cakkena caranto bahūhi pīletvā yo paṭhati, so **cakkiko**, ubhayatra caratyatthe iko. **Ghaṇṭa** bhāsatto, curādi.

**397.** Pañcakaṃ dhaje. **Kita** nivāse, rogāpanayane ca, u, kitati apaneti etenāti **ketu**. **Dhaja** gamane, a. Uppatātīti **paṭākā**, āko, **paṭa** gatiyaṃ vā, **paṭākā**. Kena vātena dalīyate vidārīyateti **kadalī**, nadādi, chinnabhinnattā kucchitaṃ dalaṃ pattametissāthīti vā **kadalī**, **paṭākā** sahacaraṇato itthiyaṃ. Kadalī mocepi. **Yumhi ketanaṃ**. Ettha ca **dhajasahacaraṇato ketu** punnapuṃsake. “Paṭākā vejyantī ca, ketanaṃ dhaja’manitthī”tya [amara 18.99] **marakose**.

**Aññamaññasseti** ekamapekhitvā aparassāparaṃ apekkhitvā aññassa. Yo **ahaṃkāro** abhimāno, so “ahaṃ aha”miti karotīti **ahamahānikā** bhave. “Ahaṃ aggo bhavāmi, ahaṃ aggo bhavāmi”ti aññamaññamatikkamma yodhānaṃ samagge dhāvanāṃ, tatra tu **ahaṃpubbikā**. **Ahaṃsaddo** vibhattipatirūpako nipāto, sakatthe **kapaccaye** kate vicchāyaṃ gamyamānattā dvittābhāvo.

**398.** Catukkaṃ bale. **Bala** pāṇane, karaṇe a. **Dhā** gatinivattiyāṃ, karaṇe mo, **dhassa tho**. Sahatēnēti **sahaṃ**, sahopi. **Saka** sattiyaṃ,ti. Draviṇaṃ, taro, parakkamo, pāṇopi.

Atisūrātā vikkamo nāma.

**Jaye** jite sati, kāraṇabhūte vā kataṃ pānaṃ **jayapānaṃ**. **Amarakose** pana “vīrapānaṃ tu yaṃ pānaṃ, jāte bhāvini vā raṇe”ti [amara 18.103] vuttaṃ. Tassatto – bhavissatiraṇe jīvitasamsayā saṃhāsuppādanatthaṃ, devatāyācanapubbakaṃ sajātiyehi saha sambhūya yodhānaṃ yaṃ pānaṃ jāte ca raṇe vijayassa sandassanatthaṃ, taṃ **vīrapānamuccate**.

**399-400.** Sāḍḍhapajjaṃ yuddhe. **Saṅgāma** yuddhe, curādi, a. **Hara** haraṇe, pasayhakarāṇe ca. **Ara** gamane, a. **Samaraṃ**. **Raṇa** sadde, dvepyanitthiyaṃ. **Aja** gamane, ṇi, **āji**, rassanto. Āhuyyante asmiṃyodhā, **hu** sadde, a. **Yudha** sampahāre, to. Ādāya yujjhantetra **āyodhanaṃ**, yu. **Yuja** yoge, **saṃyugaṃ**, saṃyuttampi. **Bhaṇḍa** paribhāsane, yu. Viggayhanti yujjhantya smim **viggaho**. Kalahantya smim **kalaho**. **Medha** medhāhiṃsāsāṅgame, ṇvu. Jaññaṃ, pavidāraṇaṃ, akkandaṇaṃ, saṅkhyāṃ, samīkaṃ, samparāyakaṃ, anīkaṃ, abhisampāto, kalisaṃ, photo, atyāmadhoiccādayopi yuddhe. Keci pana “bhaṇḍanādīpañcakaṃ kalahe, na yuddhe”ti vadanti, taṃ “bhaṇḍanaṃ kavace

yuddhe, khalikārepi vattate’’ti **nānatthasaṅgahe** vuttattā na gahetabbaṃ.

Dvayaṃ mucchāyaṃ. **Muccha** mohasamussayesu. **Muha** vecitte. Tikaṃ balakkāre. Pasahanaṃ **pasayho, saha** sattiyaṃ, ṇyo. Balino, balena vā karaṇaṃ **balakkāro**. **Haṭṭha** balakkāre, ṇo. Pasaṅgopi.

**401. Subhāsubhānaṃ** phalānaṃ **sūcika** pakāsakā yā bhūtassa vatthuno **vikati** aññathā uppatti, sā uppāto. Subhāsubhaphalaṃ pakāsento patati gacchatīti **uppāto**. Uppādopi. **Tasaddo**’yaṃ pubbapadassa, aparapadassa vā liṅgamādatte. ‘‘Avijjā ca sā paccayo cāti avijjāpaccayo, viggaho ca taṃ vākyañceti viggahavākya’’ntyādīsu, idha pana pubbapadassa liṅgamādatte. Uppātassa tatra yuddhapakkamenābhidhānaṃ.

Catukkaṃ uppātassa pariyāye. **I** gamane,ti, dīghādi. Sabbakālaṃ na jāyatīti **ajaññaṃ**, ṇyo, phalaṃ na janetīti vā **ajaññaṃ**, tañhi dhūmo viya aggissa kammaphalassa pakāsanamattameva karoti, na taṃ janetīti **ajaññaṃ** nāma. Upagantvā sajjati pakāsetīti **upasaggo**, ṇo. Upagantvā dunoṭīti **upaddavo, du** paritāpe, a. Ettha ca **ityādayo** janakepi vattanti, yathā jarādīnamupaddavā.

**402. Mallyuddhamhi** bāhuyuddhamhi nibbuddhaṃ. Adhobhāgaṃ bandhanaṃ vā katvā yujjhantyatra **nibbuddhaṃ, yassa bo**, aññamaññassa vedhaṃ nibbedhentyatreti vā **nibbuddhaṃ**. **Vedha** vedhane, to, essu, aññatropacārā. Dvayaṃ jayakriyāyaṃ. **Ji** jaye, ‘‘bhāve cā’’ti ṇo. **Raṇe** yuddhe yo bhaṅgo, so **parājayo**. **Parā**pubbo **ji** yuddhabhaṅge. Dvayaṃ palāyanamate, na tu saṅgāmatoyeva palāyane. Parivajjetvā ayanam gamanam **palāyanam**. Apavajjetvā gamanam **apakkamo**. Padāvo, dāvo, sandāvo, viddavo, davo, apayānaṃpyatra.

**403.** Pajjaṃ māraṇe. **Mara** pānacāge, sabbattha bhāvasādhanam. Mārīyate **māraṇam**, yu. **Hana** hiṃsāyaṃ, **ṇamhi** ‘‘hanassa ghāto’’ti **ghātādeso**. **Nasa** adassane. **Sūda** dhāraṇe. **Himsa** hiṃsāyaṃ. **Sara** hiṃsāyaṃ, itthiyamāpaccayo, **himsā**. **Ṇamhi** **hanassa vadhādeso**. **Sasa** hiṃsāyaṃ. **Yumhi** **hanassa ghāto**, ghātanaṃ, nibbarahanaṃ, nikāraṇaṃ, pavāsaṇaṃ, saññāpanaṃ, pamathanaṃ, kathanaṃ, ujjāsaṇaṃ, ārambho, piñjopyatra. **Varaha** bādhanāyaparibhāsanahiṃsādānesu. **Kara** hiṃsāyaṃ. **Vasa** nivāse, papubbo hiṃsattho. **Ñā** māraṇatosananisāmanesu, **pāgamo, saññāpanam**. **Matha** viloḷane. **Katha** hiṃsattho. **Jasu** hiṃsāyaṃ, **jasi** tālāne vā, curādi. **Āpubbo** **rabhi** māraṇe. **Piñja** hiṃsābaladānaniketanesu. Ete yathākkamamidhānāgatānaṃ dhātavo.

**404.** Pajjaṃ maraṇe. Kālo atītādi, tassa kiriyā, ‘‘kālo ghasati bhūtānī’’ti [jā. 1.2.190] hi vuttaṃ. **Maratito** cu, **maccu, vajādīnā** vā tyu. Tato **maccusadiso** dvīsu. Atikkamitvā ayanam **accayo**. **Dhana** dhaññe. Kālassa kiriyattā **kālo**, attabhāvassa antaṃ karotīti vā **kālo**, ṇo. Amati gacchatīti **anto**. **Cu** cavane.

**405.** Tikaṃ mate. Paraṃ lokaṃ eti gacchatīti **peto, pareto** ca, to, pubbe ralopo. Maratīti **mato**. Parāsu, pattapañcattopyatra. Dvayaṃ matadahanakaṭṭharāsīmhi, yā ‘‘phullī’’ti vuccati. Cīyate yatthāti **citako, cito** ca, to. Pubbatra sakatthe ko. Citā, cityā, citipyatra.

Dvayaṃ susāne, āgantvā dahanti atra **āḷhanaṃ**. **Daha** bhasmīkaraṇe, yu, **dassa ḷo**. **Āḷhanampi**. Chavassa sayanaṭṭhānaṃ **susānaṃ, chavassa su, sayanassa ca sāno**, atha vā senti atrāti sānaṃ, yu, chavassa sānaṃ **susānaṃ**. **Chavassa su**. Pituvanampi. Dvayaṃ matasarīre, **kuṇapa** pūtigandhatthe. Kucchitaṃ netīti vā **kuṇapo**, apo, **ṇattaṃ**. **Chava** gatiyaṃ, a.

**406.** Asīsakattā **sirosuñño** naccanādikriyāsahitattā **sahakriyo deho** kāyo kabandho [‘‘yuddhe yodhesu sūresu sahasaṃ katta (khaṇḍa) muddhasu tadāvesā kabandho tu eko’ muddhā kriyāndhito’’ti **kabandhalakkhanaṃ**], yuddhe sahasapūraṇo kabandho. ‘‘Naccatī’’ti vuttattā naccanādikriyārahite tūpacāro. Avijjamānena kena sirasā andho **kabandho, vakāramajjho**. Avijjamānassāpi hi kāraṇabhāvo loke diṭṭho, yathā vassena kato subhikkho, dubbhikkho ca, yathā loke, tathā sāsane, yathā anantarapaccayādīni.

Āmakehi kucchitehi apūtigatamatasarīrehi sampuṇṇe āmake susānasmim sivathikā vuttā, atthappadhānaniddesena cettha saddo niddiṭṭho, yathā “sato sampajāno”ti puggalappadhānaniddesena dhammoti. Chavā dhiyyantetra **sivathikā**, ṇvu, **chassa so, thattaṃ, ittaṅca**. Chavathikāpi.

**407.** Dvayaṃ ākaḍḍhitamanussagavādo. Muñcanasaññāya vandatīti **vandī. Vanda** abhivādanathutisu, ī, rassopi, **vandi**. Sattūnaṃ karena hatthena maritabbattā **karamaro**. Paggaho, upaggahopi. Dvayaṃ jīvite, **ana** pāṇane, pāṇanti anenāti **pāṇo**, ṇo. Bhavati yenāti **asu**. Asa bhuvī, u, āsupi, **asu** khubhane vā.

**Bandhanāgāraṃ** bandhanagehaṃ kārā nāma. Karonti himsanti atra **kārā**, a. **Kara** himsāyaṃ. Bandhanālayopi. Kara himsāyaṃ, **yata** niyyātane. Kāraṇā, yatanā ca. Tibbavedanāpyatra.

Khattiyavaggavaṇṇanā niṭṭhitā.

**408.** Dvipādaṃ brāhmaṇe, brahmuno bandhu, brahmā bandhu yassa vā **brahmabandhu**. Kulācārabrāhmaṇabhāvavasena dvikkhattuṃ jātattā **dvijo**, ekaje tūpacārā. **Vapismā** po, assī. Brahmuno apaccaṃ **brahmā, brāhmaṇo** ca, **nāgamo, ṇattaṃ, dīghādi**. Sutāyutakathanatthaṃ “bhobho”ti vacanaṃ vadati sīlena, ṇī.

Dvayaṃ chandojjhetari. Brahmasuttaṃ adhīte **sottiyo**, “nena niddiṭṭhamanicca”nti [**kātanta 1.2.18 nagaḥitaṃ aniccaṃ (paribhāsendusekhara 97)**] vuttattā vuddhi, **yadādinā** vā **chandāsaddassa sottiyādeso [pāṇini 5.2.84]**. Chandaṃ adhīte **chandaso, so** pulliṅgo.

Dvayaṃ sisse. Sotuṃ icchantīti **sissā, su** savane, so, ussi. Ācariyassa ante samīpe vasanasīlo, saññāsaddattā sattamiyā alopo.

**409.** Brahmācārīdayo ete caturo janā assamā nāma bhavanti, **assamasaddo**yaṃ punnapuṃsake. Tatra muñjamekhalādiyutto vedajjhāyako brahmācariyāyaṃ ṭhito **brahmācārī**. Vedajjhānaṃ brahmācariyaṃ caratīti, ṇī. Dhammatthakāmesu ṭhito pañcamahāyaññakārī gahaṭṭho, gahā dārā tatra tiṭṭhantīti **gahaṭṭho**. Gahaṭṭho paro tatiyassapi vānapattho. Vanapatthe vanekadeso, dūravane vā bhavo **vānapattho**, assa bhūmiseyyajāṭajjinadhāraṇavanavāsonyahārabhojitādi dhammo. Vānapatthassameva tatiyamāyuso bhāgaṃ khepayitvā gahitakāsāvadaṇḍo bhikkho sabbabhūtesu samo jhānāyatanavaro **bhikkhu. Samu** tapasi, khede ca, āsammanti atrāti, akattari kārake saññāyaṃ ṇo. “Assamo brahmācariyādi- catukkepi maṭṭhepi ce”ti **nānatthasaṅgahe**.

**410.** Sīlādayo tayo sikkhādhamme **saha** ekato carantā **mithu** aññamaññaṃ sabrahmācārino nāma, brahmācārīhi saha carantīti **sabrahmācārino**. “Mithū”ti iminā **sabrahmācārīsaddassa** tagguṇasaṃviññānattaṃ dīpitaṃ, tena brahmācārīnampi sabrahmācārītamupapannaṃ.

Dvayaṃ upasampadādayake. Manasā upecca sissānaṃ vajjāvajjaṃ jhāyatīti **upajjhāyo, upajjhā** ca. **Jhe** cintāyaṃ, ṇo, pubbatra **e aya**, pakkhe rājādipakkhepena **upajjhā**, parasamaye pana vedādipāṭhayitā “upajjhāyo, upajjhā”ti coccate, upecca adhīyate asmāti katvā.

Dvayaṃ nissayadāyake. Sissānaṃ hitaṃ ācaratīti **ācariyo**, ṇyo. Nissayaṃ dadātīti, kammādimhi ṇvu.

**411.** Sāsane ācariyaṃ dassetvā parasamayepi dassetumāha “**upanīye**”ccādi. Atha vā yo **dvijo** brāhmaṇo yaṃkiñci brāhmaṇaṃ **upanīya** attano santikaṃ ānetvā kappādichaṅgikattā **sāṅgaṃ** saguyhattā **rahassaṅca vedam** kammabhūtaṃ **pubbam** paṭhamameva kenaci asikkhāpīteyeva **ajjhāpaye** sikkhāpeyya, so brāhmaṇesu “ācariyo”ti vuccati, ādito cāreti sikkhāpetīti **ācariyoti** katvā, ṇyo. Yathāvuttā aññe upajjhāyā.

**412.** Pajjaddhaṃ upadesaparamparāyaṃ. Pare ca pare ca paramparā, pubbācariyā. Tato ābhatam

**pārampariyaṃ. Itihasaddo** nipātasamudāyo. “Itiha pubbācariyehi vuttamida”nti kathetabbaṃ vacanaṃ **etiham**, ṇyo. **Ṇamhi** etiham. Ācariyaṃ upagantvā dissati uccāriyatīti **upadeso, disī** uccāraṇe, ṇo.

Tikaṃ yaññe. **Yaja** devapūjāsāṅgahakaraṇādānadhammesu, yajanaṃ **yāgo**, ṇo. Saggatthikehi kariyateti **katu**, tu. **Jassa** **ññatte yañño**. Yāgatthaṃ mantādinā **parikkhatā** parisankhatā **bhū** bhūmi vedī nāma, ipaccaye **vedī** ca. Vindati assaṃ lābhasakkāranti **vedi, vida** lābhe, iṇa.

**413.** Assamedhādayo pañca “mahāyāgā”tyuccante. Porāṇakarājakāle kira sassamedhaṃ purisamedhaṃ sammāpāsaṃ vācāpeyyanti cattāri saṅgahavatthūni ahesuṃ, yehi rājāno lokam saṅgaṅhimsu, tattha nipphannaśassato dasamabhāgaggahaṇaṃ **sassamedhaṃ** nāma, sassasampādane medhāvitā sassamedhaṃ nāmātyattho. Mahāyodhānaṃ chamāsikabhattavetanānuppādānaṃ **purisamedhaṃ** nāma, purisassa saṅgaṅhane medhāvitā purisamedhaṃ nāmātyattho. Daliddamanussānaṃ hatthato lekhaṃ gahetvā tīṇi vassāni vinā vaḍḍhiyā saḥassadvisahassamattadhanānuppādānaṃ **sammāpāsaṃ** nāma. Tañhi sammā manusse pāseti hadaye bandhitā viya ṭhapeti, tasmā “sammāpāsa”nti vuccati. “Tāta mātulā”tyādinā pana saṅhavācāya bhaṇanaṃ **vācāpeyyaṃ** nāma, peyye vajjapiyavacanaṭātyattho. Evaṃ catūhi vatthūhi saṅgahitaṃ raṭṭhaṃ iddhañceva hoti phītañca pahūtannaṇānaṃ khemaṃ nirabbudaṃ. Manussā mudā pamodamānā ure putte naccantā apārutaḡharadvārā viharanti, idaṃ gharadvāresu aggaḷānaṃ abhāvato **niraggaḷanti** vuccati, ayaṃ porāṇikapaveṇī, aparabhāge pana okkākarājakāle brāhmaṇā imāni cattāri saṅgahavatthūni, imañca raṭṭhasampattiṃ parivattentā uddhaṃ mūlaṃ katvā “assamedha”ntiādike pañca yaññe nāma akaṃsu, vuttañhetam bhagavatā **brāhmaṇadhammikasutte** –

“Tesaṃ āsi vipallāso, disvāna aṇunā aṇuṃ;  
Te tattha mante ganthetvā, okkākaṃ tadupāgamu”nti [su. ni. 301, 304].

Idāni tehi parivattetvā ṭhapitamatthaṃ dassento “**assamedho**”ccādimāha. Tattha assaṃ ettha medhanti vadhantīti **assamedho**. Purisaṃ ettha medhanti vadhantīti **purisamedho**. Sammā yugacchidde pakkipitabbaḡḡakam pāsenti khipenti ettha **sammāpāso**. Mantapadābhisaṅkhatānaṃ sappimadhūnaṃ “vāja”nti samaññā, tamettha pivayantīti **vājapeyyo**. Sabbassa attano sāpateyyassa anigūhitvā niravasesato dinnattā natthi ettha aggaḷāti **niraggaḷo**, ayaṃ pāliyā āgatakkamato atthavaṇṇanā, idhāgatakkamena pana assamedhapurisamedhaniraggaḷasammāpāsavājapeyyānaṃ atthavaṇṇanā likhitabbā.

**414.** Tikaṃ yājake. Yajanasīlo **idi**, yassi, **jassa do**. Yajatīti **ijo**, a. Atha vā itthiyā utumhi jāte jāyatīti itthītujo. “Nārītvijo”tipi pāṭho. “Utujo yājako tathā”tipi pāṭho, sundaro. Parasamayam amanasi katvā pana ācariyena **itidvijasaddo iditvijasaddo** ca samānatthāti maññamānena “idi tvijo”ti vuttam siyā, **ṇvumhi** yājako [amara 17.17 gāthā passitabbā].

Dvayaṃ yāgasabhāyaṃ, aññasabhāyañcārambhake. Sabhāyaṃ sādhu **sabhyo**, yo. Samājam janasaṅghātam samāvasanti āgantvā ekadesī bhavanti samājā, tehi samaṃ ekībhavatīti **sāmājiko**, niko. Sabhāsado, sabhātāropyatra.

Pañcakaṃ sabhāsamaññe. Pari samantato sentyassaṃ **parisā, si** sevāyaṃ. Saha bhāsantyaṃ **sabhā, halopo**, sabbhi bhātīti vā **sabhā**. Samajjanti saṃgacchanti milantyaṃ **samajjā, aja** gamane. Samayanti milantyaṃ **samiti, i** gatimhi, itthiyanti. Milanamekībhāvo. Samantato sīdantyaṃ **samsado**, itthinapumsakesu. Goṭṭhī, aṭṭhānīpyatra. Gāvovācā tiṭṭhanti bhavantyaṃ **goṭṭhī**. Āgantvā tiṭṭhantyaṃ **aṭṭhānī**, yu, nadādi, rassādi.

**415-416.** Bhikkhuādīkā imā catasso parisā nāma. Bhikkhanasīlatādīhi bhikkhu. “Uddissa ariyā tiṭṭhanti, esā ariyāna yācanā”ti [jā. 1.7.59] hi vuttam. **Bhikkha** yācane, rū. **Yomhi bhikkhū**. **Inīpaccaye** bhikkhunī, **yossa lopo**. Ratanattayamupagantvā āsayantīti **upāsakā**, ṇvu, **āsa** upavesane. **Itte upāsikāyo**. Ettha ca pabbajjāsāmaññato, līṅgasāmaññato ca sāmaṇerā bhikkhūsu,

sāmaṇeriyādayo, ca bhikkhunīsu saṅgahitā, tato, avasesā pana sabbepi devamanussādayo itthipurisavasena dve koṭṭhāse katvā līngasabhāgavasena dvīsu saṅgahitā, brahmāno pana līngābhāvepi purisasaṅgahitā purisesu saṅgahitā, tathā paṇḍakāpi, ubhatobyañjanesu pana purisaubhatobyañjanaṃ purisesu, itthiubhatobyañjanaṃ itthīsu saṅgahitanti veditabbaṃ.

Evam catūhi koṭṭhāsehi parisam dassetvā aṭṭhahipi dassetumāha “**athave**”ccādi. Tassattho – parisā nāma aṭṭha siyuma, kesama vasenā’ṭṭha siyuma? Tāvatiṃsānaṃ **dvijānaṃ** brāhmaṇānaṃ **khattānaṃ** khattiyānaṃ mārasa gahapatissa samaṇānaṃ cātumahārājikānaṃ brahmūnañca vasenāti imā cā’ṭṭhaparisa pākaṭavasena, seṭṭhavasena ca vuttāti na ettha pubbe viya sabbā saṅgahitā, tāvatiṃsādikā hi pākaṭavasena vuttā, samaṇā pana pākaṭavasena, seṭṭhavasena ca vuttā.

**417.** Gāyatti nāma yassa catūsu pādesu paṭipādaṃ chaḷakkharāni santi, sā pamukhamādi yassa utthādīnaṃ pāyēnānupayogattā gāyattipamukhaṃ chandaṃ nāma. Gāyateti **gāyatti**, **ge** sadde, tti, e aya. Vajjaṃ chādayatīti **chandaṃ**, **chada** samvaraṇe, vuttañhi **pajjaviveke buddhaguttēna** bhikkhunā –

“Uttha’ maccutthakaṃ majjhaṃ, patiṭṭhā suppatiṭṭhakaḥ;  
Pāyo payogabāhyatthā, abhabbattā ca neritā”ti.

Yaṃ pana catuvīsakkharavantaṃ, vedānaṃ ādibhūtañca gāyatti viya chandānaṃ nāpi catuppadaṃ, atha kho tipadameva siyā, sā sāvitti nāma, **sāvittisaddo** gāyattipariyāyopyatthi, “sāvitti chandaso mukhaṃ” [ma. ni. 2.400; su. ni. 573], “gāyatti tu ca sāvitti”ti ca vuttattā. Idha pana bhedenā vuttaṃ, yathā “buddhaṃ saraṇaṃ gacchāmi, dhammaṃ saraṇaṃ gacchāmi, saṅghaṃ saraṇaṃ gacchāmi”ti. Savitussa isino ayaṃ vācā **sāvitti**, iṇa.

**418.** Habyaṃ devatāthamannaṃ, tassa pāke tadādhāre thālyādimhi **caru**, tattha ṭhitattā upacārena habyaṃpi caru, **caratismā** u, caru pume. “Habyapāke caru pumā”ti [amara 17.22] hyamarakose. **Homadabbiyaṃ** homakammaṃ habyaṇnādīnamuddharaṇattham katāyaṃ kaṭacchuyaṃ **sujā**, itthī, habyaṇnādīnaṃ sukhaggahaṇattham jāyatīti **sujā**.

Dvayaṃ khīraṇe, devannattā paramaṃ annaṃ. Pātabbassa, asitabbassa cāti dvinnampi bhāvānaṃ sambhavato pāyāso, ākārāntānamāyo. Pāyasopyatra. Dvayaṃ devanne. **Hu** dāne, ṇyo. Imhi **havi**, napuṃsake.

**419.** Thūṇāyaṃ yaññathambhe yūpo. Beluvo vā khādiro vā. Ālambapasubandhaneyaṭṭhi, samattayaññe vā yaṃ yaṭṭhimāropayati, sa **yūpo** [yūpa... yaññīyapasubandhanakaṭṭhabhede... yāgasamatticihnathe thambhe ca (vācappati)], **yu** missane, po, dīghādi. **Thu** abhithhave, ṇo, dīghādi. Yaṃ kaṭṭhaṃ kaṭṭhantarenā’ gginipphādanattham ghaṃsate, tasmīṃ nimmanthyadārumhi araṇī, **ara** gamane, aṇī, imhi **araṇī**.

Gāhapaccādayo tayo aggayo. Gahapatinā samyutto **gāhapacco**, aggi, ṇyo. Tamyoniyamrevāhavanīyo hutabbaggiāhavanamarahatīti **āhavanīyo**. Dakkhīṇaggi pana tamyonī aññayonipi. Dakkhīṇaṃ deyyadhammaṃ agganti vissajjantyasminti **dakkhīṇaggi**, **agga** dāne, dānaṃ aggīyati dīyatyasminti dānaggaṃ, “parivesanaṭṭhāna”nti [a. ni. ṭī. 3.9.20] hi **aṅguttaranikāyaṭṭhikā**. Ettha ca gāhapaccaggādīnaṃ tiṇṇaṃ vipaṭṭipajjantānaṃ vināsaṇatubhāvato aggitādaṭṭhabbā. **Sattakanipātaṅguttaranikāyaṭṭhakathāyaṃ** pana –

Āhunaṃ vuccati sakkāro, āhunaṃ arahantīti āhuneyyā, mātāpitaro, mātāpitaro hi puttānaṃ bahūpakāratāya āhunaṃ arahanti, tesu vipaṭṭipajjamānā puttā nirayādīsu pavattanti, tasmā kiñcāpi mātāpitaro nānudahanti, anudhamānassa pana paccayo hotīti anudhanaṭṭheneva “āhuneyyaggī”ti vuccati. Yo mātugāmassa sayanavattālaṅkāradīanuppādānena bahūpakāro, taṃ aticaranto mātugāmo nirayādīsu nibbattati, tasmā sopi purimanayeneva anudhanaṭṭhena “gahapataggī”ti vutto. “Dakkhīṇeyyaggī”ti ettha pana “dakkhīṇā”ti cattāro paccayā, bhikkhusaṅgho dakkhīṇeyyo, so gihīnaṃ tīsu saraṇesu, pañcasu sīlesu, dasasu sīlesu, mātāpituṭṭhāne,

dhammikasamaṇabrāhmaṇūpaṭṭhāneti evamādīsu kalyāṇadhammesu niyojanena bahūpakāro, tasmim micchāpaṭipanno gihī bhikkhusaṅghaṃ akkositvā nirayādīsu nibbattati, tasmā sopi purimanayeneva anudhanaṭṭhena

“Dakkhiṇeyyaggi”ti vutto. Kaṭṭhato nibbatto pākatikova aggi kaṭṭhaggi nāmāti [a. ni. aṭṭha. 3.7.46] vutto.

**420.** Siloko dāne. **Hā** cāge, ṇo, dvittacattagattāni, **caja** hānimhi vā. **Saja** visagge, visaggo dānaṃ, **upubbo saja** visajje, ṇo, pubbe **vāgamo**, **vosaggo**. **Disa** atisajjane, atisajjanaṃ dānaṃ, pabodhanañca, iha dānaṃ **padesanaṃ**. **Saṇa** dāne, yu. **Tara** plavanatarāṇesu, maccherasotātikkanamettha tarāṇaṃ. **Hā** cāge, curādi, to, **yālopo**, **bhūvādīmhi** pana “ākāraṇānaṃāyo”ti āyo, **vihāyitaṃ**. **Vajja** vajjane, sabbatra bhāvasādhanāṃ. Upasaggavisesenete dānatthābhidhāyino. Phassanaṃ, patipādanampyatra.

**421.** Setṭhadhanassa, puttānaṃ, dārānaṃ, rajjassa, aṅgānañca vasena pañcamahāpariccāgo vutto. Tatra **setṭhadhanaṃ** setahatthādiratanaṃ. **Puttā** orasā, atha vā puttadhītarō. **Dāro** patibbatā piyabhariyā. **Rajjaṃ** pakatirajjaṃ, tadutṭhito vā āyo. **Aṅgaṃ** cakkhādi. Mahantehi uttamapuriseheva kato, mahantānaṃ vā pariccāgo **mahāpariccāgo**, mahatthaṃ vā buddhabhāvatthaṃ kato pariccāgo **mahāpariccāgo**, kāpurisehi dukkarattā mahanto vā setṭho pariccāgo **mahāpariccāgo**.

**422.** Dānapāramīdikānaṃ tissannaṃ pāramīnaṃ vasena asādhāraṇadānavatthūṃ dassetvā sādharmaṇadānavatthūṃ dassetumāha “**annaṃ pāna**”miccādi. Tatra **annaṃ** pānavajjitaṃ yaṃ kiñci khādanīyādikaṃ. **Pānaṃ** pātabbaṃ udakādi. **Yānaṃ** hatthyādi antamaso upāhanaṃ upādāya gamanasādhanāṃ. **Mālā** mālyaṃ, pupphañca. **Vilepanaṃ** chavirāgakaṇaṃ, vibhūto sugandho vā. **Gandho** tadaññagandho. **Seyyā** mañcādi, **seyyāggahaṇena** cettha āsanampi gahitaṃ. **Padīpeyyaṃ** padīpassa hitaṃ yaṃ kiñci telādi, ime dasa dānavatthū nāma siyuṃ. Diyante yāyāti **dānaṃ**. Tassa vatthu kāraṇaṃ, taduppattiyā uppajjanatoti **dānavatthu**, dātabbaṃ vā dānaṃ, annādi, tadeva vatthu. Etāni pana dasa dānavatthūni suttantanayena kathitāni. Vinayābhidhammanayavasenāpi pana kathetabbāni, rūpādichaḷārammaṇadānavasena hi abhidhamme cha dānavatthūni āgatāni, vinaye cīvarapiṇḍapātabhesajjasenāsanavasena cattāri āgatāni. Tatthevamācariyā vadanti “suttantanayadānato vinayadānameva mahapphalaṃ, kasmā? Annādidānamattavaseneva yassa kassaci dussīlādikassa dātabbanti anujānitvā piṇḍapātādikappiyavohāravasena sīlavantādikasessa ca dātabbanti anuññātattā. Sāmaññadānato hi visesadānameva mahapphalaṃ, tatopi abhidhammanayadānameva mahapphalaṃ, kasmā? Rūpādīsu paramatthavaseneva abhinivisitvā dānavasena tatopi atisayadānattā”ti. Mayaṃ pana suttantanayadānaṃ vā hotu vinayābhidhammanayadānaṃ vā, yaṃ khettāditividhasampadāyuttaṃ, tameva mahapphalaṃ karotīti vadāma.

**423.** **Tadahe** matadivase matatthaṃ yaṃ piṇḍapātājalāñjalyādīdānaṃ, **etaṃ** dānaṃ dehā uddhe bhavaṃ **uddhadehikaṃ** nāma. Pitaraṃ uddissa jalāñjalīsuvaṇṇādīdānaṃ **nivāpo**, **vapa** bījasantāne, ṇo. Kālapattādīniyamena **rājamattaṇḍavisottarā**disatthato vihitāṃ, **taṃva** tameva pitudānaṃ samaṇabrāhmaṇabhojanādi **saddhaṃ** nāma, saddhā assa dānassatthīti, ṇo. **Satthatoti** hetumhi avadhyatthavatticchāya pañcamī.

**424.** Catukkaṃ gehāgate. **Ata** sātaccagamane, ithi, **atithi**, “atithi dvīsū”ti **tikaṇḍasese** [tikaṇḍasesa 2.7.9]. Itthiyaṃ **atithi** ca. Āgacchatīti **āgantu**, tu. Āhunaṃ vuccati gehāgatānaṃ dātabbabbhattādi, taṃ paṭiggaṇhituṃ arahatīti **pāhuno**. **Visa** pavesane, āvesanaṃ āveso, tamarahatīti **āvesiko**. Atyāgatopyatra. Gantumicchati **gamiko**, iko. Dvayaṃ pūjītapupphadabbakkhatādīmhi. **Aggha** pūjāyaṃ, a. Nyamhi **agghiyaṃ**, agghayampi. Agghato vā tadatthiye iyo.

**425.** Pādatthe [pādaddhe (ka.)] udakādīmhi **pajjaṃ**. Padassa hitaṃ **pajjaṃ**. **Āgantvā**dayo **pajjapariyantā** satta saddā tīsu liṅgesu.

Chakkaṃ pūjāyaṃ. **Ci** caye,ti. **Acca** pūjāyaṃ, yu. **Pūja** pūjāyaṃ, itthiyamati a. **Hara** haraṇe,

**upapubbo hara** pūjāyaṃ, ṇo, **upahāro**, pume. **Bala** pāṇanapūjāsaṃvaraṇesu, i, **bali** dvīsu. **Māna** pūjāyaṃ, yu. Namassāpyatra, **namassa** pūjāyaṃ, itthiyaṃ a.

**426.** Catukkaṃ vandanāyaṃ. **Namassa** vandane, pubbeva, **namu** namane vā, **ssapaccayo**. **Namo** karaṇaṃ **namakkāro**, ṇo. **Namoto** chaṭṭhīlopo, “lopañca tatrākāro”ti okāralope akārāgamo, atha vā namanāṃ namo, tassa karaṇaṃ **namakkāro**, **rahosaddo** viya hi **namosaddotra** dvidhā vattati. Eko akāranto salīngo, eko alīngo okārantoti. **Vanda** abhivādanathutīsu, yu, **vandanā**, **nalope**, dīghe ca **abhivādanāṃ**.

Tikaṃ patthanāmatte. **Attha** yācanāyaṃ, yu, **patthanā**. Atthanāpi. **Ṭhā** gatinivattimhi. **Panidvayapubbo** patthanāyaṃ, yu, **ṇattaṃ**, **dhattaṃ**. Imhi **paṇidhi**. Ayaṃ **purise** pullīnge. Yācanāpyatra.

**427.** Sakkārapubbaṅgamaṃ katvā garuādīnaṃ ārādhaniyānaṃ kvaci atthe niyojanaṃ patthanāviseso **ajjhesanā**, **isa** gavesane, **isa** gatihiṃsāvādānesuvā, yu, **ajjhesanā**, yathā “desetu bhagavā dhammaṃ, desetu sugato dhamma”nti [mahāva. 8].

**428.** Catukkaṃ anussaraṇe. **Esa** gavesane, **yāgame pariyesanā**. Timhi **pariyetṭhi**. **Gavesa** maggane.

Tikaṃ ārādhaniyassa cittānukūle. **Āsa** upavesane, yu, **upāsanāṃ**. **Su** savane. Sotumicchā **sussūsā**, “bhujaghasahasrapādīhi tumicchathesū”ti sapaccayo, dvittādi, **sussūsā**, **sā** itthī. **Caratito** bhāve ṇyo, **pāricariyā**.

**429.** Tikaṃ tuṇhībhāve. Munino kammaṃ **monaṃ**, ṇo. **Tuha** adane, **ṇhapaccayo**, halopo ca, tuṇho monametassatthīti tuṇhī, tassa bhāvo **tuṇhībhāvo**, atuṇhassa vā tuṇhībhavanaṃ **tuṇhībhāvo**, atha vā tohatīti tuṇhī, **tuha** adane, adanaṃ hiṃsā, **ṇipaccayo**, vaṇṇavipariyayo, tuṇhino bhāvo **tuṇhībhāvo**.

Pañcakaṃ anukkame. Patirūpena patanaṃ **paṭipāṭi**, **pata** gamane, ubhayatrāpi **tassa ṭo**, i. **Sā** itthī. Anurūpo kamo, kamo eva vā **anukkamo**. Pari anatikkamena ayanāṃ pavattanaṃ **pariyāyo**. Pubbassānurūpā **anupubbī**, nadādi. Ayaṃ apume. Anupubbampi. **Kamu** icchākantīsu, ṇo.

**430.** Tikaṃ sīle. **Tapa** santāpe. Kilese tāpetīti **tapo**, a. **Yamu** uparame, uparamo viramaṇaṃ, bhāve ṇo. **Si** bandhane, sinoti cittametenāti **sīlaṃ**, lo, **sīla** samādhāne vā, samādhānaṃ kusalānaṃ dhammānaṃ adhiṭṭhānabhāvo. **Sīla** samādhimhi vā, samādhiratra kusalānaṃ dhammānaṃ abhyupagamo, aññatra sīle tupacārā, atha vā attānaṃ, parañca nirayādīsu tāpetīti **tapo**. Kusaladhammato saṃyamaṇaṃ viramaṇaṃ **saṃyamo**, samādhānañcātrākusaladhammavasenevāti ayaṃ aññatra sīle nibbanaṃ.

Satthavihito niyamo vataṃ. “Mantanāyaṃ paṭiññāyaṃ, niyamo nicchaye vate”ti **rabhaso**. Tañca vataṃ upavāsādīlakkhaṇaṃ puññamuccate. “Sīlaṃ cārittaṃ vārittamupavāsādīpuññaka”ntyamaramālā. **Ādinā** akkhāralavaṇāsanādi [akhādanābhojanādi (ka.)]. Ettha ca **tapādayo** mukhyavasena kusalasīle vattanti, rūḷhīvasena akusalasīlepi. **Niyamādayo** mukhyavasena akusalasīle vattanti, rūḷhīvasena kusalasīleti ayaṃ sīlabbatānaṃ viseso. **Yamu** uparame. **Vatu** vattane, vattanañcātra caraṇaṃ, samādhānaṃ vā. **Vā** pullīngepi.

Dvayaṃ mariyādātikkame. **Kamu** padavikkhepe, virūpo atikka mo **vītikkamo**. Mariyādātikkamo ācāro **ajjhācāro**. Kāyavivekādayo tayo ettha **viveko**. **Vica** vivecane, puthabhāve ca, bhāve ṇo, dvittādi. Puthu visumbhūto gaṇādīhi attā sarīraṃ mano sabhāvo ca etesanti puthugattā, tesāṃ bhāvo **puthugattatā** [puthagattatā (ka.)] kāyavivekādayo, majjhe **gāgamo**. “Evaṃsarūpoyaṃ puriso, evaṃsarūpā vā amhepi nesaṃ pakati”riti pakatipurisānaṃ vibhāgena ñāṇaviveko. Attā buddhi, so puthubhāvena yassa, tabbhāvo puthugattatātyaññe. Aññato vilakkhaṇassa bhāvo puthugattatātyaññe.

**431.** Khuddānukhuddakam cūlavattam, mahāvattañca, vattapaṭipatti vā “ābhisamācārika” mityuccate, abhisamācāre uttamasamācāre bhavam **ābhisamācārikanti** katvā, **tadaññam** khuddānukhuddakato aññam pātimokkhasamvarasīlādikam sīlam brahmacariyassāriyamagassa ādimhi tadatthāya caritabbatā **ādibrahmacariyam**ityuccate.

**432. Pāpehi** akusaladhammehi upāvatto [upāvuto (ka.)] anāvuto vigato sabbannapānabhogādīhi vivajjitova hutvā guṇehi sīlādīhi saddhim yo **vāso** vasanam thambhanamatthi, so “upavāso”ti vijānitabbo. **Vasu** thambhe, divādi, upavasanam **upavāso**, ṇo, vigato, upeto ca vāsoti vā **upavāso**.

**433.** Pajjaddham bhikkhumhi. Tapo kammamassatthīti **tapassī**, **tapādito** sī, dvittam. Bhayadassanasīlo **bhikkhu**, rū, rasso. Sametīti **samaṇo**, yu. Pabbajā sañjātā yassāti **pabbajito**, sañjātathe ito, seṭṭhattam vajatīti vā **pabbajito**, **vaja** gamane, to. Tapokammam dhanam yassāti **tapodhano**.

Dvayam monabbate. Vācato yamatīti **vācamyamo**, niggahītāgamo, rasso ca. Monamassatthīti **muni**, rasso, ossu. Dvayam ābhusopavāsanabrahmacariyādiyutte. Tapoyogā **tāpaso**, saṇa. **Isa** gavesane, i, **isi**, **isa** gatiyam vā, ñāṇassa, saṃsārassa vā pāram gamanato **isi**, i. Pārikaṅkhīpyatra, pāramassatthīti pāri, brahmaññam, tam kaṅkhatīti **pārikaṅkhī**.

**434.** Dvayam jitindriyagaṇe. Yesam saṃyatā indriyānam gaṇā, te yatino, vasino ca nāma. Yataṃ indriyasamyamo nīccametesamatthīti **yatino**, ī. Yatayopi, **yata** payatane, i. **Vasa** pāguṇye, vaso yesamatthīti **vasino**, ī.

Tikam dhammasenāpatimhi. Sārī nāma brāhmaṇī, tassā putto **sāriputto**. Tussantasmim atthasiddhitoti tisso, so, tussi ca. Pūjito tisso **upatisso**, atha vā “tisso”ti vā “phusso”ti vā “upatisso”ti vā daharakāle mātāpitūhi yadicchāya gahitam nāmam, “sāriputto”ti mātuvasena, “dhammasenāpatī”ti pana ariyabhāvappatte sammāsambuddhena gahitam nāmam. Kusaladhammāvudhehi kāmādikā akusaladhammasenā jitā yesam dhammasenā, anekakoṭṭisatasahasasankhyā bhagavato sāvakaśaṅghā, tesam pati nāyakaṭṭhena **dhammasenāpati**.

**435.** Dvayam bhagavato vāmapassatthe mahāmogallāne. Kule jāyatīti koliko, so eva **kolito**. Moggallibrāhmaṇiyā apaccam **moggallāno**, ṇāno. Dvayam ariyasāmaññe. Kilesārayo hanatīti araho, so eva **ariyo**, **ara** gamane vā, arati adhigacchati maggaphaladhammeti **ariyo**, ṇyo. Adhigacchitthāti **adhigato**, to.

Asekkhassa gahitattā “sotāpannādikā”ti etthādīnā chaḷeva puggalā saṅgahitā, tena sotāpattimaggaṭṭhādayo satta sekkhā, eko arahā asekkhāti siddham. Tīhi sikkhāhi yuttatāya **sekkhā**, **kakāralopena** “sekhā, asekhā”tipyatthi. Dvayam anadhigate. Ariyehi puthu viṣumbhūto jano **puthujjano**, puthu vā nānākilese janetīti **puthujjano**.

**436.** Dvayam aggaphale. Paṭhamamaggādīhi diṭṭhamariyādamanatikkamitvā jānitthāti **aññā**, rasso, rūparāgādīnam vā pañcuddhambhāgiyānam saṃyojanānam odhivasena māraṇato **aññā**, mariyādattho cettha **ākāro**, **ñā** māraṇatosananisānesu, itthiyamati a. Arahato bhāvo **arahattam**, bhāve tto, bhāvotra abhidhānabuddhīnam pavattiyā nimittam, tañca duvidham byuppattipavattinimittavasena. Tatra visesehi kriyāpakatipaccayādīhi uppajjatīti **byuppatti**, **goādisaddasarūpaṃ**, tassā nimittam **byuppattinimittam**, kriyāpakatipaccayādayo, vividham vā **goādisaddasarūpaṃ** uppādetīti **byuppatti**, sā eva nimittam, yathāvuttā kriyādayoyeva. Pavattayati tattha tattha atthe payojayatīti **pavatti**, **goādikō** saddo, tassa nimittam **pavattinimittam**, jātikriyāguṇadabbanāmāni. Tatra byuppattinimittam saddasarūpuppattiyā kāraṇam, pavattinimittam pana saddappayojanassa kāraṇanti ayametesam saṅkhepato lakkhaṇaviseso.

Dvayam cetīye. **Thu** abhitthave, po, dīghādi. **Cita** pūjāyam, cetitabbam pūjetabbanti, ṇyo, **cetiyaṃ**. Ettha ca **thūpasaddo** samukhepi, **cetiyaṃ**saddo pana mukharahiteyeva vattati. “Cetiyaṃāyatane buddha-bimbe coddissapādape”ti [cintāmaṇiṭṭikā 12.7 byākhyāsudhā 2.2.7]

**ruddo.**

Dvayaṃ ānande. Dhammo pariyatti, sova bhaṇḍaṃ dhaṇaṃ sukhadāyakaṭo, tassa agāraṃ ṭhapaṇaṭṭhānaṃ geḥaṃ, tabbhāve tiṭṭhatīti **dhammabhaṇḍāgāriko**, iko. **Nanda** samiddhiyaṃ. Ime dve saddā **samā** samānatthā.

**437.** Dvayaṃ visākhāyaṃ seṭṭhidhītari. Vividhā bahukā puttanaṭṭapaṇaṭṭādikā sākhā yassā sā **visākhā**. Migārassa seṭṭhino mātuṭṭhāniyattā **migāramātā**.

Dvayaṃ anāthapiṇḍikaseṭṭhimhi. Sundaro attā yassa **sudatto**, sundaraṃ dattaṃ dānamassa vā **sudatto**, idamassa daharakāle pavattaṃ nāmaṃ. Anāthānaṃ piṇḍaṃ dadātīti **anāthapiṇḍiko**, idamassa kriyānāmaṃ.

**438-439.** Bhikkhuādayo ete pañca sahadhammikā. Saha ekato dhammaṃ carantīti **sahadhammikā**.

Pattādayo aṭṭha parikkhārā ukkaṭṭhavasena vuttā, majjhimavasena pana kattaradaṇḍopi telanālipīti dasa parikkhārā vattabbā, omakavasena chattampi upāhanāpīti dvādasa parikkhārā ca vattabbā.

**440.** Dvayaṃ sāmaṇere. Samaṇassāpaccamaṃ **sāmaṇero**. Samaṇaliṅgācārattā “samaṇoya”nti uddisitabboti **samaṇuddeso**. **Disī** uccāraṇe.

Tikaṃ acelake. Disā eva ambaraṃ vatthaṃ, na pakativatthametassa **digambaro**, sassa **go**. Natthi celamaṃ vatthametassa, samāsante ko. Catūhi ganthehi bandhanīyattā **nigantho**, nisaddo bandhane. Dvayaṃ jaṭāvati. Jaṭaṃ yassatthi **jaṭilo**, ilo. Jaṭaṃ dhāretīti **jaṭadhāro**.

**441.** Kuṭṭisakādikā catuttimsa laddhiyo parasamayānamāgamato gahetabbā, tathā dvāsaṭṭhi diṭṭhiyo brahmacariyasuttantato. **Itīti** parisamāpanattho. **Eteti** nidassanattho. Ete channavutiladdhiyo taṇhāpāsamaṃ, diṭṭhipāsāṇca ḍenti pavattentīti **pāsaṇḍātīti sampakāsītā** kathitā. “Iti channavuti etā”tipi pāṭho.

**442.** Tikaṃ sucimhi. **Pu** pavane, to. Dvittādi. **Yata** payatane, to. Dīghādi. Dvayaṃ cammani. Caritaṃ tanti **cammaṃ**, caratimhā mana, **camu** adane vā, mana. **Aja** gamane, yu, ino vā.

Dvayaṃ dantakaṭṭhe. Dante punāti sodheti yenāti **dantapono**, yu. Dantaponoṇopi. Dantasodhanatthaṃ kaṭṭhaṃ **dantakaṭṭhaṃ**. Dvayaṃ rukkhatace. **Vakka** tace, alo. **Tara** taraṇe, ito, sakatthe ko.

**443.** Dvayaṃ bhājanasāmañṇe. Patati yattha so **patto**, **pata** gatiyaṃ, to. **Pā** rakkhaṇe,ti.

Dvayaṃ kuṇḍikāyaṃ. Kassa jalassa maṇḍo pasannabhāvo kamaṇḍo, taṃ lātīti **kamaṇḍalu**, u. **Kuḍi** rakkhaṇe, sakatthe ko. Kattarassa jiṇṇassa ālambanayaṭṭhi.

**444.** **Yaṃ** “pāṇātipātā veramaṇī”tiādi brahmacariyakammaṃ **niccaṃ** yāvajīvamavassambhāvena, taṃ **dehasādhanāpekkhaṃ** sarīreneva sādhanamapekkhate, na bāhirena sādhanamaṃ, ayaṃ yamo nāma, **yamu** uparame.

“Sarīrasādhanāpekkha-niccakammamaye yame;  
Saṃyame yamarāje ca, yamake tu yamaṃ tisū”ti [amara 17.38].

**Ruddo.**

Yaṃ panāgantunā sukkaṭṭhādivasena aniccaṃ niyamitakālamupavāsādikaṃ kammaṃ, ayaṃ

niyamo, kālādivasena niyamitabboti **niyamo, yamu** uparame. “Mantanāyaṃ paṭiññāyaṃ, niyamo nicchaye vate”ti **ruddo**.

Brāhmaṇavaggavaṇṇanā niṭṭhitā.

**445.** Dvayaṃ vesse. **Visa** pavesane, so. **Iyānapaccaye vesiyāno**. Ūrujo, ariyopyatra.

Pañcakaṃ kasiādijīvikāyaṃ. **Jīva** pāṇadhāraṇe, yu. Sabbatra bhāve paccayo, karaṇetyeke. **Vata** vattane,ti, assu, ṇvumhi **jīvikā**. Vuttīnaṃ sarūpappakāre dasseti. Dvayaṃ kasikamme. Kasanaṃ kasi, sā eva kammaṃ **kasikammaṃ**. **Kasa** vilekhane, i, **kasi**.

**446.** Dvayaṃ vāñijje. Vañjānaṃ kammaṃ **vāñijjaṃ, vañijjā** ca. Dvayaṃ pasuposane. Gunnaṃ rakkhā **gorakkhā**. Pasūnaṃ gomahiṃsādikānaṃ pālanaṃ posanaṃ cikicchādi pasupālanaṃ vuttaṃ sarūpaṃ, vuttappakārā ca iti vessassa **vuttiyo** vuttikāraṇā tisso bhavanti kasikammādiṃpakārena.

Tikaṃ gihimhi. Gahe gehe, pañcakāmaguṇe vā bhavavasena tiṭṭhatīti **gahaṭṭho**. Agāre gehe vasatīti **agāriko**, gahametassatthīti **gihi**, assi, rasso ca.

**447.** Dvayaṃ kasibale. Khettenājīvati. Kasatīti **kassako**, ṇvu. Dvayaṃ khette. Bījāni khipantyaṃsminti **khettaṃ, khipa** peraṇe, to, khittaṃ tāyatītipi **khettaṃ, khi** nivāsagatīsu vā, ta, traṇa, **khettaṃ, khetraṃ**. **Kleda, klida** allabhāve, **lalopo**, kledīyatīti **kedāraṃ**, ke jale sati dāro vidāraṇamassatī vā **kedāraṃ**, saññāsaddattā sattamiyā na lopo, vāpopyatra, vappate yaṃsminti **vāpo**, ṇo.

Dvayaṃ mattikākhaṇḍe. **Leḍḍa** saṅghāte, u, **leḍḍu**. Pume **utto** kathito. “Leḍḍavo pume”tya [\[amara 19.12\]](#) **marakose**. Dvayaṃ khaṇṭṭiyaṃ. Khaṇṭṭate yāya, sā **khaṇṭṭi, khaṇu** avadāraṇe,ti, **ṇattaṃ**, ussi. Avadārīyate yena **avadāraṇaṃ, dara** vidāraṇe, yu.

**448.** Tikaṃ dātte. Danti lunantyanenāti **dāttaṃ, dā** lavane, to. Dātrampi. **Lū** chedane, **lavittaṃ, asu** khepane. **Asitaṃ**, sabbatra karaṇe paccayo.

Tikaṃ pājanadaṇḍe. **Tuda** byathane, ṇo, **patodo**. Tapaccaye **tuttaṃ**. **Aja** khepane, gatimhi ca, karaṇe yu, **pājanaṃ**. Vaṇṇavikāre **pācanaṃ**. Todanaṃpyatra.

Tikaṃ rajjuyāṃ. **Yuja** yoge, to, **yottaṃ**. **Rudha** āvaraṇe, ju, ussattaṃ, pararūpattañca, **rajju** thiyāṃ. **Rasa** assādane, mi, ābandhopyatra.

Dvayaṃ phāle. Phālayati pāṭayati bhūmi yena **phālo**, ṇo. **Kasa** vilekhane, ṇvu, **kasako**. “Phālakasakā”ti [\[byākhyāsudhā 2.9.13\]](#) **ruddo**. Nirīsaṃ, kūṭakaṃ, halampi. Īsāya niggataṃ **nirīsaṃ**. **Kuṭa** chedane, sakatthe ko, **kūṭakaṃ**, dīghādi. **Hala** vilekhane.

**449.** Tikaṃ naṅgale. Bhūmīnaṅga’manaṅgaṃ karonto lunātīti **naṅgalaṃ**. **Sī** bandhane, ro, **sīro**. “Sīro tikkhakare hale”ti **nānatthasaṅgahe**. Godāraṇaṃpyatra. Naṅgalassa daṇḍake **īsā, īsa** issariye, **īsā** nārī. “Pabhumhi saṅkare īso, thiyāṃ naṅgaladaṇḍake”ti [\[cintāmaṇiṭṭikā 19.13-4 byākhyāsudhā 2.9.14\]](#) **rabhaso**.

Yugakīlake **sammāsaddo**, samanti yāya **sammā, samu** samane. **Halapaddhati** naṅgalalekhā sītā nāma. “Sītā naṅgalalekhā ca, divagaṅgā ca jānakī”ti [\[tikaṇḍasesa 3.3.191\]](#) **tikaṇḍasese**. **Sī** saye, to, **sītā** nārī.

**450-451.** Muggādike dhaññavisese **aparannasaddo**, pubbannato aparabhāge pavattaṃ annaṃ **aparannaṃ, aparannaṃ**. Sāliādike **pubbannasaddo**, aparannassa pubbe pavattaṃ annaṃ **pubbannaṃ, pubbannaṃ**. Pubbāparattañca nesaṃ ādikappe sambhavāsambhavavasena

datṭhabbam.

Sālyādayo satta dhaññāni. Dhānaṃ posanaṃ, tatra sādḥūni **dhaññāni**, yo, rasso. Kalamā rattasāli mahāsālisatṭhikappabhutayo sūkadhāññavisesā **sālayo** nāma. Satṭhidināni paripākamassa **satṭhiko**. **Sāla** silāghāyaṃ, i, **sāli**. Vahati, brūheti vā sattānaṃ jīvitanti **vīhi**, **vaha** pāpuṇe, **brūha** vuḍḍhiyañca, i, assī, pakkhe **ralopo**, **vīhi**. Koramaṃ rudhiraṃ dūsattīti **kudrūso**, govaḍḍhano, a. Vaṇṇavipariyayo, ossu ca. **Gudha** parivedhane, umo. **Godhumo**. “Godhūmasumano milakkha, bhojanaṃ pāvaṭo yavo”ti **rabhaso**. **Vara** varaṇasambhattīsu, ṇvu, **varako**. **Yu** missane, a, **yavo**. Kaṅgu atisukhumasasse dhaññavisesa, sobhanasīsattā kamaṇīyabhāvaṃ gacchatīti **kaṅgu**, u. “Sāmā piyaṅgu kaṅgu dve”ti **ruddo**. **Tabbhedā** tesamaṃ dhaññānaṃ bhedaṃ visesā nīvārādayo vuccante. Nīvārāni tiṇadhāññāni, **ādinā** sāmākādayo.

Dvayaṃ kaḷāye. **Caṇa** dāne, ṇvu, **caṇako**, harimanthakepi. Kaṃ vātaṃ lātīti **kaḷāyo**, **ḷattaṃ**, kaḷāyampi. Dvayaṃ sāsapasāmaññe. “Sāsapo tu sarisapo, kaṭusneho ca tantubho”ti **tikaṇḍaseso** [2.8.3]. “Pume suddhodanasute, siddhattho setasāsape”ti **rabhaso**. Siddhā atthā asminti **siddhattho**. **Sāsa** anusitṭhiyaṃ, apo. Sāsapassāpi vīhibhedattā idha gahaṇaṃ.

**452.** Dvayaṃ kaṅguyaṃ. Piyabhāvaṃ aṅgatīti **piyaṅgu**. Dvayaṃ atasiyaṃ. **Ava** rakkhaṇe, mo, avassu, dvittamaṃ, **ummā**. **Ata** sātaccagamane, aso, nadādi. Khumāpyatra.

Catukkaṃ sasse. **Kiṭa** gatiyaṃ, ṭho, kasito sambhūtaṃ vā **kiṭṭhaṃ**, kiṭṭhatṭhāne uppannasassañhi “kiṭṭha”nti vuccati ṭhānūpacārena, ṭho, **silopo**, assi. **Sasa** gatihiṃsāpāpuṇanesu, so. Thambo gumbo, taṃ karotīti **thambakari**, i. Dhaññāmpyatra. “Dhaññaṃ vīhīsu dhaññaṃ, dhaññaṃ puññavatīrito. Dhaññaṃ vātāmalakīsū”ti hi **nānatthasaṅgahe**.

**453.** Dvayaṃ sassādīnaṃ kaṇḍamatte. **Kaṇa** sadde, ḍo. **Nala** ganthe, ṇo, **nālaṃ**. Nāḷipi. So eva sassādikaṇḍo nipphalo ce, **palālamuccate**. **Pala** lavanapavanesu, alo, palālopi.

Dvayaṃ asāre tucchadhaññaṃ. **Bhasa** bhasmīkaraṇe, assu, **bhasaṃ** atisayepi. Thusampi. **Tusa** ussagge. Kena vātena iṅgatīti **kaliṅgaro**, lāgamo, aro ca. Dhaññānameva **tace** vakkale **thuso**, **tusa** tuṭṭhimhi, **tassa tho**, **thuso** pume. “Dhaññattace pumā thuso” [amara 19.22] tyamarakose.

**454.** Dvayaṃ sassaroge. Setavaṇṇakaraṇavasena aṭati hiṃsatīti setaṭṭikā, sā eva **setaṭṭhikā**. Dvayaṃ taṇḍulakaṇe. **Kaṇa** nimīlane, **kaṇa** nimīlanasaddagatīsu vā, a, **kaṇo**. **Kuṇḍa** dāhe, sakatthe ko. Dvayaṃ dhaññamaddanabhūmiyaṃ. **Khala** soceyye, dhaññāni karonti maddanti asmim **dhaññakaraṇaṃ**. Tiṇādīnaṃ, sassānañca thambo gumbo nāma, **thamba** vekalye, **thamba** paṭibandhe vā. **Guha** saṃvaraṇe, bo, **hassa mo**.

**455.** Dvayaṃ musale. Ayo aggekoṭiyaṃ yassāti **ayoggaṃ**. **Musa** khaṇḍane, alo. Dvayaṃ suppe. Kucchiṭaṃ lunātyapanetīti **kullo**. **Supa** māne, a, saratyaneneti vā **suppaṃ**, po, assu. Papphoṭanaṃpyatra.

Dvayaṃ uddhane. Upari dhīyate thālyādikamasminti **uddhanaṃ**, uddhānampi, yu. **Culla** hāvakaraṇe, i, īmhi **cullī**. Adhisayanī, antikāpyatra. **Ati adi** bandhane, antyate bhikkhādikamassanti **antikā**, ṇvu. “Santike sannidhāne ca, uddhane cāpi antikā”tyajayo.

Kāsādiracito kaṭo yena marāvo bandhīyate. Marāvo ca vīhyagāraṃ, “kusūlo vīhyagārañca, kantaro ca marāvako”ti **rabhaso**. Keci marāvameva kaṭamāhu, taṃ na, “kusūlo ca marāvo ca, kilañjo ca kaṭo bhava”ti **amaramālāyaṃ pādanāmapakaraṇe** bhedenā pāthā. **Kila** bandhane, kilanaṃ kilo, tadatthaṃ jāyatīti **kilañjo**, niggaḥītāgamo. **Kaṭa** gatiyaṃ, a.

**456.** Aṭṭhakaṃ thāliyaṃ. Kāmīyatīti **kumbhī**, **kamu** icchāyaṃ, bho, assu, ī ca, kuyā pathaviyā bhavatīti vā **kumbhī**, kena agginā bhaṇatīti vā **kumbhī**, **bhaṇa** sadde, **ṇalopo**, kena jalena umbhīyati pūrīyatīti vā **kumbhī**, **ubha ubbha umbha** pūraṇe, sabbatra nadādi. **Piṭha** hiṃsāsaṃkilesesu, aro.

**Kuṇḍa** dāhe. **Khala** soceyye, **ḷattam**. **Ukha** gamane, alo, nadādi, rasso. **Apaccaye ukhā**. **Thala** ṭhāne, i, **thāli**, imhi **thāli**. Kena agginā lapatīti **kolambo**, assottam, niggahītāgamo, **battañca**, ke aggimhi olambatīti vā **kolambo**. **Labi** avasaṃsane.

Tikaṃ maṇike. **Mana** ñāṇe, i, **ṇattam**, maṇiyeva **maṇikaṃ**. **Bhaṇa** sadde, ṇvu, araṃ sīghaṃ jaro assa **arañjaro**.

**457.** Dvipādaṃ ghaṭe. **Ghaṭa** calane, a, nadādimhi ghaṭī, **kuṭa** koṭīye. Kena jalena lasati silissatīti **kalaso**, **lisa** silesane, a, issattam, **kalaso** tīsu. **Vara** vāraṇasambhattīsu, ṇvu. **Kalasa**sahacaraṇato **vārakopi** tīsu. “Kalaso tu tīsu”**tyamarakose** [amara 19.31].

Bhuñjitabbanti **bhuñjanam**, annādi, tassa patto bhājanam suvaṇṇarajatādinimmitampi kaṃso nāma.

“Kaṃso racchantare māne, tejjasepi bhava tathā;  
Pānapatte ca kaṃsye ca, sobhikkhāsu ca kittisū”. –

Tyajayena vuttattā pānapattepi kaṃso. **Kana** dittigatikanṭīsu, so, **kaṃso**. Anitthī. Tikaṃ bhājanasāmaññe. **Ama** gatiyaṃ, atto, amattam. **Bhāja** puthakammani, curādi, yu.

**458.** Dvayaṃ bhājanādīnamādhāre. Antam samīpamādheyyassa upagacchatīti **aṇḍupakaṃ**, **ntassaṇḍo**, gassa ca **ko**. **Cumba** vadanasaṃyoge, aṭo, assu, sakatthe ko. Dvayaṃ sarāve, sarati vuḍḍhiṃ gacchatīti **sarāvo**, avo. **Malla** dhāraṇe. ṇvu. Vaḍḍhamānakopyatra, vaḍḍhati vitthiṇṇī bhavatīti **vaḍḍhamānako**, sakatthe ko.

Dvayaṃ bhelabyañjanādighaṭṭanopayuttabhāṇḍe. **Kaṭa** gatiyaṃ, chu, dvittādi. **Du** gatiyaṃ, bo, nadādi, **dabbī**, rasse **dabbi**. Khajākāpi, **khaja** manthane, ako, **khajākā** thiyaṃ. Dvayaṃ dhaññādinilaye. **Kusa** silesane, ūlo. **Kusa** akkose, ṭho. Dvepi punnapuṃsake.

**459.** Dvayaṃ māsādisākamatte, **sā** tanukaraṇe, ṇvu. **Ḍaṃsa** khādane, ṇvu. **Salopo**, siggu, haritakampi. **Haritā** sakatthe ko. “Pulliṅgo sākamattasmiṃ, siggu sobhañjanepi ce”**ti** [cintāmaṇiṭkā 19.34] **rabhaso**. Dvayaṃ addake. Āddāyaṃ jātam **addakaṃ**, rasso. Siṅgamiva veraṃ vapu yassa tameva **siṅgiveraṃ**.

Yadā sukkhaṃ, tadā mahosadhādhyam, tikkharasattā mahantaṃ osadhaṃ. Sunṭhī, nāgaram, visaṃ, visabhesajjampi. **Suṭhi** sosane, i, **suṭhi**, ipaccaye **suṭhi**.

Dvayaṃ marīce. **Mara** pānacāge, co. **Kula** saṅkhyāne, ṇvu. “Marīcaṃ kolakaṃ kaṇhaṃ, usanaṃ dhammapattana”**ntyamarasiho**.

**460.** Tipādaṃ kañjike. Suvīraṭṭhe bhavaṃ **sovīraṃ**. Kena jalena añjijamabhibyattaṃ assa **kañjiyaṃ**. Āraṇam bhūmyakkajānaṃ vāresu gahitena nārena jalena jātam **āranāḷam**, “āro kkhiti sute’kkaje, nāro taṇḍulanīresū”**ti** hi vuttam, **rassa** **ḷo**. Thusato jātamudakaṃ **thusodakaṃ**, thusodakato vā jātam **thusodakaṃ**. Dhaññato vīhito jātam ambilaṃ **dhaññambilaṃ**. Vātam laṅkati hīnaṃ karotīti **bilaṅko**, **vātassa** **bi**, visesena laṅkatīti vā **bilaṅko**. Kummāso, abhisutaṃ, avantisomaṃ, kuñjalaṃ, kañjikaṃ, maṇḍo, jeṭṭhambu, khadikāpyatra.

Dvayaṃ lavaṇamate. **Lū** chedane, yu, ossā’navādesa loṇam.

**461.** Sāmuddādayo ete pañca lavaṇassa pabhedā visesā. Samuddabhūmiyamavaṭṭhitaṃ laddhaṃ loṇodakaṃ sukkhasantaṇam sitaṃ yaṃ bhavati, taṃ **sāmuddalavaṇam**. Akkhivaṃ, vasirampi. **Vasu** thambhe, iro. Sindhudese bhavo **sindhavo**, ṇo. Sitasivaṃ [sītasivaṃ (sakkate)], māṇimanthaṃ, sindhujampi. Sitaṃ dhavalaṃ, sivaṃ kalyāṇam, kammadhārayasamāso. Sitasivanti vā bandhanaṃ. Maṇimantho pabbato, tatra bhavo, ṇo. **Kāḷaloṇo** nāma sovaccalavaṇānaṃ majjhe kāḷavaṇaṃ

lavanam [tīṇi madhuralavanassalavanabhedassa (amarakosa, mahesvaraṭīkā)], “tilakam tatra mecake”ti [madam sandate pisodarādi (cintāmaṇiṭīkā 19.43) madam mudam vā sandate... visodarādi (byākhyāsudhāṭīkā)] vuttattā tilakampi. **Ubbhidam** nāma romakalavanam, sambharidese kira rumā nāma lavaṇākarō. Tatra pavittam kaṭṭhampi acirena vilīya lavaṇam bhavati, tabbhavam romalavanam. Vasukampi. Kaṭṭhādīnam sayam sabhāvavijahanakarattā bhinditum sakkotīti **ubbidam**, sakyatthe **usaddo**. **Bilālam** nāma samuddatīrāsannadesabhavam mattikam pācayitvā nipphāditalavanam. Samuddavelāsannadese jātam **bilālam**, essittam, lo, atha vā **ubbidam** nāma yattha katthaci padese bhūmito uggatam lavaṇamattikam pācayitvā nipphāditalavanam. **Bilālam** nāma lavaṇabhūmiṃ vidārayitvā nipphāditalavanam. Vipubbo **dala** vidāraṇe. **Dassa lo**. Atha vā **ubbidam** nāma pākyam lavaṇam. **Bilālam** nāma vaccagandham kālalavanam.

**462.** Guḷādayo pañca ucchuno vikārā. **Guḷa** rakkhāyam, guḷo pakkaraso. **Phāṇa** gatiyam, to, phāṇitam guḷato kiñci thaddham. **Khaṇḍa** manthe, khaṇḍo phāṇitatopi thaddho. Ucchuvisesassa rasapāke khaṇḍayogyasārabhūte yā guḷikākārā jāyate, sā macchaṇḍī khaṇḍasālūkam. “Macchaṇḍī tu pupphaguḷā, thaddhapattantu phāṇita”nti **rabhaso**, khaṇḍakakam phāṇitamiccaññe. **Sara** hiṃsāyam, **kharapaccayo**, **sakkharā**, yā “sitā”tipi vuccati, sinoti bandhati taṇham **sitā**. Sitasakkharetyatra tu sito dhavalattho, sakkharāpamāṇasaṅghānattā vā sakkharā. Ime ca guḷādayo yathākkamam thaddhatārā. Ettha ca macchaṇḍī phāṇitā khaṇḍavikārāpi. Dvayam guḷe. Rogādhikesu vināsakarattā visañca tam kaṇṭhakañca.

**463.** Dvayam bhaṭṭhadhaññe. **Lāja** bhassane, bhassanam bhajjanam, a. Na khatam **akkhatam**. “Tatiyā pakati lājesvakkhatam tīsva’hiṃsite”ti **ruddo**.

Bhaṭṭhayave **dhānāsaddo** siyā, “bahumhi bhaṭṭhayave dhānā, thiyam abhinavo’bbhide”ti **rabhaso**. **Dhā** dhāraṇe, yu.

Dvayam yavādicuṇṇe. **Saca** samavāye, **saca** secane vā, tu. **Mantha** vilōḷane. Tikam samam. Pūretīti **pūpo**, po. Akārayutte **apūpo**, yathā “lābu, alābū”ti. Taṇḍulādīnam piṭṭhānam vikāro **piṭṭhako**, saññāyam ko.

**464.** Chakkam sūde. Bhattam, sūpañca karoti akāsi karissatīti **bhatakāro**, **sūpakāro** ca. **Su** paggharaṇe. Savati rasam paggharāpetīti **sūdo**, do, dīghādi. **Sūda** paggharaṇe vā, a. Aḷāro nāma sūpādivikati, tam karotīti **ālārīko**. Odanam pacatīti **odaniko**. Rasam karotīti **rasako**.

Dvayam sūpe. Sukhatthāya pātabbattā **sūpo**, dīghādi. Visesto bhattam añjati anto gacchati yena, tam **byañjanam**, **añja** gatiyam, yu.

**465.** Pañcakaṃ [tipādam (ka.)] bhatte. **Udi** savanakledanesu, yu. **Vākāro** **odanasaddassa** napuṃsakattam samuccinoti. **Kura** sadde, **kara** karaṇe vā, karoti balanti **kuram**, assu, **kira** vikkhipane vā, kirati bubhukkhanti **kuram**, issu, **kara** hiṃsāyam vā, ku sadde vā, rapaccayo. Bhajati yena, bhuñjitabbanti vā **bhattam**, **bhaja** sevāyam, to. Bhakkhitabbāti **bhikkhā**, **bhakkha** adane, assi, **bhikkha** yācane vā, **bhikkhā** nārī. **Ada** bhakkhane, to. **Bhidādittā** **annādeso**, **dalopo**.

Catukkam bhojane, **asa** bhakkhane, kamme yu. **Hara** haraṇe. Āharati balāyūnīti **āhāro**, ṇo. **Bhujadhātumhā** yu, bhojanam. **Ghasa** adane, ṇo. Andhopyatra, **adadhātumhā** **tapaccayassa** **andhādeso** **nipātānā**.

Dvayam yāguyam. **Tara** plavanataraṇesu. Tarati plavati byāpībhavatīti **taraṇam**, yu. Taralam, taralāpi. **Yā** pāpuṇe, gu, **yu** missane vā, gu, ussā. Uṇhikā, sāṇā, vilepī ca yāgunāmāni. **Sā** pāke, yu, **sāṇā**.

**466.** Khajjādayo cattāro asanabhedā. **Khāda** bhakkhane, kamme to, bhujādi. **Khajjam** maṃsādi. **Bhojjam** annādi. **Liha** assādane, ṇyo, **hassa yo**. **Leyyam** madhvādi. Pātabbanti **peyyam**, **pā** pāne, ṇyo, āsse, peyyam sūpādi.

Dvayaṃ bhattamaṇḍe. **Su** savane, visarujapadādito ṇa. **Camu** adane, āpubbattā pāne, kamme ṇo. Māsaropyatra, **masi** parimāṇe, aro. Dvayaṃ ālope. **Lupa** chedane, āpubbo sampiṇḍane, **ku** sadde. **Kabi** vaṇṇe vā, alo, ḷattam, kena toyena balamassāti vā **kabaḷo**, pume, gāsopi.

**467.** Rasānaṃ sabbarasānaṃ aggamhi rase **maṇḍasaddo**, **maṇḍa** bhūsāyaṃ, “sabbarasagge maṇḍamanitthiya” ntyamarasīho [amara 19.49]. Dvayaṃ bhuttato sese. Virūpo, kucchito vā ghāso **vighāso**. Bhuttato seso bhuttaseso, sova **bhuttasesako**, sakatthe ko.

Dvayaṃ vighāsāde. Vighāsaṃ adatīti, a, **damu** damane, ṇvu. Dvayaṃ pipāsāyaṃ. Pātuṃ icchā **pipāsā**, **pā** pāne, so, dvittādi. **Tasa** pipāsāyaṃ, yu.

**468.** Dvayaṃ bhuttumicchāyaṃ. **Khuda** bubhukkhāyaṃ, do. Ghasitumicchā **jighacchā**, **ghasa** adane, icchatthe cho, dvittādi. Mamsassa raso paṭicchādanīyamuccate. **Chanda** icchāyaṃ. Paṭicchādetīti **paṭicchādanīyaṃ**, anīyo, **chada** samvaraṇe vā, maṃsena paṭicchādetabbattā **paṭicchādanīyaṃ**.

Dvayaṃ uggāre, **deki** saddossāhesu, uddham dekati gantumussahatīti **udreko**, ekassa **dakārassa ro**. Uddekopi. **Gira** niggiraṇe, issā, **uggāro**. Pādo tittiyam. Suhito titto, tassa bhāvo **sohiccam**. **Tipi** pīṇane,ti, bhujādi. **Yupaccaye**, issatte ca **tappanam**.

**469. Yathicchitantaṃ yathicchite.** Kriyāvīsesanātāya cete napuṃsake, kriyābyayānañhi satipyekatte tabbisesanāni napuṃsake bhavanti ekattepi, tathā hi kriyānamabyayānañca sattābhūtattā līngasaṅkhyāvīsesopādānaṃ natthīti tabbisesanānampi sāmāññalingā napuṃsakattam, sāmāññasaṅkhyā cekattam yuttanti, tam yathā – muduṃ pacanti, sādumuṃ pacanti. Bahuvacanantepe kriyāsaddo tabbisesanassekattameva kriyāvīsesanānaṃ kammani dutiyā, sabbo hi dhātvattho karotyathena byāpito, muduṃ pacanti muduṃ pacanaṃ kubbantītyattho, tena mudādīnañca tabbisesanānaṃ kammattam. Añño panāha “sabbe dhātvatthā bhavatyatthānugatā, bhavatikriyā katvatthamanubhavantītyattho. ‘Pacati devadatto’ ti devadattapayutto pāko bhavati, gacchati gamanaṃ bhavati, paṭhati pāṭho bhavati” ti, tammattena paṭhamā, mudupacanaṃ yathā bhavati, tathā pacatītyattho. Ramaṇīyaṃ pāto, vimalaṃ pāto, idamupakumbham. **Kamu** kantiyaṃ, kammani ṇo, **kāmaṃ**, **nikāmañca**. **Isu** icchāyaṃ, to, “sādisantapucche” tyādinā antena saha **tassa tṭho**, **iṭṭham**. **Paripubbo āpa** pāpuṇane, to, bhujādi, rasso, **yāgamo** ca. “Sattyaṃ nivāraṇe tittiyam, pariyaṭtam yathicchite” ti [cintāmaṇiṭṭkā 19.57] **rabhaso**. Icchitassa anatikkamo **yathicchitaṃ**, yathātthe abyayībhāvo. Pakāmaṃpyatra.

Dvipādaṃ vaṇijake. Kayavikkayehi jīvatīti, iko. Sattham vaṇijjopajīvīnaṃ saṅghātaṃ vahati desantaram pāpayatīti, kammādimhi ṇo. Satthavāho vaṇijanāyako, tamyogā **satthavāho**, ṇo. Āpaṇo kayavikkayavohāro, tamyogā **āpaṇiko**, ṇiko. **Vaṇa** sadde, ijo. Vedahako, negamo, paṇyājīvo, vaṇijopyatra.

**470.** Vikkayo nāma pubbameva attano dhanassa parassa dānaṃ. **Ki** dabbavinimaye, tatra niyutto **vikkayiko**. Vikkiṇātīti **vikketā**, ritu. Kayo nāma parassa dhanam gahetvā attano dhanassa dānaṃ. Kayena jīvatīti **kayiko**. Kinātīti, ṇvu.

Dvayaṃ dhanappayottari. Iṇe uttamo **uttamaṇṇo**, abhidhānā pubbanipāto, issattam, dvittaṇca. Dhanam vuḍḍhattham payojētīti **dhaniko**. Dvayaṃ dhanagāhake. Iṇe adhamo **adhamaṇṇo**. Iṇam gaṇhātīti **iṇāyiko**, āyiko. Iṇam āyati pavattētīti vā iṇāyako, ṇvu.

**471-472.** Dvayaṃ iṇe. Uddharīyate gayhateti **uddhāro**, upubbo **dharati** gahaṇe, ṇo. Eti vuḍḍhiṃ gacchatīti **iṇam**, yu, **ṇattam**. Pariyudañcanampi, parito udañjhate gayhateti, yu. **Vuttanti** kriyāpadaṃ. Yattakena dhanena lābho labbhate, tatra mūladhane mūlādīdvayaṃ. **Mūla** patiṭṭhāyaṃ. Paṭhamameva ābhatam **pābhatam**.

Dvayaṃ paṭipāde. “Avassamassidaṃ kayitabba” miti saccassākhyāpanam, karaṇam vā

**saccāpanam**, saccassa karañcittabharāṇamiccattho, **saccasaddā** dhāturūpā yu, majjhe **apāgamo**, saccassa vā āpuṇaṇam **saccāpanam**, **apadhātumhā** yu. “Saccāpanā saccākati”’riti **tikaṇḍasese** [thīkaṇḍe (?)] vopālito. Saccam karoti, saccassa vā karaṇam **saccakāro**. Saccamkāropi. “Klive saccāpanam sacca-ñkāro saccākatiṭṭhiya”’ntyamarakose [amara 19.82]. Dvayaṃ vikkaṇṭiyadabbe. Vikkinitabbanti **vikkeyyam**, ṇyo. **Paṇa** byavahāre, ṇyo, dvepi tīsu.

Dvayaṃ nyāsassappane [nyāsampanne (ka.)]. Nyāsassa appanaṃ [sampannam (ka.)] paṭidānaṃ. **Patipubbo dadāti** nyāsasampannaṃ, tathā **paripubbo** vattati. Paridānaṃpyatra.

Dvayaṃ nyāse. **Asu** khepane. Nyassate nikkhipiyateti, ṇo. Upanidhiyyateti **upanidhi**, i, **upanidhi** pume. “Pume upanidhiṇyāso”’ti [amara 19.81] **amarakose**.

**473. Ekādayo aṭṭhārasapariyantā** saṅkhyāsaddā **saṅkhyeyye** dabbe vattanti tīsu ca liṅgesu. Saṅkhyeyyekatte ca “eko brāhmaṇo, aṭṭhārasa brāhmaṇā”’ti samānādhikaraṇam bhavati, na tu bhinnādhikaraṇam “brāhmaṇaṇam ekādasa ce”’ti. Tīsūtyanena “na kevalam ekasaddova salīngo, atha kho aṭṭhārasapariyantāpī”’ti dasseti, tena katthaci tesam aliṅgatāvacaṇam liṅgavisesābhāvaṃ sandhāya vuttaṃ, na pana sāmāññaliṅgābhāvanti daṭṭhabbam. Iminā nayena “atiliṅgam dvivacaṇam, tadākhyātanti vuccatī”’tyādīsūpi daṭṭhabbam, tena “puriso gacchati, itthī gacchati, cittaṃ gacchati”’tyādīsū **gacchatis**addassa taṃtaṃliṅgavisesavacaṇatā, “gacchati”’tyādīsū sāmāññaliṅgavacaṇatā ca daṭṭhabbā. **Vīsatyādayo** saṅkhyāsaddā saṅkhyāne, saṅkhyeyye ca vattanti “vīsati gāvo, gavam vīsati”’ti. Ekatteti yadā panetā saṅkhyeyye ekattavīsīṭṭhameva vaggattam sabhāvato paṭipādayanti. Tadā bhinnasaṅkhyenāpi samānādhikaraṇe ekavacaṇeyeva sabbakālam vattate “vīsati gāvo”’ti. Yadyekatte, katham? Dvevīsatiyo, tisso vīsatiyo, pañcasatāniccādayo payogā iccāha “vaggabhede bahuttepi”’ti. Vīsatyādīnaṃ vaggānaṃ bhede vattumicchite sati bahuttepi bahuvacaṇepi bhavanti. **Amarakose** pana “saṅkhyantarassatthe abhidheyyevīsatyādayo taṃsamānādhikaraṇato bahuvacaṇānīpi bhavanti”’ti [amara 19.83-4] vuttaṃ, saṅkhyantaramiha vaggabhedo, tena dvinnampi vohāramattanānattaṃ, na atthanānattanti daṭṭhabbam. **Ānavuti navutis**addamabhiyāpetvā **tā** vīsatyādayo bhinnaliṅgenāpi samānādhikaraṇe **nāriyam** itthiyam, yathā vīsati kuṇḍāni. Vīsatyādayo vikatasaṃmāhāradvandā. Liṅgassa lokāsayattā dvandekattanti napuṃsakattanti vīsatyādayo abyuppanā paramatena, **kaccāyanamatena** pana byuppanā.

**474-476.** Satādīni asaṅkhyeyyapariyantāni catuvīsati ṭhānāni gaṇanabhedāni. Tattha **dasadasasaddehi** nipphādito **satasaddo**, tathā **satadasasaddehi** **sahassasaddo**. **Yuja** yoge, **niyutaṃ**, **ayutampi**. **Yu** missane vā, to. **Lakkha** dassanañkesu, **lakkham**, **satasahassampi**. **Kuṭa** chedane, dasaṅgaṇam kuṭatīti **koṭi**. Upasaggena visesetvā eko gaṇanaviseso **pakoṭīti** vuccati, dvepi missetvā eko **koṭipakoṭīti**. **Naha** bandhane, to. Āgamassu. **Vida** lābhe, u, niggahītāgamo. **Aba** himsāyam, gatimhi ca, do, āgamassu. **Ahi** gatimhi, **hapaccayo**. **Ava** rakkhaṇe, vo. **Aṭa** gamane, ṭo. **Sogandhikanti** kamalavisesanāmena eko gaṇanaviseso vuccati, tathoppalādināmehi ekeko gaṇanaviseso. **Katha** vākyappabandhe, yu, saṅkhyātumasakkuṇeyyatāya **asaṅkhyeyyam**.

Nanu saṅkhyātumasakkuṇeyyatte sati ekena bhavitabbam, atha kathameko asaṅkhyeyyo, dve asaṅkhyeyyāniccādīni bhedāni vuttānīti? Nāyam doso, tesam kāladesādivasena bhinnānampi sambhavato. Etāsu saṅkhyāsu **kamā** kamena satādīlakkhapariyantam **dasagaṇam** dasahi gaṇitam bhavati. Koṭyādikaṃ asaṅkhyeyyapariyantam **satalakkhagaṇam** satalakkhehi gaṇitam bhavati, tasmā ekā lekhā dvisuññasahitā satam bhavati, tathā tisuññasahitā sahassam, catusuññasahitā niyutaṃ, pañcasuññasahitā ekā lekhā lakkham bhavati, ekā pana lekhā sattasuññasahitā koṭi, tathā cuddasasuññasahitā pakoṭi, iminā nayena yāvāsaṅkhyeyyam netabbam, ayamekaccānamācariyaṇam mati.

Atha vā satādayo asaṅkhyeyyapariyantā sabbepi dasagaṇitā kātabbā, ayam **kaccāyanassa** mati, tena hi “yāva taduttari dasagaṇitañce”’ti suttamāha. Atha vā satādayo lakkhantā dasadasagaṇitā, tena ekā lekhā dvibindusahitā satam bhavati, tathā catupañcādibindusahitā sahassādikaṃ bhavati, ekā lekhā pana dvādasabindusahitā koṭi, tathā ekūnavīsatiṃbindusahitā pakoṭīti yāva asaṅkhyeyyā ekekasmim satta satta bindūni katvā gaṇanā kātabbā, tasmā asaṅkhyeyyagaṇanaviseso pañcacattālīsādhikāni satabindūni bhavanti, ayamamhākaṃ mati.

**Amarakose** [amara 19.84] pana “pantya satasahassadi, kamā dasaguṇottara” mityuttam, tassattho – dasasaṅkhyā pantīyuccate, tato ārabba dasaguṇottaram satasahassādikaṃ kamā viññeyyam, tam yathā – dasasaṅkhyāya dasaguṇottaram satam, satā dasaguṇottaram sahasam, sahasā dasaguṇottaram ayutam, ayutā dasaguṇottaram lakkham, lakkhā dasaguṇottaram payutam, payutā dasaguṇottaram koṭi, evam koṭiyā abbudam, abbudā padumam, padumā khabbo, khabbā mahākatho, tatopi mahāpadumam, tatopi saṅku, saṅkuto samuddo, tato antyam, antyā majjham, majjhā paraddham, paraddhā amatam, amatā dasaguṇottaram saṅkhyam, saṅkhyāñca vīsatiyam thānam, asaṅkhyeyyamito paranti. Sabbapārisadattā hi byākaraṇassa sabbesaṃpyatra vādā dassitā.

**477-478.** Sādhikena dvepādena “aḍḍhena catuttho aḍḍhuḍḍho, aḍḍhena tatiyo aḍḍhatiyo, aḍḍhateyyo cā” ti imam vacanattham dasseti. Aḍḍhūpapadena saha **catutthādisaddānam aḍḍhuḍḍhādyādeso.** Sādhikapādena “aḍḍhena dutiyo diyāḍḍho, divāḍḍho cā” ti imam vacanattham dasseti. Antaritassāpi **aḍḍhenasaddassa** idhānuvattanatā adhippetā abhidhānantarābhāvā, sabbatrevaṃ.

**479-480.** Mīyate paricchindīyate yena, tam **mānam.** Tañca tulāpatthaṅgulivasā tidhā māniyadabbassa bhavati. **Tula** ummāne, curādi, **tulā** itthī. **Pada** gatiyam, tho. **Aṅga** gamane, ulo, **aṅgulaṃ,** “aṅgulī” tīpi pātho, karasākhā.

Cattāro vīhayo sampiṇḍitā ekāva **guṅjā** samagarukā, tathā dve guṅjā ekova **māsako** samagarukoti sabbatra nayo netabbo. Dve māsakā **akkho** nāma, vibhītakoti vutto, akkhaphalasaṃnagarukattā vā **akkho.** Karisopyatra, **kasa** vilekhane, a, **rimajjho,** anitthī. Akkhānam pañca **dharaṇam** nāma, **dharatidhātuyā** yu. Akkhānamatthakam **suvanṇo** nāma. Pañcadharaṇam **nikkham** nāma. **Te** nikkhā pañca **pādo** nāma. So **pādo** catutthe bhāge vattatīyekaccānam mati. Yathāvuttāyeva cattāro vīhayo **guṅjā** nāma. Dve guṅjā **māsako** nāma. Dve pañcamāsakā dasamāsakā **akkho** nāma. Akkhānam atthakam **dharaṇam** nāma. Pañcadharaṇam **suvanṇo** nāma. Te pañcasuvanṇā **nikkham** nāmātyamhākam mati. **Kana** dittigatikanṭisu, **nipubbo,** **nassa kho,** **nikkho,** suvaṇṇavikārepi. Yassa kassaci vatthuno catutthe bhāge pādo. Dasa dharaṇāni **palam** nāma, **pala** pathe ca gatimhi.

**481.** Yassa kassaci vatthuno palasatam **tulā.** **Tula** ummāne, **tulā** nārī.

Gehānam dārubandhāya, piṭhikāyam tulā thiyam;  
Mānabhaṇḍe ca sādise, rāsipalasesu ca.

Tā tulā vīsati **bhāro** nāma. **Bhara** dhāraṇapōsanesu, ṇo. “Bhāro tu dvisahassesu, palānamapi vivadhe” **tyajayo** [byākhyāsudhātīkāyampi]. Vivadho bhārabhedo.

Rūpiyassa karisena kato saṃvohārapadattho kahāpaṇo nāma. Karisappamāṇena rūpiyena kato paṇo paṇiyo dabbabhedo **kahāpaṇo.** **Risassa** hādeso. **Ahādeso** **karisāpaṇo,** ete dve rūpavikāro, aññatrūpacārā. Iti tulāmānam vuttam.

**482.** Patthamānam dassetumāha “**kuḍuvo**” ccādi. Eko pasato **kuḍuvo** nāma. **Sara** gatiyam, to, **ralopo,** **kaḍi** bhede, vo, **kaḍissa** **kuḍu,** **te** kuḍuvā cattāro **pattho.** Catupatthā **ālhako,** **aha** pūjāyam, ṇvu, ḷattādi dasaṅgulaṃ, dvādasāṅgulaṃ vāsabbato mānampi ālhako. Caturo ālhakā **doṇam** nāma, “caturālhaka” ntipi pātho, **du** gamane, ṇo, **duṇa** gatiyam, hiṃsāyañca vā, **doṇam.** **Vākārena** **doṇo.**

**483.** Caturo doṇā **mānikā,** **māna** pūjāyam, sakatthe ko, assi. Catumānikam catassannam mānikānam samūho catumānikam **khārī** nāma, **khara** vināse, ṇo, nadādi. **Dasambaṇam** dasādhikasatadoṇamattam **kumbhoti** ghaṭanāmena eko patthamānaviseso dassito, “ambaṇa” ntipi pātho.

**484.** Patthamānavisesānam labbhamānapariyāye dassetumāha “**ālhako**” ccādi. **Tumba** kampāne, a. Dvayam patthe. **Patthasaddoyam** sāmāññabhedamānesu pavattati, idha pana

visesamānavācako adhippeto. **Nala** ganthe, iṇa.

Dvayaṃ vāhe. Vahatīti **vāho**, **vaha** pāpuṇane, ṇo.

Ambaṇamānaṃ, pariyāyaṃ vā dassetumāha “**ekādasa doṇe**”ccādi. **Amba** gamane, yu, **amba** sadde vā, iti patthamānaṃ vuttaṃ, aṅgulamānaṃ pana aṇvādyābhidhānāvasare bhūmivagge abhihitam.

**485.** Catukkaṃ bhāge. **Visa** pavesane, dīghādi, koṭṭhaṃ vuccati sarīraṃ, tattha setīti **koṭṭhāso**. Āttaṃ. **Ana** pāṇane, **ama** gamane vā, so. Bhajīyate sevīyateti **bhāgo**. No. Vaṇṭakopyatra. **Vaṭi** vibhājane, ṇvu, ṇantā vā sakatthe ko.

**Vibhavantaṃ** dhane. **Dhana** dhaññe, a. Sassa attano ayaṃ **so**, **sampi**. Duiva **dabbaṃ**, sāramiccatho, ivatthe vo, **vida** lābhe, to. Sassa dhanassa pati sapati, tasmim sādhu **sāpateyyaṃ**, ṇeyyo. **Vasa** nivāse, u. **Ara** gamane, tho. **Rassa to**. Vibhavanti pabhavantyanenāti **vibhavo**, a. Hiraññaṃ, kosopyatra.

**486.** Katākataṃ kañcanaṃ, rūpiyañca missitaṃ [**militaṃ (ka.)**, **militaṃ paccekañca (amara khīrasvādhiṭkā)**] kosādivvayavāccaṃ, tatra piṇḍikataṃ ābharaṇikataṃ, kammībhāvamāpāditam vā kataṃ. Ākarotthaṃ ajātakammaṃ cuṇṇādirūpaṃ akataṃ, **tadaññaṃ** tehi kañcanarūpiyehi aññaṃ tejasam dabbaṃ tambaṃ. **Ādinā** kaṃsarītīsakādi, yañcātejasam rājapaṭṭadāruvisādika’masāraṃ dabbaṃ, taṃ sabbaṃ kuppaṃ, **gupa** rakkhaṇe, guppateti, po, **kattañca gassa**.

**Dvayaṃ** kañcanaṃ rūpiyañcāhatamuṭṭhāpitahayavarāhapurisādi rūpaṃ nigghātikāya tālītam dīnārādikam rūpiyākhyam. Assādirūpamassāhatamatthīti **rūpiyam**. **Rūpa** āhatapasamsāsu, iyo.

**487-488.** **Hirañña**ntam suvaṇṇe. Sobhano vaṇṇo yassa **suvaṇṇam**. **Kana** dittiyaṃ, ṇvu, jananaṃ jātam, pakatthaṃ jātam **jātarūpaṃ**, pakatthatthe **rūpapaccayo** [**pasamsāyam rūpapaccayo iti subhū (cintāmaṇiṭkā) pasamsāyam rūpaṃ (pāṇini 5.3.66)**]. Jātam rūpamassāti vā **jātarūpaṃ**. **Iṇa** gatiyaṃ, dittiyañca anekatthattā. Suṭṭhu dippate dittiya yujjati **soṇṇam**, usso, “vā paro asarūpā”ti ilopo, dvittaṃ. **Kaṇca** dittiyaṃ, yu. Satthu vaṇṇo viya vaṇṇo yassa. Cittamattānaṃ haratīti **hari**. I, **kamu** icchāyaṃ, bu. Carati ettha cittaṃ **cāru**, ṇu. **Hi** gatiyaṃ, mo. **Haṭa** dittiyaṃ, ṇvu. Tapanam dāhamarahaṭīti **tapaniyo**, iyo. **Hara** haraṇe, añño, assi. **Hā** cāge, **hā** gatiyaṃ vā, añño, **hirādeso** ca.

Cāmīkarādayo cattāro **tabbhedā** tassa suvaṇṇassa visesā. Cāmī nāma ekā pupphajāti, taṃkarattā **cāmīkaro**, atha vā cāmī nāma aggi. **Camu** adane, ṇī, takkarattā **cāmīkaro**. Satakumbhaṃ paddhakesaravaṇṇam, tabbaṇṇasadisattā **sātakumbhaṃ**. Devarukkhahūtāya mahājambuyā patiṭṭhitatṭhāne nadī jambunadī, tassaṃ patitehi mahāgajappamañānaṃ, kumbhappamañānaṃ vā phalānaṃ bījehi jātam suvaṇṇam **jambunadam**, idaṃ pana suvaṇṇam analappabham devālaṅkāramatulaṃ jāyate. Taṃ panānalamiti visesatthepi **amarasīho** suvaṇṇasāmaññeva paṭhati. Siṅgī nāma ekā macchajāti, tabbaṇṇatāya. Khaṇiyaṃ vā taṃsaṇṭhānasilākhaṇḍehi jātatāya siṅgī, **amarakose** pana cāmīkarādīnīpi suvaṇṇasāmaññe paṭhati, siṅgī pana visese. Vuttañhi tattha “alaṅkārasuvaṇṇam yaṃ, siṅgīkanakamiccaya”nti [**amara 19.96**]. Tassattho – kaṭakakuṇḍalādino alaṅkārasuvaṇṇassa “siṅgī”ti nāmanti. “Siṅgīmaṇḍanasoṇṇa”nti **ratanakoso**. Suvaṇṇatāya siṅgī “kanaka”mityuccate.

**489.** Pañcakaṃ rajate. Rūpayuttatāya **rūpiyam**. **Raṇja** rāge, ato. **Saṇja** saṅge, jhu, **ṇalopo**, **sajjhu**. Rūpayuttatāya **rūpi**, **saṇja** saṅge, jho, **ṇalopo**, **sajjham**, “rūpiyajjha”ntipi pāṭho. Tadā **iyajjhappaccayena** siddham. Dubbaṇṇam, khajjūram, setampi.

Āhatasoṇṇarajate, rajate rūpiyam matam;  
Rajate ca khaleklivam, khajjūro pādapantare;  
Setā ca bhatikāyam tha, klivam sajjhe site tisū.

Asmajātiyaṃ puppharāgādīmhi, muttāvajirādīmhi ca vasvādittayaṃ. **Vasa** nivāse, u. Ratim tanotīti **ratanam**, kammādīmhi ṇo, **tilo**po. “Ratnaṃ sajjātiṣeṭṭhepi” tyamarakose [amara 23.126], tena gajasetṭho gajaratanam, itthiseṭṭho itthiratananti. **Manasaddato** i, **īpaccaye maṇi** ca. Puppharāgādayo vakkhamānā **tabbhidā** tassa maṇino visesā. Bhāsanto rañjetīti **puppharāgo**, **bhāsassa puppho**.

**490.** Suvaṇṇādayo ime satta ratanānyāhu. **Maṇi** rattamaṇi.

**491.** Sattaratanānaṃ labbhamānapariyāye dassetumāha “**lohitaṅgo**”ccādi. **Lohitaṅgā**dittayaṃ rattamaṇiyaṃ. Lohitavaṇṇena aṅgiyateti **lohitaṅgo**, lohitaṃ aṅgaṃ sarīrametassa vā **lohitaṅgo**. Padumañcātra kokanadaṃ, tabbaṇṇasadiṣo maṇi **padumarāgo**. Soṇaratanam, lohitaṅkopyatra.

Dvayaṃ veḷuriye. Vaṃso tacasāro, tabbaṇṇo maṇi **vaṃsavanna**. Veḷu viya dissatīti **veḷuriyo**, ivatthe iyo, **rāgamo** ca. Dvayaṃ pavāḷe. **Vala** saṃvaraṇe, ṇo, ḷattaṃ, **vākārena** pavāḷopi. **Du** gamane, **du** upatāpe vā, mo, dvittaṃ.

**492.** Dvayaṃ kabaramaṇimhi. Masāragirimhi jātaṃ **masāragallaṃ**, lo, **rassa lo**. Kabaro sabalo maṇi. Dvayaṃ muttāyaṃ. **Muca** mocane, tho, muttā eva **muttikam**, sakatthe iko. Satthikā pakatito līngavacanānyativattanteti napuṃsakattaṃ. Ettha ca ratanapariyāyānaṃ uppaṭipāṭiyā kathanam sattannaṃ ratanānaṃ uppattikkamaṇāṭakkamādino abhāvadīpanatthaṃ.

Dvayaṃ pittale. **Ri** gamane, ri. Rītipi. “Rīti pacāre sande ca, lohakiṭṭārakūṭesū”ti **ruddo**. Ārasseva kūṭo, yassa. Dabbasaddopyatra. Dvayaṃ abbhake. **Ama** gamane, alo. Abbham ākāso, megho ca, taṃsaññakattā **abbhakam**, saññāyaṃ ko. “Meghambarābhidhānañca, gori bījañca abbhaka”nti hi vuttaṃ. Girijatu, silājatupyatra.

**493.** Tikaṃ lohe. **Lū** chedane, ho. **Aya** gamane, manogaṇādi. Kāḷaṅca taṃ ayasañceti **kāḷāyasaṃ**. Satthakam, tikkhaṇam, piṇḍam, ayasaṃ, asmasāropyatra. “Satthamāyudhalohesū”ti anekattho. “Sāmuḍdalavaṇetikkhāṃ, visalohājimukkake”ti **rabhaso**. **Paṇḍa** gamane, a. Asmassa sāro. “Kāḷāyasa’mayo loham, asmasārañca satthaka”nti tvamaramālāyaṃ klīvakaṇḍam.

Dvayaṃ capale. **Pāra** sāmattiye, do, pārayati sakkoti sabbalohaṃ kañcanaṃ kātunti **pārado**. **Rasa** sadde, aggimhi pakkhitte rasatīti **raso**, madhurādīsu ca raso. Capalo, sūtopyatra.

“Cañcalādīmhi capalo”.

“Sārathimhi rase sūto, pasūte perite tisu”;

“Rasendo pārado vutto, pāratoṇi nigadyate”ti. –

**Tārapālo.**

“Pārado siddhadhātu ca, varabījañca sūtaṅka”nti. –

**Tikaṇḍaseso** [tikaṇḍasesa 2.9.34].

Tikaṃ nāge. **Tipu** pīḷane, u. **Tipusaddassa** setepi pavattanato **kāḷasaddena** visesetvā **kāḷatipūti** vutto, tena **tipusaddassadvinnampi** vācakatādaṭṭhabbātyeke, taṃ “nāgo sīsakayogiṭṭha-vappāṇi tipu piccaṭa”nti [amara 19.105] **amarakose**, “tipu sīsakaraṅgesū”ti ca **tikaṇḍasesa nānatthasaṅghādīsu** vuttattā na gahetabbaṃ, tena kāḷo ca tipu cāti dvevevatthābhidhānāni. Kāḷavaṇṇatāya kāḷo. **Tipu** yathāvuttatthova. **Tapa** santāpe vā, u, assittaṃ. **Sī** saye, **si** bandhane vā, so. “Seṭṭhabhakaddujo nāgo, klivaṃ sīsakaraṅgesū”ti **rabhaso**. “Yogiṭṭha”mityekam nāmaṃ sīsassa. “Vappo so sīsamattaka”nti tvamaramālā.

“Ārakūṭosī rīti ca, sīsakam tipu vaddhakam;

Nāgaṃ mahāmalañceva, yogiṭṭhaka’’nti. –

### Byāḍi.

‘‘Sīsamattaṃ bahumalaṃ, yogiṭṭhaṃ piṭṭhapiccatā;  
Suvaṇṇādisamāluka-mapi sindūrasambhava’’nti. –

### Tantātantaṃ.

Sete tu raṅgavaṅgā, te gatyatthā.

‘‘Raṅgaṃsurebhaṃ mundaṅgaṃ, kusumbhaṃ gāmyakuṅkuma’’nti. –

### Tikaṇḍaseso [tikaṇḍasesa 2.9.34].

Dvayaṃ haritāle. Haritavaṇṇaṃ alaṃ **haritālaṃ**, byuppattimattametaṃ. Rūḷhīsaddo tvayaṃ. Pītiṃ netīti **pītaṇaṃ**. ‘‘Piṅjaraṃ pītaṇaṃ tāla-mālañca haritālake’’tyamarasīho [amara 19.103]. **Piṅja** vaṇṇe, aro. **Ala** bhūsane, alantyaneneti, ṇo, ‘‘haritālamalaṃ tāla-vaṇṇakaṃ naṭabhūsana’’nti tu **mādhavo**. ‘‘Haritāle tu kappūraṃ, godanto naṭasaññako’’ti **tikaṇḍaseso** [tikaṇḍasesa 2.9.35].

**494.** Dvayaṃ sindūre. Piṭṭhena nāgena jātaṃ piṭṭhaṃ. Cīnadesappavattaṃ piṭṭhaṃ **cīnapīṭṭhanti** pubbapade uttarapadalopo. **Sanda** savane, ūro, assi. ‘‘Sindūraṃ nāgasambhava’’ntyamarasīho [amara 19.105]. Vasantassavo, rattacuṇṇaṃ, rattavālukaṃpyatra. Dvayaṃ tūle. **Tula** nikase, a. **Picu** maddane, u. Picu tuloti samuditañcassa nāmaṃ. ‘‘Tūlo picu picutūlo, makkaṭisuttaṃ takkoṭī’’ti hi **rabhaso**.

**Madhusaddena** khuddajantu, khuddañcoccate. Khuddajantavo bhamarādayo. Tatra bhamarakataṃ khuddaṃ bhāmaraṃ, makkhikākataṃ makkhikaṃ, saraghañcoccate. Varaṭā kataṃ vāraṭaṃ. Puttikā kataṃ puttikanti sabbatraññatthe ṇo. **Madhu** unde, u. **Khu** sadde, do, **khuda** pipāsāyaṃ vā, do.

Dvayaṃ sitthe. Madhūhi khuddajantūhi ucchiṭṭhaṃ sajjitanti **madhucchiṭṭhaṃ**. **Sajja** visajjanāliṅgananimmaṇesu. Nimmānaṃ sampiṇḍikaraṇaṃ, to, **jatānaṃ** **ṭhādeso**, **sassa cho**, dvittamaṃ, ittañca. **Sica** paggharaṇe, tho. Sitthameva **sitthakaṃ**. Madanopyatra.

**495.** Tikaṃ gopāle. Gāvo pāleti, pāti cāti **gopālo**, **gopo** ca, kammani ṇo. Gāvo saṅkhyāyatīti **gosaṅkhyo**, **saṃpubbo khyā** gaṇane. Goduho, ābhiro, vallavopyatra. Dvayaṃ gomike. Gāvo assa santīti **gomā**, mantu. **Ikapaccaye**, **māgame** ca **gomiko**.

Dvipādaṃ balībadde. **Usa** dāhe, abho. Balaṃ vaddhayatīti **balībaddo**, nipātanā. Gacchatīti **goṇo**, yu, **malopo**, asso, **ṇattaṃ**. Gacchatīti **go**, **gamu** gamane, ro.

‘‘Sagge kare ca vajire, balībadde ca go pumā;  
Thī sorabheyyinettambu-disāvacaṇabhūmisū’’ti. –

**Ruddo**. **Vasa** nivāse, abho. Vassatīti **vuso**, **vassa** secane, ṇo, assu, saṃyogalopo ca. Ukkho, bhaddo, anavāho, sorabheyyopyatra. **Ukkha** secane. Anaṃ sakaṭaṃ vahaṭīti **anavāho**, ṇo. Surabhi go, tassāpaccaṃ **sorabheyyo**, ṇeyyo.

**496.** **So** go vuddho jaraggavo nāma. Jaraṃ patto go **jaraggavo**, **simhi ossa avo**. Dvayaṃ misabālyayutte kiñciphuṭṭhatāruñṇe asampattabalībaddabhāve vacche. ‘‘Vaccho vuddho vacchataro’’ti **nāmamālā**. Damanāraho **dammo**, mo. **Vasa** nivāse, cho, vacchassāyeva gāviyā tanutthe nipātanā taro [pāṇini 5.3.91 suttaṃ passitabbam]. **Samāti** ete dve tulyatthā.

Dvayaṃ dhuravāhe. Dhuraṃ vahati sīlenāti **dhuravāhī**, ṇī. Dhuraṃ vahitumarahatīti **dhoraḥo**, ṇo, vassa yo.

**Gavaṃ** gunnaṃ **adhikato** jano **govindo**, gavaṃ indo **govindo**, gavaṃ vindatīti vā **govindo**.

497. Vahatyanena **vaho**, a. **Kuka** ādāne, udo, ussattaṃ, **dassa dho** vā, kakudo, kakudho ca. Dvayaṃ siṅge. **Visa** pavesane, yu. **Sī** saye, go, niggahītāgamo, rassattañca. Lohitavaṇṇatāya **rohiṇī**, tassa **ṇo**, nadādi.

498. Tikaṃ gāvīsāmaññe. Pumeḍi gāvī, tadā **yossa ī**. Siṅgayuttatāya **siṅginī**, taddhitantā inī. Dvayaṃ aputtikāyaṃ. **Hanatismā** itthiyaṃ a, **hanatissa vadho**, niggahītāgamo, **dhassa jho** ca, **bandha** bandhane vā, **vañjhā**. **Vasa** kantiyaṃ, a.

**Navappasūtikā** paccagghapasūtā go dhenu nāma, **dhe** pāne, nu. Dvayaṃ piyaputtāyaṃ. Vacchaṃ kāmayaṭīti **vacchakāmā**. Vacchaṃ lātīti **vacchalā**. Savacchakāyamapi dvayamidaṃ vadantī.

499. Dvayaṃ manthanakumbhikāyaṃ. “Gagga”nti saddaṃrātīti **gaggari**, nadādi. Manthati yassa **manthani**. **Mantha** viloḷane, yu, nadādi, dveḍi itthī. Yatrekasmim bahupaggahayutte aneke bandhīyante, tatra **sandānā**divayaṃ. **Sam**pubbo dā dāne saṃyamanattho, karaṇe yu. **Dā** dāne, mo, **dāmaṃ**.

Dvayaṃ govacce. **Miha** secane, lo. Gavaṃ mīlho vacco **gomīlho**. Goto nibbatto **gomayo**, dveḍyanitthī. Dvayaṃ ghate. **Sappa** gamane, i, **sappi** napuṃsake. **Ghara** secane, to. Havipyatra.

500. Taṃdivasiyā dadhito, duddhā vā samubbhataṃ ghatam tappakati ca **navanītam**. Navadadhyādīhi nītam pavattaṃ **nonītam**, vasso. Navanītampi. Dvayaṃ dadhisāre. Dadhino maṇḍam sāro **dadhimaṇḍam**. **Masa** parimāṇe, thu, **sassa to**, **matthu** napuṃsake.

Catukkaṃ khīre, **khi** khaye, īro. Duhyateti **duddham**, **duha** papūraṇe, to. **Pā** pāne, pātabbanti **payo**, ṇyo, āssattaṃ. Thanato sambhūtam **thaññaṃ**.

Dvayaṃ takke. Tīni kāni jalabhāgāni ettha santīti **takkaṃ**, issattaṃ, dvittañca. **Matha** viloḷane, to, “yathāgamamikāro”ti ikārāgamo, aññatra pana –

“Addhodakasamāyuttaṃ, udassitamudīritam;  
Takkaṃ tibhāgasamūyuttaṃ, mathitanti gatodaka”nti. –

Takkamathitā bhedenuttā, gatodakamiti nijjalaṃ.

“Nijjalaṃ mathitam siniddham, takkantu jalapādikaṃ;  
Udassitam jaladdhañca, sotakhyantu samodaka”nti. –

### **Ratanamālā.**

501. Khīrādayo pañca goto sañjātarasā. Khīraṃ navaṃ, dadhi khīrato jātam. “Khīrajaṃ dadhimaṅgala”nti hi **ratanāmālā**. **Dhā** dhāraṇe. I, dvittam, nipātanā. Dadhito vā ghatam, nonītañca. Sabbaseso takkaṃ, khīratoyeva vā.

Chakkaṃ eḷake. Bādhiyamānopi na ravatīti **urabbho**. **Ru** sadde, bho. **Meṇḍa** kuṭilatthe, ko. Misati paddhate aññamaññaṃ **meso**. “Saṃhasane meso, paddhāya’masamunnatī”ti **nānatthasaṅgāhe**. Na raṇatīti **uraṇo**, **raṇa** sadde. **Ava** rakkaṇe, i. **Avi**, “avayo selamesakkā”tyamarasīho [amara 23.207]. “Ajī”tipi pāṭho. **Ila** gatiyaṃ, ṇvu. Uṇṇāyupyatra, uṇṇāyogā **uṇṇāyu**, yu, luhu ubhe ulomasasaddā ca **rabhasena** vuttā.

**502.** Tikam aje. **Vasa** nivāse. To, **vasto**, vattopi. Aññe tu “**vasa** gandhaadane” ti curādimāhu, **aja** gamane, na jāyatīti vā **ajo**. Chindanto gacchatīti **chagalako**, **cho** chedane, **gamu** gamane, ño, **massa lo**, ossattam, sakatthe ko, chakalakopi. Chāgopyatra. Dvayam karabhe. **Vasa** kantimhi, to, vassottam, **usa** dāhe vā, **ottādi**, **oṭṭho**, dantacchadepi. **Kara** karaṇe, abho. “Kharabho” tyeke paṭhanti. Kamelako, mayo, mahāngopyatra.

Dvayam gadrabhe. **Gadatismā** rabho, **gadrabho**. Kham kaṇṭhavivaram mahantamassatthīti **kharo**, ro. Cakkavā, bāleyyo, rāsabhopyatra. Cakkayogā, vantu. Balayuttattā **bāleyyo**. **Rasa** sadde, abho. Dvayam aviyaṃ. Uraṇassa ayaṃ **uraṇī**. Avino esā **avī**. **Ajāsaddo** eko chāgiyaṃ. Aññe tu “uraṇī tu ajī ajā” tipī pāṭham vatvā tiṇṇampi **uraṇī**pariyāyattam vadanti, tesam mate **ajīajāsaddāpi uraṇī**pariyāyā atthīti daṭṭhabbā. Atha vā tikam ajiyaṃ. **Uraṇasaddassāpi ajā**pariyāyassa sambhavato “uraṇī tu ajī ajā” ti vuttam, vakkhati hi anekatthavagge “ummāre eḷako aje” ti [[abhidhāna 1124 gāthā](#)], **uraṇa**pariyāyo hettha eḷako.

Vessavaggavaṇṇanā niṭṭhitā.

**503.** Tikam sudde. **Sada** assādane, do, assu. **Antavaṇṇo** lāmakavaṇṇo. **Vasa** secane, vasetabbo asucitattā **vasalo**, alo. Yatra yatra vā muttam karīsam siṅcatīti **vasalo**, alo, jaghaññajopyatra. Brahmuno jaghaññaṅge pāde jāto **jaghañña**jo.

Māgadhādayo sūtapariyantā vijātiyamātāpitikattā ubhayavaṇṇoppattiyā saṃkiṇṇajātiyo iccattho, bhinnajātisaṃsaggo eva hi saṅkaro. Suddena sambandhāya khattāya jāto putto **māgadhō**. Thutikriyāvutti. Suddāya sambandhena khattiyena jāto **uggo**, **uca** samavāye, ño.

**504.** Brāhmaṇiyā sambandhena khattiyena jāto **sūto**, **su** abhibhave, to, dīghādi.

Suddāvessahi **karaṇo-mbaṭṭho** vessādvijātihi. **Māhimso** vessākhattajo, **khattā** khattāya suddajo.

Brāhmaṇīkhattajo **sūto**,  
Tassam **vedehako** vesse;  
**Rathakāro** tu māhimsā,  
Karaṇyaṃ yassa sambhavo;  
**Caṇḍālo** nāma janito,  
Brāhmaṇīvasalehi yo.

Tatra **karaṇo** lipilekhanavutti, **ambaṭṭho** vicikicchāvutti.

Dvayam sippini. Karoti nimmināti citralepyādikanti **kāru**, ñu. Sippamassatthīti **sippiko**. Sajātīnam tesam sippīnam saṅghāto “seṇī” tyuccate. **Si** sevāyaṃ, ñi.

**505.** Tacchakādayo ime pañca **kāravo** sippino nāma siyuṃ. Vuttañca –

“Tacchako tantavāyo ca, rajako ca nahāpito;  
Pañcāmo cammakāro ca, kāravo sippino matā” ti.

**506.** Pañcakaṃ tacchake. **Taccha** tanukaraṇe. Tacchati tanuṃ karotīti **tacchako**, ṇvu, vaddhayati chindatīti **vaddhakī**, **vaddha** chedane, curādi, “chedane cāpi vaddhana” nti **ratanamālā**, ṇvu. Sakatthe ī, vaddhakī, vaḍḍhakīpi. Palādyummānappakārena gaṇḍati chindatīti **palagaṇḍo**. **Gaṇḍa** chedanopalepanasannicayavadanekadesesu. Palagaṇḍo sudhājīvinīyapi. **Ṭhā** gatini vattiyam, ti, **pakāra**vaṇṇāgamo. **Ṭhā**tissa **thopi**. Ratham karotīti, kammani ño, **rathakāro**, cammakārepi. Dvayam suvaṇṇakāre. Nāḷim dhamati mukhe vināsayitvā mukhavāyunā aggidīpanattham nāḷim saddāpayatīti **nāḷidhamo**.

**507.** Athoparaṃ pukkusaṃyāvapādena nāmaṃ. **Ve** tantasantāne, tantaṃ vāyatīti, ṇo. **Pesa** peraṇapayatanagatīsu. Pesanaṃ peso, taṃ karotīti, ṇo. Kuvindopyatra, kucchitaṃ vindatīti **kuvindo**. Mālāsippayogā, mālāpanayogā vā **māliko**, iko.

Kuṃ lalayati icchatīti **kuḷālo**, **lala** icchāyaṃ, ṇo. Dvayaṃ sūcikkammopajīvini. Sūcivānakammaṃ duvidhaṃ sūcanaṃ, tunnañcāti, tatra tunnavānakammaṃ pavattinimittena **tunnavāyo**, sūcivānasippayogā **sociko**.

**508.** Cammaṃ karoti vikāramāpādayatīti, kammani ṇo. Pādukaropyatra. **Kappa** chedane, ṇvu. **Naha** soceyye, **divādito** nipātanā **pakārāgamādi**, na hāpetīti vā **nahāpito**, **hā** parihāne, **ṇāpe** paccayo, to, essittaṃ, saññāsaddattā nassapakati. Khurī, muṇḍī, divākittipyatra. Khuravā **khurī**, muṇḍavā **muṇḍī**, muṇḍo, muṇḍī, muṇḍakoti pasiddhi. Divā divase kitti byāpāro assa **divākitti**. “Caṇḍāle tu divākitti, nahāpito”ti **ruddo**.

Raṅjate suttaṃ rattamāpajjate yasmim, sa **raṅgo**. Haritālamanoṣilādi, tamājīvatīti, kammani ṇo.

Puñjaṃ kasatīti **pukkuso**, nipātanā, atha vā “pu”iti purisassa nāmaṃ, taṃ kuseti apanetīti **pukkuso**. Pupphaṃ vuccati karīsaṃ, kusumaṃ vā, taṃ chaḍḍetīti, ṇvu. **Chaḍḍa** apanayane.

**509.** Venādayo tayo **samā** tulyatthā. Veṇunā jīvatīti **veno**. **Ṇassa nattaṃ**. **Veṇopi**. Veṇuvettādīnaṃ vikati vilīvā, tehi vilīvaṃ karotīti **vilīvakāro**. Naḷopi veṇuvettādīnaṃyeva vikati, taṃ karotīti, kammani ṇo. Naḷehi vā vilīvaṃ karotīti **naḷakāro**.

Ito paraṃ soṇḍikaṃ yāva pādena nāmaṃ. **Cunda** chedane, sañcodane ca. **Cunda** nisāmane vā. **Bhamu** anavaṭṭhāne, taṃ karotīti **bhamakāro**. **Kara** karaṇe, māro, **kammāro**, kammani ṇvu. **Lohakārako**. Ākarotṭhitaṃ [[āṭavoṭṭhitaṃ \(ka.\)](#)] yo lohaṃ dhamitvā saṅkharoti, tatrāpi **lohakārako**.

**510.** Rajakassa dve kammāni celadhovanaṃ, rajanañca. Tatra celadhovano **ninnejako**, ṇvu, **niji** suddhiyaṃ, **niji** soceyyasocanesu vā. Vattharañjanā **rajako**. **Ranja** raṅge, ṇvu. Netīti **nettiko**. Sakatthe ko, nettiyaṃ udakanayena niyuttoti vā **nettiko**, nettiyā mātikāya netīti vā **nettiko**, iko. Udaḥāro hāretīti **udahārako**. **Kalopo**, ṇvu.

Vīṇāvādanasīlattā **vīṇāvādi**. Vīṇāvādanasippayogā **veṇiko**. Usumhi, usukāro vā vaḍḍhakī **usuvaḍḍhakī**, etena **vaḍḍhakī**saddassa sabbesampi sippikānaṃ vācakatā dīpitā, tena suvaṇṇavaḍḍhakī, tantavaḍḍhakīyādayopi yojjā.

**511.** Veṇuṃ vaṃsaṃ dhamatīti **veṇudhamo**. Veṇuvādanasippayogā **veṇaviko**, ṇiko. Yo pāṇineva pāṇantare murajādisaddaṃ utṭhāpayati, so **pāṇivādo**. Pāṇiṃ hantīti **pāṇigho**. Pāṇiyopi. Pāṇivādanasippayogā **pāṇiyo**, yo.

Pūpena jīvatīti **pūpiyo**, pūpo paṇiyo vikkeyyo yassa. Pānāgāraṃ suṇḍā, taṭṭhattā surā soṇḍā, taṃ vikkiṇātīti **soṇḍiko**, “nenaniddiṭṭhamanicca”nti [[kātanta 1.2.18 naghaṭṭitaṃ aniccaṃ \(paribhāsendusekhara 97\)](#)] paribhāsato vuddhi. Majjaṃ vikkiṇāti sīlena. Maṇḍahāropyatra, maṇḍaṃ surāsambandhamaggabhāgaṃ harati uddharatīti **maṇḍahāro**.

**512.** Dvayaṃ indacālakhye kapaṭe. Mayena asurena sure vañcayitum [[calayitum \(ka.\)](#)] payuttattā mayassa ayaṃ **māyā**, mayo eva sambaro, tassāyaṃ **sambarī**, ṇī, nadādi. Dvayaṃ māyākāre. Indajāle niyutto **indajāliko**. Pāṭihāro kopī. Pāṭiharati nayanamanenāti pāṭihārako, ṇvu.

**513.** Ariyāsāmaññaṃ orabbhikādīnaṃ catunnamatthe. Ye urabbhaṃ eḷakaṃ hantvā jīvantīti **orabbhikā**. Sūkare hantvā jīvanti **sūkarikā**, tathā magaṃ hantvā jīvanti **māgavikā**. Sakuṇe pakkhino hantvā jīvanti **sākuṇikā**, iti kamato bhavanti.

**514.** Dvayaṃ jālike. Vāgurā migabandhanajālam, tāya caratīti **vāguriko**, vākarikopi. **Vaka**

ādāne, aro, ā, vākarā, tāya caratīti **vākariko**, pubbapakke **kassa go**, assu ca, vāguriko. Dvayaṃ bhāravāhe. Bhāraṃ vahaṭṭī, kammani ṇo. Bhāraṃ vahaṭṭī **bhāriko**.

Tikaṃ vetanopajīvini kiṅkare. Vetanena jīvatīti **vetaniko**. Bhato vetanena kīto, so eva **bhatako**, saññāyaṃ vā ko. Bhatīṃ vetanaṃ bhujjāṭīti vā **bhatako**, ko, issattaṃ. Kammaṃ karotīti **kammakaro, kammakāropi**.

Chakkaṃ dāse. Kiñci karotīti **kiṅkaro**, “ahamaṃja kiṃ karissāmī”ti bhattu kattabbakicceyaṃcānattā vā **kiṅkaro**. **Dāsa** dāhe. Dāsantetassāti **dāso**, a. **Ciṭṭa** pesanīye, pesīyate sāmīnāti ceṭo, ṇo, sakatthe ko, **ceṭako**. **Pisa** pesanīye, ṇo, sassa dvittaṃ. **Bhara** dhāraṇapōsanesu, bhariyāṭīti **bhacco**, “riccā”tiyogavibhāgena **bharādītopi riccapaccayo**, “ramhi ranto rādino”ti ralopo ca, **bhacco**. Paricarati sāmīnanti **paricāriko**. Dāsero, dāseyyo, goppako, niyojjo, abhujjissopyatra.

**515.** Te ca dāsā antojātādivasena catudhā siyuṃ. Antogehe dāsīyā kucchimhi jāto **antojāto**, dhanena kīto dhanam datvā dāsabhāvaṃ gato **dhanakkīto**, sayameva **dāsabyopagato** bhayanivāraṇādyatthaṃ dāsabhāvamupagato ca karamarabhāvena ānīto **karamarānīto** ca, iccevaṃ te dāsā catudhā siyunti pakatam.

**516.** Dvayaṃ bhujisse. **Bhuja** pālanajjhohāresu, iso, dvittaṃ. Tikaṃ nīce. Nihīnaṃ cinotīti **nīco**, ṇo, rassassa dīghatā. **Jama** adane, mo. Nicchayena hāniṃ gacchatīti **nihīnako, hā** parihāne, **i** gatiyaṃ, yu, sakatthe ko.

“Vivaṇṇo pāparo nīco, pākīto ca puthujjano;  
Nihīno`pasado jammo, khullako itaro ca so” . –

Tyamarakose [amara 20.16]. Vigato vaṇṇo assamo yassa **vivaṇṇo**. “Assamo brahmacāriyādi, catukkepi maṭhepi ce”ti **nānatthasaṅgahe**. Pāpaṃ rātīti **pāparo**. Pakatiyaṃ yathājātabhāve bhavo vijjamaṇo, na tu byāpāroti **pākīto**, ṇo. Sajjanehi puthubhūto jano **puthujjano**. Apakaṭṭhaṃ sadati gacchatīti **apasado**. Khudaṃ lātīti khullo, **dassa lo**, khullo eva **khullako**. Itam kampitam rātīti **itaro**.

Dvayaṃ anālase. Kusītassa bhāvo kosajjaṃ, taṃ yassa natthīti **nikkosajjo**. **Lasa** kantiyaṃ, appaṃ lasatīti kilāsu, ṇu, na kilāsu **akilāsu**. **Manda** supane, a. Na lasati kīḷatīti **alaso**.

**517.** Catukkaṃ caṇḍāle. Saṃ sunakhaṃ pacatīti **sapāko**. **Caṇḍa** caṇḍikke, ālo. Mataṅgassa apaccaṃ **mātaṅgo**. **Cu** cavane, ṇvu, **cavako**. “Plavako”tipi pāṭho, **plava** gatiyaṃ, ṇvu.

“Caṇḍālaplavamātaṅgā, divākittijanaṅgamā;  
Nisādasapacāante-vāsī caṇḍālapukkusā” . –

Tyamarakose [amara 20.19-20].

Milakkhajātyādayo mahāraññanivāsino **tabbhedā** tassa caṇḍālassa visesā.

Gomaṃsabhakkhako yo tu,  
Lokabāhyañca bhāsate;  
Sabbācāravihīno`yaṃ,  
Milakkhajāti vuccate [cintāmaṇīṭkā 20.20].

**Milakkha** abyattasaddhe. Milakkhante abyattaṃ bhāsanteti milakkhā, tesam jāti yoni **milakkhajāti**. Mayūraṇīchādīparidhāno **kirāto, kira** vikiraṇe, ato, kiratīti **kirāto**. Kiratopi. Pattaparidhāno **savaro**. **Sava** gatiyaṃ, aro. **Ādinā pulindo, pula** mahatthe, do, **pulindo**, sabhāsā byavahārī desantarabhāsānabhiñño, pulindo savarapariyāyoti keci.

**518-519.** Tikam luddamatte, ayampi milakkhappakāro. Migamacchādīnaṃ nisādanato māraṇato nesādo. **Ludha** upaghāte, do, **dhassa do, lū** chedane vā, do, ubhayatrāpi sakatthe ko. Vijjhatīti **byādho**, rassassa dīghatā. Dvayaṃ migaludde. Mige hantīti **migavo**, vo. Mige vijjhatīti **migabyadho**.

Siloko sunakhe. Saramā sunī, tassāpaccaṃ **sārameyyo**, ñeyyo. Sundaraṃ nakhametassa **sunakho, sunassa** vā pāṭipadikassa **unakho, suna** gatiyaṃ vā, kho, evaṃ sabbatra pāṭipadikavasena vā dhātuvasena vā rūpasiddhi veditabbā. **Suna** gatiyaṃ, **sunassa** vā **uno**. **Soṇa** vaṇṇagatīsu, **sunā** gatiyaṃ vā, ño, **ṇattaṃ, sunassa** vā **oṇo**. **Kuka** ādāne, uro, **kukkuro**. **Suna** gatiyaṃ, **ussa** vādese **svāno, uvādese** **suvāno**. Mige sarati hiṃsatīti **sālūro**, ūro, **rassa lo**. Dīghādīmi **sūno**. Ussāte **sāno**. **Nalope** ussāte **sā**, ayaṃ pume, koleyyo, migadaṃsako, bhasakopyatra, kule gehe bhavo **koleyyo**. Migam daṃsatīti **migadaṃsako**. Bhasati bukkatīti **bhasako, bhasa** bhaṇane.

Bhesajjādiyogena, nissaggena vā ummattādibhāvamāpanno sunakho “aḷakko, atisuno”ti ca vuccate. **Ala** nivāraṇe, kammani ṇvu, dvittaḷattāni, **aḷakko**. Alakkopi. Pakatiṃ atikkanto suno **atisuno**.

**520.** **Sādibandhanam** sunakhādibandhanam rajjādi **gaddūlo** nāma. **Gadda** sadde, ulo, dīgho. Dvayaṃ dīpake. **Dīpa** dittiyaṃ, ṇvu, **ciṭa** pesanīye, luddena ciṭyateti **ceṭako**, ño, sakatthe ko, **ṇvupaccayena** vā siddham.

Tikam pāse. **Bandha** bandhane, kattari yu. **Gantha** ganthane, **gantha** koṭīye vā, **nthassa ṇṭho**. **Pasa** bādhanaṃhusanesu, kattari ño. Dvayaṃ vākarāyaṃ, yā sāṇatacādīhi migādīnaṃ bandhanattham katā. **Vaka** ādāne, aro, itthiyamato ā. Mige ganthati bandhatīti **migaganthanī**, “migabandhani”tipi pāṭho.

**521.** Dvayaṃ kumīne. Yatra macchā pavisanteva, na nissaranti, kucchitā veṇī assā **kuveṇī**, nadādi. Vajjhappattatāya kucchitā mīnā yasmim **kumīnam, kamu** padavikkhepe vā, ino, macchādhanīpyatra, macchā ādhīyante yassaṃ **macchādhanī**, yu, nadādi. Dvayaṃ jāle. Ānīyantenenāti **ānayo**, ño, īsse, e aya. Jale hitam **jālam, ṇa**.

Dvayaṃ vadhatthāne. Āgantvā hananti yasmim **āghātanam, yu, hanassa ghāto**. Vadhassa māraṇassa ṭhānam **vadhatthānam**. Dvayaṃ adhikoṭṭane. Sadā ākoṭṭanattā saha ūnenāti **sūnā, suna** gatiyaṃ vā, itthiyamati a, dīghādi. **Kuṭa** chedane, adhikoṭṭenti yasmim **adhikoṭṭanam**.

**522.** Dvipādam core. Tam karotīti **takkaro**, theyyattham vā takkayatīti **takkaro**. **Takka** vitakke, aro. **Musa** theyye, kattari ṇvu. **Cura** theyye, ño, curā theyyasīlamasseti vā **coro**, ño. **Thena** coriye, curādi, a. Ekaṃ asahāyaṃ agāram geham ekāgāram, **taṃ** payojanam yassa **ekāgāriko**, iko. Mosatthino hyekāgāram payojanam. **Samāti** tulyatthā. Dassupyatra. **Damsa** daṃsane, su, niggahītalopo.

Tikam theyyakriyāyaṃ. Thenassa kammaṃ **theyyam**, corassa kammaṃ **corikā**. Musanam **moso**, bhāve ño. **Ve** tantasantāne, **vemo**, anitthī. Vāyanattho daṇḍako **vāyanadaṇḍako**, vāsaraḍḍakopi.

**523.** Tikam sutte. **Suca** gatiyaṃ, to. **Tanu** vitthāre, tu, tantu pume, tantapayojanattā **tantam**. **Lepyādikammani** lepanādikriyāyaṃ **potthasaddo** vattati. **Ādinā** potthalikādilikhanakammaṃ gayhate, **pusa** snehasecanapūraṇesu, bhāve tho. Atha vā **lepyādikammani** kammakārahūte lepitabbādīmi **potthasaddo**, tadā kammani tho, **pottham**.

Vatthadantakaṭṭhasiṅgādipotthalikāyaṃ **pañcālikā**divayaṃ. Pañcaṅgāni yassā santi sajīvassevāti **pañcālikā**, iko. Majjhe lakārāgamo. Potthena vatthena alaṅkariyattā **potthalikā**. **Ala** bhūsane, ṇvu. “Caturo janā potthakamaggahesu”nti ettha **potthakasaddena** vattham vuttam, **potthasaddoyeva** hi sakatthe **kapaccayena** “potthako”ti vutto. “Puttalikā”tipi pāṭho, putto viya

alaṅkarīyateti puttalikā, puttikāpyatra.

**524.** Yaṃ **kūpato** āvātaṃ **ambuno** jalassa **ubbāhanam** uddhāraṇam bhava, taṃ “ugghāṇam, ghaṭṭiyanta”’miti coccate. Uddham ghaṭṭiyati udakanti **ugghāṇam**, yu. **Ghaṭṭa** cetāyaṃ, ghaṭṭīyeva uddhādhogamanavasena gamanato **ghaṭṭiyantam**, **yā** gatipāpuṇanesu, anto, to vā.

Dvayaṃ mañjusāyaṃ, yā kaṭṭhehi karīyati. **Mana** ñāṇe, so, jumajjho [**manissa jūka** (ṇvādi 215) **uṇādivuttiyaṃ 4.77 sutte ca passitabbam**], **pela** gatiyaṃ, **pe** pālāne vā, lo, ḷattam, **peḷā**, **pala** rakkhaṇe vā, kattari a, asse, **peḷā**. Tikam pacchiyaṃ. **Piṭa** saṅghāte, ṇvu, **piṭako**, vuddhimhi **peṭako**. **Pasa** pālāne, chi, **pacchi**, itthiyaṃ.

**525.** Dvayaṃ kāje. Vividham bhāramābhañjanti olambanti yassaṃ **byābhaṅgī**. **Kajja** byadhane, kattari ṇo, ekassa **jassa** lopo, **kaca** bandhane vā, adhikaraṇe ṇo, **cassa jo**, **kājo**, kācōpi. **Atra** kāje **avalambanam** vettādivikati sikkā nāma. **Saka** sattiyaṃ, kattari ko, upāntassi, **sikkā**, kājōpi.

Dvayaṃ upāhane. Upanayhate bandhīyateti **upāhano**, vaṇṇavipariyayo, rassassa dīghatā, **vākārena** upāhanam. Pajjate yāya **pādu**, u, **pādu** itthī, “pannaddhī pādukā pāṇihitā padarathī”’tipi **tikaṇḍaseso** [**tikaṇḍasesa 2.10.13**]. **Tabbhedā** tassupāhanassa bhedā visesā pādukā nāma, **pada** gamane, ṇuko, **pādukā**, bahupaṭalā cammamayā kaṭṭhamayātyeke.

**526.** Tikam cammarajjuyam. **Vara** icchāyaṃ, **vara** saṃvaraṇe vā, chadādīhi tatraṇa. **Varattā**, varattam, varatrā, varatrampi. **Vaddha** vaddhiyaṃ, sakatthe ko, **vaddhikā**. Nayhate bandhīyate yāya **naddhī**, **naha** bandhane, to, nadādi.

Dvayaṃ aggidīpane. **Bhasa** bhāsadittīsu, dibbate aggi yāya **bhastā**, to, traṇamhi bhastrā, nadādino ākatigaṇattā ipaccayābhāvo. Cammamayaṃ pasibbakaṃ **cammapasibbakam**, cammapasibbakāpi.

Tejase suvaṇṇādike āvatyate yatra, sā soṇṇādyāvattanī mūsā nāma, **musa** theyye, a, **mūsā**, dīghādī. Kalādikaṃ yāva pādena nāmaṃ. **Kuṭa** chedane, karaṇasādhanam, **kūṭam**, dīghādī, **vākārena** kūṭo. Ayaso, ayomayo vā ghano **ayoghano**.

**527.** Kammārānam bhaṇḍam **kammārabhaṇḍam**. Saṅgamma ḍaṃsatīti **saṇḍāso**, ṇo, niggahītalopo, saṇḍāso, yenādittalohādī gayhate. Dvayaṃ adhobhāgaṭṭhe ayoghane. **Muda** saṃsage, thi, **muṭṭhi**, itthī. Adhikaroti yassaṃ **adhikaraṇī**, yu, nadādi.

**Tabbhastā** tesam kammārānam bhastā aggidīpanī gaggarī nāma, yā “ukkā”’tipi vuccati, sā ca nārī, “gagga”’iti saddam rātīti **gaggarī**, manthaniyampi. Dvayaṃ khuddakasatthe. **Sasa** hiṃsāyaṃ, tho. Piyampi phāletīti **pippalaṃ**, **phala** vidāraṇe.

**528.** Dvayaṃ nikase. **Sā** tanukaraṇe, yu, **ṇattam**, nikasate parikkhyate suvaṇṇanti **nikaso**. Kasopi. Sūciyā nāsāvijjhanam ārā, **ara** gamane, ā, **ārā**, cammakārānam cammavedhanepi **ārā**, “tikam sūciya”’nti keci.

Dvayaṃ kharapatte. Kharasamphassatāya **kharo**. “Ka”’iti kacati pāṭayati **kakaco**, anitthī, “kakacam kharapattañce”’tyamaramālāyaṃ napuṃsakakaṇḍam. **Vacchāyanasatthe** vuttā gītavajjādikā vijjā catusaṭṭhikriyā, tathā āliṅganacumbanādikā ca abbhantarā catusaṭṭhikriyā **kalāsaddenoccate**. **Ādinā** yaṃ tatra vuttam kārūkammaṃ, taṃ gayhate, taṃ sabbampi kalādikaṃ **kammaṃ** kriyā **sippam** nāma, **sī** saye, po, **sappa** gamane vā, upāntassi, **sippam**.

**529-530.** Patisadisam yaṃ silādinā patirūpakaṃ karīyate, tatra **paṭimā**dicatukkaṃ. **Mā** māne, mānamatra sadisīkaraṇam, kattari, karaṇe vā a, **paṭimā**, nārī. **Vamu** uggiraṇe, bo, **ittam**, **paṭibimam**. **Dhā** dhāraṇe, i, **paṭinidhi**, dvīsu. Paṭimānam, paṭiyātanā, paṭicchāyā, paṭikatipyatra.

Pajjaṃ sadise, tatra **samā**dayo kevalā api tīsu, sadisatthe ca vattanti, **sannikāso**, pana ante tayo ca uttarapadābhūtā, taṃ yathā – tena samo'yaṃ [**taṃsamo'yaṃ (?)**], taṃsamamidaṃ, taṃsannikāso iccādi [**amū nibhādayo uttarapadaṭṭhā eva sadisavacanā vāccaliṅgā siyuṃ yathā “pitunibho putto, mānunibhā kaññā, devanibhama- pacca”’miti, byākhyāsudhā 2.10.37**]. **Sama** velambe, a. Patirūpakaṃ bhajatīti **paṭibhāgo**, ṇo, **kāsa** dittiyaṃ, a, **sannikāso**. Samānamiva naṃ dissatīti **sarikkhako**, **samānassa so**, **dissa ri**, **sassa kkho**, sakatthe ko, **sarikkhako**. **Sama** velambe, yu, **samāno**, saha mānenāti vā **samāno**. Samānaṃ katvā naṃ passatīti **sadiso**, **samānassa so**. Paricchedasadhammā tulyādhiṭṭhitāya sammito paricchinnō **tulyo**, sammitatthe yo, **apaccaye tulopi**. **Bhā** dittiyaṃ, **sannibho**, **nibho** ca. Bhūta rūpādayopyatra, yathā pitubhūto, māturūpo.

Tikaṃ upamāne. Upamīyate yena **opammaṃ**, mana, **upapubbo mā** māne, **yupaccaye upamānaṃ**, itthiyamati a, **upamā**, upamānopameyyānaṃ sadhammattepyayaṃ, vuttañca “upamānopameyyānaṃ, sadhammatṭaṃ siyopamā”’ti [**subodhālaṅkāra 176 gāthā**]. “Yenopamīyate, yā copamīyate, tesvapi **opammā**dittaya”’ntyamarasīho [**byākhyāsudhā 2.10.36**].

**531.** Catukkaṃ vetane. Bharati kammakare yāya, sā **bhati**,ti. **Visa** peraṇe, peraṇaṃ gamanādīsu niyojanaṃ, karaṇe ṇo, **nibbeso**, nivesopi. **Vī** gamane, tano. Mūlena samitaṃ **mūlyaṃ**, **mūla** paṭiṭṭhāyaṃ vā, karaṇe yo.

“Kammaññā tu vidhā bhaccā, bhatayo bhammavetaṇaṃ;  
Bharaṇyaṃ bharaṇaṃ mūlyaṃ, nibbeso paṇamiccapī”’ . –

Tyamarasīho [**amara 20.38-9**].

Dvayaṃ jūte. **Ju** gatiyavesu, to, dīghādi, **jūtaṃ**, **juta** dittiyaṃ vā, karaṇe a. Kitavassa jūtakāraṃsa kammaṃ **ketavaṃ**, ṇo. Akkhavati, paṇopyatra. Akkhā pāsakā upāyatthena assaṃ santīti, vantu, sabhāvato itthitaṃ. Paṇo aṭṭo, taṃyogā **paṇo**.

Pañcakaṃ jūtakāre. Dhāvanti atti dhutti, nipātanā, taṃyogā **dhutto**, ṇo, **dhū** kampane vā, to, rasso, **dhutto**, sabbakīlādīpasutepyayaṃ. Akkhesu dhutto **akkhadhutto**. Mariyādamatikamma kīlādīpasuto hi “dhutto”’ti vuccati. Kitavaṃ assatthīti **kitavo**, nipātanā, **kita** nivāse vā, avo. Akkhehi jūtehi dibbatīti **akkhadevī**, ṇī.

**532.** Dvayaṃ paṭibhoge, paṭibhuñjati pālayatīti **paṭibhogo**, **bhuja** pālāne, ṇo. Paṭibhavatīti **paṭibhū**. Dvayaṃ catuvīsati pāsake, yena jūtakārā dibbanti. **Aka** kuṭilāyaṃ gatiyaṃ, kho, **akkho**. **Pasa** bādhanaṃ phusanesu, ṇvu. Devanopyatra. Dibbanti yena **devano**, **divu** kīlāyaṃ, yu.

Sārāphalake **aṭṭhāpadaṃ**, pume, napuṃsake vā, aṭṭhāpadānyassa **aṭṭhāpadaṃ**. Desantare hi caturāṅgasseva paṭṭikāyaṃ pāsakajūtampi vattate, saññāyaṃ **aṭṭhasaddassa** uttarapade rassassa dīghatā [**pāṇini 6.3.125**]. Aṭṭhāpadampi. Paṭṭe ito cito ca saranti parivattantīti sārino, tesam phalakaṃ **sārīphalakaṃ**, sakatthe ko.

Dvayaṃ abbhute, yena satādīlābhajānivasena jūtakārādīnaṃ jayaparājayā hontī. **Paṇa** byavahāre, a, **paṇo**, panopi. **Abbha** gamane, to, **abhi** sadde vā, to, asarūpadvittaṃ, abbatopi.

**533.** Nānādabbakate **madirābīje** surābīje **kiṇṇā**, kiranti nānādabbāni missībhavantyassaṃ **kiṇṇā**, to. **Madhvāsave** madhukapupphakate majje **madhu** mataṃ, madhukapupphaṃ **madhu**, tappakatattā madhu, madhukatepi majje madhu madhvāsavā vuttā, mādhavako, mādhvikampi, advīsidaṃ.

**Surāntaṃ** majje. **Mada** ummāde, karaṇe iro. Varuṇo nāma eko jano, teneva paṭhamaṃ diṭṭhattā varuṇato jāyatīti **vāruṇī**, ṇī, **vara** patthanāyaṃ vā, kamme yu, assu, nadādi. Majjante yena **majjaṃ**, vajādīnā yo, **dyassa jjo** ca. **Su** abhisave, ro, **su** savane vā, **surā**. Halippiyā, hālā, gandhottamā, pasannā, irā, kādambarīpyatra. Halino balabhaddassa piyā ruccā **halippiyā**. **Hala** vilekhane, ṇo,

**hālā. I** gamane, ro, **irā**. Paṭhama'mayaṃ gomantha pabbate kadambakoṭṭare bhavā **kādambarī**, tathā cāgamo “kadambakoṭṭare jātā, tena kādambarī matā”ti [cintāmaṇiṭṭikā 20.39].

Dvayaṃ tālādirasaje. Āsavanti mānapurisamadādayo yenāti **āsavo**. Madaṃ janetīti **merayaṃ**, neyyo, asse, **dassa ro** ca. Sīdhupyatra. Majjavisesepi tayamidaṃ vadanti, vuttañca –

“Sīdhuucchurase pakke, apakke āsavo bhavē;  
Merayaṃ dhātakīpuppha-guḷadhaññambiloṭṭhita”nti [cintāmaṇiṭṭikā 20.42 byākhyāsudhā 2.10.41].

**534.** Dvayaṃ pānapatte. **Sara** gatiyaṃ, ṇvu. **Sara** gatihiṃsācintāsu vā. **Casa** bhakkhane, ṇvu, dvayaṃpyanittī. Sīdhumhi ca **sarako**.

Dvayaṃ pānamaṇḍale. Āpivanti saṃbhūya pivantyasmim **āpānaṃ**, yu. Pānassa maṇḍalaṃ koṭṭhaṃ **pānamaṇḍalaṃ**.

**535.** Samattaliṅgāsaṅgahato asampunṇataṃ pariharati. **Atra** asmim vagge **ye yogikā** saddāveṇikamāyākāracoraakkhadevippabhutayo pume **bhūrippyogattā** pacurappayogadassanato **ekasmim** liṅge pume **iritā** kathitā, te **taddhamattā** taṃyogavasā ekakriyākāritā **aññavuttiyaṃ** tato aññatra itthādisu vuttiyaṃ satyaṃ **liṅgantarepi** itthiliṅgādopi **neyyā** upanīyā, taṃ yathā – māyākārī itthī, māyākāramidaṃ kulamiccādi. Ye tvayogikā **māgadhamālikakumbhakārādayo**, te jātivacanattā **suddādayo** viya dvīsūti.

Suddavaggavaṇṇanā niṭṭhitā.

Catubbaṇṇavaggavaṇṇanā samattā.

## 5. Araññavaggavaṇṇanā

**536.** Sattakaṃ vane. **Ara** gamane, añño, **araññaṃ**. Kena jalena ananaṃ pānamanassa **kānanaṃ**, dā avakhaṇḍane, **dā** chedane vā. Adhikaraṇe ṇo, “ākāraṇānamāyo”ti āyo. **Daya** dānagatihiṃ sādānesu vā, ṇo, **gaha** upādāne [gāhū viloḷane (?)], adhikaraṇe yu. **Vapa** bījanikkhepe, ino, assittaṃ. **Vana** sambhattisaddesu, kattari a, **vanaṃ**. Aṭṭā avayavo selā atreti **aṭṭavi**, i, imhi aṭṭavī.

Mahāpadumalatāvanaṃ **mahāraññaṃ**, nadādi, ananto ca, **araññānī**.

**537.** Nagarato nātidūrasmiṃ ṭhāne santēhi abhiropito **tarusaṇḍo** pūgapanasāditarusamūho atthi, so “upavana”nti coccate, kittimavanametam. Āramantyasminti **ārāmo**, ṇo. Upagataṃ, uparopitaṃ vā vanaṃ **upavanaṃ**.

**538.** **Sabbasādhāraṇaṃ** sabbalokehi sādāraṇopabhogaṃ **raññaṃ** rājūnaṃ araññaṃ “upavanaṃ, uyyāna”mityuccate, ulloketā yanti janā etasminti **uyyānaṃ**, yu. Ākīḷopyatra.

**Tadeva** rājopavanameva upakārikāsannihitaṃ, purasannihitaṃ vā antepurācitaṃ **pamadavanākhyaṃ**. Yatra antepurasahito eva rājā viharati, nāññajanappaveso. Pamadānaṃ itthīnaṃ vanaṃ **pamadavanaṃ**, rasso.

**539-540.** Sāntarālā panti, yathā – tarupanti, pāsādapanti, nirantarālā tu rājīti. Tatra pañcakaṃ pantiyaṃ. **Pana** byavahāre, thutimhi ca, **panti**. **Vī** gamane, thi, **vīthi**. **Vala** saṃvaraṇe, i, **āvali**. Ālīpi, **aladhātumhā** i. **Si** sevāyaṃ, ṇi, **seṇi**. **Pā** rakkhaṇe, ḷi, **pāli**, sogatepi. Dve samā. **Likha** lekhane, a. **Rāja** dittiyaṃ, i.

Tipādaṃ rukkhamatte. Pādena mūlena pivatīti **pādapo**, ṇo. Viṭapayogā **viṭapī**. **Rukkha** varaṇe, a, **ruha** janane vā, kho, **hassa ko**. **Na** gacchatīti **ago**. **Sala** gamane, ṇo, sāravantatāya vā sāro, so eva

**sālo**, aññatropacārā. Mahiyaṃ ruhatīti, a. **Du** gatiyaṃ, mo. **Tara** taraṇe, u. Kuto bhūmito jāyatīti **kujo**, āngārepi. Sākhāyogato **sākhī**.

**Gamu** gamane, ṇo, “gamissanto ccho vā sabbāsū”ti ccho. Khuddo avuḍḍhippatto pādapo **khuddapādapo**. Ye rukkhā **pupphaṃ vinā** apupphakā phalanti, **te** assatthodumbarapanasādayo “vanappatī”ti vuccanti, vanānaṃ pati **vanappati**. Pupphato jātaphalā pana ambakhajjūrādayo vānappatayo. Vanappatimhi bhavā **vānappatayo**.

**541.** Yo phalapākāvasāne marati, so kadalīdhaññādiko osadhi nāma bhavē, oso dhīyate yassaṃ [oso glosa dittibbā dhīyate’tra byākhyāsudhā 2.4.6], sā **osadhi**, i. **Sāsaddo osadhisaddassa** itthilīngattadīpako.

Dvayaṃ utuppattepi phalahīne. **Vana** yācane, jho, **vañjhā**, vadhati phalanti vā **vañjhā**, **vajādīnā** yo, **jhassa jho**, niggahītāgamo ca. Na vijjati phalametissāti **aphalā**, dve tīsu. Tikāṃ vattamānaphale rukkhādo. Phalayogā, ino, vantu, ī ca.

**542.** Catukkaṃ vikasite. **Phulla** vikasane, kattari to, sañjātatthe vā ito, **phala** visaraṇe vā, visaraṇaṃ vikāso, assu. **Kaca** bandhane, **vipubbo** vikasane, kattari a. Vikacate vidalati visilīṭṭhadalo bhavatīti vā **vikaco**, a, **visaddo** visilesajotako. **Kasa** gamane, to. Dalānaṃ aññamaññaṃ visilesato samudāyo “vikasito”tyuccate. Phuṭopyatra. **Phuṭa** vikasane.

Pādo rukkhagge. “Na nā’ggaṃ sikharaṃ siro”ti vopālitavacanato “siraso agga”nti na chatṭhīsamaṃso. Siro vutto. **Aja** gamane, go, **aggam**, seṭṭhe tīsu. **Sī** saye, kharo, sikhā vā cūlā, sā viya jāyatīti **sikharo**. Dvayaṃ sākhāyaṃ. **Sākha** byāpane, a. “Latā vallī samākhyātā, latā sākhā ca sākhina”nti **latā** nānatthā. **Lā** ādāne, to, rasso.

**543.** Chakkaṃ patte. Dalati vikasatīti **dalam**, a. **Lasa** kantiyaṃ, pakārena lasatīti **palāso**, ṇo. **Chada** saṃvaraṇe, chādīyate yena **chadanam**, yu. Pūrayatīti **paṇṇam**, nipātanā, **pata** adhogamane vā, patatyacirena **paṇṇam**, **pattaṇca**, to, pume. Saññāyaṃ **ṇamhi chado**.

Dvayaṃ pattādīsaṅghātavati sākhāya pabbe. **Palla** gamane, avo. **Kisa** gamane, yo, **lāgamo** majjhe. Dvayaṃ ānkure. Navo eva ubbhito uggato **navubbhinno**. **Ānka** lakkhaṇe, uro.

**544.** Pakkaṃ yāva pādēna nāmaṃ. Vikāso mukhapabuddhakalikāyaṃ makuḷādīdvayaṃ. **Muca** mocane, ulo, ussattaṃ, **cassa ko, makuḷam**, makuḷo vā. **Kuṭa** chedane, malo, assu, **kuṭumalo**, kutumalopi. Pupphassa ca phalassa ca pakatībhūte jālapatte **khārakādīdvayaṃ**. **Khura** vināse. Ṇvu. **Jala** dhaññe, sakatthe ko. **Jālakam** napuṃsake. Dvayaṃ jālakato pavuddhe pupphe, phale ca. **Kala** saṅkhyāne, ṇvu, **kura** sadde, ṇvu.

**Pupphādībandhanam** pupphaphalānaṃ bandhanam **vaṇṭam** nāma. Bandhīyate yena **vaṇṭam**, vajādi.

**545.** Tikāṃ pupphe. **Pasu** pāṇigabbhavimocane, ṇo. Khapaṇakabhāsāya rukkhopi pāṇi, vuddhādi, **pasavo**. **Kusa** akkose, umo, **kasa** gamane vā, **kāsa** ditiyaṃ vā, umo, rasso. **Puppha** vikasane, pupphatīti, a. **Pupphajo** rajo pupphadhūlī **parāgo** nāma, **ranja** raṅge, ṇo.

Madhurapuppharaso makarando nāmāti matam. Makkhikā ramanti yasmiṃ **makarando**, vajādi. Dvayaṃ kalikābhi ākiṇṇe pariṇāyavati. **Thu** abhitthave, ṇvu, **thavako**. **Gudha** parivedhane, ṇvu, **dhassa cho, gocchako**.

**546-547.** Āme apakke phale salāṭu utto, **salāṭa** bālyaparibhāsanesu, u, vijjamānabālyatāya **salāṭu**. Pakkantu phalam nippariyāyena “phala”mityuccate, tena “āmasmiṃ phalavohāro rūlhiyā pavattatī”ti nātabbo, **phala** nipphattiyaṃ, nipphatti cātra supakkattam, sukkhe tu phale vāno. Tatra salāṭu vānā tīsu, yathā salāṭu jambū, salāṭavo māsā, salāṭūni kumbhaṇḍāni, vānā harīṭakī, vāno

muggo, vānamambaṃ.

**Campakādi** campakaṃ karavīraṃ kadambakaṃ asokaṃ kaṇṇikāraṃ campakādīnaṃ pupphaṃ vikāro, avayavo ceti aññatthe ṇo na bhavati, tadantato pupphassuppatitato, evaṃ campakādīni kusumanāmāni napuṃsake vattanti, **ambādi** dāḷimaṃ nāraṅgaṃ āmalakaṃ kuvalaṃ badaranti pakatyantarameva phale vattate, āmalakiyā kuvaliyā badariyā phalaṃ vikāro, avayavo ceti aññatthe taddhitopi noppajjate, tadantato phalassuppatitato, evaṃ ambādīni phalanāmāni napuṃsake vattanti. Mallikādayo kusumepi vattamānā **salīngā** pakatiliṅgābhedopacārena pavattiyā, yathā – mallikā jāti, vanamallikā iccādi. Vīhayopyabhedopacārena phalepi salīngā, yathā māsassa phalaṃ māso, muggassa phalaṃ muggo, evaṃ yavo, tilo, atasī, kaṅgu, dhaññaṃ.

Tikaṃ jambuyā phale. Tatra yadā lokato phale vutti, tadā **jambusaddo** pakatyantarameva phale vattate, yadā na phalavutti, tadā vikāre avayave vāno, **jama** adane, bū, **jambū**, pakatyantarāphale vutti. Jambuyā phalaṃ **jambuvam**. Jambu ca. Lokato eva phalepi vattamānā harīṭakyādayo sabhāvato itthiyaṃ bhavanti [amara 14.18-20]. Harīṭakiyā phalaṃ harīṭakī, evaṃ kosātakī, sallakī, dakkhā, kaṇḍakārikā, sephālikā iccādi, pubbe viya vikāravayavatthesu paccayābhāvo, assatthādikaṃ chakkameva taddhitantaṃ assatthādīnaṃ phale vattamānānaṃ napuṃsakaṃ siyā rūpabhedo, yathā – assatthassa phalaṃ **assattham**, veṇuno phalaṃ **veṇavam**, pilakkhassa phalaṃ **pilakkham**, nigrodhassa phalaṃ **nigrodham**, iṅgudiyā phalaṃ **iṅgudam**, brahatiyā phalaṃ **brāhatam**, vidārī aṃsumatī gambhariyādayo mūle, pupphepi salīngā [amara 14.18-20]. **Pāṭalāsaddo** pana abhedavatticchāyaṃ mūle pupphepi vattamāno sabhāvato itthiliṅgo, bhedavatticchāyaṃ vikāre avayave vā **ṇamhi** pāṭalaṃ [amara 14.18-20]. Dvayaṃ sākḥāpallavādisamudāyalakkhaṇe ābhoge, **viṭa** vedhane, **viṭa** akkose vā, apo, **passa bhatte viṭabhī**, nadādi.

**548. Mūlamārabbha** mūlato paṭṭhāya **sākḥanto** sākḥāvadhi tarussa bhāgo **khandho** nāma, yo “pakaṇḍo” tipi vuccati, **khanu** avadāraṇe, dho, **khandho**, **khāda** bhakkhane vā, ko, “khādāmagamānaṃ khandhandhagandhā” ti **khandhādeso**, kalopo.

**Rukkhacchidde** rukkhādīnaṃ vivare **koṭaro**. **Kuṭa** chedane, aro, **koṭaro**, nikkuhopi. Dve samā. **Kāsa** dittiyaṃ, kāsate agginā dippateti **kaṭṭham**, to, **tassa ṭṭho**, rasso ca, **kasa** gamane vā, to, **kaṭṭham**. **Dara** vidāraṇe, ṇu.

**549.** Tikaṃ mūle. **Vu** saṃvaraṇe, do, niggahītāgamo, **budha** gamane vā, a, **dhassa do**. **Mūla** patitṭhāyaṃ, ṇo, **pādasaddena** tappariyāyā caraṇatthā sabbe saṅgahitā, pādasadisattā **pādo**, dvayaṃ chinnassa tarukkhandhassa bhūmitṭhabhāge. **Saṅka** saṅkāyaṃ, u, **saka** sattiyaṃ vā, niggahītāgamo. **Khanu** avadāraṇe, ṇu, **khānu**. Dhuvopi, dhuvati thirāyateti **dhuvo**, **dhu** gatitheriyesu, a, **uvādeso**.

Dvayaṃ vidāriyādīnaṃ kande. Kuyaṃ pathaviyaṃ ruhatīti **kuruhāṭam**, aṭo, **kanda** avhāne, rodane ca, “karahāto” mbujakande, puppharukkhabhītesu ce” ti **nānatthasaṅgahe**. Dvayaṃ halādīnaṃ kalīre. **Kala** saṅkhyāne, īro. **Masa** āmasane, thako, matthake sīse vā jāto **matthako**.

**550.** Dve samā. Abhinavaniggatā āyatā sakusumā, kusumasuññā ca **mañjarī**, vallarī tu tadaññāpi, yathā tālavallarī, **vala**, **valla** saṃvaraṇe, aro, nadādi. Muñjayogato **mañjarī**, ro, nadādi, ussattañca, dvepi nārī. Dvayaṃ latāyaṃ. **Valla** saṃvaraṇe, nadādi. Latā vuttā, “latā patānīni vallī matakīthā” ti halāyudho.

**Akkhandho** appakkhaṇḍo, bahupattatacaṇḍikādi. Yo vā tanupakaṇḍo vaṃsanaḷādi, so “thambo, gumbo” ti coccate, **thaka** saṃvaraṇe, bo, **kassa mo**. **Gupa** rakkhaṇe, bo, **passa mo**. Patāno sākḥāpattacayo, tena yuttā gorakkhā tambūli dhivusajīmūta gaḷojhādikā latā, sā **vīru** nāma, vividhehi ruhatīti katvā, kvi, **vīru**, dīghādi, gumbinīpi.

**551.** Pajje pādena nāmaṃ. Yatra dvayaṃ “bodhirukkho” ti saññite buddhassa bhagavato sabbaññutaññāppaṭilābhaṭṭhānabhūte dumarāje, aññatra tūpacārā. Assaṃ sabbaññutaññānaṃ tiṭṭhati etthāti **assattho**, **ṭṭhassa tho**, dvittam, māravijayasabbaññutaññāppaṭilābhādikehi

bhagavantam assāsetīti vā **assatto**, āpubbo **sāsa** anusīṭṭhiyaṃ, tosane ca vattati, to, rasso. Sabbaññutaññānaṃ bujjhati etthāti **bodhi**, **budha** avagamane, i, **bodhi**, dvīsu. Caladalo, pippalo, kuñjarāsanopi. Dvayaṃ bahupāde. Adhobhāgaṃ rundhatīti **nigrodho**, usso, **gāgamo** ca. **Vaṭa** vedhane, vaṭatīti, a.

Dvayaṃ kabīṭṭhe. Kavimhi vānare tiṭṭhatīti **kabīṭṭho** [pāyena kapayo tiṭṭhanti atra kapittho (cintāmaṇiṭṭkā 14.21)] “vānare paṇḍite kavī”ti **vopālito**, tathā **kapittho**, to, **ḥassa tho** ca. Dadhittho, ambulaphalopi. Dvayaṃ udumbare. Yaññakammānamaṅgo ekaṅgattā **yaññaṅgo**, **dubbī** hiṃsāyaṃ, aro, niggahītāgamo, ekassa **bassa** lopo ca. Jantuphalo hemaduddhopi.

**552.** Dvayaṃ koviḷāre.

“Sukapadāccharo campo,  
Koviḷāro tu kañcano;  
Pubbo sito paro ratto,  
Yugapattā ubhopite”ti [cintāmaṇiṭṭkā 14.22].

Hi **ratanakoso**, kañjanālakopyatra. Yugam yamakam pattamassa.

Tipādam uddāle. **Vātam** uddālatīti **uddālo**. Singārādīnaṃ saññāvasena rukkhānaṃ rājā **rājarukkho**, vātarogahanane rājabhūto rukkho vā **rājarukkho**. Katā mālā assa pupphehīti **katamālo**, siṅgārappakāso. Indati paramissariyaṃ karoti vātahananeti **indīvaro**, īvaro, indiyā sakkassa bhariyāya icchitabbattā vā **indīvaro**. Caturāṅgulo, ārevato, suvaṇṇakopi.

**553.** Dvayaṃ jambhīre, yassa phalamambilaṃ hoti. Ambilattā dantassa saṭho **dantasaṭho**. **Saṭha** ketavahiṃsāsamkilesesu, a. **Jamu** adane, īro, **bhanto** ca, **jambha** gattavināme vā, jambho, jambhalo, jambīropi. Dvayaṃ varaṇe. **Vara** icchāyaṃ, yu. **Kala** saṅkhyāne, iro, nadādi, rassanto. Varuṇo, tittasākopi.

Dvayaṃ phalahare. “Ko ayaṃ, suko”ti vimatuppattikarapattakusumatāya **kiṃsuko**. Pāri samuddo, tatra bhaddo pāribhaddo, so eva **pālibhaddo**, koviḷāro, taṃsaṅṭhānapattakusumatāya **pālibhaddo**. Dvayaṃ vidule, yo abbhasamaye pupphati. **Vaja** gamane, ulo. **Vī** pajane, aso, **tonto** ca, **vipubbo ata** sātaccagamane vā, aso. Vānīropi.

**554.** Dvayaṃ pītane, yassa pattaphalāni ambulāni, pūgaphalappamāṇaṅca phalaṃ, sallakīrukkhasaṅṭhāno ca, so rukkho. **Amba** sadde, aṭo, sakatthe ko. **Pī** tappanakantīsu, tano, pītiṃ vā tanotīti **pītano**, sakatthe ko. Dvayaṃ guḷapupphe. **Mana** ñāṇe, ko, **madhvādeso** ca. Madhunāmo dumo **madhuddumo**. Dvayaṃ “lambū”ti khyāte. Guḷo viya sātēna phalamassa **guḷaphalo**. **Pīla** patitthambhe, u. Dvayaṃ tikkhagandhe. Sobham janetīti **sobhañjano**, sobham visañjanametena hetubhūtenāti vā **sobhañjano**. Vuttañca –

“Sīrīsapupphassa rasena bhāvitaṃ,  
Sahassavāraṃ marīcaṃ sitavhayaṃ;  
Etena samanti visāhi sambhavā,  
Katañjanasnehanapādanatthuto”ti.

**Si** sevāyaṃ, viddhavināsanattham sevīteti **siggu**, gu, thī. Cittahārī, pabhañjano, viddhavināsanopi.

**555.** Dvayaṃ visālatace, yo sarade pupphati pupphaṃ. Sattapaṇṇānyassa **sattapaṇṇī** pume. Chattamiva paṇṇamassa **chattapaṇṇo**. Visamacchadopi, sattapaṇṇattā visamacchado. Dvayaṃ rathaddume. Ratham tanoti yena **tiniso**, iso. Atipamuccati dāhapittamaneneti **atimuttako**. Cittakipi.

Dvayaṃ vātapothe, paṃ vātam lunātīti **palāso**, aso. “Patte palāsam so rukkhe, pītaharitakim

suke’’ti hi **ruddo**. Vātapothopi, vātassa potho **vātapotho**, **putha** himsāyaṃ.

Dvayaṃ ‘‘putīti’’ khyāte. Hatajantupamohasaṅkhātāriphalatāya **ariṭṭho**, nipātanā **hantissa ṭṭho**, taṃrogārivantajanehi icchitabbaphalattā vā **ariṭṭho**, **isu** icchāyaṃ. **Phaṇa** gatiyaṃ, ilo, asse.

**556.** Tikaṃ siriphale. **Mala** dhāraṇe, ūro. **Bila** bhedane, ṇuvo, **beluvo**. **Lapaccaye billo**. Saṇḍilyo, selusopi. ‘‘Munippabhede mālūre, saṇḍilyo pādapantare, naṭe bille ca seluso’’ti [[cintāmaṇiṭṭikā 14.32](#)] **rabhaso**.

Dvayaṃ tuṅge. Pumanāmo nāgo rukkho **punnāgo**. ‘‘Punnāge puriso tuṅgo, kesaro devavallabho’’ti [[amara 14.25](#)] **hyamarasiho**, dīgho, ‘‘pumassa līṅgādīsu samāsesū’’ti **akāralopo** ca. Atisayapupphakesaravantatāya **kesaro**, **kisa** tanukaraṇe vā, aro, pupphakesayuttatāya vā **kesaro**, ro.

Dvayaṃ loddamate. **Sala** gamanatto, avo. Rattakaphapittasote lunātīti **loddo**, ddo. Tiriṭo, sāvaropi. ‘‘Sāvaro aparādhe ca, lodde pāpe ca kathyate’’ [[cintāmaṇiṭṭikā 14.33](#)] **tyajayo**. Dvayaṃ dhanupaṭṭe phalini. **Pī** pāne, alo, **issa iyādeso**. Sannakā tāpasā, tesam du dumo **sannakaddu**, ‘‘sannakaddu cāpapaṭā, varaṇo tāpasappiyo’’ti [[cintāmaṇiṭṭikā 14.35](#)] hi **kosantare**.

**557.** Dvayaṃ ‘‘mhanakū’’iti khyāte. Likuco nāma ḍahurukkho, tagguṇattā **likocako**, saññāyaṃ ko. **Aṅka** lakkhaṇe, olo, **aṅkolo**. Dvayaṃ kumbhe. Rogaharaṇe garunopi vejjassa garu **guggulu**, nipātanā. **Kusa** chedane, ṇvu. Kumbho, puropi.

‘‘Rāsibhede gajamuddhamse,  
Kumbhakaṇṇasuke ghaṭe;  
Kāmuke vāranāriyaṅca,  
Kumbho klīvantu vaggulumhī’’ti [[cintāmaṇiṭṭikā 14.34](#)].

**Rabhaso. Pura** aggagamane, ṇo, puro.

Dvayaṃ ambe. **Ama** gatiyaṃ, bo, **amba** sadde vā, a. **Cuti** āsecane, rakkhaṇe ca, a, **cu** cavane vā, to, dīghādi. Rasālopi, rasam lātīti **rasālo**, dīgho. **Eso** ambo **sugandhavā** atisayagandhayutto samāno ‘‘saho, sahakāro’’ti coccate. **Saha** sattiyaṃ, sugandham kattuṃ sahatīti **saho**, a. Sahanam saho, taṃ karotīti **sahakāro**, hā vā pamudā, tāya saha vattatīti saho, saham samudam karotīti **sahakāro**.

**558.** Dvayaṃ setambe. **Puṇḍa** puṇḍane. **Puṇḍa** khaṇḍanetyeke, ṇvu, assī, **arāgamo** ca. Setavaṇṇo ambo **setambo**. Dvayaṃ bahuvārake, yassa phalāni atipicchilāni. **Si** bandhane, lu, **sala** gamanatto vā, u, asse. Picchilattā bahūni vārīni yasmim **bahuvārako**, saññāyaṃ ko. Sīto, uddālo, kaphalopi.

Dvayaṃ kāsmariyaṃ. Sirimantāni paṇṇāni yassā **sepaṇṇī**, nadādi, **sirīsaddassa se**. Kasmīradesajattā **kāsmarī**, **kāsa** dittiyaṃ vā, maro, nadādi. Madhupaṇṇī, bhaddapaṇṇīpi. Dvayaṃ sakaṇṭakambilaphalarukkhe. Sakaṇṭakattā kucchitam lātīti **kolī**, nadādi. **Vada** theriye, aro, nadādi. Kuvalī, kakkandhūpi.

**559.** Dvayaṃ tassā kolyā phale. Kolyā phalam **kolam**. Badariyā ayaṃ avayavo **badaro**. Kuvalam, phenilam, sovīrampi. ‘‘Sotañjane tu sovīram, kañjike badarepi ce’’ti [[cintāmaṇiṭṭikā 14.36](#)] **rabhaso**. Dvayaṃ assatthakulasambhūte rukkhapāsāṇādīsu sañjātarukkhe. Pilaṃ param nissayabhūtam kasatīti **pilakkho**, **kasa** vilekhane, **sassa khattādi** nipātanā. Akhādanīyaphalatāya virūpaṃ phalamassatthīti **pipphalī**, ī, nadādi, **vissapi** ca.

Dvayaṃ toyādivāpiniyaṃ, yassā mūlam mahāpaṅcamūle pavitṭham. **Paṭa** gamane, alo, nadādi, **pāṭalī**, pāṭalāpi. Kaṇham pupphavaṇṭam yassā sā **kaṇhavaṇṭā**, kāsmariyampi. Alippiyaṃ, tambapupphipyatra. Dvayaṃ gandhile. Sādupalatāya sādu ca so kaṇṭasahitatāya kaṇṭo ceti

**sādukaṇṭho**. Sakaṇṭakatāya attānaṃ virūpaṃ karotīti **vikaṅkato**, dvittaṃ, niggahītāgamo ca.

**560.** Catukkaṃ tinduke. **Tanu** vitthāre, uko, **danto** ca. **Tidi** hiṃsāyaṃ vā, u, saññāyaṃ ko. Kāḷo khandho pakaṇḍo yassāti. **Tima** addabhāve, ūso, sakatthe ko, **varanto** ca. Upaccaye **timbaru**.

Dvayaṃ tambaphale. Irāvatiṃ nadī, paṭhamakāle tassā tīre jāto **erāvato**. Nāraṃ vuccati nīraṃ, taṃ gacchatīti **nāraṅgo**. Dvayaṃ makkaṭatinduke. **Kula** saṅkhyāne, ṇvu. Kākendu, kākakukopi.

**561.** Tikaṃ kadambe. Kaṃ vātaṃ dametīti **kadambo**, bo. Pinetīti **piyako**, ṇvu, **iyādeso**. Nayati mudāṃ **nīpo**, po. Dvayaṃ, vidarukkhe, yassa niyyāsena peḷādayo limpanti. **Bhala**, **bhalla** paribhāsanahiṃsādānesu, nadādi, aññatra to, **kanto** ca, **bhallātako**, tīsvayaṃ. Arukaro, aggimukhopi.

Dvayaṃ “pāvusā”’iti khyāte. **Jhapa** dāhe, ṇvu. **Passa vo**. **Paca** pāke, ulo. Dvayaṃ sirimati, yassa phalāni marīcappamaṇāni, ambilāni ca. **Tila** gamane, ṇvu. **Khura** chedane, ṇvu.

**562.** Dvayaṃ ambilikāyaṃ. **Ci** cayane, co, **cica** ādānasamvaraṇesu vā. **Tanu** vitthāre, ambilarasaṃ tanotīti **tintiṇī**, dvittamittaṃ, **ṇattaṇca**, nadādi. Dvayaṃ ambilaṅkuraphale setarukkhe. Gadrabhaṇḍappamaṇaphalattā **gaddabhaṇḍo**, **ralopo**. **Kapi** calane, tano, dīgho āgamassa. Kandarālo, pilakkhopi.

Tikaṃ sālurukkhe. **Sala** gamane, ṇo, sāravantatāya vā **sālo**. Assakaṇṇasadisapaṇṇatāya **assakaṇṇo**. **Sanja** saṅge, a, **sajja** adane vā, a. Dvayaṃ nadīsajje. **Ajja** ajjane, uno. **Kaka** lolye, udho. Vīrataru, indadumopi.

**563.** Tikaṃ mucalinde. **Cula** nimujjane. **Mucala** saṅgāte, indo. **Nīpo** kadambepi. Tikaṃ pītasāle. **Piyako** kadambepi. **Asa** bhakkhane, yu, pītapuppho sālo rukkho **pītasālo**. Bandhūkapuppho, jīvakopi.

Dvayaṃ jhāṭaliyaṃ. Gāvo lihanatīti **golīso**, **hassa so**. **Jhaṭa** saṅghāte, alo. Jhāṭalo, pāṭalipupphākāro dīghaphalo rukkho. Pamokkhopi.

**564.** Dvayaṃ rājāyatane, khīravantatāya **khīrikā**. Devarājassa nivāsanaṭṭhānabhūtattā **rājāyatanaṃ**, piyālepi. Dvayaṃ kapphale. Kucchitena phalena umbhati pūratīti **kumbho**. Kucchitena modatīti **kumudikā**, ṇvu.

Dvayaṃ guvākarukkhe, yassa phalena tambūlanāmaṃ jāyati. **Pūja** pūjāyaṃ, ṇo, **jassa go**. **Kamu** icchāyaṃ, hetukattari ṇvu. Khapuropi. Dvayaṃ lohitalodde. Paṭṭiityākhyā yassa **paṭṭi**. “Paddhī”’tipi pāṭho. Asmiṃ pakkhitte lākhā rattā bhavatīti **lākhāpasādano**. Kamukopi.

**565.** Dvayaṃ iṅgudiyāyaṃ, ayaṇca kaṇṭakī bāhulyena majjhimadese jāyate. **Iṅga** gamanatto, ido, issu, nadādi. Tāpaso payujjamānaphalakatāya **tāpasataru**. Dvayaṃ “bhujapatto”’itikhyāte sundaratace rukkhe, yassa tace mantakkharāni likhanti. Bhujō pāṇi, taṃsadisapattatāya **bhujapatto**. Mantalekhakehi ābhujitatacavantatāya **ābhujī**. Bhūjo, cammī, muduttacopi.

Dvayaṃ simbaliyaṃ. Picchāyogā **picchilā**, ilo. **Samba** maṇḍale, ali, assi. “Picchilā pūraṇī mocā, thirāyu simbalī dvisū”’ti [amara 14.46] **amarakoso**. Dvayaṃ picchilākāre kaṇṭakasahite rukkhe. **Ruca** ditiyaṃ, hetukattari yu, **kuṭa** koṭīlye, kattari ṇo, koṭo asimbalī samānopi simbalisadisākāradassanato **koṭasimbali**, pume. Kasambalopi.

**566.** Dvayaṃ “kaṇṭakaraṇja”’iti khyāte kaṇṭakini karaṇjagumbe, yaṃ loke “kalino”’ti vuccati. **Kara** hiṃsāyaṃ, **karato** ririyā. **Pū** pavane, iko, **tonto** ca. Pūtikarajo, kalimārakopi, kalino. Dvayaṃ dālimapupphākāre pītanāsakarukkhe. **Ruha** janane, ṇī. Lohitapupphatāya **rohitako**.

Dvayaṃ eraṇḍe. **Eraḍi** hiṃsāyaṃ. Vātaṃ eraṇḍatīti **eraṇḍo**, ṇo. **Maṇḍa** bhūsane, īsaṃpasannatelaṭāya vā **āmaṇḍo**, āmaṃ vā vātaṃ, taṃ dāyatīti **āmaṇḍo**. **Dā** avakhaṇḍane, **dāssa ḍo**. Cittako, cañcupi.

“Aggisaññepi cittako, pume eraṇḍake cañcu.

Pakkhituṇḍe thiyaṃ mato”.

Dvayaṃ sivārukkhe. Sattuyuttaphalaṭāya **sattuphalā**. Gaṇḍaṃ sametīti **samī**, a, nadādi, pāribhaddakepi. Garudāru, pūtikaṭṭhampi.

**567.** Dvayaṃ karañje. Nattaṃ rattā mālā yassa. Kaṃ rañjayatīti **karañjo**, ṇo. Cillavillo, karajopi. Dvayaṃ khadire. **Khada** hiṃsāyaṃ, theriye ca. Khadanti dantā yenāti **khadiro**, iro. Dantā dhāvanti yena nirogattāti **dantadhāvano**, yu, **dhāva** gatisuddhiyaṃ. Gāyattī, bālatanayopi. “Gāyattī khadire itthī, chandasipi chaḷakkhare”ti [[cintāmañiṭṭikā 14.49 byākhyāsudhā 2.4.50](#)] **rabhaso**. Bālo sukhumo pattasaññito tanayo yassa **bālatanayo**. Dvayaṃ pītasāre khadire. Khadirādikantu pītasāre. Setavaṇṇatāya somo kappūrasadiṣo vako vakkalametassa **somavakko**. “Somo kuvare pitudevātāyaṃ, vasuppabhede vasudhākare ca. Dibbosadhī somalatā samīraṇe, kappūranīresu ca vānare cā”ti **nānatthasaṅgaho**. Īsaṃ khuddakaṃ dalametassa **kadaro**, lassa **ro**. Dvayaṃ piṇḍitake. **Sala** gamane, lo. **Mada** ummāde, yu. “Piṇḍitako maravako, sasano karahāṭako”tyamarakose [[amara 14.52](#)].

**568.** Tikaṃ indasāle. Sālānaṃ rukkhānaṃ indo rājā **indasālo**, dāsādīsu **sirivaḍḍhakā**disaddo viya adhivacanamatamidaṃ. Indassa sakkassa sālotipi **indasālo**. **Sallato** ṇvu, nadādi, **sallakī**. **Khara** chedanavināsanesu, ṇvu.

Dvayaṃ devadārumhi. Devānaṃ dāru. Bhaddattā **bhaddadāru**. Sakkapādapo, pāribhaddako, pītadāru, dāru, pūtikaṭṭhampi. Dvayaṃ hemapupphake. Paṭhamakāle campānagare jāto **campeyyo**, ṇeyyo. **Kapaccaye campako**.

**569.** Dvayaṃ panase. **Pana** byavahāre, thutimhi ca, aso. Kaṇṭakayuttaṃ phalamassa **kaṇṭakiphalo**. Dvayaṃ sivāyaṃ. Na vijjate rogabhayaṃ, rogabyatho copayujjamañāyamassanti **abhayā**. Rogabhayaṃ harati apañetīti **haritakī**, to, sakatthe ko, nadādi. Harittakīpi. Abyathā, putanā, amatā, hemavatī, cetakī, sivāpi.

Dvayaṃ karisaphale. Rogāṃ asati bhakkhatīti **akkho**, kho, **sassa ko**. Rogāṃ vibhūtaṃ karotīti **vibhūtako**, vibhūtakopi. Bhūtāvāso, kaliddumopi, kalissa āsayabhūto dumo **kaliddumo**. Dvayaṃ pussaphale. Natthi matametissaṃ hetubhūtāyaṃ **amatā**. **Mala** dhāraṇe, ṇvu, nadādi, **āmalakī**. Vayaṭṭhāpi. Vayo tiṭṭhati thirībhavatyetyāti **vayaṭṭhā**.

**570.** Dvayaṃ ḍahurukkhe. Labunāmake pabbate jāyatīti **labujo**. Khuddakattā līnaṃ apākaṭṭaṃ kucasañkhātaṃ phalametassa **likuco**, nipātanā. Dvayaṃ pītapupphe. Agandhapupphatāya attānaṃ kaṇiṭṭhaṃ karotīti **kaṇikāro**, **ṭṭhalopo**, padumappamañapupphadumatāya **dumuppalo**.

Tikaṃ hiṅguniyyāse. **Nī** naye, bo, **monto** ca. Tittarasattā aribhāve tiṭṭhatīti **ariṭṭho**. Pucim kuṭṭhaṃ maddatīti **pucimando**, ittaṃ, bindāgamo. Dhammaseno, mālakopi. Malate rogaṃ **mālako**, ṇvu. Dvayaṃ rattapupphe. **Karotismā** ṇvu. **Dala** vidāraṇe, mo, ikārāgamo. Dāḷimopi.

**571.** Dvayaṃ pītaddume. Sarati kālantaraṃ **saralo**, alo. Pūtiyeva kaṭṭhaṃ **pūtikaṭṭhaṃ**, **pūtimuttanti** yathā. Dvayaṃ picchilāyaṃ. **Kapi** calane, ilo. **Sāsa** anusitṭhiyaṃ, **sisā** icchāyaṃ vā, apo, niggahītāgamo, **simsapā**. Agurupi.

Tikaṃ phaliniyaṃ. **Sā** tanukaraṇe, mo. Piyabhāvaṃ gacchatīti **piyaṅgu**, u. Kamañiyabhāvaṃ gacchatīti **kaṅgu**, u, nipātanā. Mahilāvhayā, latā, gundā, gandhaphalī, kārambhāpi. Dvayaṃ sirīse.

Sarati rogaṃ hiṃsatīti **sirīso**. Iso, assi. **Bhaṇḍa** paribhāsane, ilo. Kapītanopi. Ambāṭake, gaddabhaṇḍe ca kapītano.

**572.** Dvayaṃ maṇḍūkapaṇṇe. **Suṇa** gatiyaṃ, ṇvu, dīghaṃ phalavaṇṭaṃ yassa. Naṭo kuṭannaṭāpi. Dvayaṃ bakule. **Vaka** ādāne, ulo. Kesarayuttapupphatāya **kesaro**.

Dvayaṃ malapupphasmiṃ. Kākānaṃ udumbaro kākodumbaro, so eva **kākodumbarikā**, sakatthe iko. **Phala** nipphattiyaṃ, gu, **lassa go**. Dvayaṃ nāgarukkhe. Na gacchatīti **nāgo**, dīghādi. Nāgānaṃ mālā, sā sañjātā yatra **nāgamālikā**.

**573.** Dvayaṃ asoke. Natthi soko yena. **Vaja** gamane, ulo. Dvayaṃ jayāyaṃ. Taṃtaṃrogajayādikaṃ karotīti **takkārī**, ṇī. Visena jayatīti **vejyantikā**, anto, nadādi, sakatthe ko. “Jayā jyantī takkārī, nādeyī vejyantikā” tyamarakoso [amara 14.65].

Dvayaṃ samuddasamīpadesaje sāmadaḷe tamālanāme tarumhi. Tāpiyaṃ jāyatīti **tāpiṇcho**, aññatthe cho, bindāgamo, “tāpī tu saritāntare” ti hi **nānatthasaṅgaho**. **Tamu** kaṅkhāyaṃ, alo. Dvayaṃ kuṭaje. Rogaṃ chindatīti **kuṭajo**, jo. Girimhi jātā mallikā **girimallikā**, sakkapariyāyopyatra.

**574.** **Tassa** kuṭajassa phale **indayavo**. Indassa sakkassa yavo dhaññaviseso **indayavo**. Kalīṅgaṃ, kaddayavampī.

“Pūtikaraṅja dhūmyāṭe, desabhede pumā bhavē;  
Kuṭajassa phale klīvaṃ, kalīṅgaṃ thī tu nāriya” nti [cintāmaṇiṭṭikā 14.67]. –

**Rabhaso.** **Amaramālāyantu** “kalīṅge’ndayavo pumā” ti itthikaṇḍe pāṭho. Tassattho **kalīṅgā** itthī, **indayavo** pumā. Dvayaṃ kaṅkārīkāyaṃ. Aggi anena manthyate **aggimantho**, ṇo. Taṃ kaṭṭhehi ghaṃsiyamāne aggi uṭṭhahati. **Kaṇa** gatiyaṃ, ṇvu. Jayāpyatra. “Vijaye so jayā duggā, jyantī gaṅkārīke” ti jayā nānatthā.

Dvayaṃ nigguṇḍiyaṃ. Natthi guṇḍaṃ gabbhabandhanametāyāti **nigguṇḍī**. **Si** bandhane, du, sinduṃ gabbhabandhanaṃ vāretīti **sinduvāro**. Indānīpyatra. Indānīkaraṇe thīnaṃ, sinduvārendanārisu. Dvayaṃ mallikāyaṃ. Tiṇāni sūlanti yasminti **tiṇasūlaṃ**, **sūla** rujāyaṃ. Yatra taṃ jāyati, tatra tiṇāni rogīni bhavantīyattho. “Tiṇasūlaṃ mallikāyaṃ, paṇḍakaṃ ketakīphale”. Mallate dhāriyate sabbehīti **mallikā**, **malla** dhāraṇe, i, sakatthe ko. Bhūpadī, sītabhīru ca.

**575.** Dvayaṃ kaṅhapupphasephālikāyaṃ. Siphā jāṭā yassatthi **sephālikā**, iko, **lamajjho**. Nīlapupphatāya **nīlikā**. Suvahā, nigguṇḍīpi. “Sinduvārepi nigguṇḍī, nīlasephālikāya ce” ti ruddo. Dvayaṃ vanamallikāyaṃ. **Phuṭa** vīkasane, ā bhūso phuṭatīti **apphoṭā**, rassādī.

Catukkaṃ rattapupphe. **Bandha** bandhane, u, sakatthe ko. Jayatthaṃ sumanaṃ **jayasumanam**. **Bhaṇḍatismā** iko, **bhaṇḍiko**. Jīvatīti **jīvako**, **jīva** pāṇadhāraṇe, ṇvu. **Jīvakasaddassa** pītasālādīsvapi pavattanato bandhu eva jīvako **bandhujīvakoti** **bandhusaddena** vīsetvā vuttaṃ, samudītena vā nāmamidamekassa. “Bandhu bandhukapupphe ca, bandhubhātari bandhave” ti vacanato,

“Jīvako pītasāle ca, khepane vuddhijīvini;  
Sevini pāṇake phāti-kuṇḍike pādapantare” ti. –

Vacanato ca “bandhujīvako” ti ettha dve nāmānipi daṭṭhabbāni.

**576.** Pañcakaṃ sumanāyaṃ. Sundaraṃ mano yassaṃ. Sugandhattā **jātisumanāti** samudītanāmaṃ. **Mala** dhāraṇe, to, nadādi. **Jana** janane, ti. Vassakālasañjātapupphatāya **vassikī**. Iko, nadādi.

Dvayaṃ “campeyya” iti khyāte. **Yutha** hiṃsāyaṃ, i, sakatthe ko, dīghādi. Magadhe bhavā

**māgadhī.** Gaṇikā, ambaṭṭhāpi. Dvayaṃ “devāli”iti khyātāyaṃ. Sundaraṃ dalametissā **sattalā**, dassa to, satta dalāni yassā vā **sattalā**. Navā nūtanā mallikā **navamallikā**. Navamālikāpi.

**577.** Dvayaṃ puṇḍake “laṃsvaṇa”iti khyāte. Vasante pupphati **vāsantī**. Atimudaṃ tanotīti **atimutto**, nipātanā. Mādhavī, latāpi. Madhumhi citte, vesākhe vā pupphatīti **mādhavī**.

“Latā jotimatīpakka-sākhāvallīpiyaṅgusu;  
Latā katthūrikāyañca, sā dubbāmādhavīsu cā”ti.

Latā anekatthā. Dvayaṃ karavīre. Kucchitaṃ ravanti assā yena **karavīro**, īro. Asse māretīti **assamārako**. Paṭihāsopi.

Dvayaṃ mātuluṅge. Matto lujjati yena **mātuluṅgo, luja** vināse. Paripuṇṇabījātāya **bījapūro**. Rucakopi, **ruca** dittiyaṃ, ṇvu. Dvayaṃ dhutture. Uggamaṃ majjati yena **ummatto, mada** ummāde. Māretīti **mātulo**, ulo, **rassa to**. “Ummatto kitavo dhutto, dhattūro kanakāvhayo, mātulo madano”tyamarakoso [amara 14.77].

**578.** Dvayaṃ kaṇhapākaphale. Karaṃ hatthaṃ maddati kaṇṭakena **karamando**. Karamaddopi. Suṭṭhu sinotīti **suseno, si** bandhane, yu. Dvayaṃ kunde. **Kuṇa** saṅkocane, do, **nattaṃ, kuṇa** saddopakaraṇesu vā. Māghe bhavaṃ **māghyaṃ**, yo, tasmim kāle hi pupphādisamidhi bhavatīti tabbhavattena byapadeso.

Dvayaṃ devatāse. Devatā āsanti yaṃ **devatāso**. Jīmūtakāle sañjātattā **jīmūto**, mhanalā. Dvayaṃ sanāmapasiddhe pupphaviṭape. Pupphamāsuṃ na milātamassa bhavatīti **amilāto**. Mahantampi kālaṃ sahatīti **mahāsahā**.

**579.** Catukkaṃ jhiṇḍisāmañṇe. Sirī vattati yena **sereyyako**, ṇeyyako. Dāsanāmakattā **dāsī**. **Kira** vikkiraṇe, āto, dvittaṃ. **Kura** sadde, ḍo, sakatthe ko.

Dvayaṃ kaṇṭena, patrena ca site paṇṇāse. **Aja** gamane, uko. Sito sukko paṇṇāso **sitapaṇṇāso**. Dvayaṃ appapatte paṇṇāse. **Īra** kampane, yu. Phaṇim jayati **phaṇijjako, yassa ko**.

**580.** Dvayaṃ japākusume. Japati yāya **japā, ju** javane vā, po, ussattaṃ. Marudesaje kaṇṭakini karabhappiye taruvisese **karīrā**divayaṃ. **Karotismā** īro. **Kaca** bandhane, dvittaṃ, kakaco, ganthilopi.

Dvayaṃ rukkhoparijāte vijātiye pallave. Rukkhe jāyamānā taṃ addati hiṃsatīti **rukkhadanī, adda** hiṃsāyaṃ, yu, nadādi, **dalopo**. **Vanda** abhivādanathutīsu, a, itthiyaṃ, sakatthe ko, **assa** dīgho. Rukkharuhā, jīvantikāpi. Dvayaṃ cittake. **Citi** hiṃsāyaṃ, gandhe ca, ṇvu. **Aggisāññitoti** aggipariyāyanāmakko. Pāṭhīpi, pume’yaṃ.

**581.** Dvayaṃ gaṇarūpe. Akko sūriyo, tappariyāyanāmakattā **akko**. Vikarotīti **vikiraṇo**, yu. Assi. Akkavho, vasuko, apphoṭo, mandāro, akkapaṇṇopi. “Pume akkavho apphoṭo, vanamālyaparājite”ti [cintāmaññikā 14.80] **ruddo**. Mandāro devadumamhi pāribhaddakepi. Tasmim akke yo setapupphako, tasmim **aḷakko**. Setapupphatāya alaṃbhūto akko **aḷakko, ala** bhūsane, ḷattaṃ. Patāpasopi. Dvayaṃ chinnaruhāyaṃ. Tittarasattā pūtibhūtā latā **pūtilatā, pū** pavane vā, ti. Rogamalaṃ punātīti pūti, sā eva latā **pūtilatā**. **Guḷa** rakkhaṇe, co, nadādi. **Gara** secane vā. Amatā, madhupaṇṇīpi. Madhu iva paṇṇamassā **madhupaṇṇī**. Dvayaṃ dhanuseniyaṃ, yā pattehi vacāsadisī, tattaco tantadhanuṅṇopayutto. Mubbāvikāratāyeva dhanujjyā “mubbī”tyuccate, **mubba** bandhane, a, mubbā. Madhurasattā **madhurasā**. Devī, moraṭāpi. **Mura** pavedhane, aṭo, **moraṭā**.

**582.** Dvayaṃ makkaṭiyaṃ. Kapīnaṃ vānarānaṃ kacchum janetīti **kapikacchu**. Kapikaccupi. Dukkhasamphassatāya **duphasso**. Attaguttā, jaḍā, abyañḍā, kaṇḍūrā, pāvusāyini, sūkasimbipi. “Ayaṃ phassena kaṇḍum janayatī”ti yā lokehi parihariyate, tato ayaṃ attanā guttā rakkhitā

**attaguttā.** Pāvusāyaṃ utuyāṃ eti jāyate, ṇo, inī. Sūkasahitā simbi assā **sūkasimbi**, rassanto. Dvayaṃ maṇḍūkapaṇṇiyaṃ. **Maja** suddhiyaṃ, ṭho. **Kāsa** dittiyaṃ, karaṇe a, rasso. Samaṅgā, yojanavallīpi. Samaṅgatīti **samaṅgā**, a. Yojanaṃ vallī yassā **yojanavallī**.

Dvayaṃ vanatittikāyaṃ. **Amba** sadde, ṭho, **ava** rakkhaṇe vā, niggahītāgamo. **Pā** rakkhaṇe, ṭho. Setā, pāpacelīpi. Setarasena yujjate, a. Dvayaṃ kaṭukarohiṇiyaṃ. **Kaṭa** vassāvaraṇagatīsu. U, **kaṭu**, nārī. Kaṭukarasā hutvā ruhatīti **kaṭukarohiṇī**, **ruha** janane, yu, nadādi. “Kaṭukarohiṇī”ti samuditeṇa nāmamidaṃ. Kaṭurohiṇīpi.

**583.** Dvayaṃ kharamañjariyaṃ “cacasima”iti khyātāyaṃ. Apamajjanti vatthādika’maneneti **apāmaggo**, dīgho upasaggassa. Sikharamassāti **sekhariko**. Dhāmaggavo, vimukhapupphīpi. “Ghosake kharamañjariyaṃ, dhāmaggavo pume mato”. Vimukhaṃ pupphamassā. Dvayaṃ kaṇāyaṃ. Pittaṃ phalati kuppāti yāya **pippalī**, nadādi. Magadhe bhavā **māgadhī**, magadhānaṃ ayaṃ vā **māgadhī**, tatra paṭhamuppānattā, bāhulyena vā tatra jāyamānattā taṃsamaññāya byapadissate. Vedehī, kaṇā, kolāpi. Vedehānamayaṃ **vedehī**. **Kaṇā** nānatthā, vuttañca “kaṇā pippalī’jājī ce”ti.

Dvayaṃ tikaṇṭake. Gavaṃ kaṇṭako **gokaṇṭako**, pathaviyaṃ vā laggo kaṇṭako **gokaṇṭako**. **Siṅha** ghāyane, āto. Palaṅkasā, sādukaṇṭopi. Yuttarāsnāyaṃ palāse ca palaṅkasā thiyaṃ. **Sādukaṇṭo** vikaṅkatepi. Dvayaṃ hatthippipphaliyaṃ. Kolākārā, taṃnāmikā vā vallī **kolavallī**, rasso. Ibhānaṃ hatthīnaṃ pippalī **ibhapippalī**. Kapivallī, vasiropi. **Vasiro** nānattho. Vasiro apāmaggo sāmuddalavaṇaṃ hatthippipphali ceti. Pume’yaṃ.

**584.** Dvayaṃ chaganthāyaṃ, yā “uggagandhā”tipyuccate. Gunnaṃ lomasampātanaṭṭhāne jātā **golomī**, **vaca** viyattiyaṃ vācāyaṃ, karaṇe a, satapabbikāpi. Vacā sukkalohitamūlabhedena duvidhā, tatra sukka “hemavati”tyuccate **amarakose** [amara 14.102-3]. Dvayaṃ apphoṭāyaṃ. Kaṇṇasaṅṭhānapupphatāya kaṇṇī. Girimhi jātā kaṇṇī **girikañṇī**. Rogādijitattā **aparājītā**.

Dvayaṃ kalasiyaṃ. Sīhapucchākārakusumamañjaritāya **sīhapucchi**. Pañhi appatanu vuccate. Pañhi paṇṇaṃ yassā **pañhipaṇṇī**. Puthupaṇṇī, guhāpi, puthu asiliṭṭhaṃ paṇṇamassā **puthupaṇṇī**. Gahvare sīhapucchañca, thiyaṃ chamātuke guho [cintāmaṇiṭṭkā 14.93]. Dvayaṃ sālappaṇiyaṃ. Sālappaṇasadisaviṭatāya **sālappaṇī**. Sālaṃ sobhanayuttaṃ paṇṇamassā vā **sālappaṇī**. **Thu** gatitheriyesu, iro, **thiro**.

**585.** Dvayaṃ kaṇṭakārikāyaṃ. Niddahati kaṇṭakamuṭṭheti **niddhikā**, ṇvu. Bhayakaraṇavasena byagghasadisatāya **byagghī**, brahatī, khuddāpi. Dvayaṃ nīlirukkhe. **Nīla** vaṇṇe. Nīlavaṇṇatāya **nīlī**, nadādi, inī, **nīlinī**, kālā, tutthāpi.

Kālā kaṇṭhativutāyaṃ, nīlī yojanavallisu;  
Paṇḍe rasañjane tutthā, sukhumelāya nīliyaṃ [cintāmaṇiṭṭkā 14.94-5].

Dvayaṃ guñjāyaṃ. **Jañja** yuddhe, uko, assi, **guja** sadde, a, bindāgamo. Nāmantarāṇi cassa –

Dume sā rattikā ratta-dalā cūlāmaṇī ca sā;  
Kākaciñcī tulābījaṃ, kaṇṭhalā ca sikhaṇḍinī.

Dvaya’maheruyaṃ. Ayamaherucceva khyātakaṇṭakavatī bhavati. Sataṃ mūlāni yassa **satamūlī**. Sataṃ roge āvaratīti **satāvarī**, **vara** āvaraṇicchāsu, atha vā “satā”ti ca “āvarī”ti ca dve nāmāni tassā. “Satamūlī bahusutā-bhīru indīvarī varī”ti [amara 14.100] hi vuttaṃ.

**586.** Dvayaṃ ativisāyaṃ. Mahāvīriyaṃ osadhaṃ **mahosadhaṃ**. “Lasuṇe tivisāyañca, suṇṭhiyaṃpi mahosadha”nti **ruddo**. Atīva visati bhesajjapayogesūti **ativisā**, visā, aruṇā, siṅgīpi.

“Aruṇo kiñcirattakke, sañjhārāge anūruke;

Nisadde kapile kuṭṭhe, dabbeva vāccaliṅgiko’.

‘Aruṇātivisāsāmā, mañjaṭṭhātivutāsu ca;  
Usīretivisāyañca, siṅgimagguravallabhā’ti.

Dvayaṃ somarājiyaṃ. **Vaka** ādāne, aco, somasamatāya kārītā vallikā **somavallikā**, sakatthe ko, kaṇhaphalā, pūtiphalāpi.

Dvayaṃ dāruhaliddārukkhe. **Dara** vidāraṇe, bo, **rassa bo**, dābbī, dīghādi, nadādi. Haliddavaṇṇadārutāya **dāruhaliddā**, haliddāpi. Dvayaṃ biḷaṅge. **Aṅga, raṅga, laṅga**, gatyatthā **daṇḍakā** dhātū, a, ḷattam, **biḷaṅgam**. Citrāni taṇḍulāni yassā, taṇḍulo, kimisattupi.

**587.** Dvayaṃ samantaduddhāyaṃ, **nuha** uggiraṇe, nadādi, mahantaṃ nāmamassa. Sīhuṇḍo, vajiradumo, guḷāpi. Dvayaṃ dakkhāyaṃ. Muduguṇayogā **muddikā**, madhuraso sādu, tena vuttaṃ **vejjanthe** ‘‘sādu lavaṇatittambilakaṭukasāyakā’’iti, taṃyogā **madhurasā**. Gotthanī, dakkhāpi. Tikaṃ yaṭṭhimadhukāyaṃ. Madhurasatāya **madhukam**, upamāne ko. Daṇḍākārattā yaṭṭhi ca sā madhurasattā madhukā ceti **yaṭṭhimadhukā**. Madhurasabhāve tiṭṭhatīti **madhulaṭṭhikā, rassa lo**, sakatthe ko ca. ‘‘Madhuyaṭṭhikā’’tipi pāṭho, vuttañca ‘‘madhukam klītakam yaṭṭhi-madhukam madhuyaṭṭhikā’’ti [amara 14.109].

**588.** Dvayaṃ vātiṅgaṇe. Vātaharattena gaṇīyateti **vātiṅgaṇo, bhaṇḍa** paribhāsane, ṇvu, nadādi. **Takā**raṇe bhaṇṭākīpi, brahatiyampi ayaṃ.

‘‘Vātiṅgaṇo tu vāttāku,  
Vāttāko sākaveḷu ca;  
Bhaṇḍākī rājakumbhaṇḍo,  
Vāttākī dupphāsini’’ti [cintāmaṇiṭikā 14.114].

**Rabhaso.** Dvayaṃ brahatiyaṃ. Vāttam nirāmayam karotīti **vāttākī**, vātiṅgaṇepi. **Braha** vuttiyaṃ, to, nadādi.

Dvayaṃ gorakkhataṇḍule, vuttañca **tantantare** ‘‘gaṅgerukī nāgabalā, tathā gorakkhataṇḍulā’’ti. Nāgassa balamiva balametissā rogaharaṇattā **nāgabalā, jhasa** hiṃsattho, a. Dvayaṃ aggisikhāyaṃ. Naṅgalasadisamūlatāya **lāṅgalī, nassa lo**, dīgho ca. ‘‘Naṅgalī’’tipi pāṭho, saradakāle saṅjātattā **sārādī**.

**589.** Tikaṃ kadaliyaṃ. Ramanti yassaṃ **rambhā**, bho. **Kada** māraṇe, alo, nadādi. **Muca** mocane, ṇo. Dvayaṃ kappāsiyaṃ, yassā phalaṃ kappāsaṃ karoti lokānamupakāranti **kappāsī, karotismā** pāso, nadādi. **Vada** theriye, aro, samuddantāpi.

Samuddantā tu kappāsī, sikkādurālabhāsu ca;  
Kappāsī vanasambhavā ce, bhāradvājīti vuccati.

Dvayaṃ paṇṇalatāyaṃ. Nāgaloke jātā latā **nāgalatā**. Tambavaṇṇam lātīti **tambūlī**, assū, nadādi. Tambūlassa ayaṃ vā **tambūlī**. Tambūlavallī, nāgavallīpi, tambūlam nāma phalapattacuṇṇādiyogasamūhānaṃ nāmaṃ, tadatthā vallī tambūlavallī, nāgalokassa vallī. Dvayaṃ dhātakiyaṃ, ayaṃ tambapupphī, majjopayuttā. Pupphā sugandhikā dhātakiceva khyātā. Aggijālasamānapupphatāya **aggijālā**. Atisayaṃ ṭhitim karotīti **dhātakī**, nadādi.

**590.** Dvayaṃ sukkativutāyaṃ. Tisso vutā tacarājiyo yassā **tivutā**. Tisso puṭā tacarājiyo yassā **tipuṭā**. Saralā, tibhaṇḍī, rocanīpi [devanīpi (ka.)]. Dvayaṃ kaṇhativutāyaṃ. **Sā** tanukaraṇe, virecanakaraṇena kāyaṃ, rogañca sāyatīti **sāmā**.

‘‘Sāmā tu mecake vuddha-dārake harite nadi;

Tikaṇhativutā gundā, sārivāyaminīsu ce’’ti. –

**Rabhaso, kala** saṅkhyāne, **kara** karaṇe vā, a, **kālā**. Thī **kālā** kaṇhativutāyaṃ, nīlīyojanavallisu. Masūravidaḷā, addhacandā, kāḷamesikāpi.

Dvayaṃ kukkuṭasingāyaṃ. Siṅgasadisapupphatāya **siṅgī**, kuḷīrasingī, vakkāṅgīpi. Dvayaṃ reṇukākhye gandhadabbe, ayaṃ reṇuketyeva vāṇijādīnaṃ khyātā. Assā ca marīcākatī phalaṃ. **Reṇu** gatisaddesu, ṇu, kapilā vuttā. Dvijā, hareṇū, kontī, bhasmagandhanīpi. ‘‘Hareṇu so kalāyepi, reṇukāyaṃ thiyāṃ bhavē’’ti [[cintāmaṇiṭṭikā 14.120](#)] **ruddo**.

**591.** Dvayaṃ phālake. Hirīnāmikāya devadhītāya sarīrato sañjātattā **hiriveraṃ**. Vāretīti vāraṃ, vārināmakattā vā vāraṃ, **latte vālaṃ**. Udījhaṃ. Kesambunāmampi, udīcīdese bhavaṃ **udījhaṃ**, kesassa ambuno ca yāni nāmāni, tāni sabbānyassāti **kesambunāmaṃ**. Dvayaṃ bimbikāyaṃ. Rattaṃ pakkaphalamassā. Oṭṭhavaṇṇasamānaphalatāya **bimbikā**, assā eva hi phalenoṭṭho upamīyate. Tuṇḍikerī, pilupaṇṇīpi.

Dvayaṃ seleyye, tañca pāsāṇabhavaṃ sugandharasadabbaṃ selajanti khyātāṃ. Silāyaṃ pāsāṇe bhavaṃ **seleyyaṃ**, ñeyyo. Asmano, asmassa vā pupphaṃ **asmapupphaṃ**, kāḷānusāriyampi. Dvayaṃ elāyaṃ ‘‘phālā’’ti khyātāyaṃ. **Ila** gamane, a, isse. Bahavo atthe lātīti **bahulā**, bahuroge vā lunātīti **bahulā**, candavālāpi.

**592.** Dvayaṃ ‘‘kuṭṭha’’iti khyāte sugandhadabbe. **Kuṭa** cedane, ṭho. Kuyaṃ pathaviyaṃ tiṭṭhatīti vā **kuṭṭhaṃ**. Byādhiṇāmakattā **byādhi**, tathā ca ‘‘koveraṃ bhāsuraṃ kuṭṭhaṃ, pāribhābyaṃ gadāhvaya’’nti [[cintāmaṇiṭṭikā 14.126](#)] **rabhaso**. Pākalaṃ, uppalaṃpi. Dvayaṃ kevattīmutthake. Vuttañca –

‘‘Paripelavaṃ plavaṃ vanyaṃ, taṃ kuṭannaṭasaññaṃ;  
Jāyate maṇḍūkākāraṃ, sevāladalasañcaye’’ti.

Vane pānīye jātaṃ **vāneyyaṃ**, ñeyyo, kevattīmutthake paṇḍo, soṇakoso kuṭannaṭo. **Kuṭa** chedane, **naṭa** avabandhane, **naṭa** naṭtane vā, kuṭannaṭanti samuditanāmaṃ. Niggahītāgamo. Dāsapurampi.

Phalapākantalatādi jātimattameva osadhi nāma, na tu tiphalakakkolādi, **ipaccayo**, bahuvacanantu atthabahulattā eva, ekavacanantopi dissate, osadhi itthiyameva. Osadhaṃ sabbamajātiyaṃ. Phalapākantattā jātitō aññaṃ yaṃ kiñci rogāpanayanakaraṃ, tadosadhamuccate. Osadhijātisambandhidabbampi jātivatticchāyaṃ rogapahīnakriyāhetuttā **osadhasaddavāccanti** paṭipādanatthaṃ **sabbaggahaṇaṃ**. **Osadhasaddato** jātiyaṃ ṇo. Keci pana ‘‘osadhijātimattamosadhaṃ sabbamajātiya’’nti pāṭhamavatvā ‘‘osadhijātimattaṃ bhesajjaṃ sabbamajātiya’’nti paṭhanti. Tamidha **osadhiosadhasaddānameva** ekadesavikativasena vuttānaṃ saṃsayāpagamanatthaṃ visesassa vuttattā na gahetabbaṃ, **amarakosepi** vuttaṃ ‘‘osadhyo jātimattesu, ajātyaṃ sabbamosadha’’nti [[amara 14.135](#)]. Tattha sakavādīpakkhe eko **makāro** āgamavasena vutto.

**593.** Mūlādikaṃ dasavidhaṃ **sākanti** mataṃ, sakkoti yenāti katvā. Tatra **mūlaṃ** mūlakādīnaṃ, **pattaṃ** bākucādīnaṃ, **kalīraṃ** vaṃsādīnaṃ, **aggamaṃ** vettādīnaṃ, **kandaṃ** nīluppālādīnaṃ, **miñjaṃ** tālādīnaṃ, **phalaṃ** kumbhaṇḍādīnaṃ, **taco** mātuluṅgādīnaṃ, **pupphaṃ** vaṅgasusenādīnaṃ, **chattaṃ** ahichattādīnaṃ.

**594.** Dvayaṃ eḷagale. Pakārena dadduṃ punātīti **papunnāṭo**. **Pu** pavane, kiyādi, aṭo, niggahītāgamo. Eḷagaṃ dadduṃ lunātīti **eḷagalo**. Daddugho, cakkamaddako, uraṇākhyopi, dadduṃ hantīti **daddugho**, **hanassa gho**. Cakkākārātāya cakkamaṃ, daddu, taṃ maddayatīti **cakkamaddako**. Uraṇākhyo mesākhyo. Mārisākatiappapattako bhūmilaggapatto taṇḍuleyyo appamāriso ca nāma, taṇḍulato jāyatīti **taṇḍuleyyo**, ñeyyo. Appapattatāya appo ca so mārisākatittā māriso ceti

**appamāriso.**

Dvayaṃ jīvantīyaṃ, ayaṃ rattaṅgamārisākati, **jīvato** anto, nadādi. Itarato yu, nadādi. Jīvā, jīvanīyā, madhupī. “Heṃ nu nve nī”. Dvayaṃ jīvake, ayaṃ aṭṭhavaggaṇapaviṭṭho. Aneneva nāmena vāñijānaṃ pasiddho. Madhurasatāya **madhurako**, jīvāpetīti **jīvako**, ṇvu.

“Jīvako siṅgako seko,  
Dīghāyu kuccasīsako;  
Rassaṅgo madhuro sādu,  
Pāṇako cirajīvinī”’ti.

**Tantantaraṃ [amarakosugghāṭanaṭīkāyampi aparāddhaṃ cintāmaṇiṭīkāyampi].**

**595.** Dvayaṃ lasuṇe. Yassa mūlaṃ setavaṇṇaṃ. Palaṇḍukandato mahantakandatāya **mahākando**. Ambilenekena rasena ūnatāya **lasuṇaṃ**, **lattaṃ**, **rassattaṃ**, **ṇattañca**, **lasa** kantiyaṃ vā, yu, assu, **ṇattaṃ**. Mahosadhaṃ, ariṭṭhaṃ, rasonopī. Dvayaṃ rattamūle, harite ca. **Palaḍi** gandhane, u, sundaro kando yassa **sukandako**. Kraṇasvananī.

Dvayaṃ paṭole. **Paṭa** gamane, olo, paṭuṃ rasaṃ lātīti vā **paṭolo**, usso, tittarasatāya **tittako**. Sakatthe ko. Kulakaṃ, paṭupi. Dvayaṃ “bhīṅgarāja”’iti khyāte kesarañjane. Bhīṅgo vuccati bhamaro, tabbaṇṇaṃ katvā tesam rañjetīti **bhīṅgarājo**. **Muca** mocane, avo, ussā, **mākkavo**.

**596.** Dvayaṃ punannavāyaṃ, vuddhopi puna navo bhavati yāya yogitāyāti **punannavā**. Sothaṃ hantīti **sothaghātaṃ**, **hanassa ghāto**. Dvayaṃ anūpaje sāke. **Tuda** byathane, bhāve to. Vigataṃ tunnametassa khādane **vitunnaṃ**. **Sada** visaraṇagatyāvasānesu, to, **annādeso**, sakatthe ko.

Dvayaṃ kāravellake. Tittarasatāya kucchitākārena lambatīti **kāravello**. Ussattaṃ, rattam, illo, **kupubbo lavi** avasaṃsane. **Sasu** hiṃsāyaṃ, avo, nadādi, assu. “He khā le-khyā”. Tikaṃ lābuyaṃ. **Tumba** adane, tumbati hiṃsati pittanti tumbī, nadādi. **Naṃpubbo lamba** avasaṃsane, u, **malopo**, **nassa attam**, **alābu**, pāniniyānaṃ [uṇādi 1.87], **āpubbo lamba** avasaṃsane, **alābu**. Kātantikānaṃ, candānañcevaṃ, asmākantu rassaṃ katvā alābu, **alope lābu**, abhedopacārena tīṇipi phalepi itthilingāni, **sāsaddo** itthi liṅgathajotako.

**597.** Dvayaṃ sampuse. Iraṃ vāriṃ lāti tabbāhulyatoti **eḷalukaṃ**. “Irā vārisurā bhūmi-bhāratīsu payujjate”’ti hi **nānatthasaṅgaho**. Thiyaṃ, u, sakatthe ko. **Kuka** ādāne, aro, nadādi, ussattaṃ, kaṃ vātaṃ, kaphaṇca karotīti **kakkari**, aparatra **phalopo**. Kakaḷipi. Dvayaṃ kumbhaṇḍe. Kumbhappamāṇaphalatāya **kumbhaṇḍo**, aññatthe ṇḍo, kumbho viya ḍetīti vā **kumbhaṇḍo**, bindāgamo, **kusa** chedane vā, aṇḍo, **sassa bho**, bindāgamo, kaṃ vātaṃ umbhetīti vā **kumbhaṇḍo**, aṇḍo. **Valla** saṃvaraṇe, ibho, mahāphalatāya sabbāsaṃ vallijātīnaṃ bhāti dibbatīti vā **vallibho**, kakkārūpi.

Dvayaṃ gorakkhakakkariyaṃ. Indassa sakkassa vāruṇī surā **indavāruṇī**. Visesena sarati hiṃsati kaphapittādayoti **visālā**. “Sarameho kuṭṭhahari, visālā kaphapittaghā”’ti hi **dabbaguṇe**. Visarati virecati etāyāti vā **visālā**. Dvayaṃ anupasāke. Vasati yasmiṃ khāraguṇo **vatthu**. **Vasa** nivāse, ratthu, **vasa** hiṃsāyaṃ vā, vasati kaphavātapitteti vatthu. **Vatthuleyyakoti** samuditanāmaṃ. **Laya** sāyye, layāpeti sabbadoseti **leyyako**, ṇvu, asse, vatthu ca so leyyako cāti **vatthuleyyako**. “Maṃhem”’.

**598.** Dvayaṃ mūlake. **Ṇvumhi mūlako**. **Cacca** paribhāsanatajjanesu, u, assu, muṃlāpaṇa. Dvayaṃ kalambuke. **Tamu** kaṅkhāyaṃ, ṇvu, **banto** ca, ke jale lambatīti **kalambuko**, ṇvu, assu. Upodikāpi, udakaṃ apagatā **upodikā**.

Kāsamaddajhajjharimaggavādayo **sākabhedā** sākavisesā. Kāsaṃ maddatīti **kāsamaddo**. Kaco, **jhajjha** paribhāsanatajjanesu, aro, nadādi, **jhajjharī**. Kanakalā. Phaṃ vātaṃ gaṇhātīti **phaggavo**,

**hassa vo, phaggavo**, “pai-tem-khā”.

**599-600.** Dvayaṃ dubbāyaṃ. Sundaraṃ dalaṃ pattametassa maṅgalapāṭheti **saddalo**, saddaṃ maṅgalasaddaṃ lānti bhāsanti paṭhanti brāhmaṇā yenāti vā **saddalo**. **Dubbī** hiṃsāyaṃ, a, avamaṅgalaṃ dubbatīti **dubbā**, dunnimittādayo vārenti yāyāti vā**dubbā**, nerutto. Satapabbikā, bhaggavī, anantā, ruhāpi. **Sā** dubbā **sitā** sukkā ce, golomī nāma, golomajattā **golomī**. Satavīriyā, gaṇḍālī, sakulākkhakopi.

Dvayaṃ bhaddamutte. **Gu** sadde, do. **Muca** mocane, to, rogaharaṇattā bhaddaṅca taṃ muttañceti **bhaddamuttaṃ**, “nvā-mye-yem-jī”. Dvayaṃ ucchumhi. Rasaṃ lātīti **rasālo**, dīgho. **Isu** icchāyaṃ, u, **usa** dāhe vā, u, **sassa cho**, pubbatra issu, asarūpadvittaṃ, **ucchu**, pume.

Catukkaṃ vaṃse. **Vī** gamane, lu, tacova sāro yassa. **Vī** gamane, u, **nāgamo**, **ṇattaṃ**, vanati sambhatīti **vaṃso**. **Vana** sambhattiyaṃ, so, **vasa** nivāse vā, karaṇe a, niggahītāgamo. Satapabbo, yavaphalo, makkaro, tejanopi, makkaroti paṭisevati yena **makkaro**, saññāyaṃ a. Tikaṃ pabbe. **Pabba** pūraṇe, **pabbaṃ**. **Phala** visaraṇe, u, ṭattaṃ. **Gantha** ganthane, i, vaṇṇavikāre **gaṇṭhi**, so pumā.

**Aniladdhutā** anilena kampitā **ye** veṇū kīṭadibhi katarandhatāya nadanti, te kīcakā nāma siyuṃ, **cakī** āmasane, ṇvu, pubbāparabyañjanānaṃ vipariyayo, **kīcakā**.

**601.** Dvayaṃ naḷe. **Nī** naye, alo, ṭattaṃ, **dhama** saddaggaṃyogesu, yu, poṭagalopyatra. Dvayaṃ kāse. Puṭaṃ aññamaññaṃ saṃsaggaṃ gacchatīti **poṭagalo**, **massa lo**. **Kāsa** dittiyaṃ, a, ayamanitthī.

Dvayaṃ sare. **Tija** nisāne, yu. Sarantyaneneti **saro**. Pume saññāyaṃ a, **sara** hiṃsāyaṃ vā. Gundopyatra. **Bīraṇassa** setakusumassa tiṇavisesassa mūlaṃ **usīraṃ** nāma, **vasa** kantiyaṃ, **usa** dāhe vā, īro, pubbasmiṃ vassu, abhayaṃ, naladaṃ, sebyaṃ, jalāsayaṃ, amaṇālaṃ, lāmajjakampi.

Haritakyābhayā paṇḍo, usīre nibbhaye tisu.

Jalāsayo jalādhāre, usīre tu jalāsayaṃ.

Sebyā sevārahe siyā.

**602.** Tikaṃ kuse, **kusa** chedane, a, **varaha** pādhānye, paribhāsanahiṃ sādānesu ca, iso, **du** paritāpe, abbho, **dabbho**, kutho, pavitrampi.

Dvayaṃ “gandhakheḍa”iti khyāte tiṇe, vuttaṅca “bhūtiṇaṃ gandhakheḍaṅca, sugandhaṃ gomayappiya”nti. Atha rāmakappūrato ko assa bhedo. **Rāmakappūraṃ** bahupakaṇḍaṃ kappūrasugandhaṃ. Gandhakheḍantu ikaḍasamānapattaṃ sākḥāsbhāvaṃ bhūmilaggaṃ, atoyeva bhūtinakamuccate, bhūmiyaṃ laggaṃ tiṇaṃ **bhūtinakaṃ**, nattaṃ, sakatthe ko.

Dvayaṃ gavādīnaṃ madanīye tiṇe, **ghasa** adane, ṇo, **yu** missane, aso. Dvayaṃ pūgarukkhe. **Pūja** pūjāyaṃ, ṇo, **pūgo**. **Kamu** icchāyaṃ, ṇvu. Ghoṇṭāpi, “ghoṇṭā badarapūgesū”ti **ruddo**.

**603.** Dvayaṃ tāle. **Tala** patiṭṭhāyaṃ, curādi, a. Vātādayo vibhindaṭīti **vibhedikā**.

“Vātagho brūhano cāpi, kimihā kuṭṭhanāsano;  
Rattapittaharo sādu, tālo sattagaṇo mato”ti.

Hi **dabbagaṇo**. Tiṇarājāpi. Dvayaṃ khajjūriyaṃ. **Khajja** khajjane, byathane ca, ūro, nadādi. **Sida** mocane, snehane ca, i, **sanda** savane vā, i, upāntassi ca, **sindi**.

**604.** Hintālādayo satta nissāratāya tiṇāni ca tāni mūlena jalapānasāmaññato pādapā ceti **tiṇapādapā** vuccanti, **tiṇa** adane, pamāṇato tālato hīno **hintālo**, padavipariyayo, rasso ca. Nāli viya jāyatīti **nālikero**. Aññatthe iro, konto ca, nālikero. Lāṅgalīpi. “Lāṅgalī nālikere ca, sirapāṇimhi lāṅgalī”ti [cintāmaṇiṭikā 14.168] **rabhaso**. Saṅghānato tālasadisatāya **tālī**, ḷattam, upamāne ī, **taḷa** āghāte vā, curādi, nadādi, **tālī**. **Kita** nivāse, rogāpanayane ca, ṇvu, nadādittā ī, **ketakī**, ayam nārī.

Araññavaggavaṇṇanā niṭṭhitā.

## 6. Araññādivaggavaṇṇanā

**605.** Nava pabbatassa nāmāni. **Pabba** pūraṇe, to. **Gira** niggiraṇe, osadhādayo niggiratīti **giri**, i. Silānaṃ rāsi **selo**, silā pacurā santyasmim vā **selo**, **sela** gatiyaṃ vā, a. **Adda** gatimhi yācane ca, bhūvādi, i, **adda** hiṃsāyaṃ vā, curādi. Na gacchatīti **nago**. Na calatīti **acalo**. Silānamuccayo ubbedho, thūpo vā **siluccayo**. Sikharayogā **sikharī**, ī, tilakībhūto. Bhuṃ bhūmim dharatīti **bhūdharo**, bhuyā dharīyatīti vā **bhūdharo**, bāhulyena a, **bhūdharo**. Ahāriyo, gottopi, desantaraṃ netumasakyattā **ahāriyo**, gavaṃ bhūmim dhāraṇena tāyate **gotto**.

Pañcakaṃ silāyaṃ. **Ama** gatiyaṃ, bho. **Vana**, **sana** sambhattiyaṃ, pasanati byāpetīti **pāsāṇo**, nipātanā, **pasa** bandhane vā, yu. **Asu** khepane, mo, **asmā**, rājādi, **asu** byāpane vā. **Pala** rakkhaṇe, **upalo**, **upa** dehe vā, **alappaccayo** nipāto. **Sila** ucce, a. **Silā**, nārī.

**606.** Gijjhakūṭādayo tikūṭantā “vaṅkādi”ti ettha **ādinā** malayadaddurādayo ca nagā nagavisesā. Gijjhā sakuṇavisesā assa kūṭe vasanti, gijjhasadisakūṭayuttatāya vā **gijjhakūṭo**. Visesena bhātīti **vebhāro**, aro. **Pula** mahatte, visesena pulatīti **vepullo**. Isayo gilatīti **isigili**, i. Ādiccagamanavirodhena viruddhaṃ jhāyatīti **viñjho**. Paṇḍuvaṇṇatāya **paṇḍavo**, **paṇḍa** gatiyaṃ vā, avo. Kuṭilatāya **vaṅko**. Dvayaṃ udayagirimhi. Aparaselāpekkhāya **pubbaselo**. Udayantyaṣmā sūriyādayoti **udayo**, sūriyādīnamudayaogato vā **udayo**.

Tikaṃ atthagirimhi. Mandayati sūriyo yasmim **mandaro**. Mandappabho vā arati yasmim sūriyoti **mandaro**, atthaṃ anupaladdhim gahanakkhattānaṃ karotītyattho, nāmadhātukāritantā a. Dvayaṃ himavati pabbate. Himappacuratāya **himavā**, himaṃ vā vamatīti **himavā**, kvi, rājādipakkhepattā sissā. Himayutto acalo **himācalo**.

**607.** Attani sañjātagandhadabbānaṃ gandhehi loke madayati, modayatīti vā **gandhamādano**, yu. Kelāso vutto. Vicittakūṭayuttatāya **cittakūṭo**. Sukhaṃ dassanaṃ yassa, yasmim vā **sudassano**, kāḷavaṇṇakūṭatāya **kāḷakūṭo**. Tīṇi kūṭānyassa **tikūṭo**, chaḷtepi pabbatavisesā. **Assa** yathāvuttassa pabbatassa **pattho** samo bhūmibhāgo sānu nāma, **assa** vā pabbatassa samāya bhūmiyaṃ pattho sānu ca bhavantīti ajjhāharitabbaṃ. Patiṭṭhate asminti **pattho**, **ṭhassa tho**. **Sana** sambhattiyaṃ, ṇu, sambhajīyate sevīyateti **sānu**, dvepyanittiyaṃ.

**608.** Tikaṃ siṅgassa nāmaṃ. **Kuṭa** dāhe, kammani ṇo, **vākārena** kūṭampi. Sikhaṃ ruhatīti **sikharaṃ**. Nerutto. Sikhaṃ gacchatīti **siṅgaṃ**, **iṅga** gamanatto, khalopo. Dvayaṃ pabbatādīnaṃ papatanaṭṭhānassa nāmaṃ. Papatantyaṣmā, ṇo. **Pata** adhogamane, **papāto**. **Taṭa** samussaye, **taṭo**.

Dvayaṃ pabbatanitambe. **Nitambo** jaghanepi, **kaṭa** vassāvaraṇesu, ṇvu. Pabbate pāsāṇādīsu **ambuno** jalassa **pasavo** pasavanaṃ nijjharo nāma, nissaraṇaṃ **nijjharo**, **sassa jho**, asarūpadvittaṃ. Jharopi.

**609.** Dvayaṃ kittime akittime, sajale nijjale vā kandare. **Dara** vidāraṇe, a, ī, **darī**. **Kaṃ** jalavācakamabyayaṃ, kena darīyate **kandaro**, ā, kandarā. Tikaṃ devakhātābile. Niliyantyaṣmim **leṇaṃ**, **lī** silesane, yu. Gatiṃ hvayati kuṭilayatīti **gabbharaṃ**, nipātanā. **Gabbha** dhāraṇe vā, aro. **Guhū** saṃvaraṇe, a, **guhā**.

Dvayaṃ silāmayapokkharāṇiyaṃ. **Soḍi** gabbhe, ī. **Soṇa** vaṇṇagatisaṅghātesu vā, ḍo, ī. Dvayaṃ

pabbatādīnaṃ gabbharadese latāpallavatiṇādīhi pihitodare gabbhare. **Kuñja** abyattasaddhe, karaṇe, ño, **nikuñjaṃ** nipubbo. Dvayaṃpyanithiyaṃ. **Nikuñja**vacanaṃ pakuñjādinivattanattham.

**610. Selassa** pabbatassa uddhambhūmi **adhicckā** nāma. Selassādhobhāgāsannabhūmi **upaccakā** nāma. Atra tehi **upādisaddehi** ccako **yadādinā** [pāṇini 5.2.34].

Mūlapabbatassante parivāretvā t̥hitā khuddapabbatā **pādā** nāma. Tatra **pādā**divayaṃ. Pajjate gamyateti, ño. Selassa upanto samīpe pabbato **upantaselo**.

Gerikamanosilāharitālakaṭṭhinyādikosabbo eva silāvīkāro “dhātū”tyutto, **dhara** dhāraṇe, tu, **dhātu**.

Selavaggavaṇṇanā niṭṭhitā.

**611.** Tikam̐ s̥he. Kesaro jaṭā, taṃyogā, ī, **kesarī**. Mige hiṃsatīti **sīho**, nipātanā vaṇṇavipariyayo, mige hantum̐ samvijjamānā ihā assāti vā **sīho**, sahatīti vā **sīho**. Pañcasso, haripi. Mukhamiva caraṇāpyassa karikumbhadāraṇasamatthāti tehi saha pañcassāni yassa. Harati migeti **hari**, i. Mahākukkurappamāṇo kukkurākati kaṇhalekhācittasarīro gomanussādihimsakkhamo rassamukho **taraccho** nāma, so “sunakhabyaggho”ti vuccati. **Tara** taraṇe, cho, mige adatīti **miḡādano**, nandādīhi yu.

Dvayaṃ byagge. Vinihantvā āghāyatīti **byaggho**, **ghā** gandhopādāne, byaggho dīpinipi. Pum̐ pumāno dāletīti **puṇḍarīko**, **dala** vidāraṇe, ṇvu. **Dassa ḍo**, **lassa ro**, assī, **puṇḍarīko**.

“Puṇḍarīkaṃ sitamboje,  
Sitacchatre ca bhesajje;  
Kosakārantare byagge,  
So disāvāraṇaggisū”ti. –

**Nānatthasaṅgahe**. Vagghopi. Dīpinivisaye saddūlo īrito, saratīti **saddūlo**, ūlo, do canto, saddena ulati gacchatīti vā saddūlo. Dīpaṃ taccammaṃ, taṃyogā **dīpī**, tasmim̐ dīpini.

**612.** Pañcakaṃ acche. **Asu** khepane, cho. **Ica** thutiyaṃ, a, **ikko**. Bhallukopi, **bhala**, **bhalla** paribhāsanahimsādānesu, ṇvu, assu, **īsa** gatihimsādānesu, so, rassādi. Apaccaye **iso**.

Dvayaṃ rohite. Lohitavaṇṇatāya **rohiso**, lohito ca, pubbatra **tassa so**. Tikam̐ gokaṇṇe. Gavassa kaṇṇo viya yassa kaṇṇoti **gokaṇṇo**. Gaṇayuttatāya gaṇī ca so kaṇṭakasadisasiṅgatāya kaṇṭako ceti **gaṇīkaṇṭako**, samuditanāmampi vadanti. Gaṇī ca kaṇṭako ca gaṇīkaṇṭakāti dve nāmānipi daṭṭhabbāni, teneva hi “gaṇīkaṇṭakā”ti bahuvacananiddeso kato.

**613-614.** Catukkaṃ khagge. Siṅgañca khaggākhyam̐, taṃyogā **khaggo**. “Khaggo gaṇḍakasiṅgāsi-vuddhabhedesu gaṇḍake”ti [byākhyāsudhā 2.5.4] hi **nānatthasaṅgahe**. Khaggasadisam̐ visāṇamassa saṅṭhānatoti **khaggavisāṇo**, ño. Ettha **khaggasaddo** asipariyāyo. Palāsamatatīti **palāsādo**. **Gaṇḍa** vadanekadeso, ṇvu, **gaṇḍako**.

Byagghādiko sabbopi migabhedo “vālamigo, sāpado”ti coccate. Byagghassātisayena manussādīnaṃ hiṃsanato duṭṭhatā pākāṭāti tappamukhatā vuttā. **Vala** samvaraṇe, valantyattānamasmāti vāḷo, ño, vāḷo ca so migo ceti **vālamigo**, duṭṭhamigotyattho. “Byaggho tam̐ khādatū”tyādīnā sapanti yenāti **sāpado**, **sapa** akkose, do, dīghādi.

**Plavaṅgantaṃ** makkate. Plavo gatibhedo, tena gacchatīti **plavaṅgamo**, plavaṅgo ca. **Mara** pānacāge, aṭo, ko canto, **makkato**. Naro iva **vānaro**, vāsaddo **ivatthe**, nāmānaṃ yuttatthattā samāso. Sākhāyaṃ pasuto migo **sākhāmigo**. Gatyatthattāya kriyāya payogā. **Kapi** calane, i, **kapi**. Valī sithilaṃ cammaṃ mukhe assa **valimukho**. Kiso, vanokopi, kucchitenākārena setīti **kiso**, ussi.

Vanamokamāsayo assa **vanoko**. So makkaṭo ce **kaṇhatuṇḍo** kālamukho siyā, tadā “gonāṅgalo”’ti mato, gunnaṃ naṅgalasadisatāya **gonāṅgalo**.

**615.** Pajjaddhaṃ siṅgālassa nāmaṃ. **Sara** gatihiṃsācintāsu, alo. **Saratissa siṅgo. Jamu** adane, ṇvu, bo canto, assu. **Kusa** akkose, tu, thu vā. Bheravayuttatāya **bheravo**, “bhe”’iti ravatīti vā **bheravo. Samu** upasame, ivo, **sivā**, nārī, **si** sevāyaṃ vā, vo. Migadhutto, vañcakopi, migesu vanapasūsu dhutto. Brāhmaṇaṃ vañcefīti **vañcako**.

Tikaṃ biḷāre. **Bila** bhedane, aro, ḷattaṃ. **Babba** gatiyaṃ, u. **Maja** suddhiyaṃ, āro, niggahītāgamo. Otu, ākhubhujopi. Dvayaṃ koke, ayaṃ kukkurappamāṇo kapilo hariṇo. **Kuka, vaka** ādāne. Īhāmigopi, mige ḷhati kaṅkhatīti, kammani ṇo.

**616.** Dvayaṃ mahiṃse. Mahiyaṃ setīti **mahiṃso**, rasso, niggahītāgamo ca. **Lala** icchāyaṃ, udakaṃ lalatīti **lulāyo**, nipātanā, ayo, assu ca. Go viya vajati jāyatīti **gavajo**. Go viya ayatīti **gavayo, samā** dve tulyatthā.

Dvayaṃ salle. **Salla** āsugatiyaṃ, a, **sallo**, sakatthe ko, **sallako** attano sarīrajātena sallena sunakhaṃ salati hiṃsatīti vā **sallo, sallako** ca, ayaṃ sūkarasaṅthāno, salākāpāyo ca. **Assa** sallassa lomamhi **salalaṃ, salaṅca** bhave. **Pala, sala, patha** gatiyaṃ, alo, nadādितte salalī, thittābhāve salalaṃ, amhi salaṃ.

**617.** Pañcakaṃ mige, harantyanena **hariṇo, hara** haraṇe yu. **Ṇattamittaṅca. Mara** pāṇacāge, a, **rassa go, ittaṅca**. Sena sunakhena raṅgati gacchati palāyatīti **sāraṅgo**. Dīghādi, **mago, migo** ca ete dve migamattepi. Ajinassopayujjānāssa yoni, tena bhūtassājinassuppattikāraṇattā vā **ajinayoni**. Ayampi migamattepi. Kuraṅgo, vātāyupi. Kuyaṃ pathaviyaṃ raṅgatīti **kuraṅgo**. Vātamayatīti **vātāyu**, u.

Dvayaṃ sūkare. Sundaraṃ phalaṃ karotīti **sūkaro**. Vuttaṅca **dabbaguṇe** –

“Snehanaṃ brūhanaṃ vassaṃ, tathā vātasamāpahaṃ;  
Vārāhaṃ pisitaṃ bālyaṃ, rocanaṃ sedanaṃ garū”’ti [dabbaguṇasaṅgaha 2.11-2].

Sukhaṃ karotīti vā **sūkaro**. Sundaro karo yassa vā **sūkaro**. Vare āhantīti **varāho**, vare sati āhantabboti vā **varāho**, kolo, thaddhalomo, bhūdāropi. Dvayaṃ sase. **Pela** gatiyaṃ, ṇvu. **Sasa** plutagatiyaṃ, a.

**618.** Dvayaṃ eṇīmige. Eṇiyā migiyā, eṇassa vā apaccaṃ **eṇeyyo**, ayaṃ cammādīsipi “eṇassa, eṇiyā vā cammādiko eṇeyyo”’ti vacanatthaṃ katvā. Eṇiyā itthiyā putto migo **eṇīmigo, i** gatiyaṃ, yu, nadādi, anadādितte eṇo, evametepyuppādītā. Dvayaṃ pampaṭake. **Paṭa** gamane, ṇvu, upasaggante bindāgamo ca. **Pabba** gatiyaṃ, ṇvu, bindāgamo, **balopo** ca.

Dvayaṃ vātamige. Gamanena vātasamo migo **vātamigo**. **Calatismā** yu, nadādi. Tikaṃ mūsike. **Musa** theyye, ṇvu, ittaṅca. Āpubbo **khanu** avadāraṇe, u, **nalopo**. **Unda** pasavanakledanesu, ūro.

**619.** Camarādayo, sarabhādayo ca **migantarā** migavisesā. Camaro uttarāpathe khyāto, yassa pucchaṃ cāmaraṃ, **camu** adane, aro, **camaro**, thiyaṃ camarī. **Pasado** cittalomī, **pasa** bandhane, ado. Kuyaṃ raṅgatīti **kuruṅgo**, assu, uttābhāve **kuraṅgo**. Sabbesampi migānaṃ mātuṭṭhāne tiṭṭhatīti **migamātukā**, upamāne ko. **Ru** sadde, ru. Ruṇaṃ karotīti **raṅku**, u, **ṇassa** lopo **rakārassa**, ussa ca. Attānaṃ nīcaṃ karotīti **nīko**. **Saratismā** abho, **sarabho**. Aṭṭhāpado uddhaṃnayano sīhassāpi hantā, tassa ca pādacattukkaṃ uddhaṃ bhavatīti.

**620.** Piyakādayo tayo, **ādinā** kandalīcīnasamūruādayo ca cammayonayo, tena bhūtassa cammassa uppattikāraṇattā, ete ca citratanuruhādayo kambojādīmhi, uttarāpathe ca jāyanti, tatreva sanāmakhyātā. Yathā **migasaddo** vanyapasusāmaññe, visese ca kuraṅgākhye vattati, yathā ca

**Iohasaddo** suvaṇṇādiḱe tejasasāmaññe, visese ca, tathā **cammayoniajinayonisaddāpi** migasāmaññe, migavisese ceti tathā vuttā.

**Pī** tappanakantīsu, ṇvu, **iyādeso**. Ūrumhi atisayacammayuttatāya **camūru**, ekassa **massa** lopo. **Kadi** avhāne, alo, ī, kadalī ca so migo ceti **kadalīmigo**.

Sīhādayo yathāvuttā, avuttā ca sabbe catuppadā sattā “migā, pasavo”ti coccante. Pasavantīti **pasavo**, **su** abhisave, **pasa** bandhane vā, u.

**621.** Catukkaṃ lūtāyaṃ. **Lū** chedane, to, **lūtā**, sakatthe iko, **lūtikā**, dve nāriyaṃ. Uṇṇāpāyo tantu uṇṇā, sā nābhiyaṃ assa **uṇṇanābhi**, rasso. Makkaṭo viya sākāyaṃ attano tantumhi gacchatīti **makkaṭako**.

Dvayaṃ gomayajavicchike. **Viccha** gamane, ṇvu, **vicchiko**, satapadiyampi, āḷaṃ vicchikanaṅgulaṃ, taṃyogā **āḷi**. Dvayaṃ gharagodhāyaṃ. **Saratismā** ū, avo canto. Gharaṃ nissitā godhā **gharagoḷikā**, **dhassa** **ḷo**, sakatthe ko.

**622.** Dvayaṃ godhāyaṃ. **Gudha** rose, a, **godhā**, nārī. **Kuṇḍa** dāhe, a, **kuṇḍo**. Dvayaṃ rattapāyaṃ. Kaṇṇassa jalūkā rattapā **kaṇṇajalūkā**. Sataṃ padā yassā **satapadī**, **padasaddo** pādatho.

Dvayaṃ kalandake. **Kanda** avhāne, rodane ca, kandatīti **kalandako**, lamajjho, ṇvu. Kāḷavaṇṇatāya **kāḷakā**, nāriyaṃ. Dvayaṃ nakule, natthi kulaṃ etassa sappesu **nakulo**, arisappopi. **Nakka** nāsane vā, ulo, **kalopo**, sappe nāsetīti **nakulo**. **Maṅga** gatyattho **daṇḍako** dhātu, uso.

**623.** Dvayaṃ kakaṇṭake. Kucchito kaṇṭako assa, ussattaṃ. Sarati dhāvattīti **saraṭo**, aṭo.

Catukkaṃ kīṭe. **Kīṭa** bandhane, a, **kīṭa** gamane vā, dīghādi. **Pula** mahatthe, avo, ḷattaṃ. Kucchitaṃ amati gacchatīti **kimi**, i, assittaṃ. Pakārena anatīti **pāṇako**, ṇvu, **ṇattaṃ**.

Dvayaṃ kaṇṭalomakīṭe. Uccaṃ ṭhānaṃ ālingatīti **uccāliṅgo**. Bahulomayutto pāṇako **lomasapāṇako**.

**624-625.** Sāddhapajjena sakuṇassa nāmāni. Vihe ākāse gacchatīti **vihaṅgo**, **vihaṅgamo** ca, ākāsapariyāyo cetha **vihasaddo**, **vehāsassa** vā **vihādeso**. Pakkhayuttatāya **pakkhī**. Khena, khashmim vā gacchatīti **khago**. Aṇḍato jāto. Sakkoti uddhaṃ gantunti **sakuṇo**, **sakunto**, **sakuṇī** ca, **saka** sattiyaṃ, uṇo, unto, uṇī ca. Patanto ḍento, pattena vā gacchatīti **pataṅgo**, aparatra **talopo**. Mātukucchito, aṇḍato cāti dvikkhattuṃ jāyatīti **dvijo**. Uḍḍanādīsu vakkhaṃ kuṭilaṃ aṅgaṃ gīvādikāṃ etassa, vakkena gamanena aṅgatīti vā **vakkaṅgo**. Pattena yāti, taṃ vā yānaṃ etassa. Patati patanto viya ākāsatō hotīti **patanto**. Nīḷe kulāvake jāyatīti **nīḷajo**.

Vaṭṭakādayo, pokkharasātakādayo ca **tabbhedā** tesam sakuṇānaṃ visesā. **Vaṭṭa** vaṭṭane, ṇvu, **vaṭṭakā** nārī. Mayūrappamaṇo tadākaticittapakkho jīvañjīvo dakkhiṇapathādīsu jāyate, “jīvajīvā”ti saddaṃ karotīti **jīvañjīvo**. “Jīvajīvo”ti nirānūnāsikāpi. Candikāyuttarattippiyo pakkhī **cakoro**, **caka** paritakkane, uro, usso, caṅkoropi. **Taratismā** iro, dvittamittaṅca, **tittiro**.

**626.** **Sala** gatiyaṃ, ṇiko, ḷattaṃ, **sāḷikā**, nārī. Kalaṃ ravatīti **karavīko**, īko, **lalopo**. **Karavīko**, yassa saro bhagavato sarena upamīyate, so vuccati “karavīko”ti. Javena ravinā sadiso haṃso **ravihaṃso**. **Kusa** sadde, thako, dvittaṃ, **kusassa** sassa **to**, **kukutthako**. **Karaṇḍa** bhājanatthe, avo, **karaṇḍavo**, jalacaro pakkhī. **Bilu** patitthambhe, a, **avādeso**, **bilavo**, “gaṇḍaplavo”ti khyāto rattapakkho mahāpakkhī pokkharasātako, pokkharassa saññā yassa **pokkharasātako**, **ññassa to**, dīgho ca, samuditanāmameva vā tassa, tadā **sāda** assādane, ṇvu, **dassa to**, **pokkharasātako**.

**627.** Sattakaṃ pakkhe. Patanti anenāti **patattaṃ**, **yadādinā** to, dvittaṃ. **Ukha** gatiyaṃ, yu, usse, assu, **pekhuṇaṃ**, **ṇattaṃ**. **Pata** gamane, to, pātato tāyatīti vā **pattaṃ**. **Pata** gamane, kho, **tassa ko**,

**pakkho.** Patitum icchati yena **piñchaṃ**, nerutto, **pata** gamane vā, cho, **talopo**, bindāgamo, assi. Chādyate anena **chado**. **Gira** niggiraṇe, u, issattaṃ, **gamu** gamane vā, u, massa **ro**.

Pakkhīnaṃ bīje “au”iti khyāte **aṇḍaṃ**, kacchapādīnaṃ bījepi, “aṇḍaṃ khagādikose cā”ti **nānatthasaṅgahe**. **Aḍi** aṇḍatthe, ṇo, pesi, kosopi, **pisa** avayave, i, pesi, “pesiyaṃ pattabhede ca, koso pumeva icchito”ti [[cintāmaṇiṭikā 15.37](#)] **ruddo**. Dvayaṃ pakkhigehe. **Nīla** vaṇṇe, a, ḷattaṃ, **nī** naye vā, ilo. Kucchitaṃ aṇḍavināsanādikaṃ lunātīti **kulāvakaṃ**, ṇvu.

**628.** Dvayaṃ garuḷānaṃ mātari. Vīno pakkhino namanti yaṃ **vinatā**. **Thīpumadvayaṃ** itthipurisānaṃ dvayaṃ mithunaṃ nāma, saṅkhyānassa saṅkhyeyyanissitatāya itthipurisāyeva **mithunaṃ**, **mitha** saṅgame, uno.

Chakkaṃ yugaḷamatte. **Yuja** yoge, a, **yugaṃ**, alapaccaye **yugaḷaṃ**, **ḷattaṃ**, yugaḷampi. **Ubha** pūraṇe, ṇo, **dvandādeso** ca, **dvandaṃ**, **yamu** uparame, ṇvu, alo ca, yamaḷaṃ, yamaḷaṇca, apaccaye **yamaṃ**.

**629-631.** **Maṇḍalantaṃ** samūhe. Sammā, visesena ca ūhate puñjībhūtattāti **samūho**, ṇo, samaṃ saha avayavena ūhati tiṭṭhatīti vā **samūho**. **Gaṇa** saṅkhyāne, gaṇīyati avayavena saḥāti **gaṇo**. Saha avayavena gacchatīti **saṅghāto**, **hana** gamane, ṇo, saha avayavena udayatīti **samudāyo**, **dāgamo**, majjhe dīgho. Sañcinoti avayavanti **sañcayo**, **ci** caye. Saha avayavena duhayatīti **sandoho**, **duha** papūraṇe. Nissesato vahati avayavanti **nivaho**. Avayavaṃ katvā byapiyati gacchatīti **ogho** [[ucyate ogho uca samavāye ghau nipātanā cassa gho \(cintāmaṇiṭikā 15.39\)](#)]. Visanti avayavā yasminti **visaro**, aro. Avayavaṃ samīpe karotīti **nikaro**. Ekekāpekkhāya appatthena kasaṅkhātā avayavā āyanti yasmim **kāyo**, atha vā kucchitānaṃ kesādīnaṃ āyoti **kāyo**, so viya avayavānaṃ uppattitṭhānaṃ kāyoti idha samūho vutto. Antatthena khaṃsaṅkhātānaṃ avayavaṃ dhāretīti **khandho**, khādāti avayaveti vā **khandho**, amajjhadīghe **samudayo**. **Ghaṭa** ghaṭane. Ghaṭanaṃ rāsibhavanaṃ, ghaṭenti assaṃ avayavāti **ghaṭā**. Saha avayavena etīti **samiti**,ti. Saha avayavena gacchatīti **samhati**, **hana** gatiyaṃ,ti, nalopo. **Rasa** assādane, iṇa. **Puñja** kucchāyaṃ. Saha avayavena byāpetvā ayatīti **samavāyo**. **Pūgo** tambūlepi. Janeti avayaveti **jātaṃ**, to. Kaṃ attānaṃ detīti kado, cakkhādiko sarīrāvayavo. Kado viya kado, avayavo, taṃ vakatī ādadatīti **kadambakaṃ**. Visesena ūhantyaṃsmim avayavā **byūho**. Vitanoti avayaveti **vitānaṃ**, ṇo. **Gupa** rakkhaṇe, bo, **passa mo**, **gumbo**, gumbampi. Kalaṃ avayavabhāvaṃ pāti rakkhatīti **kalāpo**, “kalā soḷasamo bhāgo”ti hi vuttattā **kalā**saddo bhāgatthopyatthīti nīyati. **Jala** dittiyaṃ. Jalati avayavenāti **jālaṃ**. Avayavena maṇḍatīti **maṇḍalaṃ**, **maṇḍa** vibhūsāyaṃ, alo.

**632.** Sāddhapajjena gaṇabhedā vuccante. Tatra jātyādīhi samānānaṃ paṇīnaṃ, apāṇīnaṇca gaṇo vaggero nāma, yathā “bandhuvaggero, kavaggero”ccādayo, **vajja** vajjane, vajjeti asamānajātyādayoti **vaggero**, ṇo, **jjassa ggo**. Jantūnaṃ samānajātyānaṃ, vijātyānaṇca gaṇo “saṅgho, sattho”ti coccate, yathā “bhikkhusaṅgho, vāṇijasattho”ccādayo. Samhaññante nibbisesena nīyante avayavā tasminti **saṅgho**, ro. Saranti vattanti avayavā yasminti **sattho**, tho, **rassa to**.

**Sajātikānaṃ** samānajātikānaṃ jantūnameva gaṇo kulaṃ nāma, yathā “khattiyakulaṃ, gokula”miccādayo. **Kula** saṅkhyāne, bandhumhi ca, a, **kulaṃ**. **Sadhammīnaṃ** samānadhammānameva jantūnaṃ gaṇo nikāyo nāma, yathā “bhikkhunīkāyo”ti. Ci caye, ṇo, nibbisesena cinoti avayaveti **nikāyo**.

Sajātyatiracchānānaṃyeva gaṇo “yūtho”tyuccate, so cānitthī, yathā “hatthiyūtho, migayūtha”miccādayo, **yu** missane, tho, dīghādī, **yūtho**, “gaṇo pasūnaṃ samajo, samājōñṇesa”muccate”ti [[amara 15.42 gāthāyaṃ passitabbaṃ](#)] idhānāgatavacanampi nītabbaṃ.

**633.** Catukkaṃ garuḷe. Kanakarucirattā sobhano paṇṇo pakkho yassa **supaṇṇo**. Vinabhāya nāma mātuyā apaccaṃ **venateyyo**, ṇeyyo. Garaṃ visadharaṃ hantīti **garuḷo**, ṇo, rantassu, **hassa** ca ḷattaṃ, vaṇṇavikāro, garuḷo. Pakkhisīho, ulūtīso, vajjiratuṇḍo, sudhāharo, suvaṇṇapakkho, bhujagāsānopi [[tikaṇḍasesa 1.1.42](#)].

**Pikantaṃ** kokile. Parena vijātiyena kākena positoti **parapuṭṭho**, **pusa** posane, to. Parena bhato puṭṭho **parabhato**, **bhara** dhāraṇaposaṇesu, to. **Kuṇa** saddopakaraṇesu, alo. **Kuka**, **vaka** ādāne, ilo, **kokilo**. Apihito kāyatīti **piko**, **api** antaradhāne, vaṇṇanāso, apissākāralopo.

**634.** Aṭṭhakaṃ more. **Mura** saṃvaraṇe, ṇo. **Maya** gatiyaṃ, ūro, mahiyaṃ ravatīti vā **mayūro**, dhātussa atthātisayena yogoti nerutto. Varahaṃ sikhaṇḍo, taṃyogā **varahī**. Nilā gīvā kaṇṭho yassa, bhujāṅgabhujopi.

Dvayaṃ mayūramatthakasikhāyaṃ. Sikhā aggijālāyaṇca, pubbe vuttā.

**635-636.** Catukkaṃ mayūrakalāpe. Sikhaṇḍino ayaṃ **sikhaṇḍo**, **varaha** pādhānye, paribhāsanahimsādānesu ca, karaṇe a. Ko mayūro lasati yena **kalāpo**, ṇo, **sassa po**. **Pi** tappanakantīsu, cho, niggahītāgamo, rasso ca. Dvayaṃ morassa piṇchaṭṭhe akkhisāṇṭhāne. **Cadi** hilādane, dittiyaṇca, ṇvu. Mecako kaṇhavaṇṇepi vutto.

**Alyantaṃ** bhamare, cha padāni assa. Madhuṃ vatayati bhuñjate **madhubbato**, **vata** bhojane. **Bhama** anavaṭṭhāne, pupphamatthake bhamaṭīti **bhamaro**, aro. **Ara** gamane, i, ḷattaṃ.

Catukkaṃ gehavanakapotesu. Pārena sabalena āpatatīti **pārāpato**, pāravatopi. **Kapa** acchādane, **kampa** calane vā. Oto, parapakkhe **malopo**. **Kuka** ādāne, aṭo, ussattamassuttaṇca. Pakārena ravatīti **pārevaṭo**, **ru** sadde, aṭo, upasaggassa dīgho, asse, **pārevaṭo**, parevaṭopi.

“Pārāvato ca chejjo ca,  
Kapoto rattalocano;  
Pārāpato kalaravo,  
Pattī seno sasādano”ti [[cintāmaṇiṭkā 15.14](#)]. –

### Rabhaso.

**637.** Dvayaṃ gijjhe. **Gidha** abhikaṅkhāyaṃ, yo, **jhassa jho**, asarūpadvittaṃ, **jhappaccayena** vā siddhaṃ, tathā dhassa **jo**. **Gidhatismā** a, niggahītāgamo, issattaṃ, **gandho**. Tikaṃ senasāmañṇe. Kukkuṭādīnaṃ kulaṃ lunāti chindatīti **kulalo**, **kula** santāne vā, alo. **Se** gamane, no. Sattānaṃ hiṃsanato byaggho viya byagghi, satte nāsetīti nāso. Byagghi eva nāsoti samuditanāmaṃ.

Sakuṇagghādayo tayo **tabbhedā** tassa senassa visesā. Sakuṇaṃ hantīti **sakuṇagghi**, sina?. **Aṭa** gamane, ṇo. **Āṭo**. Dabbisadisāṃ tuṇḍaṃ yassa dvijassa so **dabbimukhadvijo**. “Dabbimukhadvijo aṭo nāmā”tipyeko attho, tadā dveveva senabhedā.

**638.** Catukkaṃ ulūke. “Uhu”nti saddaṃ karotīti **uhuṅkāro**. “Uddhaṃ kaṇṇā yassa uddhaṃkaṇṇo”ti sampatte niruttinayena **ulūko** [[ulabhinettethi dahatyulūko, uddholokanā iti niruttama \(amarakosugghāṇaṭikā 15.15\)](#)], ucatī samaveti koṭarantī vā nipātanā. **Kusa** akkose, yassa amanāpatāya saddena lokā kosanti, so **kosiyō**, kositabboti katvā, koṭare vasatīti vā **kosiyō**, nerutto, vāyasānaṃ kākānaṃ ari sattu, sakkahvayo, divāndho vakkanāsiko, harinetta, divābhīto, kākabhīrū, ratticārīpi.

**Vāyasantaṃ** kāke. “Kā”iti saddaṃ kāyatīti **kāko**. Riṭṭhaṃ maraṇalakkhaṇaṃ, tadassa natthi **ariṭṭho**. **Dhaṅka** ghoravāsīte, a. Balinā puṭṭho bhato. **Vaya** gamane, vayo eva **vāyaso**, sakatthe so, sakimpajo, attaghoso, parabharo, balibhujo, gulhamethunopi. Sakim ekavāraṃpajā pasūti yassa. “Kāka”iccattānaṃ ghosayati. Vijātiyaṃ kokilaṃ bharati.

**639.** Kāko viya ulati gacchatīti **kākoḷo**, ḷattaṃ. Doṇakāko, daddhakākopi. Dvayaṃ “bī-laum”iti khyāte sakuṇe. **Lū** chedane, ṇo, **vassa po**, **lāpo**, lāvopi. Leḍḍu viya akatīti **laṭukikā** [[leḍḍukikā \(ka.\)](#)], ṇvu.

Tikaṃ hatthiliṅgasakuṇe. Vāraṇasadisattā **vāraṇo**. Hatthino liṅgaṃ ñāpakaṃ soṇḍaṃ yasmim vijjatīti **hatthiliṅgo**. Hatthisoṇḍaṃ yasmim vijjati, so hatthisoṇḍo ca vihaṅgamo ceti **hatthisoṇḍavihaṅgamo**.

**640.** Dvayaṃ ukkuse. Uccaṃ kosatīti **ukkuso, kusa** sadde, a. **Kura** sadde, aro, thiyaṃ kurarī. Kolaṭṭhipakkhimhi “ubhuta” itī khyāte pakkhimhi kukkuho. Kolaṭṭhiajjhohārako pakkhī **kolaṭṭhipakkhī**. “Kukku” itī saddāyatīti **kukkuho, ho, kuka** avhāne vā, uho.

Tikaṃ suve. **Su** savane. Manussasaddampi suṇātīti **suvo, a, uvādeso**. “Kī” itī saddaṃ karotīti **kīro**. Karoti manussasaddanti vā **kīro**. A, assī. **Suka** gatiyaṃ, sundaraṃ, sutṭhu vā manussasaddaṃ kāyatīti **suko**. Dvayaṃ kukkuṭamatte. Tambā cūḷā yassa. Kukkuṭatīti **kukkuṭo, kuka, vaka** ādāne vā, aṭo.

**641.** Dvayaṃ nijjivhe. Natthi jivhā yassa **nijjivho**. Dvayaṃ koñcāsakuṇe. Itthiliṅgena mithunānaṃ nāmāni. **Koñca** koṭilyappībhāvesu, a, **koñcā. Kanta** chedane, yu, nadādi, assu. Kuṇḍanīpi, **kuṇḍa** dāhe.

Dvayaṃ cakkavāke. Cakkena cakkasaddena uccate **cakkavāko, ṇo. Vaca** viyattiyaṃ vācāyaṃ, cakkamiccāvā yassa, rathaṅgāvahayanāmakopi, rathaṅgaṃ cakkaṃ, tassa avhayo rathaṅgāvahayo, so nāmaṃ assa **rathaṅgāvahayanāmako**, tena rathaṅganāmo rathacaraṇasamāno avhayo coccate.

Lakkhitalakkhaṇā cātra, lakkhaṇopacaritavuttiyā, goṇamukhyāya vā vuttiyā lakkhitena atthena yatra atthantaraṃ lakkhyate, sā **lakkhitalakkhaṇā**. Yathā “rathāvayavāyudho” iccatra rathāvayavasaddena cakkaṃ lakkhyate, na tadākati tannāmo cāyudhaviseso. “Pantiratho” iccatra pantsaddena dasakkharaṃ chando lakkhyate, na dasasaddo, tehi tu āyudharathasaddasanniveso “cakkāvayavāyudho, dasaratho” itī devaviseso, rājaviseso ca lakkhyate, tathātrāpi “rathaṅga” ntyanena rathekadeso lakkhīyate, “avhāyate” iccanena ca paribhāsanam, na tenāpi vākasaddo. Tehi ca aññamaññasanniveso cakkavākoti pakkhiviseso lakkhīyateti guṇato sukkādīhi evaṃgatā goṇī vutti.

Dvayaṃ cātake. Ayaṃ meghajalapāyī, **sara** hiṃsāyaṃ, saraṇaṃ sāro, taṃ gacchatīti **sāraṅgo**. “Cātake hariṇe pume, sāraṅgo sabale tisū” ti [[cintāmaṇiṭṭikā 23.23](#)] **rabhaso. Cata** yācane, ṇvu, thokakopi, thokaṃ kaṃ jalaṃ ṭhanīyaṭṭhena assatthi **thokako**.

**642.** Dvayaṃ pakkhibiḷāle. **Tula** ummāne, iyo. Pakkhayutto biḷālo, “sū”.

Dvayaṃ rukkhakīṭakhādake. Sataṃ pattāni assa. Sarati kīṭeti **sāraso, so, “khāva sā”**.

Dvayaṃ kākehi saddhiṃ nīlaṃ katvā vasanake sukkasakuṇe. **Vaka** ādāne, a. Setavaṇṇatāya sukko ca so kākehi saddhiṃ nivāsanato, kākasaṇṭhānattā vā kāko ceti **sukkakāko**.

Dvayaṃ visakaṇṭhikāyaṃ. **Bala** pānane, ṇvu, dīgho, āko vā. Visasadiso kāḷavaṇṇo kaṇṭho yassā sā **visakaṇṭhikā**, etissā pumo nāma na vijjati. Vuttaṅca apadāne –

“Yathā balākayonimhi, na vijjati pumo sadā;  
Meghesu gajjamānesu, gabbhaṃ gaṇhanti tā tadā” ti [[apa. thera. 1.1.511](#)].

**643.** Dvayaṃ kaṅke. Lohasadiso piṭṭhi yassa **lohapiṭṭho. Kaṅka** lolye, a, **kaṅko**.

Dvayaṃ pattakaṇṭhe. Khaṅjo viya caratīti **khaṅjarīṭo, īṭo**. Passantānaṃ khaṃ sukhaṃ janetīti **khaṅjano. Khaṅja** gativekalye vā, yu.

Dvayaṃ gāmacātake, cāṭakamate vā. Kalahaṃ ravatīti **kalaviṅko, yadādi**. Kaṃ sukhaṃ lunātīti vā **kalaviṅko, iko, niggahītāgamo ca. Caṭa** bhede, ṇvu, **cāṭako**.

Dvayaṃ veḷuriyacchavilome citrapakkhe “suvaṇṇacūle”ti khyāte. **Dibha** santhambhe, dvittamaṃ, bindāgamo ca. “Ki”iti saddamaṃ karotīti **kikī**, nī, cāso, divipi [**cāso kikīdivi (amara 15.16)**].

**644.** Dvayaṃ meghasāme “ṭī-ṭau”iti khyāte. Kadambayogā **kādambo**. Kāḷavaṇṇo haṃso **kāḷahaṃso**, kāḷahaṃsopi.

Dvayaṃ “nahe-ḍo”iti khyāte sakuṇe. Sakunto vutto, “sakunto pakkhibhedasmiṃ, bhāsapakkhīkhagesu ce”ti **nānatthasaṅgahe**. Sundarākārena pakkhena yutto sakuṇo bhāsapakkhī, “bhāsanto sundarākāre, bhāsanto bhāsapakkhīni”ti hi **nānatthasaṅgahe**.

Dvayaṃ “nvā-mī-sve”iti khyāte nīlapakkhīni. Dhūmyamaṃ dhūmaṃ aṭati sahatīti **dhūmyāṭo**, ṇo. Kāḷavaṇṇatāya kucchitaṃ liṅgaṃ yassa. Bhiṅgopi.

Dvayaṃ jalakukkuṭe. **Dā** lavane,ti, dāti ūhati ussahatīti **dātyūho**, khaṇḍitaddhaniiccattho. Kāle sassamutumhi kaṇṭho kaṇḍaddhani yassa **kāḷakaṇṭhako**, samāsante ko.

**645.** Khuddādi madhucchiṭṭhakarādiko kammabhūto “makkhikābhedo”tyuccate, **makkhi** saṅghāte, ṇvu, makkhikā, tāsamaṃ bhedo **makkhikābhedo**. Piṅgalamakkhikāyaṃ “mhaṇa”iti khyātāyaṃ dvayaṃ. **ḍaṃsa** ḍaṃsane, ḍaṃso. ḍaṃsopi, **ḍaṃsa** khādane vā, piṅgalamakkhikātivaṇṇanāmaṃ.

Makkhikāya aṇḍamaṃ āsāṭikā nāma, **saṭa** avayave, ṇvu. Dvayaṃ “nhaṃ”iti khyāte. Paṭamaṃ gacchatīti **paṭaṅgo**, pataṅgopi, sarati hiṃsatīti **salabho**, abho, **lattaṃ**, **sala** gamane vā.

**646.** Dvayaṃ “cheṃ”iti khyāte, **maka** pāṇe, aso, **makaso**. Dvayaṃ nidāghe nuhādīsu varaṇakamakkhikāyaṃ. “Cīrī”ti saddāyatīti **cīrī**, **ciri** hiṃsāyaṃ vā, nadādi, dīghādi. **Jhalla** sadde, ṇvu, **jhallikā**.

Dvayaṃ tālapattādyantaresu nilīnāyaṃ cammapattāyaṃ. Jatu viya **jatukā**, upamāne ko, “rāmaṭhe jatukaṃ camma-pattajatukaresu thī”ti [**cintāmaṇiṭṭkā 19.40**] hi **rabhaso**. Ajinaṃ cammaṃ pattamaṃ yassā **ajinapattā**. Dvayaṃ haṃsasāmañṇe. Hanti addhānaṃ **haṃso**. Seto chado pattamaṃ yassa. Yathākathaṅci byuppattīti vuttattā asetacchadepi, cakkāṅgo, mānasokopi, cakkassa cakkavākasēva aṅgāni yassa. Mānasamaṃ saro oko yassa.

**647.** Ye **rattehi** lohitehi **pādatuṇḍehi** caraṇacañcūhi visiṭṭhā sitā ca sarīre, te rājahaṃsā nāma, haṃsānaṃ rājāno **rājahaṃsā**.

Malīnehi pādatuṇḍehi visiṭṭhā ye te mallikākhyā, **mala**, **malla** dhāraṇe, i, saññāyaṃ ko, “malliko haṃsabhede ca, tiṇasūle ca mallike”ti [**cintāmaṇiṭṭkā 15.24**] **ruddo**. Ākhyāsaddena bahubbīhi. **Asitehi** kaṇhehi pādatuṇḍehi visiṭṭhā ye, te dhataratṭhā, dhataratṭhānaṃ apaccāni **dhataratṭhāti**, ṇo.

**648.** Tikaṃ tiracchāne. Tiriyaṃ aṅcayatīti **tiraccho**, tiriyaṃ tiro, **aṅcatissa ccho**. Yumhi **tiracchāno**, tiracchānoyeva **tiracchānagataṃ**, tabbhāvaṃ vā gataṃ pattamaṃ, tesu vā gataṃ antogadhanti **tiracchānagataṃ**, **siyāti** pakatyānapekkhakiyāpamaṃ, bhavatyattho vā hi karotyattho vā kadāci pakatyānapekkho bhavati, na pana vikatyānapekkho. Tathā kadāci ubhayāpekkhopi bhavati, na panubhayānapekkhoti sabbatrevamaṃ. Sīhādivaggo.

Araññādivaggavaṇṇanā niṭṭhitā.

## 7. Pātālavaggavaṇṇanā

**649-650.** Catukkaṃ pātāle. Adhamaṃ bhuvanaṃ **adhobhuvanaṃ**. Patanti asmiṃ **pātālaṃ**, alo, majjhe dīgho. Nāgānaṃ loko. Rasāya talaṃ **rasātalaṃ**.

**Sobbhantaṃ** chiddamate. **Raṇa** sadde, dho, **nattaṃ**, yadādi. **Vara** dittiyaṃ. Vigato varo vāraṇaṃ assa **vivaraṃ**, **chidi** dvidhākarāṇe, do. **Kuha** vimhayane, aro. **Susa** sosane, iro. **Bila** bhedane, a. **Susato** i, **susi**. Chinditvā gacchatīti **chiggalaṃ**, yadādi. Suṭṭhu abbaṃ ākāsaṃ asmiṃ **sobbhaṃ**.

“Susira”nti chiddasāmaññe yaṃ napuṃsakavacanaṃ, taṃ **sacchidde** chiddavati dabbe tīsu, yathā “susiro rukkho, susirā ciñcā, susiraṃ kaṭṭha”nti.

Dvayaṃ bhūmichidde. **Kāsa** dittiyaṃ, u. **Ava** rakkhaṇe, aṭo, **āvāṭo**, avāṭopi. Dvayaṃ sappānaṃ rājini. Vasu ratanaṃ yassatthīti **vāsukī**.

**651.** Dvayaṃ nāgānaṃ rājini. Devehiyassanto nopaladdhoti **ananto**, sesopi, **sisā** himsāyaṃ, sisati kappanteti **seso**, a.

Dvayaṃ ajagare. **Vahatismā aso**, **vāhaso**. Ajaṃ chāgaṃ gilatīti **ajagaro**, a, issattaṃ, lassa rattañca. Sayīpi, sayanasīlo **sayī**.

Dvayaṃ gonasasappe “nā-cve”iti khyāte. Gavasseeva nāsā assāti **gonaso**, saññāyaṃ **nāsasaddassa naso** kato [pāṇini 5.4.119]. Tilaṃ icchatīti **tiliccho**, tiriyaṃ añcatīti vā **tiliccho**, yadādi.

Dvayaṃ deḍḍubhe, yo “jalasappo”ti vuccati. Deḍḍunā rājīyā ubhatīti **deḍḍubho**. Piṭṭhe rājīyogā **rājulo**, ulo, badhirasappepyete.

**652.** Kambalo ca assataro cāti ime dve nāgakulā merupāde vasanti.

Dvayaṃ vesmanivuṭṭhasappe. “Vammaṇī”tipi pāṭho. “Asuddo gharasappo”ti vuttattā nibbisatāya amāritattā sīlayuttaṃ attā mano yasmim **silutto**, assu, rassādi.

Dvayaṃ rukkhaḡādīsu nivuṭṭhasappe. Nīlo harito sappoti **nīlasappo**. “Nīlo kaṇhamhi harite”ti hi **tārapālo**. Paṭhamakāle silāyaṃ bhavatīti **silābhu**.

**653-654.** **Visadharantaṃ** sappamate. Āsiyaṃ visaṃ etassa **āsīviso**, āsī sappadāṭhā. **Bhuja** koṭīlye, kuṭīlāyamāno gacchatīti **bhujaṅgo**, evaṃ **bhujago**, **bhujaṅgamo** ca. **Ahi** gamane, i. Saranto sappati gacchatīti **sarīsapo**, assī, saṃyogalopo, aluttasamāsoyaṃ, bhujaṅgabhujaṅgamāpi, sabbadharakate pana “bhusaṃ, punappunaṃ vā kuṭīlaṃ sappatīti sarīsapo”ti vuttaṃ. Phaṇayogā, ī, **phaṇī**. **Sappatismā** a, bhūmiphuṭṭhena gattena gati sappanaṃ. Araṃ sīghaṃ gacchatīti **alagaddo**, **massa do**, **rassa lattañca**, alagaddo, jalasappepyayaṃ, “alagaddo jalavāḷo”ti [amara 8.5] hi **amarasīho**. Bhogo phaṇikāyo, taṃyogā **bhogī**. Pannaṃ gacchatīti **pannago**, pādehi vā na gacchatīti **pannago**. Dve jivhā assa. Urasā gacchatīti **urago**. Visesena ālāti gaṇhāti āyunti **vāḷo**, lassa ḷattaṃ, vā gamane vā, alo. Dīghasarīratāya **dīgho**. Dīghā piṭṭhi yassa, samāse ko. Udameva pādo yassa. Visaṃ dharati. Cakkī, kuṇḍalī, gūḷhapādo, cakkhussavo, kākodaro, dabbīkaro, bilesayo, jimhago, pavanāsanopi. Sirasi cakkayogā **cakkī**. Kuṇḍalamiva vapu assatthīti taṃyogā **kuṇḍalī**. Cakkhunā suṇotīti **cakkhussavo**. Kākodaramiva udaraṃ assa. Dabbigatikattā phaṇā dabbī, taṃ karoti bandhatīti **dabbīkaro**. Sāmaññaniddesepe kaṇhasappādiyeva dabbīkaro. Jimhaṃ kuṭīlaṃ gacchatīti. Pavanāsano vātabhojī.

**Phaṇino** sappassa **tanu** kāyo bhogo nāma. Bhujatīti **bhogo**, **bhuja** koṭīlye, ṇo.

**655-656.** Dvayaṃ sappassa dāṭhāyaṃ. Asati yena asaṃ, mukhaṃ, tasmim bhavā **āsī**, sappassa dāṭhā dantuttamā. Dvayaṃ sappassa jinṇatace, nimuccate yasmā sappoti, ṇo. Kañcukasadisattā **kañcuko**. **Samā** tulyatthā.

Dvayaṃ visamate. Soṇipathagataṃ visati dehanti **visaṃ**, **visa** pavesane. Giratīti **garaḷaṃ**, aḷo.

Halāhalo, kālakūṭo, **ādinā** kākolādayo ca sattāti ime nava **tabbhedā** tassa visassa bheda.  
Vuttañca –

“Pume paṇḍe ca kākola-kālakūṭahalāhalā;  
Soraṭṭhiko sukkikeyyo, brahmaputto padīpano;  
Dārado vacchanābho ca, visabhedā ime navā”ti [amara 8.10-11].

Tatra halāhalo pume, **vākārena** napuṃsakepi, “hālāhala”nti hi **tikaṇḍasese** [tikaṇḍasesa 1.8.5] dīghādīpi. Tālapatrasaṅṭhāno nīlapatro gothanākatiphalo gaccho halāhalo. Assa ca samīpe rukkhādayo ḍayhante. Himavati, kikkindāyaṃ, koṅkaṇesu, dakkhiṇasamudde ca jāyate, hanatīti halo, a, **nassa lo**, halānampi halo **halāhalo**, majjhadīgho. Tiriyalekhāya citaṃ dvijapadehi yuttaṃ, tathā gaṅṭhibhi byāpitaṃ bindubhideva yaṃ ghanatarehi, taṃ kālakūṭaṃ. Idañca puthumālīnāmassāsurasā soṇitamhā eva asurasamaye [devāsurasā (?)] samuppannassa assattharukkhasadisassa rukkhassa niyyāso, ahicchattamalayakoṅkaṇasiṅgaverapabbatādīsū coppajjate. Vaṇṇena kālañca taṃ sattānaṃ jīvītaḥaraṇato lohamuggarasadisatāya kūṭaṅceti **kālakūṭaṃ**.

Brahmaputto tu kapilo, malayaddibhavo kharo;  
Padīpano tu dahano, rattavaṇṇo’ñjanaddījo [cintāmaṇiṭṭkā 8.10-11].

Darade bhavo **dārado**, suppbhanāmakō taṃdesapasiddho ca. Vacchanābho sinduvārapattasādiso ca taṃsamīpe rukkho na vaddhate, taṃsamphassavāyū ca jarayati, viñjhāyaṃ, kikkindāyañca jāyate, evaṃ visantarānampi sarūpaṃ āgamato viññeyyaṃ.

Dvayaṃ dhanatthaṃ sappagāhe. Vāḷaṃ sappam gaṇhanasīlatāya **vāḷagāhī**. Ahino tuṇḍena mukhena dibbatīti **ahituṇḍiko**, ṇiko, “vāḷaggāho’hituṇḍiko”ti [amarakose 8.11-gāthāyampi] **amaramālā**.

**657.** Tikaṃ niraye. Ayo iṭṭhaphalaṃ, so niggato asmāti **nirayo**, nindito rayo gamanaṃ etthāti vā **nirayo**. Duṭṭhā gati **duggati**. Apuññe netīti **narako**, ṇvu, **ranto** ca, **narako**.

Tesu nirayesu yo “mahānirayo”ti vutto, so aṭṭhadhā hotīti taṃ dasseti “**sañjīvo**”ccādinā silokena. Marantāpi kammaphalānubhavanatthaṃ punappunaṃ jīvanti asmim **sañjīvo**. Yattha niraye nerayikānaṃ sarīrāni vaḍḍhakīnaṃ kālasuttēna saññānaṃ katvā vāsiyā tacchanti, so **kālasutto**. Bhusaṃ, punappunaṃ vā dukkhitasaddena ravanti asmim **roruvo**, mahanto ca so roruvo cāti **mahāroruvo**. Puna “roruvo”ti cūlaroruvo vutto. Bhusaṃ patanti asmim **patāpano**, “vīci taraṅge appe cā”ti **ruddo**, natthi sukhasa vīci lesopi atrāti **avīci**, “vīci sukhataraṅgesū”ti **tikaṇḍaseso** [tikaṇḍasesa 3.3.78], tasmā natthi vīci sukhaṃ etthāti **avīci**. Samantato āgatehi pabbatehi haññanti atrāti **saṅghāto**. Tapanti atra **tāpano**, itisaddo aṭṭhannaṃ parisamāpanattho.

**658.** **Tattha** nirayesu veteraṇī ca lohakumbhī cāti ime dve nirayā **jalāsaya** jalādhārā, te ca thiyāṃ, taraṇī nāvā, sā natthi yassaṃ **veteraṇī**. Lohamayā kumbhī **lohakumbhī**.

Dvayaṃ nirayapāle. Kāraṇā yātanā, sā ca tibbavedanā, taṃ karotīti **kāraṇiko**. Nirayagatasatte pātīti **nirayapo**.

Dvayaṃ nirayagatasatte. Nirayaṃ gacchatīti **nerayiko**. Narakaṃ gacchatīti **nārako**.

**659.** **Udadhi** pariyaṇṭaṃ samuddassa nāmaṃ. Aṇṇo jalaṃ, so vāti gacchati yasmim **aṇṇavo**, aṇṇo yasmim vijjatīti vā **aṇṇavo**, assatthayatthe vo. Sagarehi rājakumārehi khato **sāgaro**, sānaṃ dhanānaṃ ākarotīti vā **sāgaro**, **kassa go**, **sāga** saṃvaraṇe vā, aro. Sandateti **sindhu**, **sanda** savane, yadādi. **Udi** kledane, sammā klidanti candodaye asmā āpānīti **samuddo**. Jalāni, udakāni ca nidhīyante, dhīyante cātrāti **jalanidhi**, **udadhi** ca, **udakassa udādeso**.

**Tassa** samuddassa khīraṇṇavo, **ādinā** lavaṇodo, dadhyudo, ghatodo, ucchurasodo, madirodo,

sādudako cāti ime satta mahaṇṇavavisesā bhavanti [byākhyāsudhā 1.10.2]. Khīraṇṇo aṇṇavo **khīraṇṇavo**.

**660.** Assa samuddassa **kūladeso** tīradeso velā nāma, vigacchanti irā yassaṃ **velā**, lattam. Cakkamiva **salilānaṃ** jalānaṃ **bhamo** bhamaṇaṃ āvaṭṭo nāma, āvaṭṭanti jalāni atrāti **āvaṭṭo**.

Tikaṃ bindumhi. **Thu** abhithhave, vo, usse. **Vidi** avayave, u, **bindu**. **Phusa** phusane, to, **phusitaṃ**. Pākāre, gehādītittiyañca jalaṇṇiggaṃ **bhamo** nāma, **bhamu** anavaṭṭhāne.

**661.** Siloko udake. **Āpa** byāpane, appoti sabbatrāti **āpo**. Pātabbanti **payo**, **pā** pāne, ṇyo. Rasso, **payo**. **Jala** dhaññe, a. Vārayati ninnonatanti **vāri**, **vara** nisedhe, ṇi, vārayati pipāsanti vā **vāri**. Pīyateti **pānīyaṃ**, anīyo. Salatīti **salilaṃ**, **sala** gatiyaṃ, ilo. **Udi** kledane, ṇvu, **ulopo**, dakaṃ pipāsachedaṃ karotīti vā **dakaṃ**, “dā dānacchedadhātū”ti [ekakkharakosa 20 gāthā] hi **ekakkharakose**, rasso. **Ana** sadde, a, dvittaṃ, **ara** gamane vā, to, **annādeso**, **ṇattaṃ**. **Nī** naye, īro. **Vana** sambhattiyaṃ. Vanīyate pipāsehīti **vanam**. **Vā** gamane, alo. Tāyate pālayateti **toyaṃ**, **tā** pālāne, curādi, yo, ākārassottaṃ. **Amba** sadde, u, **ambu**. **Udi** pasavanakledanesu, ṇvu, **udakaṃ**. **Kara** karaṇe, kvi, **kaṃ**. Kamalaṃ, khīraṃpi, **kamu** icchākantīsu, alo. **Khanu** hiṃsāyaṃ, īro, **nalopo**, **khī** khaye vā, khīraṃ.

**662.** Catukkaṃ taraṅge. Taranto gacchati, tīraṃ vā gacchatīti **taraṅgo**, aluttasamāso, paratra īssattaṃ. Sayameva bhijjateti **bhaṅgo**, a. **Ūha** vitakke, mi, **halopo**, **ūmi**, **ara** gamane vā, mi, assū, **ralopo**. Vimhayaṃ vicittaṃ cinotīti **vīci**, i, upasaggassa dīgho, ete dve pumitthiyaṃ.

Ullolo, kallolo cāti idaṃ dvayaṃ mahāvīcīsu kathyate, **lola** ummādane, ullolayatīti **ullolo**, ṇo, **ula** gamane vā, olo, dvittaṃ. **Kalla** sadde, olo, **kallolo**.

**663.** Silokaddhaṃ kaddame. Jalaṃ balate **jambālo**, kammani ṇo, **makāro** vaṇṇavikāro. **Kala** saṅkhyāne, alo. **Paca** vitthāravacane, kammani ṇo. **Cikkha** vacane, alo, dvittaṃ. **Kada** madde, amo, dvittaṃ.

Chakkaṃ vālukāyaṃ. **Pula** mahatthe, ino, **lattaṃ**. **Vala** saṃvaraṇe, ṇvu, assu, **vālukā**, thī. **Vaṇṇa** sadde, **vaṇṇo**. **Mara** pāṇacāge, u, **maru**, devepi. **Ara** gamane, u, assu, **uru**, mahantepi, vaṇṇo ca maru ca uru ca **vaṇṇamarūru**. **Sica** paggharaṇe, to, **sikatā**, thī.

**664.** Jalamajjhagataṃ talam kammabhūtaṃ “antarīpaṃ, dīpo”ti coccate. Dvidhāgatānaṃ āpānaṃ antaragataṃ **antarīpaṃ**, ākārassī. “Antarīya”nti vā pāṭho, tadā dvidhāgatānaṃ āpānaṃ antare bhavaṃ **antarīyanti** viggaho, akārassī. Dvidhāgatāni āpāni asmim hetubhūtetīti **dīpo**. **Vakāra**ākārānaṃ lopo, issī ca, **dīpo**, **vākārena** dīpampi.

Pañcakaṃ tīrassa nāmaṃ. **Pāra tīra** kammasampattiyaṃ, curādi, a. **Kūla** āvaraṇe, ṇo. **Rudha** āvaraṇe, **rodham**. Aññapārādinivattanatthaṃ “**patīra**”nti vuttaṃ. **Taṭa** ussaye, a, thiyaṃ, taṭī.

**665.** Paramhi tīrasmiṃ **pārasaddo**, so ca napuṃsake, **pāra tīra** kammasampattiyaṃ, **pāra** sāmattiye vā, pārayati taraṅgādayo vāretunti **pāraṃ**. Orantutīraṃ “apāra”ntyuccate, avare tīradese bhavaṃ **oraṃ**, ṇo. Pārato aññaṃ tīraṃ **apāraṃ**.

Pañcakaṃ uḷumpe. Uḷuto dakato pāti rakkhati uḷupo, soyeva niggahītāgamavasena **uḷumpo**. Plavati, plavanti anenāti vā **plavo**, **plava** gamane, gamanaṃ atra jalagamaṇaṃ. **Kula** santāne, a, ke ulati gacchatīti vā **kullo**, a, dvittaṃ. Taranti anena **taro**, **tara** plavataṇesu. Gamaṇāgamaṇavasena punappunaṃ jale aranti yāya, sā **paccarī**, a, nadādi.

**666.** Tikaṃ nāvāyaṃ. Taranti yāya **taraṇī**, yu, nadādi, ipaccaye tari, īmhi tu **tari**. **Nu** thutiyaṃ, a, vuḍḍhāvādesā, **nāvā**. Dvayaṃ laṅkāraṭhambhe. **Kūpa** gamane, ṇvu, **kūpako**, apaccayo vā, tadā sakatthe ko. **Kamu** icchāyaṃ, bho, sakatthe ko, assu ca, **kumbhakaṃ**.

Dvayaṃ “pe seṃ”iti khyāte. Tarassa pacchābhāge bandhitabboti **pacchābandho**. Ga’micchitadisam aṭati yena **goṭaviso**, iso, **avanto** ca assottañca, **goṭaviso**. Dvayaṃ “pe tamā”iti khyāte. Nāvāya kaṇṇo viya kaṇṇo, mahanto kenipāto, tena pavahaṇapatisavanato, taṃ dharatīti, kammani ṇo. Nāvāya yutto **nāviko**.

667. Dvayaṃ nāvāya gamanopāye. Arati yenāti **arittam**, chadādīhi tatraṇa, ikārāgamo, dvittañca. Ke jale nipātiyate **kenipāto**, aluttasamāsoyaṃ.

Dvayaṃ niyāmake. Poto pavahaṇaṃ, taṃ vāhayatīti **potavāho**. Niyacchati potanti **niyāmake**, **yamu** uparame, **nipubbo** gamane, ṇvu, **niyāmake**, curādi. Niyāmakepi.

Ye vāñijā nāvāya vāñjakammaṃ ācaranti, te saṃyattikā nāma, saṃyānaṃ saṃyātrā, dīpantaragamaṇaṃ, traṇa, sā payojanametesam **saṃyattikā**, ṇiko, **ralopo**, rasso ca. **Tapaccayena** vā siddham. Potavāñijāpi, poto pavahaṇaṃ, tassa vāñijā.

668. Laṅkāradayo, phiyādayo ca nāvāya **aṅgā** avayavā. Lo indo, tassa kāraṇaṃ **laṅkāro**. Vaṭo vuccati sivaṭo, tadākāratāya **vaṭākāro**. “Vaṭo kamadde nigrodhe”ti hi **nānatthasaṅgaho**. **Phā** vuḍḍhiyaṃ, iyo, **phiyo**.

Dvayaṃ “talaka”iti khyāte. **Pū** pavane, to, vuḍḍhi, pavahati niyāmaketi **pavahaṇaṃ**. **Vuttanti** kriyāpadaṃ. Dvayaṃ kaṭṭhambuvāhiniyaṃ, **duṇa** gatihimsāsu, a, nadādi, vuḍḍhi, **doṇī**. Ambuṃ neti yena **ambaṇaṃ**, ussattaṃ, **ṇattañca**, **amba** sadde vā, yu.

669. Tikaṃ gambhīre. **Gamu** gamane, īro, **bhonto** ca **malopo** ca, **gabhīro**. **Mālope** tu **gabhīro**, gacchantā bhāyanti asminti vā **gabhīro**, **gabhīro** ca. **Nipubbo** **mana** abhyāse, ṇo, **massa no**. **Tabbipakkhato** gambhīraviparītato uttānaṃ nāma, uggataṃ tānaṃ pamāṇaṃ assa **uttānaṃ**, agambhīraṃ.

Dvayaṃ agādhe. **Gādha** patiṭṭhākaṅkhāsu, ganthe ca, natthi gādhaṃ yatra **agādhaṃ**. Na heṭṭhimatalaṃ phusati yatra **atalamphassaṃ**.

Tikaṃ appasanne. Natthi acchabhāvo atra **anaccho**. Kalusaṃ pāpepi vuttaṃ. **Vila** bhedane, ṇo, **āvilo**. **Ava** rakkhaṇe vā, ilo.

670. Tikaṃ nimmale. **Cho** chedane, na chindati dassananti **accho**, ṇo, sacchopi, **sara** visaraṇe, to, **annādeso**. Natthi malaṃ etasmiṃ **vimalo**. **Gabhīrappabhuṭi** **gabhīradayo** **vimalantā** tīsu liṅgesu.

Pañcakaṃ kevaṭṭe. **Dhā** dhāraṇe, īvaro. Macche hantvā jīvatīti **macchiko**, iko. Macche bandhati jālenāti **macchabandho**, macche vadhatīti vā **macchabandho**, niggaḥitāgamo, kaṃ jalaṃ, tassa īlakkhī, tāya vaṭṭo vaṭṭanaṃ assathīti **kevaṭṭo**. Kevattopi, ṇo. Jāle niyutto, jālena hantīti vā **jāliko**, dāsopyatra, **dāsa** dāne, a, “dāso kevaṭṭabhaccesu”ti [[cintāmaṇiṭkā 10.15](#)] **ruddo**.

671-672. **Jhasāntaṃ** macche. **Masa** āmasane, cho, **maradhātuvasena** vā siddho, **mara** pānacāge, ino, **ralopo**. Mukhappadese puthūni lomāni assa **puthulomo**. Pāṭhīnādīnaṃ macchattā visesato alomakepyassa vutti. **Jhasa** hiṃsattho **daṇḍako** dhātu, a, **jhaso**. Aṇḍajo, visāro, sakalīpi, vicitraṃ sarati anena **visāro**, ṇo. Rohitādīnaṃ vakkalappāyo [[battalappāyo \(ka.\)](#)] taco sakalaṃ. Taṃyogā, ī, **sakalī**.

Rohitādayo, makarādayo ca macchappabhedā. **Ruha** janane, to, **rohito**. Vipāke madhurasattā **magguro**, vaṇṇavikāro, majjatīti vā **magguro**, ūro, **majja** suddhiyaṃ, **jjassa** **ggattaṃ**, rasso ca, **magguro**, “nā khū”. Siṅgayuttatāya **siṅgī**, ṇo, nadādi, saṅgupi, sarati vātanti vā **siṅgī**, **sara** hiṃsāyaṃ, a, **rassa** **go**, assi, niggaḥitāgamo, nadādi, siṅgī, “nā cve”. **Bala** saṃvaraṇe, alo, **lassa** **jo**, **balajo**, “nā pā”. **Muñja** saddattho, **muñjo**. **Pū** pavane, uso, vuddhyāvādesā, **pāvuso**,

mahāmukhamaccho, “ña ṭā”.

Sattakkhattuṃ vaṅkatīti **sattavaṅko**, “ña se”. Saha vaṅkena, saṃvijjamaṇo vā vaṅko yassa **savaṅko**, “ña mve”. Naḷasaṅṭhāno mīno **naḷamīno**, “ña phau-yo”. **Kaḍi** sannicayavadanekadesesu, ṇvu, **gaṇḍako**, “ña mā”. **Sasu** hiṃsāyaṃ, u, assu, **susukā**, sakattheke, “ña-pau-ṭaye”. Sayanato passena pharatīti **sapharī**, nadādi, **phara** pharaṇe, **sapharī** dvīsu, “ña khū-mā”. Pāṇiggahaṇe mukhaṃ kiratīti **makaro**, yadādi.

**673.** Timiādayo satta mahāmacchā nāma. **Tima** addabhāve, timatīti **timi**, i, **timi** macchamattepi. **Gira** niggiraṇe, ṇo, **lattaṃ**, issattaṃ. Timino galo **timīṅgalo**, niggahītāgamo. Vaṇṇena piṅgalatimirasadisatāya **timirapiṅgalo**. Ā bhuso nandatīti **ānando**, **nanda** samiddhiyaṃ. Timino macche nandayatīti **timinando**. “Timindo”tipi pāṭho, timīnaṃ macchānaṃ indo **timindo**. Adhiko āroho yassa **ajjhāroho**. Mahanto timi maccho **mahātīmi**.

**674.** Dvayaṃ “ña phe”iti khyāte. Pāsāṇasadisasaṅṭhāno maccho **pāsāṇamaccho**. **Paṭha** viyattiyaṃ vācāyaṃ, ino, ubhayatra dīgho, **pāṭhīno**, “ña-pau”ti ca vadanti. Dvayaṃ baḷise. Vaṅkatīti **vaṅko**, **vaṅka** koṭīye. **Bala** saṃvaraṇe, iso, ḷattaṃ. Macchavedhanampi, **vidha** vidhāne, bhedane ca, anekatthattā, yu.

Tikaṃ kumbhīle. “Suṃsumāro”ti samuditanāmaṃ, sasatīti susu. Susu eva suṃsu, māretīti māro, suṃsu eva māro **suṃsumāro**. Kena ubhati pūretīti kumbho, jalāsayo, tatra ulati gacchatīti **kumbhīlo**, kumbhī vā ghaṭo, taṃ lātīti **kumbhīlo**. Na kamatīti **nakko**, kvi, saññāsaddattā **nassa** pakati, **nakka** nāsane vā, curādi.

Dvayaṃ kacchape. Kucchito ūmi vego assa **kummo**, “pakāse vegabhaṅgesu, taraṅge ūmi puṃthiya”nti [cintāmaṇiṭkā 10.21] **rabhaso**, “vege bhaṅgappakāsesu, bilāyaṃ ūmi vīciya”nti **nānatthasaṅgaho**. Kacchena pivatīti **kacchapo**, ṇo, kamaṭhopyatra, **kamu** icchāyaṃ, aṭho.

**675.** Dvayaṃ kakkāṭe. Kakatīti **kakkaṭako**. Sakatthe ko, **kuka** ādāne vā, aṭo, ussattaṃ. **Kula** santāne, bandhumhi ca, īro, kuṃ vā pathaviṃ lunātīti **kuḷīro**, īro. Dvayaṃ rattape. Jalassa ūkā kimiviseso **jalūkā**, jalaṃ okaṃ gehaṃ etissāti vā **jalūkā**, ossū, **uca** samavāye, ṇo, okaṃ. Rattaṃ rudhiraṃ pivatīti **rattapā**.

Tikaṃ maṇḍūke. **Maṇḍa** bhūsane, uko, dīgho. **Dada** dāne, uro, dvittaṃ. **Bhī** bhaye, sappato bhāyatīti **bheko**, iko, īsse. Vassābhū, sāluro, plavopi. Dvayaṃ “tī”iti khyāte. Gaṇḍaṃ vaccasannicayaṃ uppādetīti **gaṇḍuppādo**. Mahiyā latā **mahīlatā**, kiñculukopi. Kiñca culatīti kiñculuko, uko.

**676.** Dvayaṃ muttāphoṭe. **Sappa** gamane, i, assi, **sippi**, thī. **Su** abhisave, tti, **sutti**. Dvayaṃ saṅkhe. **Khanu** avadāraṇe, kvi, **saṅkho**. **Samu** upasame vā, kho, **saṅkho**. Kaṃ vāti gacchatīti **kumbu**, u, dvepyanīthiyaṃ.

Dvayaṃ khuddasaṅkhajātiyaṃ. Saṅkhassa nakho iva **saṅkhanakho**. Dvayaṃ “kharu”iti khyāte. Jale savatīti **jalasutti**, su pasave, tti. Samatīti **sambuko**, uko, bonto ca, “sambuko jalasutti”tthī”ti [cintāmaṇiṭkā 10.23] **puṃkaṇḍe vopālito**.

**677.** Dvayaṃ jalāsaye. Jalānaṃ āsayo patitṭhitatṭhānaṃ **jalāsayo**. Tesu jalāsayesu majjhe yo gambhīro agādho, so **rahadākhyo**, **hara** haraṇe, bhūvādi, do, vaṇṇavipariyayo, **rahado**.

Dvayaṃ udapāne. Udaṃ pivanti asmiṃ, yu, **kalopo**. Pivanti asmiṃ pāno, so eva kūpo **pānakūpo**, ku sadde, po, dīghādi, kūpo, kena ubhatīti vā kūpo, **bhassa po**. Andhupi, **andha** dassanupasaṅghāte, curādi, u. Dvayaṃ samacaturassapokkharāṇiyaṃ. **Khanu** avadāraṇe, kamme to, **nalopo**, dīghādi. Pokkharaṃ jalaṃ, taṃyogā ano, nadādi, **pokkharāṇī**.

678. Tipādena mahato sadā agādhajalassa padmaṭṭhānassa ca padmasuññassa ca yogyatāya nāmaṃ [amara 10.28 gāthāyaṃ passitabbaṃ]. **Taḷa** āghāte, **tala** patiṭṭhāyaṃ vā, āko, aparapakke ḷattaṃ. **Sara** gamane, a, **saro**. **Vapa** bījanikkhepe, vapanti yāya **vāpī**, āyataaturassāyampi. **Saratismā** aso, nadādi, **sarasī**. **Daha** bhasmīkaṇe, a, **dadha** dhāraṇe vā, **dhassa ho**. **Ambujānaṃ** paddhānaṃ **ākaro** uppattiṭṭhānaṃ.

Khuddako saro “pallala” ntyuccate. Yatra vassāsu adhikaṃ jalaṃ, gimhesu jāṇumattaṃ, sukkhatyeva vā, **palla** rakkhaṇe, curādi, alo, **pallalaṃ**.

679-680. Anotattādayo ete satta mahāsarā nāma. Tatra sūriyaraṃsisamphuṭṭhābhāvena na avatapati udakamethhāti **anotatto**. Kaṇṇamuṇḍapabbatasamīpattā **kaṇṇamuṇḍo**. Rathaṃ karotīti **rathakārako**, yathākathañci ayaṃ byuppatti nāma, saññā pana lokatoyevāvagantabbā. Chabbaṇḍantavantatāya chaddanto, nāgarājā, tassa nivāsanaṭṭhānasamīpattā **chaddanto**, saro. Kuṇālasakuṇā bahavo yattha santi **kuṇālo**. **Mandākinī** ākāsagaṅgāyampi vuttā. Bahavo sīhā papatanti asmiṃ **sīhappapāto**.

Dvayaṃ jalappāye dese kūpanikaṭe pasupānatthaṃ patthārādiracite jalāsaye. Āhūyante pasavo atra pānāyāti **āhāvo**, ṇo, vuḍḍhāvādeso. Nipivanti asmiṃ **nipānaṃ**, yu. Dvayaṃ surakhāte, aporise devanimmiteti bhāvo, soṇḍeiccaññe. “Akhāto devakhātakoti” ti [amara 10.27] hi **amaramālāyaṃ puṃsakaṇḍaṃ**.

681. **Nadyantaṃ** nadīyaṃ. Savatīti, anto, nadādi, **savanti**. Ninnaṭṭhānaṃ gacchatīti **ninnagā**, kvi. **Sanda** pasavane, u, assittaṃ, vaṇṇavikāro, **sindhu**. **Sara** gamane, to, ikārāgamo, **sarita**. Āpānaṃ nivāso āpo, samuddo, ṇo, taṃ gacchatīti **āpagā**. **Nada** abyattasaddo, nadatīti **nadī**, nadādi, taraṅganīpyatra.

Dvayaṃ gaṅgāyaṃ. Bhagīrathena raññā nibbattitā bhāgīrathīti lokiyā, asmākantu matena nāmamattamevettaṃ tassāti sanniṭṭhānaṃ, evaṃ sabbatra. Gacchatīti **gaṅgā**, **gamito** go, tīpathagatāpi, tayo saggamaccapātālapathe gatā **tīpathagatā**. Sindhūnaṃ nadīnaṃ saṅgamo melako sambhedo. Sammā bhijjanti asmiṃ **sambhedo**, **samṃpubbo bhidi** melane, ṇo.

682. Gaṅgādikā imā pañca nadiyo mahānadī nāma. Aciraṃ sīghagamaṇaṃ etissamatthīti **aciravati**. **Yamu** uparame, uno, yamassa bhaginī vā **yamunā**, bhaginyatthe uno. Sarāni bhavanti yāya avadhibhūtāyāti **sarabhū**, **sara** gatihiṃsācintāsu vā, ū, **abhonto** ca, **sarabhū**. **Maha** pūjāyaṃ, a, nadādi.

Candabhāgādikā ninnagā pañca mahānadito aññāsaṃ nadīnaṃ bheda. Candabhāgo nāma pabbato, tato pabhavati **candabhāgā**. Sarayogā vantu, majjhe **sakārāgamo**, nadādi, **sarasvati**. Vanturatrātisaye.

683. Niddosaṃ jalaṃ assaṃ **nerañjarā**, yadādi, atha vā nerañjarā nāma tūriyaviseso, taṃsamānasaddatāya ayaṃ nadī **nerañjarā** nāma. Nānāgāhākulībhūtāyā kucchitaṃ veraṃ assā **kāveri**, nadādi. Nammaṃ sukhaṃ dadātīti **nammadā**, ṇo. **Ādinā** sarāvati vettavati kaṇṭakī kosikādikā anekā nadībhedā saṅgahitā.

Dvayaṃ hammiyadevālayādīsu jalamagge. Vārino nikkhamanammaṃ **vārimaggo**. **Nala** gandhe, a, nadādi, ḷattaṃ, **panāli**, ayaṃ itthiyaṃ, pume ca.

Tikaṃ gāmadvāramhi asucipūtipaṅkasamphuṇṇāyaṃ kāsuyaṃ. Cittaṃ dunotīti **candanikā**, yadādi.

684-685. **Jamu** adane, alo, nadādi, **bonto** ca, ḷattaṃ, **jambāli**. Avalagganti asmiṃ **oḷigallo**, **lagga** saṅge, alo, ḷattaṃ, assi, **galopo**, dvittaṅca. Sāddhapajjena padumassa nāmaṃ. Sarasi ruhatīti **saroruhaṃ**, ro. Sataṃ pattāni assa, padmavisesatthe pyassa padmattā visesato abhedo. Araṃ

vindatīti **aravindaṃ**. Pada gamane, umo. **Padumaṃ**, anitthī. Pañke kaddame ruhatīti **pañkeruhaṃ**, aluttasamāsoyaṃ. **Nala** gandhe, ino, ḷattam. **Pusa** vuḍḍhimhi, kharo, vuḍḍhi, **sassa ko**, pokkhare jale jātanti vā **pokkharaṃ**. Muḷālatopi uggantvā pupphati **muḷālapupphaṃ**. Kaṃ jalaṃ alayati bhūsayatīti **kamalaṃ**, **ala** bhūsane. Bhisatopi uggantvā pupphatīti **bhisapupphaṃ**. Kuse jale seti tiṭṭhatīti **kusesayaṃ**, ro, aluttasamāso. Tāmarasampi, tāmaraṃ jalaṃ, “tāmaraṃ ghatamaṇṇo ce”ti **tantatantaraṃ**, tatra seti tiṭṭhatīti **tāmarasaṃ**, ro.

**686.** **Sitaṃ** setaṃ kamalaṃ “puṇḍarīka”ntyuccate, **puḍi** khaṇḍane, muḍirityeke, iko, **arāgamo** ca, **massa po**, issikāro ca, **puṇḍarīkaṃ**. Rattam tu kamalaṃ “kokanadaṃ, kokāsako”ti coccate. Koke nādayatīti **kokanādaṃ**, ṇo. Rattuppale ca, “kokanadaṃ, kokanuda”ntipi pāṭho, ke kanati dibbatīti vā **kokanadaṃ**, bhūvādi, do, asso. **Kana** dittikantigatīsu, ke kāsati **kokāsako**, ṇvu, **kāsa** dittiyaṃ.

Dvayaṃ kesare, ke jāyatīti ki, kamalādi, tasmim jāyati, jalatīti vā **kiñjakkho**, kho, nassa, **lassa** vā **ko**, niggahītāgamo, ke saratīti, a, sattamiyā alopo, dvayamanitthī. Dvayaṃ padmādidaṇḍe. Daṇḍasadisatāya **daṇḍo**. **Nala** gandhe, ṇo.

**687.** Dvayaṃ muḷāle. **Visa** peraṇe, **vassa bho**, **bhisam**, **bhāsa** dittiyaṃ vā, ākārassi. Mūle jāyatīti **muḷālo**, aññatthe alo, rassādi, **ḷattañca**, **mūla** patiṭṭhāyaṃ vā, alo, sesaṃ pubbasadisam, dvayaṃpyanitthī.

Dvayaṃ kaṇṇikāyaṃ. Bījassa koso ākaro **bījakoso**. Kaṇṇe karīyatīti **kaṇṇikā**, kaṇṇālankāro, taṃsadisasaṇṭhānatāya **kaṇṇikā**, padumādīnaṃ **samūhe** gahane vanetyattho. **Saṇa** dāne, ḍo, **saṇḍam**, “saṇḍam paddhādisaṅghāte, gopatimhi pume bhava”ti **nānatthasaṅgho**.

**688.** Dvayaṃ padmakumudādisāmaññe, tathā hi padmaṃ mahoppalaṃ sitoppalamuccate, “kuvalayaṃ uppalañca, nīlamindīvaranti hi”iti **byāḍi**, “uppalañca kuvalayaṃ, nīlamindīvaraṃ mata”nti **bhāguri** ca, “romo siti ca nīlo, kuvalayamindīvarañca nīlambuja”nti tu **vararuci**. “Kuvalayadalaśāmapyaṅgadadhiti paridhū sara”nti **māladhi**, **mādhavo** ca, tatra pubbakamatamiha nissīyate. Yadyevaṃ **kathamuppalasaddena** nīluppalādīsveva buddhi, na pana mahoppalādīmhitī? Vuccate – sāmaññepi dhaññatte yathā **dhaññasaddena** kalamādīsveva buddhi, na pana muggādīsū, evamihāpi. Upubbo **pā** pāne, alo, dvittam, udake plavatīti vā **uppalam**, yadādi. Kuyā pathaviyā valayaṃ iva sobhākarattā **kuvalayaṃ**.

Dvayaṃ nīluppale. Nīlavaṇṇe, a, **nīlam**, indatīti indī, nadādi, indī lakkhī, tassā varam **indīvaraṃ**, **inda** paramissariye vā, īro.

Asmim nīluppale sete kumudaṃ nāma. Kuyaṃ modate **kumudaṃ**, ṇo. **Assa** padumādino kando sālūkamuccate. Kaṃ sukhaṃ dadātīti **kando**, **kanda** avhāne vā rodane ca. **Sala** gamanattho **daṇḍako** dhātu, uko, dīgho, **sālūkam**.

**689.** Tikam rattāratasāmaññe. Kamalato aññatarasmim jalakusume, na tu ratteyeva, sugandhena yuttam **sogandhikam**. Kassa hāraṃ iva sobhākarattā **kallahāraṃ**, **lāgamo**, dvittañca. Dakaṃ sīlaṃ karotīti **dakasītalikam**.

Dvayaṃ sevāle. Udakaṃ sevātīti **sevālo**, alo, **vakārāgamo**, isse ca. Nīlatīti **nīlikā**, **nīla** vaṇṇe, iko, nīlavaṇṇayogato vā **nīlikā**, sevalopi, dvayaṃ padmayutte dese, padmasamūhe ca. Naḷinī ca pañkajinī visinī ca sarojinī padminīti pariyāyā. “Padmasaṇḍam tadākare”ti hi pariyāyaṃ **ratanamālāyaṃ mādhavo**, visaṃ samaṃ, tabbantatāya **visinī**, ino, nadādi. Ambujayogato, ambujānaṃ samūhato vā **ambujinī**.

**690.** Tilabījādayo sevālo nāma. Tatra tilabījappamaṇaṃ jalasaṇṭhitam nīlādīvaṇṇayuttam **tilabījam** nāma. **Saṅkho** nāma sapatto appakaṇḍo ukhāpidhānādippamaṇo samūlo eko sevālaviseso. **Paṇako** nāma bhamarasaṇṭhāno nīlavaṇṇo eko sevālaviseso, **paṇa** saṅkhāte, ṇvu, **paṇako**.

Pātālavaggavaṇṇanā niṭṭhitā.

Iti sakalabyākaraṇamahāvanāsaṅgaññacārinā kavikuñjarakesarinā dhīmatā  
sirimahācaturaṅgalena mahāmacceṇa viracitāyaṃ abhidhānappadīpikāvaṇṇanāyaṃ  
bhūkaṇḍavaṇṇanā samattā.

### 3. Sāmaññaṅkaṇḍa

#### 1. Visesyādhīnavaggavaṇṇanā

**691.** Iha vakkhamāne sāmaññaṅkaṇḍe **sāṅgopāṅgehi** aṅgaupāṅgadvayasahitehi **visesyādhīnehi** visesyāyatthehi visesanasaddehi sobhanādīhi **saṃkiṇṇehi** aññaṃaññavijātiyatthehi dabbakriyāguṇādīhi **anekatthehi** samayavaṇṇādīhi **abyayehi** cirassamādīhi ca **kamā** kamato vaggā kathyante, te ca pubbavaggasannissayā, tathā hi **sobhanā**dayo **devamanussādīsu** visesanabhāvena sambandhā, **kriyā**dayo tu tadādhāratāya, **samayā**dayo vācakatāya, **cirassamā**dayo taṃkriyāvisesanabhāvena, tatoyeva sādharāṇattā sāmaññaṅkaṇḍamidaṃ.

**692.** Iha satthe bhiyyo rūpantarā līṅgavinicchayo, so atrāpi vagge bhiyyo rūpantarāyevāti vipaṭṭipattinirāsattamaṃ byāpakanyāyamāha “**guṇi**”ccādinā. Tassattho – visesanabhūtā sabbe guṇasaddā, dabbasaddā, kriyāsaddā ca visesyādhīnabhāvena hetunāyeva, na bhiyyo rūpantarāpi visesanasaddena samalīṅgino siyunti, yathā – sobhanā itthī, sobhano puriso, sobhanaṃ cittaṃ.

**693-696.** Subhantaṃ sobhane. **Subha** sobhane, yu. **Ruca** dittiyaṃ, iro. **Sādha** saṃsiddhiyaṃ, u. Manaṃ tosetīti **manuññaṃ**. Ñā parimāṇatosananisāmanesu, antassukāro, manaṃ ā bhuso tosetīti vā **manuññaṃ**, tadā “mano añña”nti chedo, ālopo. **Cara** gatibhakkhanesu, ṇvu, carati cittametthāti **cāru**. Suṭṭhu darīyate **sundaram**, **dara** dāraṇe. **Vagga** gamane, u, **vaggu**. Mano ramati asmiṃ. **Kamu** icchāyaṃ, to. Harati cittaṃ **hārī**, ṇī. **Mana** ñāṇe, ju, mano javati yasmim vā **mañju**, nalopo. Piyasīlayuttatāya **pesalam**, **piyassa pe**, īssattaṃ. **Bhadi** kalyāṇe, do. **Vā** gatiyaṃ, mo. **Kala** saṅkhyāne, yāṇo. Manaṃ appeti vadḍhetīti **manāpaṃ**, mano appoti yasminti vā **manāpaṃ**, **āpa** pāpuṇane, **apā**dipubbo ca. Labhitabbanti **laddham**, to, sakatthe ko. Subhatīti **subham**, sundarena sabhāvena bhavatīti vā **subham**.

**Puṅgavantaṃ** uttame, ubbhuto atyatthamaṃ uttamo, **ubhasaddato** ubbhutatthato visesatthe tamo, uggatatamattā vā **uttamo**. **Vara** patthanāyaṃ, **pavaro**. **Itṭhapaccaye** **vuḍḍhassa** **jādeso**, **jeṭṭho**. Pakaṭṭhamaṃ mukhamaṃ ārambho assa **pamukho**. Natthi uttaro uttamo yasmā **anuttaro**. Pamukho ca anuttaro cāti dvando. **Apā**dipubbe **varo**. Mukhamiva **mukhyo**, **ivatthe** yo. Padadhātīti **padhānaṃ**, yu. Pamukhabhāve tiṭṭhatīti **pāmokkho**, ubhayatrāpi vuḍḍhi. Pakaṭṭhamaṃ rātīti **param**, ṇo. “Agga”nti jānitabbanti **aggaññaṃ**, “agga”nti pamānitabbanti vā **aggaññaṃ**. **Uttaro** **uttamasadiso**. Padhānabhāvaṃ nītaṃ **pañītaṃ**, **nī** naye, kammani ṇo. Paraṃ paccanīkaṃ māretīti **paramaṃ**, pakaṭṭhabhāve ramatītivā **paramaṃ**, ṇo. Iyitṭhesu **pasatthassa**, **vuḍḍhassa** ca **so**, **seyyo**, **seṭṭho** ca, “kvačasavaṇṇamaṃ lutte”ti isse. Gāmaṃ netīti **gāmaṇi**, “tassīlādīsu ṇī tvāvī cā”ti ṇī, rasso, **gāmaṇi**. Santatamatāya **sattamo**, **santato** tamo, **santassa** ca **so**. Visesyāyati **visiṭṭho**, **sisā** visesane, to. **Ara** gamane, ṇyo, **ikārāgamo**, **ariyo**. Natthi aggo yasmā **nāgo**, dīghādī, **galopo** ca. I gatiyaṃ, ṇvu, isse, **alopo** ca, **eko**, sadisarahitatāya vā ekībhāve tiṭṭhatīti **eko**, ko. Ussāpeti paccanīketi **usabho**, **usa** dāhe, abho. **Aja** gamane, a, **jassa go**, dvittamaṃ, **aggo**. Muca mocane, hīnamajjhimabhāvehi mucchatīti **mokkho**, to, **tassa kho**. **Mokkha** mocane vā, a. Padhānabhāvaṃ gacchatīti **puṅgavo**, yadādi, pukkalopyatra, **pusa** vuḍḍhimhi, alo, **sassa kho**, asarūpadvittamaṃ. Ete **cuttamā**dayo samāsagāpi asamāsagāpi uttamattavācakā. **Amarakose** pana nāgosabhapuṅgavānaṃ samāsagatteyeva uttamattavācakatā vuttā, vuttañca –

“Uttarasmim pade byaggha-puṅgavo’sabhakuñjarā;  
Sīhasaddūlanāgādyā, pume seṭṭhatthagocarā”ti [amara 21.59].

Tassattho – **byagghā**dayo kammadhārayasamāse sati uttarapadībhūtā seṭṭhatthavisayā

pubbapadassa seṭṭhatthavācakā pullingā ca bhavanti, yathā “purisabyaggho, munipuṅgavo”iccādi. **Sīhā**dayo, **ādinā varāhapuṇḍarikadhora**yhasovīrādayo ca samāsagā kammadhārayasamāse uttarapadabhūtā seṭṭhatthavācakā pumeva bhavanti, yathā “sakyasīho, kavikuñjaro, purisasaddūlo, purisavarāho”iccādi.

**697.** Cittassa, akkhino ca pītijanakam vatthu abyāsekam, asecanañca nāma, na byāsiñcanti nakkharanti nayanamanāni yasmāti **abyāsekam, asecanañca**, na byāsiñcanti ca yasmim āgantukabhūtāni aññarasānīti vā **abyāsekam, asecanañca**. Ño, yu ca.

Chakkam itṭhe vatthumhi. Icchitabbam, esitabbanti vā **itṭham, isu** icchāyam, **isa** gavesane ca, to. Subhattam gacchatīti **subhagam, kvi**. Hadaye sādhu, hadayassa vā piyanti **hajjam, ño, dantassa** lopo, **dyassa jjo**. Dayitabbam ādātābanti **dayitam, to. Valla** samvaraṇe, kammani abho. Piyāyitabbanti **piyam, pī** tappanakantīsu, ñyo, rassādi.

**698.** Tikam tucche. **Tuca** vināse, cho. **Rica** viyojanasambajjhanesu, sambajjhanam missanam, to, sakatthe ko. Sunassa hitam **suñnam, yo, nyassa ñño, suna** gatiyam vā, yo. Dvayam asāre. **Phala** nipphattiyam, u, gu vā. Pubbatra **gonto, asse, pheggu**.

Tikam pavitte. **Medha** himsāsāngamesu, medhīyate saṅgamīyate **mejham, ñyo, jhassa jho**, asarūpadvittam. **Pu** pavane, to, dīghādi. Vuḍḍhāvādeso, **ikārāgamo** ca. Dvayam aviraddhe. Na virajjhatīti **aviraddho, radha** himsāparādhāpagamanesu, to. “Dhaḍhabhahehi dhaḍhā ce”ti **tassa dho. Paṇa** byavahārathutīsu, ñvu, viraddhavohārena na paṇāmetīti **apaṇṇako**.

**699-701.** Dvayam jātyācārādinā anindite. Upubbo, **papubbo** ca **kasa** vilekhane, himsāyañca, to, “sādisantapucchabhanjahamsādīhi tṭho”ti sahādībyañjanena **tassa tṭho**.

**Gārayhantam** jātyācārādinā nindite. Nihīyateti **nihīno, hā** cāge, ino, dīgho. **Apādipubbe hīno. Lama** nindāyam, ñvu, **lāmako. Kiṭa** gatiyam, **pati nipubbo** tu nindāyam, tṭho, **patikiṭṭham, nikiṭṭhañca. Ittarasaddo** lāmakatthavācako pāṭipadiko, “jātyācārādīhi nihīnoya”nti avaditabboti **avajjo, tabbhāvattho** cettha **akāro. Vada** viyattiyam vācāyam, ñyo, **dyassa jjo**. Kucchā sañjātā assa **kucchito**. Adhobhāge jāto **adhamo, ossattam. Uma** nindāyam, kamme a, sakatthe ko, usso, **omako**. Garahitabboti **gārayho, garaha** nindāyam, ñyo, vaṇṇavipariyayo.

Dvayam malayutte. Malayuttatāya **malīno, ino, dīgho**. Assatthyatthe ī, **masapaccaye malīmaso, kaccaram, maladūsitampi, kucchitam** caratīti **kaccaram**.

Tipādam vipule. **Braha** vuddhiyam, rājādi, **brahā. Maha** pūjāyam, anto. **Pula** mahatte, **vipulam. Sala** gamane, **visālam, ño. Patha** saṅkhyāne, ulo, assu, **puthulam, umhi puthu. Gara** secane, u, **garu. Ara** gamane, u, assu, **uru. Tanu** vitthāre, to, **iṇṇādeso, tassa tho, assi,** asarūpadvittam, **vitthiṇṇam**.

**Vaṭharantam** thūle. **Pī** tappanakantīsu, ino. **Thūla** paribrūhane, a. **Pīdhātuto** īvaro, **pīvaram. Lapaccaye thullam, rassādi. Vada** viyattiyam vācāyam, vadatīti **vaṭharam, aro, dassa tho**. Thūlamupacitamamsavipulāyatamamsādi.

Dvayam sannicite. **Ānipubbo ci** caye, kamme to, **ācitam, nicitañca**.

**702.** Siloko sabbasmim. Saratīti **sabbam, vo, rassa** ca **vo. Sampubbo asu** khepane, to, **samattam, atha vā sama tīma** vekallabye, to, **samattam**. Na khiyatīti **akhilam, lo, akhilam, nikhilañca** tathā. **Saka** sattiyam, alo, kalābhi avayavehi saha vattateti vā **sakalam**. Sesato avasiṭṭhato niggatam **nissesam. Kasa** gamane, ino, **ṇattam, kasiṇam**. Na sesam avasiṭṭham **asesam**. Aggena sikharena saṅgatam **samaggam**. Kate samāse pubbanipāto abhidhānā. **Ūna** parihāne, na ūnam asmim **anūnakam, ko**.

**703.** Bahulantam bahutte, bhāveti vaḍḍhetīti **bhūri, bhū** sattāyaṃ, ri, **bhūri**, dīghādi, rassanto, imhi **bhūri**, medhā. **Pahu** sattiyaṃ, to, **ukārāgamo, papubbo hū** sattāyaṃ vā, rasso. **Paci** vitthāre, uro, **pacuraṃ. Bhī** bhaye, bhāyati yasmāti **bhiyyo**, dvittam. Sampahotīti **sampahulaṃ**, lo. **Baha** vuḍḍhiyaṃ, u, **bahu. Yebhuyyasaddo** bahulatthavācako paṭipadiko. Bahū atthe lābhīti **bahulaṃ**.

Dvayaṃ bahigate. Bahi jātam **bāhiraṃ**, irāṇa.

**704-706.** Yesam padatthānaṃ **mattam** pamānaṃ satādito **param** adhikaṃ bhavati, te **parosatādi. Ādinā** parosahassādi. Satato paro **parosataṃ**. Sahassato paro **parosahassaṃ**, parassa pubbanipāto abhidhānā **parasaddā okārāgamo**. Pajjam appe. Parito attam khaṇḍitam **parittam. Sukha** takriyāyaṃ, takriyā sukhaṃ, umo. **Suca** socane vā. **Khuda** pipāsāyaṃ, do, **khuddam. Thuca** pasāde, ṇo. **Ala** bhūsanapariyattinivāraṇesu, po, **lassa po, appam. Kisa** tanukaraṇe, ṇo. **Tanu** vitthāre. **Ci** caye, ulo, dvittam, **cullam**, nīce pana **cullo. Mā** māne, chadādīhi to. Rassādi, **mattā**, itthiyaṃ. **Lisa** appībhāve, a. **Lū** chedane, luyateti **lavo**, a. **Aṇa** gatyattho, u. **Kaṇa** sadde, a, **kaṇo**. Lavādīhi saha kaṇo pume, vuttaṇca **amarakose** “pume lavesakaṇaṇavo”ti [[amara 21.62](#)].

**Ñattantam** samīpe. Saṅgatā āpo yasmim **samīpaṃ**, āssī. **Pādito** yadādinā kaṭo, **nikaṭo**, natthi kaṭo āvaraṇaṃ etassāti vā **nikaṭo. Sadasmā** to, āsanno. Kaṇṭham samīpaṃ upagataṃ **upakaṭṭho**. “Kaṇṭho gale sannitthāne, sadde madanapādape”ti hi **nānatthasaṅgaho**, idha pana **kaṇṭhassa kaṭṭhadeso, ṇalopo** vā. Abhyāsīdatīti **abhyāso**. “Abhyāso tu samīpamhi, pumā abhyasanepi ce”ti [[cintāmaṇiṭkā 21.67](#)] **rabhaso**. Saha antena **santikam**, sakatthe iko. Vidūrapaṭipakkhattā **avidūram**. Saṅgataṃ antam **sāmantaṃ, sasaddassa** dīgho, niggahītassa mo, **sam nipubbopi kaṭṭhasaddo** samīpatthoyevāti dassanattham udāhaṭam, **kasa** vilekhane vā, to, **sannikaṭṭham**. Antikabhāvaṃ upagataṃ **upantikam**. Saha kāsena vattate **sakāsam, kāsa** dittiyaṃ. Antayogā antikam, iko. **Ñāyateti ñattam**, to, **sakāsasaddena** sanīḍasadesasavidhasamariyādasavesāpi gayhanti. Saha niḍena, saha desena, saha vidhāya, saha mariyādāya, saha vesena vattateti viggaho, byuppattinimittam, rūlhisaddā pana ete.

Dvayaṃ dūramatte. Dukkheṇa arati yaṃ dūram. **Vipapubbo kaṭṭhasaddo** dūre, sakatthe ko, **vippakaṭṭhakam**.

**707.** Tikaṃ ghane, natthi antaraṃ chiddam yassa. **Hanatismā** a, **hassa gho** ca, **ghanaṃ. Samu** upasame, do, **sandaṃ**. Pādo virāḷe. Viramatīti **viralaṃ**, a, vaṇṇavikāro. Piyo lavo appo yasmim **pelavaṃ, piyassa pe, pili** gamane vā, avo. **Tanu** appādīsupi.

Dvayaṃ dīghe. **Yata** āyatane, **āyataṃ. I** gamane vā, to, bhūvādi, isse, e aya, dīghādi. **Di** khaye, gho, dīghādi. Tikaṃ vaṭṭale. Niggataṃ talaṃ asmāti **nittalaṃ. Vaṭṭa** vaṭṭane, **vaṭṭam**, latādi. **Ulapaccaye vaṭṭulaṃ**.

**708.** Ucchitantam unnate. **Ci** caye, uccinotīti **ucco**, a. Unnamatīti **unnato. Tuja** himsāyaṃ, phalane ca, a, **tuṅgo**. Uggataṃ aggam assa **udaggo**. Uddham sito **ucchito, si** sevāyaṃ, to, **sassa cho**, asarūpadvittam, **ucchito**. Paṃsupi, pakaṭṭho aṃsu ditti yassa **paṃsu**.

Tikaṃ vāmane. Uddham na añcatīti **nīco, añca** gamane, ṇo, **akāraṇākārānaṃ** lopo, **nisaddo** atra nisedhe. **Rasa** sadde, so, **rasso. Vā** gamane, mano, **vāmano**.

Tikaṃ ujumhi. Na jimham kuṭilaṃ **ajimham**. Tasmim avaṅkatāya pakaṭṭho guṇo yassa **paguṇo. Aja** gamane, u, assu, **uju**.

**709.** Chakkaṃ vaṅke. **Aladhātumhā** aro, **lattaṃ. Vela** gamane, to, dvittādi, virūpena ilayatīti vā **vellitam**, to, **ila** gamane. **Vaṅka** koṭīlye, a. **Kuṭa** chedane, ilo, **kuṭa** koṭīlye vā. **Hā** cāge, kattari mo, dvittam, vaṇṇavipariyayādi, **jimham. Kuṅca** koṭīlye, to. Vakkampi, **vakka** gamane.

Pañcakaṃ dhuve. **Dhu** gatitheriyesu, a, **uvādeso**. Sassate nicce bhavo **sassato. Nicco** vutto

[abhidhānappadīpikāṭikā]. Sadā kāle bhavo **sadātano**. **Sanasaddo** niccattho sattamyanto nipāto, **sanamsaddo** vā [abhidhānappadīpikāṭikā], tatra bhavo **sanantano**, ubhayatrāpi bhavathe tano, pubbe niggahītāgamo.

710. Ekeneva bhāvādirūpena kālassa byāpako nibbānākāsādikūṭaṭṭhoti pakāsito. Māyāniccalayantādīsū **kūṭaṃ** vakkhati [abhidhānappadīpikāṭikā]. Niccalo tiṭṭhatīti **kūṭaṭṭho**, pabbato, kūṭaṭṭho viya sadā tiṭṭhatīti **kūṭaṭṭho**.

Dvayaṃ lahuke. **Laṅgha** gati sosanesu, u, **ghassa hattaṃ**, niggahītalopo, **lahu**, laghupi. **Sam**pubbe, satthikakapaccaye ca **sallahukam**. Tikam saṅkhyāte. **Khyā** kathane. **Gaṇa** saṅkhyāne. **Mā** parimāṇe, sabbatra to.

711. Tikam tikhīṇe. **Tija** nisāne, ho, vaṇṇavikāro, **tiṅham**. **Tija** nisāne, ino, **jassa kho, ṇattaṃ, tikhiṇam**. **Tijatoyeva** vo, **jassa vo, battam, tibbam**. Tikam caṇḍe. **Caṇḍa** kope, **caṇḍam**. **Ujja** balapālanesu, a, **jjassa ggo, uggam**. **Khara** vināse, a, **kharam**.

Catukkaṃ jaṅgame. **Gamu** gamane, dvittādi, **jaṅgamam**. **Cara** gamane, a, **caram**. Tasati calatīti **tasam, tasa** ubbege, ubbego bhayaṃ, calanañca. **Carabhimā** caro, majjhe dīgho, **carācaram**, abbhāsante vā rāgamo, **carācaram**, sabbatra apaccayo. Ingampi, ingatīti **ingo, inga** gamane.

712-713. Dvayaṃ calanamatte. **Kampa** calane. **Cala** kampane, sabbatra kattari yu.

Dvayaṃ adhike. Atiriccatīti **atiritto, rica** viyojanasampaṭicchanaḡaṭṭisu, to, bhujādi. Adhi eti gacchatīti **adhiko, i** gamane, ko.

**Jaṅgamā** pāṇito añño thāvaro nāma, tiṭṭhatīti **thāvaro, thā** gatinivattiyam, varo, vaṇṇavikāro, **thāvaro**, thāvaropītyeke.

Catukkaṃ lole. **Lola** ummādane. **Cala** kampane, dvittādi, **cañcalam**. **Tara** plavanataraṇesu, taram lātīti **taralam**, ete calanamattepi.

Catukkaṃ purāṇe. Pure bhavo **purāṇo**, yadādinā **napaccayo, ṇattaṃ**. Purā bhavo **purātano, tanapaccayo**. **Sanamsaddo** iha sattamyanto purāṇatthe nipāto. Tatra bhavo **sanantano**, pubbe viya **sanamsaddo** vā, tatrāpi pubbe viya niggahītāgamo. **Ciram**saddo nipāto sattamyanto purāṇattho iha gayhate, tatra bhavo **cirantano**. Niggahītalopo **cirakālādīsū**.

Catukkaṃ abhinave. Patito aggo yassa **paccaggho, gassa gho**, bahuko vā aggho yassa **paccaggho**, anekatthattā hi upasagganipātānaṃ bahukattho ettha **patisaddo**. **Navasaddāsakatthe** tano, **navassa nubhāvo** ca. Navo eva **abhinavo, nu** thutiyam, a, **navo**.

714-715. Pañcakaṃ kakkhaḡe. Kantatīti **kurūram**, ūro, **kantassa** ca **kurādeso, kara** hiṃsāyam vā, ūro, assu. **Kaṭha** kicchajīvane, muddhajadutiyanto dhātu, ino, vaṇṇavipariyaye kathinantipi. **Dala** vidāraṇe, ho, **lattam, baha** vuddhimhi vā, **bassa do, lanto** ca, **dalham daha** bhasmīkaṇe vā, a, lanto ca. Niṭṭhātīti **niṭṭhuram, thā** gatinivattiyam, uro. **Kakkha** hasane, alo, lattam. Kaṭhoram, jaraṭham, muttimam, muttampi, **kaṭha** kicchajīvane, oro. **Jara** jīraṇe, bhūvādi, ṭho. Mutti kathinyam, tamyogā **muttimam**. Apaccaye **muttam**.

Sattakam ante. **Ama** gamane, to, **anto**, anitthī. **Paripubbo pariyanto**. **Papubbo panto**. Pacchā bhavo **pacchimo**. Ante bhavo **antimo**, imo. Jaghane sādhu **jighañṇam**, yo, assi. **Caratismā** imo. **Carimam, carasaddā** vā imo.

Catukkaṃ paṭhame. **Pubba** pūraṇe, a. Aggam setṭhepi vuttam. **Paṭha** viyattiyam vācāyam, amo, **patha** saṅkhyāne vā, amo, vaṇṇavikāro, **paṭhamam**, pathamantipi. Ādīyate paṭhamam

gaṇhīyateti **ādi**, i, pume, **sosaddo ādi**ssa pulliṅgattajotako, purimaṃ, puratthāpi, bhavatthe imatthā.

Dvayaṃ anucchavike. Paṭiggahito rūpo **patirūpo**. Chaviyā anurūpaṃ **anucchavikaṃ**, sakatthe ko.

Dvayaṃ niratthake. **Mūha** vecitte, a, **hassa gho**. Natthi attho yassa, sakatthe ko.

**716.** Dvayaṃ pākāṭe. Visiṭṭho attā yassa **byattaṃ**. **Puṭa** pakāsane, **puṭa** vikāsane vā.

Tikaṃ mudumhi. **Muda** modane, u, **muda** saṃsagge vā. Sobhanaṃ kumāraṃ kanti yassa. **Ku** sadde, alo, manto ca.

Dvayaṃ indriyaggayhe. Akkhaṃ indriyaṃ patigataṃ nissitaṃ, akkhena vā patigataṃ **paccakkhaṃ**, kate samāse **patisaddassa** pubbanipāto abhidhānato. Indriyaṃ cakkhādikaṃ, tena gayhaṃ **indriyaggayhaṃ**.

Dvayaṃ apaccakkhe. Paccakkhaviparītaṃ **apaccakkhaṃ**, paramāṇvādi. Indriyaṃ atikkantaṃ **atindriyaṃ**.

**717.** Catukkaṃ aññatthe. **Itarasaddo** pāṭipadiko aññatthavācako, **idama**saddā vā taro aññatthe, **dam**lopo ca. **Aññasaddā** sakatthe taro. Eko seṭṭhepi vutto. **Aññasaddo** pāṭipadiko bhinnattho, na ñāyateti vā **añño**.

Tikaṃ nānappakāre. Bahavo vidhā pakārā assa **bahuvidho**. Vicittā vidhā yassa **vividho**.

Dvayaṃ anivārite. Natthi bādho nisedho yassa **abādhaṃ**. Natthi aggaḷaṃ assa.

**718.** Catukkaṃ asahāye. Asahāyatthe **ekato** ākī, cco, ko ca, **ekākī**, **ekacco**. Aññatthepe **ekako** vutto. **Samā** tulyatthā.

Anekasambandhini **sādhāraṇā**didvayaṃ. Saha ādhāraṇena vattatīti **sādhāraṇaṃ**, yadādi, thiyaṃ sādhāraṇī, sādhāraṇā ca. Samānameva **sāmaññaṃ**, yo, **sāmañña** itthiyaṃ.

Dvayaṃ appāvākāse. Sambādhathe asmiṃ, ro. **Saṃsaddā** kaṭo, yadādi, **saṅkaṭaṃ**, saha āvaraṇena vattatīti vā **saṅkaṭaṃ**, sahattho **saṃsaddo**.

**719.** **Vāmaṃ kaḷevaram** vāmakāyo sabyaṃ nāma. “Sabyaṃ vāme ca dakkhiṇe”ti [\[cintāmaṇiṭṭikā 21.84\]](#) hi **ajayo**, **sava** gatiyaṃ, yo. **Dakkhiṇaṃ** kaḷevaram apasabyaṃ, sabyato apagataṃ **apasabyaṃ**.

Dvayaṃ viparīte. Paṭikūlati āvaratīti **paṭikūlaṃ**, **kūla** āvaraṇe. **Apasabyaṃ** dakkhiṇepi vuttaṃ.

Duradhigamanto pathaṃ gahanaṃ, yathā – gahanametaṃ satthaṃ, dubbivekamiccatho. Gacchantaṃ hantīti **gahanaṃ**, gahanaṃpi, yadādi. **Kala** gamane, ilo, kalim lātīti vā **kalilaṃ**.

**720-721.** Dvayaṃ bahuppakāre. Uccaṅca taṃ avacaṅceti **uccāvacaṃ**, kammadhārayo. Bahavo bhedaṃ assa.

Tikaṃ janādinirantaragate. **Saṅka** saṅkāyaṃ, to. **Kira** pakkhepavikkhipanesu, to, **iṇṇā**deso. **Saṅka** saṅkāyaṃ, ulo, **saṅkulaṃ**, **saṃpubbo kula** santāne vā, ro.

Siloko cheke. Kato abhyāsito hattho padattho yena **katahattho**. **Kusa** silesane, alo. Pakatṭhā vīṇā assa. Abhijānāti **abhiñño**. **Sikkha** vijjopādāne, to. **Puṇa** kammani subhe, ro. **Paṭa** gamane, u.

**Chidi** dvidhākarāṇe, kattari a, **dassa ko. Cata** yācane, uro. **Dala** dittiyaṃ, kho, **lassa ko, dakkha** vuddhiyaṃ vā, a, **dakkha** vuddhihimsāgatisīghesu vā. **Pisa** himsābaladānaniketanesu, alo, **pesalo**. Katamukho, katīpi, **katasaddo** abhyāsitattho, kataṃ abyāsitaṃ mukhaṃ upāyo anenāti **katamukho**. Kataṃ assatthīti **katī**.

Sattakaṃ bāle. **Bala** pāṇane, balatīti **bālo**, assāsitaṃ passāsitaṃ mattenā jīvati, na paññā jīvitena tyattho. **Dā** kucchāyaṃ gatiyaṃ vā, tu, dvittaṃ, rassādi. **Jala** dhaññe, a, ḷattaṃ. **Mūha** vecitte, lo, vaṇṇavipariyayo, **mūḷho. Manda** jaḷatte. Bālyayogā **bāliṣo**, iso. Añño, yathājātopi, na jānātīti **añño**. Yādiso jāto viveko **yathājāto**.

722. Tikaṃ bhāgyasampanne. Puññaṃ, sukatañca yasmim atthi **puññavā, sukati**, vantu, ī ca. Dhanaṃ gahaṇaṃ laddhoti **dhañño**, yo. Dvayaṃ mahāvīriye. **Mahādheti** mahāvīriyo. Dvayaṃ mahicche. Mahāsayopi.

Dvayaṃ bahulahadaye, pasatthahadaye ca. Hadayaṃ bahulaṃ, pasatthañca yassa **hadayī, hadayālu** ca, tabbahule ī, ālu ca, suhadayopi.

723. Dvayaṃ haṭṭhacitte. “Hāsamano vikubbāno, pamāno haṭṭhamānaso”’ti [amara 21.7] **amarasīho**. Dvayaṃ dummane. Duṭṭhaṃ, dukkhitāṃ vā mano yassa. Virūpaṃ mano yassa. Antamanopi.

Catukkaṃ bahuppade. Yācakānaṃ vadaṃ vacanaṃ jānātīti **vadāniyo, vadaññū** ca, iyo, rū ca, pubbatraññassa **nādeso**, majjhādīgho ca. Dāne soṇḍo pasuto. **Soṇḍasaddotra** majjamadetyeke, thūlalakkhopyatra, dānatthaṃ thūlaṃ lakkhaṃ assa.

724. Siloko pākaṭamatte. **Khyā** pakāsane, to. **Patipubbo i** gamane, to. Abhimukhaṃ etīti **patīto**. **Ñā** avabodhane, to, **paññāto, abhiññāto** ca. **Patha** khyāne. **Su** gatibuddhīsu, to, **suto, vissuto** ca, **su** savane vā, kamme to. **Vida** ñāṇe, **vidito**. **Sidhu** saṃrādhe, to, **sidha** saṃsiddhiyaṃ vā. **Kaṭa** gatiyaṃ, dassanaṃ kaṭatīti **pākaṭo**, upasaggassa dīgho.

725. Tipādaṃ issare. **Īsa** issariye, īsatīti **issaro**, aro, rassādi, dvittaṃ. **Nī** naye, ṇvu, **nāyako**. Saṃ dhanāṃ assatthīti **sāmī**, dīghādi, rassante sāmipi. **Pā** rakkhaṇe, ti, rassādi, **pati**. **Adhipubbe adhipati**. **Īsa** issariye, a, **iso**. Pabhavatīti **pabhu**, u, pabhūpi. **Aya** gamane, yo, **ayyo**. Adhipatīti **adhipo**, ro. Adhibhavatīti **adhibhū**, kvi. **Nī** naye, ritu, **netā**.

Tikaṃ bahudhane. Ibhaṃ arahatīti **ibbho**, vo, vaṇṇavipariyayo. **Jhe** cintāyaṃ, a, ajjhāyati dhanāṃ **aḍḍho**, jhassa **ḍho**, asarūpadvittaṃ, rassādi ca. **Dhanā** atisaye ī, **dhanī**.

726. Dvayaṃ dakkhiṇeyye. Dānaṃ paṭiggaṇhituṃ arahatīti **dānāraho, dakkha** vuddhiyaṃ, sīghatthe ca, dakkhanti bhogasampadādīhi yāya, sā dakkhiṇā, iṇo, taṃ arahatīti **dakkhiṇeyyo**.

Dvayaṃ snehavati. **Siniha** pītiyaṃ, dho, **hassa do, siniddho**, vaccho sineho yassatthi **vacchalo**, lo.

Pamāṇiko parikkhako, parikkhate avadhārayate pamāṇehi atthanti **parikkhako, ikkha** dassanañkesu, ṇvu. Kāraṇaṃ jānātīti **kāraṇiko**, iko.

Dvayaṃ āsatte. **Sanja** saṅge, to. Taṃ taṃ vatthu paraṃ padhānaṃ assa **tapparo**.

727. Tikaṃ kāruṇike. Karuṇā sīlaṃ assa **kāruṇiko**. Dayā karuṇā yassatthi **dayālu**, ālu. Dukkhitesu suṭṭhu ramatīti **sūrato**, upasaggassa dīghatā.

Itthatthe abhimatappayojane uyyuto puggalo ussuko nāma, uṭṭhānaṃ suṭṭhu kāyatīti **ussuko**, hasādyanuṭṭheyāṃ.

Yo ālasyāvasādīhi anutiṭṭhati, so dīghasutto, dīghañca taṃ suttañca, tamiva caratīti **dīghasuttam**, dīghasuttapariyantikam kāriyam karotīti **dīghasutto**. Cirena kriyānuṭṭhānaṃ assa.

728. Dvayam parāyatte, parasmim, parena vā adhīno **parādhīno**, ajhantā sakatthe ino yadādinā. Paratanto, paravā, attavāpi [**nāthavā (amara 21.26)**], tantayatīti tanto, **tanta** kuṭumbadhāraṇe, a, paro tanto niyāmakko yassa. Paro seṭṭho nāyako, attā ca atthīti **paravā, attavā** ca, vantu.

Āyattatāmatte catukkam. **Yata** payatane, āpubbo avasībhāve, to. Antena samīpena sahāti **santako**, sakatthe ko. Pariggayhate “saka”nti karīyateti **pariggaho**. Adhigato ino pabhū yenāti **adhīno**.

Sena attanā iritaṃ sīlam assāti **serī**, tasmim serini ca **sacchando** vattati, sassa attano chando yassatthīti **sacchando**, a. Savaso, sayamvasī, niravaggahopi.

729. Guṇadose **anisamma** anupaparikkhitvā yo karoti, so **jammo, jama** adane, mo.

Dvayam atitaṇhe. **Lubha** lobhe, a, dvittam, **bhassa po, lolupo**, lolubhopi.

Tikaṃ luddhe. **Gidha** abhikānkhāyam, to. **Lubha** giddhiyam, to. **Lola** ummādane, a, **lolo**. Atha mahātaṇhātitaṇhagiddhānaṃ ko bhedo? Mahātaṇho nānārammaṇam icchati, atitaṇho ekasmimpi ārammaṇe anekavāram, adhikañca tasati, giddho pana ubhayathāpīti ayametesam viseso.

Yo kriyāsu mando, so **kuṇṭho, kuṇṭha** paṭighāte, ālasye ca, a.

730. Pañcakaṃ kāmaka. **Kamu** icchāyam, curādi, ritu, **kāmayitā**, kāritalope **kamitā**. **Yumhi kāmano**, kamanopi. **Ñipaccaye kāmī, ñukapaccaye kāmuko**, anuko, abhikopyatra, anukāmayate **anuko**, kvi. Abhikāmayate **abhiko**, kvi. Atikopi.

Dvayam matte. Suṇḍā surā, tatra kusalo **soṇḍo**, pānāgāram vā suṇḍā, tatra bhavo, ṭhitaṃ vā **soṇḍo**. **Mada** ummāde, to. Ukkaṭo, khivopi, madena uddhato **ukkaṭo**, yadādinā uto kaṭo mattatthe [**pāṇini 5.2.29**]. **Khiva** made, a.

Tikaṃ vacanakārini. Pavattinivattīsu vidhātuṃ sakyō **vidheyyo**, iyyo. Ādesitaṃ, ādarena vā suṇotīti **assavo**, rassādi, a. Sundaram vaco ācariyādīnaṃ etasmim hetubhūtetī **subbaco**. Vinayaggāhīpi, vinayam vidhipaṭisedhavacanaṃ gahetuṃ sīlo **vinayaggāhī**.

731. Tañkhaṇupattiñānaṃ paṭibhā, tāya yutto **pagabbho**, sīghameva gabbhatīti **pagabbho, gabbha** dhāraṇe.

Tikaṃ bhīruke. Bhī bhayam sīlo yassa **bhīsīlo**. Bhāyatīti **bhīru, bhī** bhaye, ru. **Rukapaccaye bhīruko**, sakatthe vā ko.

Dvayam asūre. Na vīro sūro **avīro**. Kucchitatarattā **kātaro, kussa kādeso**.

Dvayam hiṃsāsīle, hananasīlo **hiṃsāsīlo, ghātuko**, uko, **hanassa ghāto**. Sarāru, hiṃsopi.

732. Tikaṃ kodhayutte. **Kudha** kope, kujjhanasīlo **kodhano**, yu. **Dusa** dose, **dosano**, paṭigho, yu. **Kupa** kope, kupatīti **kopī**, ṇī. Amaranopi, natthi marisanaṃ khamā assa **amarisano, marisa** asahane.

Dvayam adhikakodhayutte. Caṇḍateti **caṇḍo**, a, **caṇḍa** kope. Atirekam kujjhatīti **accantakodhano**. Accantakopanopi, tadā **kupato** yu.

Pañcakaṃ khantiyutte. **Saha** khamane, yu. **Khamu** sahane, yu. **Tumhi khantā**, satthādi.

Titikkhā yassatthīti **titikkhavā**. Mantumhi **khantimā**, savibhattissa **ntussa ā**.

**733.** Dvayaṃ saddhāyutte. **Hi** padapūraṇe. Saddhā yassatthīti **saddhālu**. Saddhā ratanattayādīsu pasādo, taṇhā, ādaro ca. Dvayaṃ dhajayutte. Cihane ca paṭākāyaṃ, dhajo sophe ca soṇḍike, **sopho** pulliṅgaṃ.

Dvayaṃ niddāsīle. Niddā eva sīlaṃ yassa so **niddāsīlo**. Dvayaṃ pabhāyutte. **Bhā** dittimhi, **sarapaccayo**, rassādi, dvittaṅca, **bhassaro**, bhāsā rati yassāti vā **bhassaro**, rassādi eva. **Sassa** dvittābhāve **bhāsu**, assu, **bhāsa** dittiyaṃ vā, uro, atha vā dvayaṃ bahukathāyutte, bhāsāsu sabbāsu bahūsu kathāsu ramatīti **bhassaro**, kvi, bhāsātīti vā **bhassaro**, aro, rassādi, dvittaṅca, bhāsāsu ramatīti vā **bhāsarō**, kvi, majjharasso, bhāsātīti vā **bhāsarō**, aro, imasmiṃ pakkhe assuttābhāvo.

**734.** Tikaṃ nagge. Na gacchatīti **naggo**, dvittaṃ, **lagga** saṅge vā, **nattaṃ**, **naji laji** bile vā, ṇo, **jassa go**, dvittaṃ. Disā eva ambaraṃ vatthaṃ etassa, na pakativatthanti **digambaro**. **Sassa go**. Natthi vatthaṃ etassa, atha vā digambarā vatthā, aññatitthiko avattho cāti ete dve naggo nāma, naggā nāmāti vā, “te itthikhyā po, satta pakaraṇāni abhidhammo nāmā” tyādīsu viya saññāsaññīsaddānaṃ vacanabhedassāpi sambhavato. Naggo ca naggo ca naggā, purimasmiṃ pakkhe pana sāmāññatāya ekavacananiddeso.

Dvayaṃ bhakkhake. **Ghasa** adane, maro, **ghasmaro**. **Bhakkha** adane, ṇvu.

Vattuṃ sotaṅca akusalo, vacane savane ca akusalo **eḷamūgo** nāma, eḷo badhiro, mūgo avacano, kammadhārayo, saṭhepi eḷamūgo.

**735.** **Mukharā**dayo tayo appiyavādini. Vājhāvājhesu mukhaṃ assatthi, nindāyaṃ ro. Ninditaṃ mukhaṃ yassa **dummukho**. Abaddhaṃ anaggaḷaṃ mukhaṃ yassa **abaddhamukho**.

Bahu ca gārayhaṅca vaco yassa so **vācālo** nāma. Kucchitā vācā assa santīti **vācālo**, nindāyaṃ lo.

Dvayaṃ suvacane. Vadaṭīti **vattā**, pasamsāyaṃ tu. Vadaṭīti **vado**. So padapūraṇe.

**736.** Tikaṃ attaniye. Netabboti niyo, niyo **eva niyo**, **nī** naye, ṇyo, **yassa jo**, samīpe jāyatīti vā **niyo**. Sassa attano ayaṃ **sako**, idamatthe ko, so eva vā **sako**, sassāyaṃ sako, ṇo. Attani jāto **attaniyo**, aniyo.

Tikaṃ acchariye. Vipubbo **maha** pūjāyaṃ, bhūvādi, ṇyo, mantalopo, **vimhayo**. Āpubbo **cara** gatibhakkhanesu, a, **carassa cchariyo**, rassādi ca, **acchariyo**. Na bhavitthāti **abbhuto**, asarūpadvittaṃ, rasso ca, abhūtopi [[saddanītipadamālāyaṃ 340.1 piṭṭhesu passitabbaṃ](#)].

Sokādīhi itikattabbatāpaṭipattisūñño **vihattho**, **byākulo** ca. Vikkhitto hattho yassa **vihattho**. **Kula** saṅkhyāne **viā**pubbo.

Katasannāho **vadhudyato** hantumudyato uyyuto ātatāyī nāma. “Vadhuyutto” tipi pāṭho. Āpubbo **tā** pālāne, nī, dvittaṃ, ākārāntānamāyo, **ātatāyī**.

**737.** **Sīsacchejjamhi** sīsacchedārahe **vajjho**. Hantabboti **vajjho**, **hana** hiṃsāyaṃ, ṇyo, **hanassa vadho**, **jhassa jho**. Asarūpadvittaṃ, **vajjho**.

Tikaṃ vakkāsāye. Nikantaṭīti **nikato**, **kanta** chedane, a, **nalopo**. **Saṭha** ketave, a. Natthi ujutā yassa **anuju**.

Tikaṃ bhedaḱārake. **Sūca** pesuññe, ṇvu. **Pisi** saṅcuṇṇane, **pisi** avayave vā, pisatīti **pisuṇo**, yadādīnā uno, **ṇattaṃ**. Kaṇṇe japaṭīti, aluttasamāso, arucitabbarocakepi **kaṇṇejapo**.

Dvayaṃ paharaṇasīle. **Dhubbī** hiṃsāyaṃ, to, bhujādi. Vañcayate vippalapateti **vañcako**, **vañca** gamane.

**738.** Ariyāsāmaññaena ca bālapurisassa lakkhaṇamāha. **Hi** padapūraṇe. **Yo puriso** yo jano, **janapariyāyo** cettha **purisasaddo** “dve mahāpurisā abhinikkhantā” tyādīsu viya, **anisamma** anupaparikkhitvā vadhabandhanādikiccaṃ karoti, so **khalu** ekantato “capalo” ti viññeyyo, kasmā? **Avinicchitakārittā** sammā avinicchitassa kāriyassa karaṇasīlattā. **Capa** kakkarāṇe, **capa** santāne vā, alo, **capalo**.

**739.** Catukkaṃ kadariye. Kucchitaṃ dadātīti **khuddo**, do, **kassa kho**, adānasīlatāya samparāyesu khuddaṃ bubhukkhissāmīti vā **khuddo**, **khuda** bubhukkhāyaṃ, do anāgatatthe. Parānupabhogena atthasañcayasīlattā kucchito ariyo atthapati **kadariyo**, adāyakattā kucchitaṃ ṭhānaṃ aratīti vā **kadariyo**, iyo. Dānādīsu namanābhāvena thaddhena maccherayuttacittena sahitatāya **thaddhamaccharī**, ī. Kucchito paṇo yassa **kapaṇo**, kipacāno, mitappacopi. Kucchitaṃ pacānoti dutiyāsamāso. Mitam pacatīti **mitappaco**, ṇo.

Addhaṃ dalidde. Natthi kiñcanaṃ appamattakampi dhaṇaṃ yassa **akiñcano**. **Dalidda** duggatiyaṃ, a, **dala** vidāraṇe vā, ido, dvittam. **Dīna** duggatabhāve, **dīno**, **di** khaye vā, īno. Natthi dhaṇaṃ assa. Ninditaṃ gamaṇaṃ assa **duggato**.

**740.** Yaṃ kammaṃ “idamaṃ uppādessāmī” ti asambhāvitaṃ acintitameva hutvā sampattaṃ, taṃ “kākatālīya” ntyuccate. Tālassa idaṃ phalaṃ tālaṃ, kāko ca tālañca kākatālāni, tehi sadisaṃ kammaṃ **kākatāliyaṃ**, kākassa, tālaphalassa uḍḍanapatanasadisam kammantyaṭtho.

Catukkaṃ yācake. Yācanaṃ karotīti **yācanako**, yācatīti vā, **yāca** yācane, yu. Sakatthe ko. **Attha** yācanāyaṃ, atthanaṃ attho, so assatthīti **atthī**. Nvu, yācako. “Mādisassa dhaṇaṃ datvā rājā saggam gamissati” tyādīnā dānaphalaṃ vaṇṇetvā vakati yācatīti **vanibbako**, **vaṇṇassa vani**, **vaka** ādāne, ādānamettha yācaneva.

**741.** **Kiñcidūnakantaṃ** patipādena nāmaṃ. Pakkhisappamacchādayo aṇḍato jātattā **aṇḍajā**. Narādayo pana gabbhāsayasānkhātajalābuto, tatra vā jātattā **jalābujā**. Kimi ca ḍaṃsā ca **ādinā** makasamaṅgurādayo ca sedajā, sedakāraṇattā usmā sedo, tato jātā **sedajā**. Devo ca **ādinā** brahmanerayikādayo ca **opapātikā**, upagantvā patatīti upapātī, ṇī, soḷasavassuddesikādiko attabhāvo, so yesamatthi, te **opapātikā**.

**742.** **Jaṇṇumatte** jaṇṇupamāṇayutte udakādīmihi **jaṇṇutaggho**, jaṇṇupamāṇo **jaṇṇutaggho**, pamāṇatthe taggho, jaṇṇupamāṇo **jaṇṇumatto**, pamāṇatthe matto [[moggallāne 4.47 sutte passitabbam](#)], tasmim.

**Kiñcidūnake** appamattakayutte kappo [[pāṇini 5.4.67](#)], ūnassa appakatāya kappīyati ekādivasena paricchijjatīti **kappo**, **kappa** paricchidane.

Catukkaṃ pariyāpanne. Anto gacchatīti **antaggataṃ**, “lopañca tatrākāro” ti olope aāgamo, dvittam. Antogatampi. Paricchinditvā āpannaṃ gahitaṃ **pariyāpannaṃ**. **Gādha** patitṭhāyaṃ, anto ogādhatīti **antogadhaṃ**, rasso, ogādhatīti **ogadhaṃ**.

**743.** Dvayaṃ sādHITE. **Rādha sādha** siddhiyaṃ, kammani to.

Dvayaṃ kuthite. **Paca** pāke, atīte kattari to, **tassa kko**, **calopo**. **Kutha** nippakke, to.

Āpadaṃ byasanaṃ patto āpanno nāma, atipīlanaṃ āpajjatīti **āpanno**, “ā tukodhamudātṭīsū” ti hi **ekakkharakoso** [[ekakkharakosa 14 gāthā](#)]. **Pada** gamane, “āpanno ca vipattimhi, patte ca vāccaliṅgiko” ti **nānatthasaṅgaho**.

Dvayaṃ paresamavasagate. Natthi vaso āyatto paresaṃ etasmiṃ serībhūtetī **vivaso, avaso** ca.

**744.** Chakkaṃ khitte. **Nuda** peraṇe, **nuda** khepe vā, to, **tassa inno**. Aninnādesa bhujādi, **nutto**. Nutopi. **Asu** khepane, to, bhujādi, **atto. Khīpa** peraṇe, to.

**Īra** gatiyaṃ, kampane ca, ito, **īrito**. Āpubbo **vidha** peraṇe, to, **āviddho**.

Catukkaṃ kampite. **Kampa** calane, **dhū** vidhunane, kampane ca. **Dhūto, ādhūto, cala** kampane, **calito**. Vellito, pekhito. **Vella** calanattho. **Pekha** gatyattho, **pekhito**.

Dvayaṃ nisite. **Nisi** nisāne. **Tija** nisāne, nisānaṃ tikkhakarāṇaṃ, ubhayatrāpi kammani to.

**745-746.** Tikaṃ pattabbe. **Pata** gamane, tabbo. **Gamu** gatiyaṃ, ṇyo, **myassa mmo** vā, **gammaṃ**, gamyāṃ, **dyassa jjo, āpajjaṃ**.

Dvayaṃ pariṇate. **Pacino** anekatthattā iha pariṇatattho. **Namu** namane, bhūvādi, kattari to, **samā** dve tulyatthā.

Pañcakaṃ veṭhite. **Veṭha** veṭhane. Valamiva valayaṃ, kuṇḍalākāraṃ valayaṃ kataṃ **valayitaṃ**, nāmadhātu, kāritantā to. **Rudha** āvaraṇe, **ruddhaṃ. Saṃpubbo vu** saṃvaraṇe, **saṃvutaṃ**. Samantato vutaṃ **āvutaṃ, vu** saṃvaraṇe, sabbatra kammani to.

Dvayaṃ parikhādinā parikkhitte. Pari samantato karīyateti **parikkhittaṃ**, parikkhatampi. **Vu** saṃvaraṇe, **nivutaṃ**.

Tikaṃ vitthate. **Sara** gatiyaṃ, to, **tassa ṭo, ralopo, visaṇaṃ. Tanu** vitthāre, to, **tassa to, nalopo, vitthataṃ, tataṃ**.

Dvayaṃ lepanīye. **Līpa** lepane, **diha** upalepane, ubhayatrāpi kammani to.

Dvayaṃ gulhe. **Guha** saṃvaraṇe, ḷo, **gulho. Gupa** gopane, **gutto**.

Dvayaṃ posanīye. **Pusa** posane, to, **satānaṃ ṭṭho, ṭṭhābhāve posito**.

**747.** Dvayaṃ salajje. **Lajja** pīle, pīlo lajjāva. **Hīla** nindālajjāsu, **hīlito**.

Dvayaṃ sadde. **Sana dhana** sadde, **sanitaṃ, dhanitaṃ**.

Pañcakaṃ bandhanīye. Sandanaṃ bandhanaṃ, taṃyogā vantu. Sandānavantaṃ kataṃ **sandānitaṃ**, nāmadhātumhā to, **vantulo**po. Sandānaṃ sajjā, tamassāti vā, ito. **Si** bandhane, to. **Bandha** bandhane, **baddho. Kīla** bandhane. **Yamu** uparame, **saṃpubbo** bandhane, sabbatra kammani to. Mūtaṃ, udditaṃ, sadditampi. **Mū** bandhane. **Dā** avakhaṇḍane. **U saṃpubbo** bandhane. Vuttañca ‘uddānantu ca bandhana’nti.

**748.** Tikaṃ siddhe. **Sidha** saṃsiddhimhi. **Pada** gamane, nipubbo siddhiyaṃ. **Vatta** vattane, vattanaṃpyatra sijaṇaṃ **nipubbattā**.

Tikaṃ vidārite. **Dara bhida** vidāraṇe, **innādeso. Bhinnaṃ**. Aninnādesa tu **bheditaṃ**.

Dvayaṃ tiṇādīhi chādanīye. **Chada** saṃvaraṇe, to, **tassa** sadhātvantassa **annādeso**.

Tikaṃ chindite. **Vidha** vedhane. **Chidda** kaṇṇabhede, curādi. **Vidha** vedhane, sabbatra kamme to, aparadvaye ca sañjātatthe ito.

749. Tikam ānīte. **Hara** haraṇe, **bhara** dhāraṇaposanesu, **āpubbo nī** naye.

Dvayaṃ damayutte. **Damu** damane, kattari to. Pakkamādīhi nto. **Antā**dese **damito**. Kammasādhanopyayaṃ.

Dvayaṃ sante. **Samu** upasame, kattarito. **Antā**dese **samito**, kammasādhanopyayaṃ.

Dvayaṃ punṇe. **Pūra** pūraṇe, tarādīhi iṇṇo, dvīsupi kattukammasādhanāni labbhanti.

750. Tipādaṃ pūjite. **Cāya** pūjānisāmanesu. **Maha** pūjāyaṃ, **pūja** pūjane, **araha** pūjāyaṃ, **arahito**. **Acca** pūjāyaṃ. **Māna** pūjāyaṃ. **Ci** caye, **apapubbo** pūjane. Namassitopi, **namassadhātu** pūjāyaṃ.

Dvayaṃ tacchite dāruādīmi. **Taccha** tanukaraṇe, tanukarīyateti **tanūkato**, dīgho.

751. Dvayaṃ aggiādīhi tatte. **Tapa dhūpa** santāpe.

Dvayaṃ rājādīnaṃ santike bhajanādivasena upagate. **Cara** gatyattho, **upacarito**. **Āsa** upavesane, **upāsito**.

Addhaṃ cute. **Bhasa** adhopatane, to. **Gaḷa** secane, **gaḷitaṃ**. **Pada** gamane, **pannaṃ**. **Cu** cavane, **cu** gamane vā. **Dhamṣu** avasaṃsane, gatiyañca. Kannampi, **kanna** gatisosanesu.

752. **Tuṭṭhantaṃ** pamudite, **pī** tappanakantīsu. **Muda** hāse. **Hasa** haṃsane, **hasa** alike vā. **Mada** hāse, **matto**. **Tusa** pītiyaṃ.

Catukkaṃ chinne. **Kanta** chedane. **Chidi** dvidhākaṇe. **Lū** chedane, ṇo, yu vā. **Dā** lavane, tu, **dā** avakhaṇḍane vā. Chātampi. **Cho** chedane, ossākāro.

Tikaṃ pasatthe. **Saṭha** thutiyam, to. **Vaṇṇa** vaṇṇakriyāvitthāraguṇavacanesu. **Thu** abhitthave. **Īḍito**, paṇitopi, **īḍa** thutimhi. **Paṇa** byavahāre, thutimhi ca, **paṇito**.

753. Pañcakaṃ alle, **tima** addabhāve niccalepi, pakkamādīhi nto. **Alla** kledane, lo, **allam**. **Adda** gatimhi, yācane ca, **āpubbo dā** avakhaṇḍane vā, do, **addam**. **Kilida** addabhāve, **innā**deso. **Unda** kledane, **inno**, **unno** vā, sādampī. Addaguṇayuttaṃ addam, tena saha vattate **sāddam**.

Catukkaṃ gavesite. **Magga** anvesane, curādi. **Esa** gatiyaṃ, bhūvādi. **Gavesa** maggane, curādi.

Dvayaṃ laddhe. **Labha** pattiyam. **Papubbo āpa** byāpane, to, bhujādi, **ālopo**, **pattam**. Bhāvitam, āsāditaṃ, vibhūtañca.

754. **Pālitantaṃ** rakkhanīye, **rakkha** pālāne. **Gupa** gopane, bhujādi. **Tā** pālāne, **tātam**. **Āyāgame gopāyitam**. **Ava** rakkhaṇe, **avitam**.

Catukkaṃ catte. **Saja** vissagge. **Caja** hāniyam. **Hā** cāge, ino, dīghādi, **hīno**. **Ujha** ussagge, **samujjhitam**. Dhūtampi, **dhū** kampane.

755. Pajjam bhāsīte. **Bhāsa** byattiyam vācāyam. **Lapa** byattiyam vācāyam, **vaca** bhāsane, **vuttam**. **Abhipubbo dhā** dhāraṇe, to, **dhātissa hi**, **hi** gamane vā, **abhihitam**. **Khyā** kathane. **Jappa** byattiyam vācāyam. **Īra** khepagativacanakampanesu, **udiritam**. **Katha** vākyapabandhe. **Gada** viyattiyam vācāyam. **Bhaṇa** bhaṇane. **Vada** viyattiyam vācāyam, to, vassu, **uditam**.

756. Catukkaṃ avamānīte. **Ñā** avabodhane. **Gaṇa** sankhyāne. **Bhū** sattāyam. **Māna** pūjāyam, **mana** nāṇe vā, **avaparipubbā** ete paribhūte. Heṭṭhā katvā ñāyati, gaṇiyati, maññatīti **avaññito**,

**avagaṇito, avamānito** ca. Paribhavīyati avamānaṃ karīyatīti **paribhūto**.

Catukkaṃ chāte. **Ghasa** adane, cho, dvittaṃ. Jighacchā sañjātā yassa **jighacchito**. **Khuda** pipāsāyaṃ. **Chāda** bhakkhane. **Bhuja** pālanajjhohāresu, kho, dvittādi, bubhukkhā sañjātā yassa **bubhukkhito**.

757. Chakkaṃ ñāte. **Budha ñā** avagamane. **Pada** gamane, to, **tassa anno, paṭipannaṃ. Vida** ñāne. **Gati** bujhattho. **Avagataṃ. Mana** ñāne, to, **matam**.

Addhaṃ gilite. **Gala** adane, assi, **gilito**. **Khāda** bhakkhane. **Bhuja** pālanajjhohāresu. **Bhakkha** adane. **Adhiavapubbo hara** haraṇe, to, **tassa ṭo, ralopo, ajjhohaṭo. Asa** bhakkhane, **asito**. Jappito, gasitopi, **jappa** adane. **Gasa** adane.

Visesyādhīnavaggavaṇṇanā niṭṭhitā.

## 2. Saṃkiṇṇavaggavaṇṇanā

758. Pubbasmiṃ kaṇḍadvaye buddhādīni nāmāni samānatthāni pakaraṇena nibaddhāni, asmimpi kaṇḍe sobhanādīni visesanānāmāni, samayādīnyanekatthāni, cirassamādīni ca abyayāni pakaraṇeneva nibaddhāni, idāni pana pubbavaggesu vitthārabhayā ye na nibaddhā, taṃsaṅgahatthaṃ, taṃsamayānupālanatthañca saṃkiṇṇamārabhate “**ñe yya**” miccādīnā. Tassattho – **ihāpi** saṃkiṇṇavaggepi **kvāpi** katthaci kriyādīsu **paccayatthavasena āpaccayādīnaṃ** itthilingādibhāvajotakassa sabhāvassa vasena **liṅgaṃ** itthilingādikaṃ ñeyyanti. **Cakārena** bhiyyo rūpantarādi pariṅgahopi. **Ihāti** ca upalakkhaṇaṃ, vaggantaresupī paccayatthavasena liṅgādīnicchayasambhavato.

Kattabbato **kriyā, kara** karaṇe, ṇyo, **ikārāgamo**, assi, vaṇṇavipariyaye kriyā, kriyampi, **ririypaccaye** kiriyāṃ, kiriyāpi. **Ramma**paccaye **kammaṃ**.

Tikaṃ cittopasame. **Samu** upasame,ti, **santi**. **Thamhi samatho**. Amhi **samo**.

Tikaṃ kāyopasame. **Damu** upasame. **Thamhi damatho**. Timhi **danti**. Cittopasamepyete.

Suddhakammaṃ vattaṃ bhavati. **Vatta** vattane, **vatta** samādāne vā **vattaṃ**, asītimahāvattādi.

**Āsaṅgavacanaṃ** āsattavacanaṃ saddasarūpaṃ parāyaṇaṃ nāma vuttaṃ, tañca tīsu. Paraṃ āyanaṃ āyatto tānaṃ **parāyaṇaṃ**, kammāsatto iccattho, sākalyavacane tu parāyaṇaṃ, pāraṃ pariyaṇaṃ ayanti gacchanti kassaci anenāti **pārāyaṇaṃ**, yu, **ṇattaṃ**, yathā – nāmapārāyaṇaṃ, dhātupārāyaṇaṃ.

759. Tikaṃ dvidhābhāve. **Bhidi** dvidhākarāṇe, ṇo. **Dara** vidāraṇe. **Phuṭa** vikasane, **phuṭa** bhedane vā, yu.

Dvayaṃ tappane. **Tapa** pīṇane, yu. **Pī** tappane, yu, kiyādi, **nassa ṇattaṃ**. Avanampi, **ava** pālāne, dītiyañca anekatthattā.

Dvayaṃ sāpe. **Kusa** avhāne, bhedane ca, yu. **Sanja** saṅge, **abhisāngo**.

Tikaṃ yācanāyaṃ. **Bhikkha** yācane, yu. **Yāca** yācane. **Attha** yācane. Addanopyatra, **adda** gatimhi, yācane ca.

760. Nimittarahitaṃ yadicchā nāma, yā yā icchā adhippāyo **yadicchā** nāma. Seritāpi.

Tikaṃ āpucchane, āpucchanañca gamanāgamanādisamaye suhajja bandhavādīnamāliṅgana

cumbanasvāgatapiyavacanārogyapucchanagamanānuññādinā ānandanam. **Puccha** pucchane, **āpucchanam**. **Nanda** samiddhiyam, **ānandanam**. **Sabhāja** pītidassanesu, **sabhāja** pītivacanesu vā, curādi, yu, **sabhājanam**.

Dvayam naye. Ñāyanti yenāti **ñāyo**, ākārantānamāyo. Nyāyopi, nissesato ayati yena **nyāyo**. **Nī** naye, **ayādeso**, **nayo**.

Dvayam vuddhimhi. **Phā** vuddhimhi, **phāya** vuddhiyam vā, **yalopo**,ti, **phāti**, nāriyam. **Vaddha** vaddhane,ti, **dalopo**, dhaḍhabhahehi dhaḍhā ca, assu, **vuddhi**, vuḍḍhipi.

**761. Kilama** hāsakkhaye, tho, **kilamatho**. **Yumhi kilamanam**. **Sū** pāṇipasave, pasavanam **pasavo**, timhi **pasūti**.

**Kasa** gatiyam hiṃsāyañca, niggahītāgamo, **ukkaṃso**, **kasa** vilekhane vā. **Atisayo** vutto. **Bhusādayo** pamāñāṭisayavasena vuttā, **ukkaṃso** guṇāṭisayavasena vutto, **atisayo** pana ubhayavasenaṭi ubhayatra niddiṭṭhānam bhedo. Tikam jayane. Jayanam **jayo**, yu, **jayanam**. Timhi **jiti**, nārī.

**762. Bandhanantāni** dve dve nāmāni. **Vasa** kantiyam. **Kamu** kantiyam,ti. **Vidha** vedhane, byathane ca anekathattā, a, ikārassa **yādeso**, **byadho**, **vedho**. **Gaha** upādāne nibandhane ca, **gaho**, **gāho** ca. **Vara** āvaraṇe, **varo**. **Vu** samvaraṇe,ti, **vuti**. **Paca** pāke, itthiyamatiyavo vā, a. Pacanam **pāko**, ṇo.

Dvayam āhvāne. **Hu** dānādanahabyappadānesu, ṇo, **havo**. Timhi **huti**. Dvayam anubhavane. **Vida** ñāṇe, ṇo, **vedo**. **Vida** vedanākhyānanivāsesu, curādi, yu, **vedanam**, vākāro **vedanāsaddassa** napuṃsakattāpekkho.

**763.** Dvayam dhanādijāniyam. **Jara** vayohānimhi, yu, **jīraṇam**, assī. **Hā** cāge, yu, nadādi, rasso, **hassa jo**, **jāni**. **Tā** pālāne, yu, **ṇattam**. Dvayam pamāṇe. **Mā** māne,ti, **pamiti**. Amhi **pamā**.

Dvayam saṃyoge. **Silisa** āliṅgane. **Sampubbo dhā** dhāraṇe, i, sandhanam **sandhi**. Dvayam khaye. **Khi** khaye, ṇo, isse, e aya, **khayo**. **Ci** caye, **apapubbo** khaye. Dvayam sadde. **Ru** sadde, ṇo, vuddhyādeso. **Raṇa** sadde. A, **raṇo**.

**764. Gada** byattiyam vācāyam, ṇo, a ca, **nigādo**, **nigado** ca. Dvayam made. **Mada** ummāde, **mādo**, **mado** ca. **Si** bandhane,ti, **siti**.

Tikam ākāre. Ākaraṇam **ākāro**, anekathattā mukhavañkādyāṅgavikāro vā, iṅgati jānātīti vā yena ākāro. **Iṅga** gamanatto, to, a ca, **iṅgitam**, **iṅgo** ca. **Atthassa** dhanassa **apagamo** vināso **byayo** nāma. **Byaya** cittasamussagge.

**765.** Dvayam antarāye. Cutipaṭisandhīnamantare ayatīti **antarāyo**. Paṭipakkhavasena ūhati pavattatīti **paccūho**, atha vā kāriyasiddhi antaram byavadhānam ayati gamayatīti **antarāyo**. Paccūhantī vinihantīti **paccūho**.

Vikaraṇam aññathā bhavananti **vikāro**, **vikati ca**, **kara** karaṇe, ṇo,ti ca.

Dvayam sabhāvavigame. **Silisa** āliṅgane, **pavipubbo** taṃsabhāvavigame, vigato dhuro sadisabhāvo yasmāti **vidhuro**, “vidhuraṃ pavisilese, klivañca vikale tisū”ti [[cintāmaṇiṭṭikā 22.20](#)] **rabhaso**. **Vidha** vidhāne vā, uro. Dvayam āsane. **Visa** pavesane, **upavesanam**. **Āsa** upavesane, **āsanam**.

**766.** Tipādam adhippāye. Cittamadhyāgantvā sayatīti **ajjhāsayo**. Anamipubbe **āsayo**. Adhipayati citteti **adhippāyo**, ṇo, **paya** gamane. Citte abhisandhāyatīti **abhisandhi**, dvīsu. Bhavati

citteti **bhāvo**, ño. Adhimuccanaṃ citte adhiṭṭhānaṃ **adhimutti**, nārī. **Chando** taṅhāyampi vutto.

Dvayaṃ ādīnave. **Doso** paṭighe vutto. Ā bhuso dīnaṃ vāyati gamayaṭīti **ādīnavo**, **dīna** duggatabhāve, vo, **vī** gamane ca.

767. Dvayaṃ ānisaṃse. **Sam̐sa** hiṃsāthutīsu, **ānisaṃso** amukhyaphale, mukhyaphale ca, tathā **guṇo**. **Guṇa** pakāsane, pakāseti kāraṇanti **guṇo**, **gaṇa** saṅkhyāne vā, assu, **guṇo**. Dvayaṃ majjhe. **Maja** suddhiyaṃ, jho. **Vipubbe vemajjhaṃ**.

Dvayaṃ taruṇasūriyaṭṭhāne. Ahassa majjho majjhaho, so eva **majjhanhiko**, **hassa nho** [moggallāna 3.110 suttaṃ passitabbam]. Ahassa majjho **majjhanho**, **majjhantopi**. Dvayaṃ nānattāyaṃ. Vigatā mattā sadisappamaṇaṃ etena hetubhūtena **vemattaṃ**. Nānameva **nānatā**, **nānasaddo** punnapuṃsake, abyaye tu nānā.

768. Dvayaṃ niddāpaṭikkhepe. **Jāgara** niddakkhaye, jāgarameva **jāgariyo**. Dvayaṃ jalādīnamavicchannāyaṃ santatiyaṃ. **Vahatismā** ño, **pavāho**. **Vatu** āvattane,ti, **pavatti**.

Tikaṃ vitthāre. **Asu** khepane, ño, **byāso**. **Papubbo pañca** vitthāre. **Thara** santharaṇe, **pādi**pubbo ca vitthāre. Tikaṃ saṃyame. **Yamu** uparame, ño, **yāmo**. Itaresu a.

769. Dvayaṃ gattānaṃ maddane. “Sambāhano’ngamaddako”ti **vopālito**, **saṃpubbo vāha** payatane, maddane vā, yu. **Madda** maddane. Dvayaṃ nānārammaṇādīsu visappane. **Sara** gamane, ña. **Sappa** gamane, yu, **visappanaṃ**.

Dvayaṃ paricaye. **Thu** abhitthave. **Ci** caye. Tikaṃ saṅgame. **Mila** silesane, ño, sakatthe ko, **melako**. **Sanja** saṅge, ño. **Sam̐pubbā gamito** a.

770. **Sannikaṭṭhamhi** samīpe **sannidhisaddo**, sannidhānaṃ **sannidhi**, pume, ṭhapanepyayaṃ. **Nasa** adassane, ño. **Disa** pekkhane, yu, dissādeso, issattaṃ.

Tikaṃ dhaññādīnaṃ lavane. **Lū** chedane, a. **Ṅamhi abhilāvo**. **Yumhi lavanaṃ**. Dvayaṃ khaṇappattiyaṃ. **Papubbo thu** abhitthave. **Sara** gamane, **avasaro**. **Samāti** dve tulyatthā.

771. Catukkaṃ pariyosāne. **Sā** tanukaraṇe, yu, **osānaṃ**. **Paripubbo pariyosānaṃ**. Ukkamsātisayā pakatṭhepyuttā.

Dvayaṃ saṅthāne. **Visa** pavesane, **sanniveso**. **Ṭhā** gatinivattiyaṃ, yu, **saṅthānaṃ**. Dvayaṃ abbhantaravācakaṃ paṭipadikaṃ. Atha vā **abhi** bandhane, aro, dhātvatthānuvattako **abhi**, **abbhantaraṃ**. Abbhābhāve **antaraṃ**.

772. Tikaṃ pāṭihāriye. **Hi** gatimhi, paṭito hissa herāṇa hīraṇa, **pāṭiheraṃ**, **pāṭihīraṃ**. Yadādīnā hāriyaṅca, **pāṭihāriyaṃ**, atha vā paṭipakkhe haratīti **pāṭihīraṃ**, ño, assī. **Ekārādeso pāṭiheraṃ**. **Ṅyamhi pāṭihāriyaṃ**, vihatupakkilesena paccāharitabbam̐ pavattetabbanti **pāṭihīranti**ādipi kātabbam̐.

Dvayaṃ kattabbamate. **Karamhā** ricca, **kiccaṃ**, avassaṃ kātabbepi. **Anīyapaccaye karaṇīyaṃ**.

Dvayaṃ pupphādīnā udakādīnaṃ paribhāvane. Sundaraṃ karīyate yenāti **saṅkhāro**, ño, **kharādeso**. **Vasa** nivāse, yu, **vāsanā**, kilesādīnaṃ sattivisesepi. Sā hi kusalāpi atthi akusalāpi abyākāṭāpi, tathā pahātabbāpi atthi appahātabbāpi. Tattha yā kusalābyākāṭā, na sā pahātabbā. Yā pana akusalā, sā sukhumataratāya bhagavatoyeva ariyamaggena pahātabbā, nāññesaṃ. Evaṃ sante ariyānampi apāyūpapatti siyāti? Na siyā, sabbesameva ariyānaṃ apāyūpapattihetukāya vāsanāya pahīnattā. Duvidhā hi akusalā vāsanā kāyavacīpayogahetubhūtā ca apāyūpapattihetubhūtā ca. Tattha

purimā bhagavatoyeva ariyamaggena pahātabbā, itarā sabbesampi ariyamaggenāti, tasmā yaṃ vuttam “buddhāva savāsane kilese pajahitum sakkonti, nāññe”ti, taṃ kāyavaciṭṭipayogahetubhūtam vāsanam sandhāya vuttam, netaranti niṭṭhametthāvagantabbam.

773. Tikam dhaññādīnam pūtakaraṇe. **Pū** pavane, yu. Apaccaye **pavo**. **Ṇamhi nippāvo**. Dvayam tasare. **Tasa** ubbege, aro. Suttana veṭhanam **suttaveṭhanam**.

Dvayam duggasañcāre. Saṅkamyate yenāti **saṅkamo**. Sañcaranti anenāti sañcāro, duggassa sañcāro **duggasañcāro**. Dvayam paṭhamārambhe. Paṭhamam kamo **pakkamo, upakkamo** ca.

774. Tikam pāthe. **Paṭha** viyattiyam vācāyam, ṇo, **pāṭho**. Nipubbe **nipāṭho, amhi nipaṭho**. Dvayam apaharītādīno vatthuno anvesane. **Ci** caye, cayanamatra anvesanam. **Magga** anvesane, curādi, yu, ete dve apume, saṃvikkhanampyatra.

Catukkam ālingane. **Liṅga** gatyattho. **Sanja** saṅge. **Silisa** ālingane. **Guha** saṃvaraṇe, yu, parirambhopyatra. **Rambha** sadde.

775. Catukkam ālokane. **Loka** dassane. **Jhe** cintāyam. **Ikkha** dassanañkesu. **Disa** pekkhane, sabbatra bhāve yu.

Catukkam nirākarāṇe. **Disa** pekkhane. **Asu** khepane, **nirasanam**. **Pati** āpubbo **khā**kathane. **Kara** karaṇe, itthiyamatiyavo vā,ti.

776. Pañcakaṃ vipariyaye. **Viparipubbo** **asu** khepane, ṇo, **vipallāso**. Aññena pakārena bhavanam **aññathābhāvo**. **Viparipubbo** **aya** gamane, **vipariyayo**. **Asu** khepane, **vipariyāso**.

Tikam atikkame. Atikkamanam **atikkamo**. Atikkamma patanam **atipāto**. **Aya** gamane, **upaccayo**.

Samkiṇṇavaggavaṇṇanā niṭṭhitā.

### 3. Anekatthavaggavaṇṇanā

777. Idāni samkiṇṇavaggato anantaram gāthāto, gāthāya addhato, pādato cāti imehi tīhi pakārehi **anekatthe** nānatthe **samayādike** sadde **kamā** kamato pavakkhāmi. **Ettha** anekatthavagge **ekassa bhūtasaddādikassa** yā punaruttatā, sā thīpunnapuṃsakasañkhātalingavisesattham katā.

778. Samavāyatthādivācake bahavo **samayasadde** jātiyā saṅgayha “samayo”ti ekavacananiddeso kato. Tatra “kālañca samayañca upādāyā”tyādīsu [dī. ni. 1.447] samavāye paccayasāmaggiyam. “Mahāsamayo pavanasmim, devakāyā samāgatā”tyādīsu samūhe. “Samayopi kho te bhaddāli appaṭividdho”tyādīsu [ma. ni. 2.135] kāraṇe. “Ekoyeva ca kho khaṇo ca samayo cā”tyādīsu [a. ni. 8.29] khaṇe okāse. “Abhisamayattho”tyādīsu paṭivedhe. “Ekaṃ samayam bhagavā”tyādīsu [dī. ni. 1.1] kāle. “Sammā mānābhīsamayā”tyādīsu [ma. ni. 1.28] pahāne. “Atthābhīsamayā dhīro”tyādīsu lābhe [saṃ. ni. 1.129]. “Samayappavādake tindukācīre”tyādīsu [ma. ni. 2.208] diṭṭhiyam.

Tattha sahakārīkaraṇatāya sannijjam sameti samavetīti **samayo**, samavāyo. Samam, saha vā avayavānam ayanam pavatti avatṭhānanti **samayo**, samūho, yathā – samudāyoti avayavasahāvattṭhānameva hi samūhoti. Avasesapaccayānam samāgame eti phalam etasmā uppajjati pavattati cāti **samayo**, kāraṇam, yathā “samudāyo”ti. Sametisamāgacchati ettha maggabrahmacariyam tadādhārapuggalehīti **samayo**, khaṇo. Abhimukham ñāṇena sammā etabbo avagantabboti **abhisamayo**, dhammānam aviparīto sabhāvo. Abhimukhabhāvena sammā eti gacchati bujjhatīti **abhisamayo**, dhammānam aviparītasabhāvāvabodho. Sameti ettha, etena vā saṅgacchati satto, sabhāvadhammo vā saha jātādīhi, uppādādīhi vāti **samayo**, kālo, dhammappavattimattatāya

atthato abhūtopi hi kālo dhammappavattiyā adhikaraṇaṃ viya, karaṇaṃ viya ca parikappanāmattasiddhena rūpena vohariyatīti. Samassa nirodhassa yānaṃ, sammā vā yānaṃ apagamoti **samayo**, pahānaṃ. Samiti saṅgati samodhānanti **samayo**, paṭilābho, sameti sambandho eti attano visaye pavattati, daḥaggahaṇabhāvato vā sampayuttā ayanti pavattanti sattā yathābhinivesaṃ etenāti **samayo**, diṭṭhi. Diṭṭhisamyojanena hi sattā ativiya bajjhantīti, evaṃ tasmim tasmim atthe **samayasaddassa** pavatti veditabbā. **Samayasaddassa** atthuddhāre **abhisamayasaddassa** udāharaṇaṃ sopasaggo, anupasaggo ca **samayasaddo** samavāyādyatthavācako hotīti dassanattamaṃ. Evaṃ sabbatra udāharaṇaṃ taṃtadatthānurūpanibbacanādayo daṭṭhabbā.

**779. Saṅghānaṃ** dīgharassādi. **Rūpaṃ** rūpāyatanaṃ, **jāti** khattiyādikulaṃ. **Chavi** bahicammaṃ, **pamānaṃ** mariyādo. **Akkharaṃ** akārādi, **yaso** parivāro, kitti ca. **Guṇo** sīlādi, tapaniyepi **vaṇṇo**.

**780. Pātimokkhassa** bhikkhubhikkhunīnaṃ vasena duvidhassa pātimokkhassa uddese “saṅgho uposathaṃ kareyyā”ti [mahāva. 134]. Paṇṇattiyāṃ “uposatho nāma nāgarājā”ti [dī. ni. 2.246]. **Upavāso** vutto. **Aṭṭhaṅgo** “pāṇātipātā veramaṇi”ādi. **Uposathadināṃ** “ajjuposatho pannaraso”tyādīsu [mahāva. 168].

**781-782. Rathaṅgaṃ** cakkadvayaṃ. **Lakkhaṇaṃ** cakkalakkhaṇaṃ. “Mayā pavattitaṃ cakka”ntyādīsu [su. ni. 562] **dhammacakke**. **Uracakkaṃ** nāma khuracakkaṃ “cakkaṃ bhamati matthake”ti [jā. 1.1.104; 1.5.100]. “Catucakkaṃ navadvāra”ntyādīsu [sam. ni. 1.29] **iriyāpathacakke**. “Cattārimāni, bhikkhave, cakkāni, yehi samannāgatānaṃ devamanussānaṃ catucakkaṃ vattati”tyādīsu [a. ni. 4.131] **sampatticakke**. “Pitarā pavattitaṃ cakkaṃ anuvatteti”tyādīsu [a. ni. 5.132] **cakkaratane**. **Maṇḍalaṃ** “alātacakka”ntyādīsu “asaniwicakka”nti [dī. ni. 3.61; sam. ni. 2.162] ca. **Balaṃ** thāmo. **Kulālo** kumbhakāro, tassa bhaṇḍe kulālacakkanti. **Āṇāyaṃ** “cakkaṃ vattayati pāṇīna”nti [jā. 1.7.149]. **Āyudhe** cakkākāre āyudhe. **Dānaṃ** deyyadhammo. **Rāsi** khandho. Saddhagāthāpi gāthāyeva.

“Daṇḍakā caṇḍavutṭhyādi, pādehi chahi tīhi tu;  
Gāthāti ca paratthevaṃ, chandosañña pakāsītā.

Anantaroditaṃ cañña-metaṃ sāmāññanāmato;  
Gāthāicceva niddiṭṭhaṃ, munindavacane panā”ti [vuttodaya 14-15 gāthā] hi vuttaṃ.

**783.** “Kiṃ te vataṃ kiṃ pana brahmacariyaṃ,  
Kissa suciṇṇassa ayaṃ vipāko;  
Iddhijutibalaviriyūpapatti,  
Idaṅca te nāga mahāvīmānaṃ.

Ahaṅca bhariyā ca manussaloke,  
Saddhā ubho dānapatī ahumha;  
Opānabhūtaṃ me gharaṃ tadāsi,  
Santappitā samaṇabrāhmaṇā ca.

Taṃ me vataṃ taṃ pana brahmacariyaṃ,  
Tassa suciṇṇassa ayaṃ vipāko;  
Iddhijutibalaviriyūpapatti,  
Idaṅca me dhīra mahāvīmāna”nti [jā. 2.22.1592, 1593, 1595]

Imasmim vidhuraṇḍitajātake **dānasmim** āgato.

“Taṃ kho pana pañcasikha brahmacariyaṃ neva nibbidāya na virāgāya yāvadeva brahmalokūpapattiyā”ti [dī. ni. 2.329] imasmim mahāgovindasutte **appamaññāsu**. “Tayidaṃ brahmacariyaṃ iddhañceva phītaṅca vitthārikaṃ bāhujaññaṃ puthubhūtaṃ yāvadeva manussesu

suppakāsita’nti [dī. ni. 3.174] pāsādikasutte sikkhattayasaṅgahe sakalasmim̐ **sāsane**. “Pare abrahmacārī bhavissanti, mayamettha brahmacārino bhavissāmā”ti [ma. ni. 1.83] imasmim̐ sallekhasutte **methunā viratiyaṃ**.

“Kena pāṇi kāmadaḍḍo, kena pāṇi madhussavo;  
Kena te brahmacariyena, puññaṃ pāṇimhi ijjhati.

Tena pāṇi kāmadaḍḍo, tena pāṇi madhussavo;  
Tena me brahmacariyena, puññaṃ pāṇimhi ijjhatī”ti [pe. va. 275]. –

Imasmim̐ aṅkurapetavatthumhi **veyyāvacce**.

“Mayañca bhariyā nātikkamāma,  
Amhe ca bhariyā nātikkamanti;  
Aññatra tā brahmacariyaṃ carāma,  
Tasmā hi amhaṃ daharā na miyyare”ti [jā. 1.10.97]. –

Mahādhammapālaḷātake **sadāratuṭṭhiyaṃ**.

“Evaṃ kho taṃ, bhikkhave, tittiriyaṃ nāma brahmacariyaṃ ahoṣī”ti [cūḷava. 311] imasmim̐ tittirajātake **pañcasīle**.

“Idaṃ kho pana pañcasikha brahmacariyaṃ ekantanibbidāya virāgāya...pe... ayameva ariyo aṭṭhaṅgiko maggo”ti [dī. ni. 2.329] mahāgovindasuttēyeva **ariyamagge**.

“Hīnena brahmacariyena, khattiye upapajjati;  
Majjhimena ca devattaṃ, uttamena visujjhatī”ti [jā. 1.8.75]. –

Nimijātake attadamanavasena kate **aṭṭhaṅguposathe**.

“Abhijānāmi kho panāhaṃ, sārīputta, caturaṅgasamannāgataṃ brahmacariyaṃ caritvā tapassi sudaṃ homī”ti [ma. ni. 1.155] lomahaṃsasutte dhitisāṅkhāte **vīriye**.

**784. Sabhāvo** aviparītatto. **Pariyatti** pariyāpuṇitabbā vinayābhidhammasuttantā. **Ñāyo** yutti, sappatipadā vā maggādayo. **Ñeyye** saṅkhāravikāralakkhaṇanibbānapaññattivasena pañcavidhe ñeyye. **Nissattatā** sattasabhāvassa abhāvata. **Āpattiyaṃ** “pārājikaṃ dhamma”nti. “Saha dhammena niggaḷhā”tyādīsu kāraṇe. **Ādinā** samayaññūpamāhiṃsādīsupi **dhammo**.

**785. Payoḷanaṃ** phalaṃ. **Saddābhidheyye** saddatthe. **Vuḍḍhiyaṃ** vaḍḍhane. **Vatthumhi** dabbe. **Nāse** vināse. **Pacchimappabbate** atthagirimhi. Nivattivisayuppattisabhāvādīsupi.

**786. Yebhuyyatā** bāhulyatā. **Abyāmissaṃ** asammissaṃ. **Visamyoḷe** vippayoge. **Dalhatthe** dalhasaddassa atthe. **Anatireke** atirekābhāve. **Anavasesamhi** sabbasmim̐, **taṃ kevalavacanaṃ** tīsu līngesu.

**787.** Paṭalaṃ “diguṇaṃ saṅghāṭim̐ pārūpitvā”tyādīsu [mahāva. 348]. “Vayoguṇā anupubbaṃ jahanti”ti [saṃ. ni. 1.4] rāsīmhi. “Sataguṇā dakkhiṇā pāṭikaṅkhitabbā”ti [ma. ni. 3.379] ānisaṃse. **Bandhanaṃ** kāmaguṇaṃ. **Appadhāne** visesane. **Jiyāya** dhanuno.

**788-789. Rukkhādo** dumādimhi. **Vijjamāne** bhūtaguṇe. **Arahante** “yo ca kālaghaso bhūto, sabhūtapaciniṃ paci”ti [jā. 1.2.190]. Khandhapañcake “bhūtamidaṃ, sārīputta, samanupassathā”ti [ma. ni. 1.401]. **Satte** pāṇimhi. **Mahābhūte** pathavādike. **Amanusso** devarakkhasādi. Vijjamānatthavajjite rukkhādo nāriyaṃ na bhavati, vijjamānatthe, pana atītādīsu ca vāccalīngo. **Patte** sampatte. **Same** tulyatthe.

790. **Sajjane** sappurise.

791. Padapūraṇe “suttanta vanantā”tyādīsu. **Dehāvayave** “antaṃ antaṅṇa”ntyādīsu [khu. pā. 3.dvattiṃsākāra]. Deho ca avayavo cāti eke. Koṭṭhāse “ayameko anto”tyādīsu [a. ni. 6.61]. **Lāmakam** nihīnakam.

792. **Nikāyo** sadhammīnaṃ gaṇo. **Sandhi** paṭisandhi. **Sāmaññe** visesādhāre. **Pasūti** mātukucchito nikkhamaṇaṃ, **kulaṃ** khattiyādikulam. **Bhavo** bhavanakriyā. **Visesyo** upādhi, yassa vasena bhinnesu sabalādīsu abhinnā dhīsaddā vattante. **Sumanāyam** mālatiyam. **Saṅkhatalakkhaṇe** saṅkhatadhammānaṃ lakkhaṇe.

793. **Bhavabhedo** kāmabhavādi. **Paṭiṭṭhāyam** nissaye. **Niṭṭhā** nipphatti. **Ajjhāsayo** adhippāyo. **Buddhi** ñāṇaṃ. **Vāsaṭṭhānaṃ** vasanaṭṭhānaṃ. **Visarattaṃ** visaraṇabhāvo. “Visadatthe”tipi pāṭho, tadā **sadadhātussa** visaraṇatthatā daṭṭhabbā.

794. **Phale** sotāpattādike. Aniccādiānupassanā **vipassanā** nāma. **Magge** sotāpattimaggādike.

795. **Kammāruddhanaṃ** kammārānaṃ uddhanaṃ, kammārānaṃ yathā ukkāti. **Āṅgārakapallaṃ** āṅgārānaṃ bhājanaṃ. **Dīpikā** nāma madhucchiṭṭhādīmayā padīpakiccakārikā. **Suvaṇṇakāramūsā** mattikamayā ekā bhājanavikati. Vāyuno vege ca **ukkāsaddo**, yo “devadudrabhī”ti vutto.

796. **Kesohāraṇaṃ** kesānaṃ lavanaṃ. **Jīvitavutti** jīvitassa vattanaṃ. **Vapanaṃ** bijassa vapanaṃ. **Vāpasamakaraṇaṃ** vapitassa bijassa samakaraṇaṃ. **Pavuttabhāvo** bandhanā mutti.

797-798. **Suto** vissute pākaṭe. **Avadhārite** upalakkhite. **Upacite** rāsikate. **Anuyogo** pucchā. **Kilinne** tinte. **Sotaviññeyyaṃ** saddāyatanaṃ. **Satthaṃ** saddasatthādi, sutanāmako vā eko satthaviseso. Etesu dvīsu atthesu **sutaṃ** napuṃsakaṃ. Putte **suto** pulliṅgo, rājiniṇi **suto**.

799. **Yuge** katādicatukke. **Leso** anumānañāṇavisayo. **Paññattiyam** “kappatthero”ti. **Paramāyumi** “kappaṃ saggamhi modatī”ti. Aññatra kappādīsu pulliṅge. Sadise pana tīsu liṅgesu. **Samaṇavohāro** vinayāgato samaṇānaṃ vohāro. **Kappabindu** cīvare katabindu. **Samantatte** samantabhāve. **Antarakappo** mahākappassa asītimo bhāgo. **Ādisaddena** asaṅkhyeyyamahākappe saṅgaṇhāti. **Takke** vitakke. **Vidhi** vidhānaṃ.

800. **Virati** viratittayaṃ. **Sapatho** akkoso. **Tacche** tathabhāve. **Ariyasaccamhi** dukkhasaccādike. **Diṭṭhi** micchādiṭṭhi.

801. **Sañjātideso** “kambojo assāyatana”nti. **Vāsaṭṭhānaṃ** nivāsaṭṭhānaṃ “devānaṃ devāyatana”nti. **Ākaroti** yattha suvaṇṇarajatādayo uppajjanti. **Samosaraṇaṭṭhānaṃ** bahūnaṃ sannipātaṭṭhānaṃ. **Padapūraṇe** “kammāyatanaṃ, sippāyatana”nti.

802. **Vatthaṃ** ambaram. **Añño** yo sako na hoti. **Odhi** mariyādo. **Bhedo** viseso. **Manasipi** cittepi.

803. **Vipāke** iṭṭhavipāke **kusalo**. Anavajjādīsu vāccaliṅgiko.

804. **Dravo** madhvādi. **Madhurādīsu** chasu rasesu. **Pārado** sūto. **Siṅgārādo** nava nāṭyarase. Rasarattamaṃsamedatṭhisukkaṭṭhimiṅjavasena satta **dhātavo**, tabbhede. **Kicce** phassādīdhammānaṃ saṅghaṭṭanādīkicce. **Sampatti** tesamyeva.

805. **Bodhisaddo** ñāṇadvaye nāriyaṃ, bodhirājakumārādīpaññattiyam pume. Assattharukkhe pumitthiyaṃ.

**806. Yena** kattubhūtena **yo** kammabhūto niccasevito, **tatthāpi** kammabhūte. **Visayo** anaññathābhāvo. **Janapade** kuruādike. **Gocare** tabbahulācāre.

**807. Sattāyaṃ** vijjamānatāyaṃ.

**808.** Bandhave **so** pume. Attani **saṃ** napuṃsake. Dhanasmiṃ **so saṃ** anitthiyaṃ. Sunakhe **sā** pume vutto. Attaniye **so** tilīngiko.

**809. Chavisampattiyaṃ** chaviyā sampattiyaṃ.

**810. Jāmātā** dhītusāmiko. **Mandappiye** appapiye **varam** abyayaṃ.

**811. Makule** avikāsasampatte. **Nettiṃsādipidhāne** khaggādīnaṃ gehe.

**812. Pitāmaho** brahmā. **Pitūsu** mātāpitūsu. **Tathā** pakkhantare. **Tapasi** sīle.

**813-814. Majjhabandhe** urobandhane. **Pakoṭṭho** kapparassādhobhāgo. **Kacchabandhanaṃ** adhombarassa dalḥabandhanaṃ. Mekhalāyañcāti **kacchā** catūsvatthesu. **Kaccho** latādīsu. **Kaccho bāhumūlamhi** parūḥhakacchanakhalome, ‘‘kacchehi sedā muñcantī’’ti. **Anūpo** bahūdakadeso.

**815. Mānaṃ** tulāpatthaṅgulīhi. **Pamātari** pamāṇassa kattari.

**816. Dabbaṃ** dhanaṃ. **Attabhāvo** pañcakkhandhasamūho. **Pāṇo** jīvitindriyaṃ. Dabbādīsu catūsu **sattaṃ. Sattāyaṃ** vijjamānatāyaṃ **sattā**. Jane **satto**. **So sattasaddo, āsatte** laggite tilīngiko.

**817. Semhādo** tidose. **Rasarattādi** pubbevutto. **Pabhādike** rūpadhātumhi. **Cakkhādike** visayadhātumhi.

**818.** Amaccādikā satta pakatiyo vuttā. **Sattādisāmyavatthā** sattarajatamabhūtānaṃ tiṇṇaṃ guṇānaṃ sāmyavatthā. **Paccayā ṇapaccayādito paṭhame** paṭhamasañṭhite **karotyādīdhātumhi**.

**819. Parittāṇaṃ** rakkhaṇaṃ. **Vatthumhi** okāse. **Tallañchanaṃ** pādassa ṭhānaṃ.

**820. Lohamuggare** lohamaye muggare. **Tālādike** sammatāḷakaṃsatālādike. **Kaṭhine** kakkhaḷe.

**821. Makkhikā** nīlamakkhikādīkā. Tāsaṃ bhedā savisā madhukatā piṅgalamakkhikā. Madhumhi **khuddaṃ** appakādīsu catūsvatthesu vattamānaṃ tīsu liṅgesu. **Adhamo** nihīno. **Kapaṇo** ekacārī.

**822. Takke** gorasavisesse. **Maraṇaliṅge** maraṇañāpakalakkhaṇe. Asubhe, subhe cāti catūsvatthesu **ariṭṭhaṃ. Āsavo** majjaviseso. **Pheṇiladdumo** ‘‘baḍī-yau-kho’’.

**823.** Gehānaṃ dārubandhappayojanaṃ **pīṭhikā** nāma. Pakkhandadvayassa, kaṇṇikādīnañca nissayabhūtā pīṭhikā.

**824. Mittākāre** amittassāpi mittasañṭhāne. Bale, rāsīmhi, vipattiyañca, ‘‘balassa rāsī’’tipi eke.

**825. Khandhe** rūpakkhandhe. **Bhave** rūpabhava. **Nimittamhi** kāraṇe. **Vapu** sarīraṃ.

**826. Vatthukilesakāmesūti** vatthukāmakilesakāmesu. **Madane** māradevaputte. **Rate** methune. **Nikāme** icchārahite **kāmaṃ** napuṃsake. Anuññāyaṃ **kāmamabyayaṃ** bhava.

**827. Vajjabhaṇḍamukhe** vīṇādoṇimukhe. **Mātaṅgassa** hatthino **karakoṭi** hatthaggaṃ.

**828. Rambho** saṭṭyaṃ, ketavantyattho. **Asaccaṃ** musā. **Ayoghanam** yena paharati. **Girisingamhi** giragge. **Sīraṅge** phālaṅge. **Yante** kūṭayante.

**830. Paṭivākye** paṭivacane. **Uttarāsaṅge** uparivatthe. Setṭhādīsu **uttaro** tīsu, parasmim uparismiṅca īrito.

**831. Vimutti** arahattaphalaṃ magganibbānānīpi.

**832. Saṅkhate** paccayābhisaṅkhate dhamme. Puññābhisaṅkhāro, apuññābhisaṅkhāro, āneñjābhisaṅkhāroti **puññābhisaṅkhārādi**. **Payogo** ussāho. Kāyasāṅkhāro, vacīsāṅkhāro, cittasāṅkhāroti **kāyasāṅkhārādi**. **Abhisaṅkharāṇaṃ** abhisaṅkharāṇakriyā.

**833. Tabbhāve** diṭṭhisahagataṃ.

**834. Patirūpe** yutte. **Chādite** tiṇādīhi. **Raho** suññaṭṭhānaṃ. **Paññattiyam** channo bhikkhu, paññattiyāmyeva pume.

**835. Buddhacakkhu** buddhānaṃ cakkhu. **Samantacakkhu** sabbaññutaññaṃ. **Dhammacakkhu** heṭṭhāmaggattaye ñāṇaṃ.

**836. Abhikkamo** abhikkamanīyo.

**837. Vevacanaṃ** abhinnattho saddo. **Pakārasmiṃ** bhede. **Avasaro** avakāso.

**838. Cittakammaṃ** cittakārānaṃ kammaṃ. **Vicitte** nānāvidhe. **Paññattiyam** citto dhanudharoyeva. **Cittamāso** puññenduyuttena cittena nakkhattena lakkhito māso. **Tārantare** cittanakkhatte. **Thiyam** nāriyaṃ.

**839. Sāmāle** nīle. **Sayamatthe** sayamaṃsaddassa atthe. **Sārivā** upāsakā.

**840. “Pume”** tyādinā pubbaddhena **gurusaddassa** atthā vuttā, aparaddhena **garusaddassa**, “ekadesekattamaññaṃve” ti nyāyena dvinnampi ekattamaññaṃānena gāthānekattavagge kathitā. **Mahante** bahutte. **Dujjare** jīrāpetumasakkuṇeyye, dukkare vā.

**841. Accite** pūjite. **Khinne** kilamathappatte. **Samite** upasamite.

Gāthānekattavaggavaṇṇanā niṭṭhitā.

**842. Visuddhidevo**, sammutidevo, upapattidevo cāti **visuddhidevādi**. **Nabham** ākāso.

Taruṇādīsu tīsvatthesu **māṇavo**.

**843. Ādyatthādīsu** **aggam**. **Vare** setṭhe tīsu.

**Paccanīko** sattu. **Aññe** aññatthe. **Pacchābhāge** “dhātulingehi parā paccayā” ti.

**844. Yoni** itthīnaṃ yonimaggo. **Kāmo** icchā. **Sirī** paññā, puñño ca. **Issaram** pabhutā. **Dhammo** sīlādi. **Uyyāmo** vīriyaṃ. **Yaso** parivāro, kitti ca.

**845. Samaṅgini** samannāgate.

**846. Ṭhiti** ṭhānakriyā.

848. **Khandhakoṭṭhāso** aṇḍajādicatukkaṃ. **Passāvamaggo** itthīnaṃ yoni. **So** pulliṅgo. **Kūle** tīre.
849. **Nāgotunāgasaddo** tu. **Urage** sappe, hatthini ca.
850. **Saṅkhyā** gaṇanā. “Aññatthe”’tyeke vadanti.
851. **Bhe** nakkhattavisesse. **Santike** samīpe. **Mūlamūle** lobhādike. **Pābhate** mūladhane. **Aṃso** sarīrāvayavo. **Pakaṇḍe** rukkhādīnaṃ sarīre.
852. **Kamme** kriyāyaṃ. **Vikopanaṃ** viddhaṃsanaṃ.
853. **Pacchātāpo** vippaṭṭisāro. **Anubandho** punappunaṃ pavattanaṃ. **Rāgādo** sattake. **Mātaṅgassa** muddhani piṇḍadvaye **kumbho**.
854. **Khaggakose** khaggapīdhāne. **Paṭicchade** samantato chādane. **Sārambhe** kolāhale.
855. **Kālaviseso** dasaccharakālo. **Nibyāpāraṭṭhiti** aciraṭṭhiti, **aciraṭṭhitī** dasaccharatopi ūnaṭṭhiti.
- Uppattibhūmi** jātibhūmi.
856. **Kabalīkārāhārādīsu** catūsu.
857. **Saddhāya** aparappaccaye. **Cīvarādīsu** catūsu. **Ādhāro** nissayo.
- Dibbavihāro**, **ariyavihāro**, **brahmavihāro** cāti **dibbavihārādi**. **Sugatālaye** bhikkhūnamāvāse.
858. **Samattane** niṭṭhāyaṃ. **Cakārena** niyamādike saṅgaṇhāti.
- Saṅge** lagge. **Kāmādo** catukke.
859. **Sappaphaṇṅesūti** sappassa phaṇe, aṅge ca sarīre. **Koṭille** kuṭilatāya. **Bhuñjanaṃ** bhojanakriyā.
- Bhūmibhāge** rājaṅgaṇādīmhi. **Kilese** saṃkilese. **Male** rāgādike.
860. **Dhanādidappeti** dhanādike paṭicca uppanne dappe.
- Nimitte** kāraṇe. **Chale** saṭṭhaye.
861. **So** pulliṅgo. **Paramattani** diṭṭhīnaṃ gāhaladdhe attani. **Thambhasmiṃ** gehādīnaṃ thambhe. **Balasajjanaṃ** yuddhakāle balassa sajjanaṃ.
862. **Kusūlo** dhaññādīnaṃ gehaṃ.
- Sopānaṅgamhi** sopānasīse.
863. **Niyyāse** silese. **Sekhare** sīse. **Nāgadantake** bhittiādīsu pavesite nāgadantākāre daṇḍe.
- Sikhaṇḍo** piñchaṃ. **Tūṇīre** usunidhimhi. **Nikare** samūhe.
864. **Samyatakesesu** bandhitakesesu.

**Kambu** jalajantuviseso. **Nalāṭaṭṭhi** nalāṭe jātaṭṭhi. **Goppake** pādagaṅṭhimhi.

**865. Kāle** pañcadasīdivasaparimāṇe. **Sādhye** pattasādhanīye. **Sakhī** sahāyo. **Vājo** pattaṃ. **Paṅguḷo** pīṭhasampī.

**Dese** desaviseso. **Aṅṅave** samudde, ete pume. **So sindhusaddo saritāyaṃ** nadiyaṃ bhavo.

**866. Kareṇusaddo gaje** hatthimhi, **purise** pulliṅge vattati. **Hatthiniyaṃ** tu itthiyaṃ.

**Ratane** ratanaviseso. **Maṇivedho** nāma yaṃ loke “cina” iti vuccati. **Indaheti** indāvudho.

**867. Koṭiyaṃ** ante. **Vādittavādane** vīṇādivādittavādanopāye.

“Koṇo vajjappabhede ca,  
Koṇo selaguḷe ije;  
Vīṇādivādanopāye,  
Ekadese gatassa ce”ti. –

**Tikaṅḍaseso** [tikaṅḍasesa 3.3.125].

**868. Vaṇipathe** vāṇijānaṃ vohārakammapathe. **Vede** vedaviseso, vāṇijepi **nigamo**.

**Vivādādo** “vivādādhikaraṇa” [pāci. 394] ntyādīsu. **Ādhāro** kārakaviseso, nissayo ca. **Kāraṇe** “yatvādihikaraṇamena”nti [dha. sa. 1354].

**869. Pasumhi** goṇe. **Vasudhā** pathavī. **Vācā** vacanaṃ. **Ādinā** saggaraṃsivajiracandajalādayo gahitā.

**Harite** sukappattasādise vaṅṅaviseso. **Vāsudeve** kaṅṅhe.

**870. Āyatte** nissaye.

**Kaṅṅapūro** kaṅṅālaṅkāro. **Sekhare** agge. Ete dvinnampi atthā.

**871. Vijjuyaṃ** cañcalāyaṃ. **Itthipurise** purisitthiyaṃ.

**Koṅe** asse. **Saṅkhyāviseso** “koṭipakoṭi”tyādīsu. **Ukkaṃse** pariyosāne.

**872. Jālā** aggijālā. **Aggaṃ** koṭi.

Nārī **āsīsaddo** sappadāṭṭhāyaṃ. **Itthassa** vatthuno **āsīsanāyaṃ** patthanāyampi itthī eva.

**873. Vilīnatele** visaraṅatele. **Vasagā** vasaṃ gacchantī nārī. **Vañcyagāvī** anavacchā sorabheyī.

**Abhilāse** icchāyaṃ. **Kiraṅe** raṃsimhi. **Abhisāṅge** laggane.

**874. Aṃse** koṭṭhāse. **Sippe** nāṭakasatthāgate. Candassa soḷasame bhāge ca **kalā**.

**875. Bījakose** varāṭake. **Kaṅṅabhūsāyaṃ** kaṅṅālaṅkāre.

**Āgāmikāle** anāgatakāle. **Pabhāvo** daṅḍatejo. Saṃyamepi **āyati** bhavo.

**876. Mesādilome** eḷakādīnaṃ lome. **Bhūmajjhe** dvinnaṃ bhūnaṃ majjhe jātāyaṃ

**romadhātuyaṃ** lome.

**Naṭṭakī** nāṭakitthī. **Madirā** surā.

**877. Kriyacitte** vīsatividhe kriyacitte. **Karaṇe** karaṇakriyāyaṃ, etesu dvīsu atthesu **kriyaṃ**. Kammani kattabbe **kriyā** nārī.

**Suṇisāyaṃ** puttassa bhariyāyaṃ. **Kaṇṇāyaṃ** anibbidhāyaṃ. **Jāyāyaṃ** bhariyāsāmaññe.

**878. Issariyaṃ** pabhutā. **Akkharāvayave** garuakkharānaṃ avayave.

**Pāvacane** buddhavacane. **Siddhe** siddhante. **Tante** suttamaye. **Supite** niddāsīle.

**879. Rājaliṅgaṃ** khaggādi. **Usabhaṅgo** usabhāvayavo. **Rukkhe** rukkhavisesse. **Nimittaṃ** guyhaṅgaṃ. **Cihane** lakkhaṇe. **Pade** vibhatyante.

**880. Vohāre** vāṇijakamme. **Kīḷādo** kīḷādimhi. **Ādinā** jutithutigatyādayo saṅgahitā.

**Sarīre** sarīrādhideve.

**881. Sussūsāyaṃ** sotumicchāyaṃ. **Issātyāse** sarābhyāse. Hiṃsanepi **upāsanaṃ**.

**Hetibhede** āvudhabhede. **Saṅku** khāṇuviseso.

**882. Vīṇāguṇo** vīṇāyajiyā. **Tantaṃ** tantasaddo. **Mukhyaṃ** padhānaṃ. **Siddhantaṃ** udāharaṇaṃ. **Tantu** suttaṃ.

Rathanaṅgalādīnaṃ aṅge **rathādyāṅge**. **Kappamhi** katādike.

**883. Itthipupphaṃ** itthīnaṃ utu. **Reṇu** dhūlī. **Pakatije guṇe** tiṇṇaṃ guṇānaṃ dutiye guṇe.

**Nyāsappaṇe** ṭhapitassa dhanassa dāne. **Dānamhi** tadaññassa dāne.

**884. Guru** ācariyādi. **Upāyo** hetu. **Avatāro** otaraṇaṭṭhānaṃ. **Pūtambu** pavittajalaṃ. **Diṭṭhi** buddhadassanā aññadassanaṃ. Āgamepi **titthaṃ**.

**Jotisaddo** nakkhattaraṃsīsu **paṇḍake** napuṃsake. Aggimhi tu **so** pumā.

**885.** “Iti sandhikappe paṭhamo kaṇḍo” tyādīsu vagge. Avasarepi, **avasaro** avakāso.

Atha bāhudvayassa uddhaṃ māne. **Sūratte** sūrabhāve.

**886. Porisaṃ** purisakāro. **Īhā** vīriyaṃ. **Nisinnādyuggamo** nisinnādiko uggamo ṭhānaṃ.

**Anissayamahībhāge** lokanissayabhūtānaṃ tarupabbatanagarādīnaṃ abhāvato anissayasaṅkhāte suññamahīkoṭṭhāse. “Irīṇaṃ ūsare suññe” ti [\[medinīkosa 15.36\]](#) hi **tikaṇḍaseso**. **Ūsare** ūsavati ṭhāne.

**887. Sādhanatthādīsu ārādhanam.** Rādhanam pyatra. “Pattiyam sādhanē vuttaṃ, rādhanam tosanepi ce” ti **tikaṇḍaseso**.

**Sānumhi** pabbatassa same bhūbhāge. **Visāṇe** mātaṅgadante, pasūnaṃ siṅge ca.

**888. Diṭṭhaṃ** rūpārammaṇaṃ. **Ādimaggo** sotāpattimaggo. **Ñāṇaṃ** sāmāññaṃ. **Akkhi** cakkhu. **Ikkhanaṃ** olokanaṃ. **Laddhi** gāho.

Suvaṇṇo pañcadharaṇaṃ. **Pañcasuvaṇṇo** nikkho. **Pasādhanam** alaṅkāraviseso.

**889. Tithibhede** horasatthāgate aniṭṭhasammate tithimhi. **Sākhādiphaḷumhi** rukkhāsākhādīnaṃ gaṇṭhimhi. Pūraṇepi **pabbaṃ**.

**Balavāmukho** yatra plavādayo sīghasotena ākaḍḍhitvā pavesiyanti.

**890. Kāmaje** taṇhāje surāpānādike. **Dose** aparādhe. **Kopaje** daṇḍapharusādike ca. **Vipattiyam** vināse.

**Upakaraṇam** kulālādīnaṃ daṇḍacakkādi. **Siddhi** nipphatti. **Kārako** kattādisattavidho.

**891. Dānasīle** dānapakatike ca. **Vagguvādini** madhuravādini ca **vadaññū** bhava. Ito paṭṭhāya **ussitapariyanto** tīsu vutto. **Abhisitte** muddhābhisitte rājini.

**892. Bhāgyavihīne** apuññe. **Appake** abahuke. **Mūlhe** bāle. **Apaṭu** acheko. Khale, jagatiyañca **mando**. **Vuddhiyutte** vaḍḍhanayutte. **Samunnaddhe** anīce **ussitam** tīsu bhava, ‘‘bhāsita’’ntipi pāṭho.

**893. Rathaṅge** rathāvayave. **Suvaṇṇasmim** palassa catutthabhāge. **Pāsake** catuvīsatiṭṭhamāṇe, tiṃsappamāṇe vā. Hatthidantādivikatiyaṃ tīsu **akkho**. Cakkhādindriye **akkham**.

**Sassate** nicce. **Takke** vitakke. **Nicchite** vinicchite.

**894. Hare** mahissare **sivo**, **bhadde** kalyāṇe. **Mokkhe** nibbāne ca **sivam**. **Jambuke** siṅgāle **sivā**.

**Sattiyam** thāme. **Thūlatte** thūlabhāve.

**895. Saṅkhyābhedo** uppalapuṇḍarīkānaṃ majjhe gaṇaṇā. **Narakabhede** ‘‘padumaniraye nibbatto’’tyādīsu. **Vārije** kakkasanāle kamale.

**Devabhedeti**

‘‘Āpo dhuvo ca somo ca,  
Dhavo cevā’nilo’nalo;  
Paccūso ca pabhāso ca,  
Aṭṭhete vasavo matā’’ti [[cintāmaṇiṭṭkā 1.10](#)]. –

Kathite devaviseso. **Ratane** ratanasāmāññe, dhane ca, **paṇḍakam** napuṃsakaṃ.

**896. Atthagamane** vināsagamane. **Apavagge** sabbakilesānaṃ khayahetubhūte virāgadhamme.

**Setambuje** setakamale. **Rukkhantare** ‘‘puṇḍarīka’’iti khyāte dumaviseso, dvīsvatthesu pume.

‘‘Puṇḍarīkaṃ sitamboje, setacchatte ca bhesajje;  
Kosakārantare byagghe, so disāvāraṇaggisū’’ti. –

**Nānatthasaṅgaho.**

**897. Upahāre** pūjādyattham ābhate vatthumhi. **Karasmim** khettādisambhave rājabhāge.

**Asurantare** balināmake asure.

**Sambhave** itthipurisasambhave asucimhi **sukkaṃ**. **Dhavale** sete **sukko**, **kusale** puññe tīsu, “puññaṃ dhammanitthiya”nti ettha **dhammasaddassa** anitthibhāvassa vuttattā **sukkasaddo** tīsu vutto.

**898. Vibhattabbadhane** vibhajitabbadhane. **Pitūnaṃ dhane** petānaṃ mātāpitūnaṃ puttehi vibhajitabbadhane ca.

Pabhuno puggalassa bhāvo **pabhuttaṃ**, tathā āyattassa bhāvo **āyattatā**. **Āyatto** puggalo. **Abhilāso** icchā.

**899. Dhanimhi** saddamate. **Yodhasīhanādamhi** yodhānaṃ abhītanāde ca **seḷanaṃ**.

**900. Ādyupaladdhiyaṃ** paṭhamasañjāte vatthumhi.

**901. Sādhakatame** kattuto aññesaṃ kriyāsādhakatame karaṇakāraṇe, kriyāyaṃ, **gatte** sarīre ca. **Indriye** cakkhādike.

**Kuñcikāyaṃ** apāpuraṇe. **Tūriyaṅge** sammatāḷādike.

**902. Uppāde** janane. **Gabbhamocane** puttavijāyane.

**Asse** assamate.

**903.** Pupphaṃvinā **phalaggāhirukkhe** assatthādo, rukkhamatte ca **vanappatisaddo**. **Āhate** upaṭṭhāpīte varāhapurīsādirūpe ca, rajatamate ca **rūpiyaṃ**.

**904. Kesasaddo** pubbo yassa **pāsasaddassa** so **kesapubbo**. **Caye** samūhe vattati, yathā “kesapāso”ti, kesakalāpotyattho.

Akkhimajjhe yā “sūlā”ti vuttā. **Nakkhatte** sattavīsatividhe, tadaññesu ca **tārā** itthī. **Uccatarassare** uccatare sadde **tāro**.

**905. Patte** bhājanasāmaññe, bhuñjanapatte ca. **Lohabhedasmiṃ** ayotambādimaye bhājanavisese. **Dehamajjhaṃ** udaraṃ.

**906. Vese** sañṭhāne. **Sippasālā** sippīnaṃ sālā.

**Sampatti** dhanādisampatti tivaggasampatti ca. Lakkhiyā katapuññehi sevyati. **Itthī** itthiviseso. **Devatā** sirīnāmikā ekā devadhītā.

**907. Yuvarājā** pitari devaṅgate rājabhāvāraho rājaputto. **Khande** harassa putte. **Susu** taruṇo.

**Mañibhede** yo loke “santā”ti vuccati. **Aṅkure** rukkhādīnaṃ aṅkure.

**908. Vetanaṃ** kammakārehi labhitabbadhaṃ. **Mūlaṃ** mūladhanaṃ. **Vohāre** vāṇijakamme.

**Bhājanantaraṃ** yena kheḷādyasuciṃ paṭiggaṇhāti.

**909.** Asubhe ca kamme subhe ca kamme **dvayepi** kamme cāti tīsvatthesu bhāgyaṃ vuttaṃ.

**Tarubhede** assatthe.

910. **Vimuttiyaṃ** nibbāne.

“Ayaṃ pumā”ti jānanassa kāraṇabhāvo **pumattaṃ**, tadādimhi.

911. **Ajjhāye** paricchede. **Dive** devaloke.

912. **Sapattasmiṃ** amitte. **Rukkhaṅge** rukkhāvayave.

913. **Mukhye** padhāne. **Upāye** hetumhi. **Vadane** lapane. **Ādismiṃ** paṭhame.

**Bhabbe** vimuttārahe, bhavitabbe ca. **Guṇādhāre** guṇassa nissaye. **Vitte** dhane. **Budhe** paṇḍite. **Dāru** dārukhandho.

914. **Patthādo** pattho, tulā, aṅgulīti patthādi. **Vidhāya** unnatiyaṃ. **Parissame** khede.

915. **Saroruhe** kamale. **Khagantare** rukkhakimikhādakasakuṇe. **Tūriyantare** vaṃsasankhādike.

916. **Samvege** ubbege, vimhaye ca.

917. **Tadupetanisāya** candappabhāya yuttarattiyaṃ.

918. **Māse** tatiyamāse. Ativuddhe ca atipasatthe ca.

919. **Nibandhe** balakkāre “balaggaho”tyādīsu.

**Mattikābhedo** nīlādivaṇṇayuttakittimamattikā. **Sikkāyaṃ** udakakumbhādivāhike. **Nayanāmaye** cakkhurogavisese.

920. **Maṇḍale** parimaṇḍale. Bimbikā latājāti, tassā phale ca **bimbaṃ**.

921. **Pathe** añjase.

922. **Santi** nibbānaṃ. **Nibhe** sadise.

**Cāpe** dhanumhi **issāsaṃ**. **Usuno** sarassa **khepakamhi** perake **issāso**.

923. **Bālasaddo** tīsu. Kutratthesu? **Ādivayasā** paṭhamavayena **samaṅgini** samannāgate ca. **Apaṇḍite** mūlḥe ca.

**Soṇite** lohite. **Tambaṃ** udumbaraṃ. **Anuratto** anurāgayutto puggalo. **Rañjitaṃ** raṅgarañjitaṃ.

924. **Viraḷe** nirantare. **Kise** athūle. **Hime** tuhine.

925. **Guḷabhedo** yo loke “sakkharā”ti vuccati. **Kaṭhale** silākhaṇḍe.

926. **Tikhiṇe** tikkhe. **Byatte** cheke. **Rogamutte** niroge.

**Khattiye** muddhābhisitte. **Naranāthe** tadaññasmiṃ. **Pabhumhi** issare.

927. **Dhaññakaraṇaṃ** dhaññamaddanaṭṭhānaṃ. **Kakke** nahānacūṇṇe. **Nīce** adhame. Setepi **khalo**.

928. Brahmācārī ca gahaṭṭho ca vānappattho ca bhikkhu cāti **brahmācārīgahaṭṭhādi**, tapodhane piyasīle.

**Kaṭhine** kakkhaḷe. **Niddaye** nikkaruṇe.

929. Kaniṭṭho ca kaniyo cāti ete tīsu. Kutratthesu? Atyappe, atiyuvepi.

Iṭṭhe, nissāre ca agarumhi cāti etesvatthesu tīsu.

930. Adhobhāge ca hīne ca. **Dantacchade** dantāvaraṇe.

**Pāricariyāyaṃ** upaṭṭhāke.

931. **Ratane** dvividatthike. **Gaṇe** samūhe yathā “kesahattho” ti. **Soṇḍāya** karikare. **Bhantaraṃ** terasamanakkhattaṃ.

**Āvāṭe** kāsuyaṃ. **Udapānaṃ** andhu, yatra jalaṃ ghaṭiyantena uddharitvā pivanti.

932. Paṭṭhamāṃ pamukhañcāti idaṃ abhidhānadvayaṃ ādimhi padhāne vattati.

**Vajjabhedo** ubhayatalaṃ tūriyaṃ.

933. **Thiraṃso** thirakoṭṭhāso.

**Khandhabhāro** khandhena vahitabbo bhāro. **Ādinā** kaṭibhārādayo gahitā. Yasmā palasataṃ tulā, vīsatitulā bhāro, tasmā “**dvisahassapale**” ti vuttaṃ.

934. **Mandire** gehe. **Rogabhede** khayaroge. **Apacayamhi** viddhaṃsane, vināse ca.

**Sāpade** byagghādike duṭṭhamige. **Sappe** urage. **Kurūre** kakkhaḷe.

935. **Sajjadume** assakaṇṇarukkhe. **Rukkhe** rukkhamatte.

**Sote** kaṇṇe. **Yajane** pūjane. **Sutiyaṃ** savanakriyāyaṃ.

936. Peto ca paretocāti ime **mate** kālānkate ca **petayonije** petayonisambhave siyuṃ.

**Khyāte** pākate. **Hatṭhe** pahaṭṭhe.

937. **Adhippāye** ajjhāsaye.

**Pakkhe** sakuṇādīnaṃ pakkhe. **Dale** rukkhādīnaṃ chade. **Bhājane** lohamayādike. “Sogate” ti idaṃ “bhājane” ti imassa viśesaṃ. **Sogate** sugatassa santake bhājanetyattho.

938. **Suṭṭhukate** sammā kate kammani.

**Anukampāyārahe** dukkhitasatte.

939. **Dhanimhi** sadde.

940. **Vihite** vidhātabbe.

**Añjase** magge. **Visikhā** racchā. **Pantiyaṃ** pālīyaṃ.

941. **Gagane** ākāse. **Byasane** vipattiyam.

**Nettaroge** cakkhurogavisesse. **Chadimhi** gehādīnam chadane.

942. **Saṅghaṭṭane** dvinnam antarabhūte. Puna **sandhīti** padapūraṇattham vuttam. **Atisante** atisamite.

943. **Yāpanā** yāpanakārako kabaḷikārāhāraraso. **Ditti** jalamam. **Balam** thāmo.

944. **Kucchi** udaram. **Ovarako** gehaviseso.

**Khaṇḍane** chedane. **Itivutte ca kammanīti** “iti evam mayā pubbe carita”nti vattabbe subhāsubhakamme. “Ativatte ca kammanī”tipi pāṭho, atītakāle pavattakammanītyattho.

945. **Cittake** nalāṭe katakālādibindumhi **rukhabhede** marīcappamāṇambilarukkhe, yassa phalena ambilasūpam pacanti. **Tilakālake** tamtamсарīrāvayave sañjātatilasaṅṭhāne kālake.

**Bodhe** bujjhane. **Patti** lābho, pāpuṇaṇca.

946. **Āyumhi** jīvite. **Hadayaṅgānile** urogamavāte.

**Vase** āyattatāyam. **Vede** catubbidhavede. **Ichā** ārammaṇicchā.

947. **Sirasaṭṭhimhi** siraso aṭṭhimhi. **Ghaṭṭadisakale** ghaṭṭadikhaṇḍe.

948. **Veṇvādisākhājālasinti** veṇvādīnaṇca aññamaññasamṣagge sākhasamūhe. **Laggakese** tāpasādīnam laggakese. **Ālaye** taṇhāyam.

**Vadhe** māraṇe. **Rakkhitasmiṃ** kammani, kattari ca.

949. **Thiyam** itthiyam. **Piye** sāmike. **Manuññe** manaso tosanajanake. **Gavakkhe** sīhapañjare.

950. **Kim** saddo pucchanatthādīsu salīngo. **Vikappatthādīsu** tu abyayam.

**Sasaddhe** saddhāya sahite. **Nivāpe** petādīnam kattabbapūjadāne. **Paccaye** saddahane **saddhā**.

951. **Aṭṭhismiṃ** “panasabījam tālabīja”ntyādīsu. **Sukke** ca **bijam**.

**Pūye** pakkavaṇasañjāte. **Aggato** purato. **Disādo** sūriyuggamanadisāyam. Sā hi disānam ādibhūtā, “disā”ti vā disāvīseso. **Ādinā** pubbajādīnam gahaṇam.

952. **Āgamane** asantuppattikriyāyam. **Dīghādīnikāyasmim** dīghanikāyamajjhimanikāyādike.

953. **Devarukkho** sirīso. **Santatiyam** vaṃse.

**Uttaraviparīte** aseṭṭhe, imasmim atthe **nakāro** paṭisedhattho. **Seṭṭhe** uttame. Imasmim atthe paṭisedhatthova **nakāro**. “Anu uttara”nti chedo ca viññeyyo.

954. **Sattisampattiyam** pabhāvādīhi sattīhi sampattiyam. **Kantimatte** kamaṇīyamatte. Sūravīriyesupi **vikkamo**.

**Paṭibimbe** patirūpake. **Pabhāyam** āloke.

955. Ghammo nidāgho cāti dve abhidhānāni. **Sedajale** kāyato mutte.

**Kantane** chedane. **Vikappe** vitakke. **Sajjane** hatthādīnaṃ sajjane.

956. **Deso** desaviseso. **Aṅgasaddo** pumbahutte. “Bahumhī”tipi pāṭho. **Aṅgasaddo** bahutte desetyattho. **Vapumhi** sarīre **aṅgaṃ**. Avayave hetumhi ca **aṅgaṃ**.

“**Aṅgaṃ** gattantikopāya-patikesva’ppadhānake;  
Aṅgadesavisesamhi, aṅgā sambodhane’byaya’nti. –

**Nānatthasaṅgahe**.

**Cetiyadume** pūjetabbabhūte rukkhe assathādo.

957. **Sādhupurise** sappurise. **Kappane** hatthādīnaṃ kappane. “Sajjane sajjanā kappanāya”nti **nānatthasaṅgaho**.

**Supane** niddāyaṃ. **Sutte** ajāgarite. **Viññāṇe** suttassa viññāṇe citte **taṃ** supinavacanāṃ. Dassane ca **supinaṃ**.

958. **Paccakkhe** sammukhe. **Sannidhāne** payoge, vidhāne ca. **Bhiyyosaddo** pahūtaratthe so pumā.

959. **Visalittasare** visena lepitasare **diddho** pumā. **Litte** lepitabbasāmaññe.

**Vāse** vasane. **Dhūmādisaṅkhāre** gandhacuṇṇadhūmādinā abhisāṅkhāre. **Sampaṭicchane** paṭiggahaṇe.

960. **Suppagabbhe** vacanasūre.

**Madhucchiṭṭhe** madane, yena dīpampi jālenti. **Odanasambhave** bhuttodanato patite lāmakasammate odanabindumhi.

961. **Surabhimhi** sugandhe.

Uppattiyāṃ uddhaṅgamane ca **uggamaṃ**.

962. **Lūkhe** samale, kakkhaḷe ca. **Niṭṭhuravācāyaṃ** akaṇṇasukhavacane.

**Ambuvege** ambuno udakassa vege sote.

963. **Tappare** tappadhāne. **Kavace** uracchade. **Vāravāṇe** cammamaye yuddhālaṅkāre ca. **Nimmoke** sappānaṃ jiṇṇacammani.

965. **Padāne** dāne. **Sele** pabbate.

966. **Lohe** kāḷāyase satthaṃ. **Sañcaye** samūhe sattho. Yathā “sakaṭasattho”tyādi. **Vattane** pavattane.

967. **Valaye** kaṭake.

968. **Kaṇḍe** vāṇe. **Vāpimhi** dīghikādikāyaṃ. **Dupphasse** dukkhasamphasse. **Kakace** kharapatte.

**969. Surāya** kādambariyaṃ, yāya pītāya mattā sattā anāgamanīyavattūsūpi gacchanti. **Rathaṅge** cakke. Kāmupadhīdīsū catūsū upadhīsū ca **upadhi**, anitthī.

**970. Dabbe** dhanādike. **Bhūbhedo** vattādi. **Mahārāje** catūsū mahārājesu ekasmiṃ mahārāje. **Nare** satte.

**971. Āpaṇe** kayavikkayaṭṭhāne. **Sambhāre** upakaraṇe. ‘‘Ratho sīlaparikkhāro, jhānakkho cakkavīriyo’’ti [sam. ni. 5.4] ettha alaṅkāro ‘‘**parikkhāro**’’ti vutto.

**972. Vohārasmiṃ** rathasakaṭṭhādivohāre. **Upaṭṭhitagīrā** saddato atthato ca pākaṭṭagīrā.

**973. Vacanāvayaveti** vākyāvayave. Hetudāharaṇādiyuttassa sambandhatthassa vacanasamūhassa avayave. **Mūle** lobhādike. **Kāraṇe** lobhādito aññasmiṃ kāraṇe. **Pācānalasmiṃ** udaraṭṭhe bhuttapācane kammajatejasmiṃ. Rogabhedepi **gahaṇī**.

**974. Saṃyame** cakkhādindriyasamṃyame.

**975. Muddikassa** rukkhassa rase ca. **Pupphassa** sabbassa pupphassa rase ca. **Khudde** makkhikākate ca **madhu** punnapuṃsakaṃ.

‘‘Madhu khudde jale khīre, majje puppharase madhu;  
Racche citte vasante ca, jīvasāke madhuddume’’ti. –

**Nānatthasaṅgahe.**

**Ulloceti** seyyādīnaṃ uparibhāge rajopātanivāraṇatthaṃ ṭhapite dussamayādike.

**976. Apavagge** nibbāne. **Sudhāyaṃ** devatānaṃ bhojane.

‘‘Amataṃ yaññasesasmiṃ, pīyūse salīle ghate;  
Ayācite ca makkhe ca, dhanvantarisudhāsīsū;  
Amato amatā sivā-gaḷo jhāmalakīsū ce’’ti [medinīkosa 16.77-8 gāthāyampi].

**Nānatthasaṅgahe** vuttaṃ. **Mohe** avijjāyaṃ. **Timire** andhakāre. **Saṅkhyā** gaṇanaviseso. **Guṇe** tatiye guṇe.

**977. Khare** pharuse. **Akāriye** akattabbe. **Purise** pulliṅge. **Sukate** kusale dhamme **puññaṃ paṇḍake** napuṃsake. **Pavane** pūte.

**978. Asiniddho** sukkho. **Saṅge** lagge.

**979. Lañchane** paṭibimbe. **Sīmā** mariyādo. **Pakāro** tulyo.

**980. Mantane** catukkaṇṇādike. **Byasane** bhogabyasanādike. **Vipattiyaṃ** anatthe.

**981. Raṃsibhedo** pubbe udayato sūriyassa raṃsiviseso. **Abyattarāge** kiñciratte. **Lohite** ratte.

**Pakatānivatte** pakatito anivattane. ‘‘Pakatiyañca anivattane cā’’tipi attho. **Nassanakkhareti** vināsanakkhare. **Nassa** adassane akkhare.

‘‘Anubandho pakatyādo, dosuppāde vinassare;  
Susumukhyānusāresu, pakatassā’nuvattane’’ti [amara 23.98 gāthāyampi passitabbam]. –

**Nānatthasaṅgahe.**

**982. Avataraṇe** otaraṇe. **Titthasmiṃ** nadyādīnaṃ titthe. **Vivare** vivaraṇe. **Ingite** sīsacalanādike.

**983. Khattā** khattiyato sañjāte **sudditthitanaye** sudditthiyā putte ca. **Tibbamhi** adhimatte ca. **So** uggo. **Aggo** seṭṭho. **Dhiti** vīriyaṃ.

**984. Pabhāte** paccūse. **Niroge** rogamutte. **Sajje** saṅgate, ādhārepi ca. “Sajjutto sannaddhe saṅgatepi ce”ti **nānatthasaṅgahe**. **Dakkho** cheko. Yuttepi kallaṃ. **Kūṭacariyāyaṃ** saṭhacariyāyaṃ.

**985. Pakkhibhedo** pārāvatappamāṇo pakkhī. Yasmiṃ gehe palinā patite asubhanimittaṃ karonti. **Pārāvate** kalarave.

**Saradabbhūte** saradakāle sambhūte. **Appagabbhe** kātaravacane.

**986. Kaṭhine** kakkhaḷe. **Sāhaso** balakkāro. **Appiye** amanāpe. **Cīre** nantake, vāke ca **cīraṃ**.

**987. Migabhede** kukkurappamāṇe miḡe. **Paṭākāyaṃ** dhaje. **Mocaṃ** pasiddhaṃ, **kadalī** ikāranto. **Dakkhiṇā** kammaphalaṃ saddahitvā dātabbaṃ dānaṃ.

**988. Uppāte** bhūtavikatiyaṃ. **Vessānare** aggimhi.

**989. Potavāhe** talakavāhe. **Niyantari** pājītari.

**990. Rodhane** āvaraṇe.

**991. Bhājane** vilīvamayādike. **Pariyatti** pariyāpuṇanaṃ sikkhanaṃ, pariyāpuṇitabbā vā sikkhitabbā. **Jarāsithilacammaṃ** jarāya kāraṇabhūtāya sithilacammaṃ. **Udaraṅge** udaracammaṃ rājīyaṃ.

**992.** Vidāritādīsu tīsupi vāccalingikaṃ. **Upajāpe** catutthopāye.

**993. Gāmasandohe** gāmasamūhe. **Paridhi** pariveso sūriyādigeḡhaṃ. **Āgame** buddhavacane. **Lekhe** vācitalekhe.

**994. Ayomayavijjhanakaṇṭako** sūjhādivijjhanaṃ. **Guṇukkamaṃse** guṇātisaye. **Vibhave** bhoge. Sampatti, sampadāti ca abhidhānavayaṃ.

**995. Bhū** pathavī. Yogyādīsu tīsvatthesu tīsu. **Yogye** anucchavike. **Yutte** saṅgate. **Addho** addhasaddo **bhāge** samabhāge, asamabhāge ca. Tatra same **addhaṃ**. Itaratra addho addhampi, **pathe** magge **addhā** pume. Kālepi **addhā** pume. **Ekamaṃse** nicchaye. Caturambaṇe **karīsaṃ** vuttaṃ.

**996. Usabhe** gavasatajeṭṭhake gave. Seṭṭhesu ca **usabho**. Vīsayatṭhiyaṃ **usabhaṃ**. **Tanti** buddhavacanaṃ. **Panti** āḷi.

**997. Itthinimitte** itthiyā aṅgajāte. **Kilaṅje** vilīvamaye. **So** kaṭasaddo kate tīsu.

“Kaṭo soṇikriyākāre,  
Kilaṅje’tisaye sive;  
Samaye gajagaṇḍe ca,  
Kaṭā vippaliyaṃ matā”ti [[medinīkosa 11.3](#)]. –

**Vopālito**. “Samaye ca kriyākāre, kilaṅje ca sare kaṭo”ti **tikaṇḍaseso** [[tikaṇḍasesa 3.3.93](#)].

**Mandirā**lindavatthuni gehassa ālindabhāge vatthumhi.

**998. Mathite** gorasavisesse. **Sūciphale** ambilapattaphale. **Duddasetare** passitum adukkare.

**999. Antarīpam** jalamajjhathalam. **Pajjoto** padīpo. **Bandho** sambandho. **Mihite** īsamhasite.

**1000. Thiyam** itthisāmaññe. Itthilingeti vā attho. **Dāre** bhariyāyam. **Sure** devatāyam, devatāvisesse vā. **Vāsudeve** nārāyane. **Antake** vasavattini. **Asite** kāḷavaṇṇe.

**1001. Upaṭṭhāne** pāricariyāyam, sevane ca. **Aññaropane** abhaṃsabhāvassa aññassa taṃsabhāvaropane. **Sakko sakkasaddo**. **Inde** devarāje **sakko**. Janapade **sakkā**. Sākiye ca khame tīsu.

**1002.** Vajjanatthādīsu tīsu **parihāro**. Pañhavissajjanepi **parihāro**. **Dvije** brāhmaṇe. Vessepī **ariyo**.

**1003. Suṃsumāre** nakke. **Ulūpini** caṇḍamacchavisesse. **Uddālapādape** selurukkhe, yassa phalāni atipicchalāni.

**1004. Piyake** pītasāle. **Kaṇḍe** sare. Khipane **asanaṃ**. **Asu** khepane. **Yuge** rathayugādo. **Vikāro** vikati. **Antike** samīpe.

**1005. Lavitte** dātte. **Ajjhesanā** sakkārapubbikā āyācanā.

**1006. Makacivatthe** yaṃ loke “cakkū”ti vuccati, “sāṇavattha”ntipi eke. **Ganthe** saddasatthādike. **Lepyādikammaṇi** cittakārādīhi katarūpe.

**1007. Puññavati** puggale. **Bhūsaṇhakaraṇiyam** sudhālepakānaṃ dārumayahatthe.

**1008. Pāyite** pātabbe, “vāyite”tipi pāṭho. “Dayite”tipi kvaci dissati.

**1009. Lohitādimhi** vaṇṇavisesse. **Rañjane** “mukharāgo”tyādīsu. **Pavuddhadariyam** mahādariyam.

**1010. Kaserussa phale** sakaṇṭakassa phale. **Maggasamāgame** caccare. **Bahulāyam** “phālātī”iti khyāte. Dose tu **elaṃ**iritaṃ.

**1011. Adhikaraṇe** adhikaraṇakārake. **Pattādhāro** bhājanassa ādhāro. **Ālavālake** tarusekattham tarumūlavacite sobbhajalādhāre. **Agabhedo** rukkhabhedo, so ca mahāsattena temiyarājakumārakāle bhuttarukkho. Tatra **kārā** itthī. **Kāropi** sakkāre, dvīsu. Bandhanālaye pana **kārā**yeva.

**1012. Meghapāsāṇe** ghanopale. **Kuṇḍikāyam** bhiṅgāre. **Padātismiṃ** catutthasenaṅge.

**1013. Chiddādīni** tīni abhidhānāni susire ca **dūsane** aparādhe ca tīsu siyum. **Muccite** muccitabbe.

**1014. Hatthilinge** hatthisaṇṭhānasakuṇe. **Made** nāgamade.

**1015. Atthaṅgame** vināse. **Nigamubbhūte** nigamesañjātavattumhi. **Āpaṇopajīvini** āpaṇena jīvitavuttiyaṃ kattari.

**1016. Haritasmim** sukapattavaṇṇe. **Paṇṇe** chadamatte.

1017. **Phalamhi** rukkhādīnaṃ phalamatte. **Taṃ pakkavacanaṃ**. **Nāsamukhe** nāsābhimukhe ca pariṇate ca tīsu.
- Ājivane** jīvitavuttiyaṃ. **Piṇḍane** rāsikaraṇe. **Goḷake** vaṭṭale.
1018. **Paribbave** vetane. **Kammādike** kammavaṭṭavipākavaṭṭakilesavaṭṭe. **Vaṭṭale** bubbuḷasaṅṭhāne. **Paccāhāre** paṭivacanaḥāre.
1019. **Vikate** vikatiyaṃ, virūpe vā.
1020. **Sabyamhi** adakkhiṇe. **Cāru** manuññaṃ. **Sarabbe** sarena vijjhitaḅbe phalakādo. **Cihane** lakkhaṇe.
1021. **Samasippīnaṃ** samānasippīnaṃ gaṇe **seṇī** itthī. **Āvaḷiyaṃ** pantiyaṃ. **Sudhāyaṃ** lepe. **Dhūliyaṃ** rajasi. **Vāsacūṇṇake** vāsayoggacūṇṇe.
1022. **Atipasatthe** pasatthassa jo, **ativuddhe** vuḍḍhassa. **Takke** gorasavisesse. **Hotīti** kriyāpadaṃ.
1023. **Paṇe** jūtakārādīnaṃ kammani. **Kaṇhe** kāḷe.
1024. **Sambhave** sukke. **Amejjhe** apavitte.
1025. **Ikke** bahulome kāḷamige. **Baḷise** macchavedhane. **Selabhede** vaṅkanāmake pabbate.
1026. **Kuṇapamhi** matakāye. **Addhamhi** samaddhabhāge, tenāha “purise”ti, “purise”ti ca yebhuyyappavattim sandhāya vuttaṃ, tenāha “vā khaṇḍaṃ sakalaṃ pume”ti.
1027. **Samvarīmukhe** rattiya ādimhi.
1030. **Devabhedo** kumbhaṇḍo nāma yakkho. **Vallijātiyaṃ** yassā phalāni ukkhalippamāṇāni hontī. **Catutthaṃse** catutthabhūte koṭṭhāse. **Pade** caraṇe. **Paccantasele** pabbatapāde.
1031. **Lohantare** setalohe. **Bahumhi** bahuvacane. **Kammārabhaṇḍabhede** “tū”iti khyāte. **Khaṭake** kuṅcikapāṇimhi.
1032. **Doṇiyaṃ** kaṭṭhamaye dhaññaṃānīke. **Adhiṭṭhitiyaṃ** upariṭṭhāne. **Ṭhāne** ṭhānamatte.
1034. Koṭṭhāsabhedasmiṃ “vakkam hadaya”ntyādīsu [ma. ni. 1.110]. **Vaṅke** kuṭīye. Dibbacakkhupubbenivāsānussatiāsavakkhayasaṅkhātā tisso vijjā, **ādinā** aṭṭha vijjā gahitā. **Buddhiyaṃ** ñāṇe.
1035. **Anākule** ākularahite. **Siloke** anuṭṭhubhādo. **Addhe** bhāge. Tīsu **pajjo** **pajjasaddo**.
1036. **Rukkhahedasmim** udakappasādanaphale. **Kittime** karaṇena nipphatte. **Vidheyye** vacanaggāhini. **Pubbamhi** pūye.
1037. **Laddhattharakkhaṇe** laddhassa dhanādīkassa atthassa rakkhaṇe. **Niyojane** pesane. **Kāriye** phale.
1038. **Assāsappatte** laddhassāse. **Bodhidume** amhākaṃ bhagavato bodhirukkhe. **Kurūre** kakkhaḷakārake. **Nesādamhi** migamacchādīludde.

1039. **Laggasmim** saṅge. **Majjhamhi** udare. **Bhāge** asamaddhabhāge. **Dhanimhi** mahaddhane.

1040. **Gahane** saṅkare. **Sasantāne** attano niyakajjhattasantāne. Visayagocarānaṃ viseso vutto.

Gāthāddhavaṇṇanā niṭṭhitā.

1041. **Bhuvane** kāmabhavādike. **Jane** pāṇimhi. **Yase** kittiyaṃ. **Pajje** anuṭṭhubhādo. **Rukkhe** rukkhabhede.

1042. **Vaṭo** vaṭarukkho. **Vāyase** kāke. **Bake** setapatte. **Avasaro** avakāso. **Ahaṃ** dinaṃ. **Kuce** nārithane. **Abbhe** meghe.

1043. **Ucchaṅge** pallāṅkoparibhāge. **Lakkaṅge** ñāpake.

**Diṭṭhobhāsesu** dassane, obhāse cāti atthesu.

1044. **Sūraṃsūsu** sūriye, kiraṅge ca. **Dame** damane. **Mānaṃ** mānaviseso. **Sānu** pabbatasānu.

1045. **Tāpo** sūriyasantāpo. **Sapace** caṇḍāle, saṃ sunakhaṃ pacatīti **sapaco**. **Pasu** catuppado. **Kuruṅgo** ajinayoni. **Ulūko** koṭarasakuṇo. **Indo** sakko. “Mahinde guggululūka-palaggāhesu kosiyo”ti **amarasiho**.

1046. **Māṇavo** macco. **Attā** sarirādhipatidevatā. **Sire** uttamaṅge. **Tipumhi** kālalohe.

1047. **Bali** bhāgadeyyo. **Hattho** pāṇi. **Aṃsu** bhā. **Dante** rade. **Vippe** brāhmaṇe. **Aṇḍaje** aṇḍasañjāte. **Pajje** anuṭṭhubhādo. **Ānanaṃ** mukhaṃ. **Ācāro** asītimahāvattādi. **Dhaññaṅge** bhinnataṇḍule. **Sukhume** aṇumhi. “Lavalesakaṇṇāvo”ti hi **amarasihena** sukhumapariyāyo **kaṇo** vutto.

1048. **Thūṇā** gehādīnaṃ padhānadāru. **Jaḷattaṃ** mūlhattaṃ. **Kummāso** māsavikati. **Byañjanaṃ** tadaññaḃyañjanaṃ. **Phoṭo** nāma yasmiṃ pūye viparīte dukkhavedanā natthi. **Kapolo** nāma mukhacūlikānaṃ antaraṭṭhānaṃ. **Mūlye** mūladhane.

1049. Bhāsapakkhī ca pakkhī ca **bhāsapakkhino**, tesu, “sakunto pakkhibhedepi, bhāsapakkhi vihaṅgame”ti hi “bhāsantaṃ sundarākāre, bhāsanto bhāsapakkhinī”ti ca **vopālito**. “Sakunto bhāsapakkhinī”tipi pāṭho. **Bhāgye** subhāsubhāvahe kammani. **Vidhāne** karaṅge.

1050. Yo ākāsaṃ abbhuggantvā puna otarivā udakabbhantare macche gaṇhāti, so nīlasakuṇo **cātako** nāma. **Eṅe** eṇimigakhyāte. **Saro** kaṇḍo. **Sede** sedane, **sida** pāke. **Pāko** pacanaṃ. Bhikkhubhede “gaṇapūraḃko”tyādīsu. **Caye** samūhe.

1051. **Puñje** piṇḍe. Meso usabho methunaṃ kakkāṭo sīho kaññā tulā vicchiko dhanu makaro kumbho mīnoti **mesādi**. **Loṅe** lavaṇuttame. **Samvaṭṭe** vināsakappe. **Kamuke** tambūlaphalarukkhe.

1052. **Amate** devatābhōjane. **Lepe** suddhasakkharacuṇṇādīmaye. **Satthe** dīghadaṇḍe satthavisese. **Najjantareti** gaṅgā yamunā aciravatī sarabhū mahīti pañcasu mahānadīsu pañcamāya mahānadiyaṃ. **Bhuvi** pathaviyaṃ. **Kriyā** nārīsīṅgārabhāvajā kriyā. **Vilāso** pana tadaññaḃjo. **Atraje** putte.

1053. **Kutho** hatthipiṭṭhattharaṇaṃ. **Veṇī** nārīnaṃ kesakalāpo. “Paveṇī veṇī kuthayo”ti hi **vopālito**. “Paveṇī kulaveṇīsū”tipi kvaci pāṭho. **Vutti** bhavanaṃ. **Vuttā** vuttanto. **Vetane** kammena laddhabbe. **Bharaṅge** posane, dhāraṅge ca.

1054. **Mariyādasaddo** dvīsu. **Sattā** vijjamaṇatā. **Samiddhi** sampatti. **Soppe** niddāyaṃ. **Vutti**

jīvitavutti.

**1055. Kucchā** garahā. **Apavādo** avaṇṇavādo, abhūtākkhānampi. **Dhaññe** dhaññaviseṣe, yassa sīsamaṅguṭṭhappamaṅgaṃ dīghaṅga. **Piyaṅgu** gandhadabbaṃ. **Mokkhe** nibbāne. **Sive** kalyāṇe.

**1056. Rañjane** kāsāyādirañjane. **Sūrate** methune. **Vāse** vasanakriyāyaṃ.

**1057. Patthe** mānatumbe. **Nāle** uppalādīnaṃ nāle. **Pipāsāyaṃ** pātumicchāyaṃ. **Vutti** bhavanaṃ.

**1058. Pāṇyaṅge** saṅkhaṇābhīyaṃ. **Cakkante** cakkassa ante.

“Nābhi pāṇyaṅgaṅge khette, cakkantacakkavattisu;  
Nābhi padhāne katthūri-maṃse ca kvaci kittito”ti. –

**Vopālito.**

**1059. Antareti** dvinnaṃ antare. “Vīci sukhataraṅgesū”ti **vopālito**. **Thirate** thirabhāve. “Dhīrate”tipi pāṭho, soyevattho. **Save** savane.

**1060. Nissaye** ādhāre.

**1061. Vitte** dhane. **Aṅko** lakkhaṇaṃ. **Buddhi** ñāṇaṃ. **Khe** ākāse.

**1062. Vate** titthiyasamācāre. **Āgumhi** aparādhe. **Maṇi** silāvīkati, maṇisaṅkhāto vā ratanaviseso idha **maṇi** nāma. **Hāyane** saṃvacchare. **Vuṭṭhi** vassanaṃ.

**1063. Lipi** akārādīnaṃ sannivesaviseso. **Mokkho** nibbānaṃ. **Rate** sūrate.

**1064.** Pāpe ca asubhe ca **riṭṭhaṃ**. Ariṭṭhaṃpyatra, tabbhāve tatra **akāro**. **Aparādho** ādīnavo. **Ketumhi** paṭākāyaṃ. **Cihane** lakkhaṇe. “Dhajo soṇḍikalesesu, paṭākāyaṅga cihane”ti **vopālito**.

**1065. Dvāramattepi** bahidvārepi. Ito paraṃ ye anekatthā vuccante, te vāccalingā. **Phuṭe** pākaṭe.

**1066. Ajjhakkhe** adhikate. **Jaḷe** aññāṇe. **Lolupe** atitaṇhe. **Cale** kampite.

**1067. Vikate** virūpe. **Komalaṃ** akaṭhinaṃ. **Atikhiṇo** kuṇṭho.

**1068. Site** sete. **Sūcako** pesuññakārako. **Ahi** sappo. **Sakke** khame. “Satte”ti pāṭhe pana sattiyyuttetyattho. **Sambandhe** avippayoge. **Akhile** sakale.

**1069. Kevalaṃ** asammissaṃ. **Anto** avasānaṃ. **Adhamo** nihīno. **Paṇato** buddhādīsu ninno. **Ninno** thalapaṭipakkho.

**1070. Suddhe** aññena asammissite. **Pūte** mejjhe.

**1071. Byāpe** byāpīte. **Bhāvini** anāgate vatthumhi. **There** jiṇṇe.

**1072. Bahusaddo** “ekasmiṃ, dvīsu ca na pavattatī”tyādīsuyeva pavattatīti maññamāno “**tyādo**”ti vadati. “Ekavacanaṃ, bahuvacana”nti vuttattā pana dvīsupi **bahusaddo** vattateva. Ācariyena vā parasamayavacanaṇi manasi katvā “**tyādo**”ti vuttaṃ. Tividhañhi tattha vacanaṃ ekavacanaṃ dvivacanaṃ bahuvacanaṇti. Sabbapārisadattā hi byākaraṇassa sabbesaṃ vādā katthaci

kathīyante.

Dhī vuccati paññā, sā yassa atthi, sa **dhīro**, budho. Dhānaṃ vā dhī, sā yassatthīti sa **dhīro**, dhitimanto. **Dhute** cale.

**1073. Yāne** hatthādiyāne **yoggaṃ**. Khame pana **yoggo**.

**1074. Vuḍḍhe** āyuvuḍḍhe. **Kulaḷe** kulīne. **Vuddho** āyuvuḍḍho. **Uru** pamāṇato mahanto.

**1075. Vutte** vattabbe. **Uggate** uddhaṃgate. **Āditte** agyādīhi, **gabbite** sañjātamāne.

**1076. Vigate** vigatarāge. **Vāyane** vīte paṭe. **Bhajjite** dhaññādike. **Bhajja** pāke.

**1077. Caye** samūhe. **Samo** tulyo. **Ari** sattu. “Samādisū”’tipi pāṭho. **Vīre** akātare sūre. **Ravisūro**ti ravisūriyo “sūro”’ti vutto. **Kuddhe** kodhasahite. **Dūsite** appiye.

**1078. Arimhi** sattumhi **diṭṭho**. Ikkhitepi **diṭṭho**. **Pote** bālake. **Vate** ekantasādhane vatakamme.

**1079. Salākāyaṃ** kusāvahāre. **Dabbe** varahisatiṇe. **Khaye** udayabbayānupassīti. Sakuṇepi **vayo** “visayuttannabhuttānaṃ, vayānaṃ maraṇaṃ bhava”’tyādīsu. **Gabbo** abhimāno.

**1080. Biḷāle** majjāre. **Nakule** ahisattumhi. **Manthano** khīramanathanadaṇḍo. **Sattu** taṇḍulavikatikhajjaviseso. **Assādilome** assādīnaṃ lome. **Ghāto** maraṇaṃ. **Rāsi** puñjo.

**1081. Gopagāme** gopālānaṃ gāme. **Rave** sadde. **Sārathi** pājītā. **Vandī** thutipāṭhako.

“Sārathimhi ticchake ca, pasute veditepi ca;  
Khattiyā brāhmaṇiyā jepi, visūto pādavandisū”’ti. –

**Vopālito. Pupphe** suttādinā asaṅkhate. **Taddāme** pupphadāme suttādinā saṅkhate. **Sakaṭe** ane. **Haye** asse.

**1082. Accane** pūjāyaṃ. **Bhe** nakkhatte. **Nettamajjhe** “sūlā”’ti khyāte. **Odhi** mariyādo.

**1083. Puṇṇatā** paripuṇṇatā. **Avajjaṃ** doso. Manakkārepi **ābhogo**. **Āḷisaddo** itthī. **Sakhī** vayasā. **Setu** jalavāraṇo, nadyādimaggo ca. **Satte** sattiyyutte, thiretyattho. “Dalho thūle bhuse satte, pagāḷhepi dalhe mato”’ti **vopālito**.

**1084. Mokkahe** nibbāne, arahattaphalepi. **Sāmini** patimhi. **Dhāraketi** dhāretīti **dhārako**, tattha. Posakepi **bhattā**.

**1085. Sikhā** cūḷā. **Piñchaṃ** pucchaṃ. **Attani** “saṅghikaṃ puggalika”’ntyādīsu. **Khepe** nindāyaṃ.

**1086. Rūpe** vaṇṇe. **Karīse** gūthe.

**1087. Khaṇḍe** sakale. **Paṇṇe** rukkhādīnaṃ paṇṇe. **Kaṇḍe** sare. **Salākā** vaṇopayuttā. Sucino bhāvo **sucittam**, tasmim. **Gate** gamanakriyāyaṃ. “**Dhāva** gatisuddhiya”’nti hi dhātupāṭho. **Hāvo** itthīnaṃ siṅgārabhāvajakriyā. **Avijjāya** aññāṇe. **Mucchane** visaññibhāve.

**1088. Ghammajalaṃ** kāye uṇhena sañjātajalaṃ. **Pāke** paccane. **Goḷe** “mu-yī”’iti khyāte mattikāguḷake. **Ucchumaye** ucchurasasañjāte. **Mitte** piyamitte, mittamatte vā. **Sahāye** atthacare. **Pabhū** adhipati. **So** pulliṅgo.

**1089. Kurūre** kakkhaḷakammante. **Parasmim** paraṭṭhāne, paraloke vā. **Atra** ṭhāne, loke vā. **Aṅko** cihanam. Aparādhe nāṭakaparicchedepi **aṅko**. **Apavādo** lokagarahā. **Dese** desavisesse. “Bhave janapado dese, jane janapadepe ce”ti **vopālito**.

**1090. Pajje** siloke. **Vacībhede** byattavācāyaṃ. **Anvaye** santāne. **Sarūpasmim** samānabhāve. Adhobhāge ca **talam**.

**1091. Vilagge** kāyamajjhe. **Vemajjhe** majjhasāmaññe. **Kusumaṃ** pasavaṃ. **Utu** itthipupphaṃ. **Subbate** sundare vate.

**1092. Kose** liṅgapasibbake. **Gabbhare** guhāyaṃ. **Bile** kipillikādīnaṃ āvāse. **Gaṇḍake** khaggavisāṇe. **Kadambe** “thina”iti khyāte. **Dume** rukkhe. **Caye** samūhe.

**1093. Bhe** nakkhattabhede. **Dhenuyaṃ** siṅginiyaṃ. **Yoniyam** itthīnaṃ aṅgajāte. **Sire** sīse.

**1094. Bhogīsaddo** bhogavati puggale, urage ca. **Sivo** mahissaro. **Bale** thāme. **Pabhāve** tejasi. “Vīriyaṃ sukke pabhāve, tejo sāmattiyesvapī”ti **vopālito**. **Tejasaddo** pana **tesu ca** yathāvuttessupi dvīsvatthesu, dittiyañca vattati.

**1095. Santati** ādhāro. **Khaggaṅge** khaggassa tikhiṇāvayave. **Sūte** sārathimhi. **Paṭihāre** vacanahāre. “Vida lābhe”ti dhātvatthato **vitti**. **Piḷā** vibādhā.

**1096. Rave** sadde. **Palāse** nittaṇḍulavīhimhi.

**1097. Rukkhe** ambaṭṭharukkhe. Parasamaye pana **bādhā**. **Adhikappeme** atisayapeme.

**1098. Ketumhi** dhaje. **Lekhye** likhitabbe lekhe. Rājiyaṃ tu **lekhā**.

**1099. Satthe** āvudhabhede. **Satte** pāṇimhi. **Caye** samūhe.

**1100. Āḷiyaṃ** nadīmagge, jaladhāraṇe ca.

**1101. Saṃsade** sabhāye. **Ayanasaddo** gamane, pathe ca vattati.

**1102. Rukkhantare** gaṇadume. **Sūre** sūriye. **Koṇe** vidisāyaṃ. **Haye** turaṅge ca **asso**. **Khandhe** bhujasire. **Accisaddo** **jālāyaṃ** aggijālāyaṃ. **Aṃsumhi** tassa, aññesañca aṃsumhi vattati. So ca **no pume** pulliṅge na vattati.

**1103. Abhāvasaddo** **nāse** vijjamānassa nāse. **Asattasaddo** avijjamānatthe vattati. **Bhutti** bhujjanakriyā. **Pāṇe** āyumi **jīvaṃ**. **Jane** pāṇavati **jīvo**.

**1104. Chadane** gahādīnaṃ chadane. **Rāsi** puñjo, sahadhammīnaṃ gaṇo ca.

“Nikāyo nilaye lakkhye, saṃhatānaṃ samuccaye;  
Ekattha bhājini vase, paramattani vuccate”ti. —

**Vopālito. Yajane** devapūjāyaṃ. **Accane** pūjāmatte. **Dikkha** muṇḍiyopanayananiyamabbatādesesu.

**1105. Karaṇam** kāro, so eva **kārikā**, kriyā, sakatthe ṇiko. Pajjepi soyevattho. **Cihane** lakkhaṇe. **Thīraje** itthīnaṃ utumhi. **Pupphe** sumane. **Vānare** makkāte.

**1106. Adhare** dantāvaraṇe. **Kharabhe** “ka-la-au”iti khyāte. Lobhapuggalepi **luddho**. **Āvile** anacche.

1107. **Caramhi** guttapurise.

1108. Hāso ca gandho ca **hāsagandhā**, tesu. **Gandhotra** dūragāmī. Kalyāṇepi **cāru**. **Khala** calane, sañcaye ca, to, **khalito**.

1109. **Vakkale** rukkhatacce. **Adhirohe** ārohanakriyāyaṃ. **Vatthantaram** vicittarūpaṃ vatthaṃ, yaṃ cīnadese sañjātaṃ.

1110. **Paṭihāre** “ḍa-gā”iti khyāte. **Mukhe** bhattādīnaṃ pavesanaṭṭhāne. **Pete** paralokaṃ gate. **Aparaṇṇaṃ** muggādi. **Kālo** tiṃsarattidivaparicchinnō.

1111. **Dose** kodhe. **Ghāte** māraṇe. **Migādo** catuppade. **Chagale** aje. **Arūpe** phassādike. **Avhaye** saññāyaṃ. **Darathe** kāyacittasambhūte santāpe. **Bhīti** bhayaṃ.

1112. **Bhāre** khandhabhārādike. **Sujāsaddo** **dabbiyaṃ** kaṭacchuyaṃ, **indajāyāyaṃ** sakkassa bhariyāyaṃca. **Vihāyase** ākāse.

1113. **Maṇike** mahati udakabhājane. **Ratane** asmavikāre ratanasāmaññe. **Selo** candanapabbato. **Ārāme** pupphārāmādiārāme.

“Malayo dese selaṅgapabbatantare, malayātivutāyaṃcā”ti **vopālito**. **Aṅko** cihanaṃ.

1114. **Sappimhi** ghate, tadaññe hotabbe ca **havi**.

“Rahasi ca vicāre ca, viveko jaladoṇiya”nti **vopālito**.

1115. **Pavāhe** jalappavāhe.

“Vego jave pavāhe ca, mahākālaphalepi ce”ti [medinīkosa 3.24] **vopālito**. **Khile** aṅukhāṇumhi. **Kaṇe** appe.

1116. **Nettante** cakkhukoṇe. **Cittake** tilake.

“Apāṅgaṃ aṅgaḥiṇe ca, nettante tilakepi ce”ti [medinīkosa 3.28] **vopālito**. **Muttāguṇe** suttabandhamuttāyaṃ. Gahaṇaṃ **gāho**, tasmim. **Makuḷe** apupphite. **Rase** loṅarase.

1117. Ago, nago cāti dve abhidhānāni selarukkhesu vattanti. **Svappe** suṭṭhu appe, appataretyattho. **Avadhāraṇe** “nāmanamatta”ntyādīsu. **Accane** pūjāyaṃ.

1118. **Chidde** dose. **Oturaṇaṃ** jalatitthādīsu avataraṇaṃ. **Ayyake** pitupitari.

1119. **Rukkhe** khaggaphale. **Sune** sunakhe. **Gandhe** adhivāsanagandhe.

1120. **Koṇe** asse. **Savane** sote. **Pantiyaṃ** vīthiyaṃ. **Bhāgyaṃ** puññaṃ. **Ekadeso** tatiyabhāgādi. **Ajapālake** pokkhare. “Kuṭṭhaṃ roge sugandhe cā”ti **vopālito**.

1121. **Senāsane** vihārādike. **Sene** pīṭhādike. **Cundabhaṅḍamhi** cundānaṃ upakaraṇe. “Bhamo’mbuniggame bhaṅḍi, cundākhye sippiyantake”ti **nānatthasaṅgahe** vopālito. **Aṃsusaddo** vatthādīnaṃ lome, **kare** kiraṇamatte ca. **Abyaye** pakārādike.

1122. **Khajjantare** sūkaravaccasaṅṭhāne dhaññavikāre. **Dise** ripumhi. **Pati** dhavo. **Ariyo** adhipati.

1123. **Rāge** kasāyādike rāge.

“Raṅgo dāne khale rāge, tacche raṅgaṃ tīpumhi ce”ti **vopālito**. **Peyye** udakādike. **Pītiyaṃ** pivanakriyāyaṃ. “Rakkhaṇe pītiyaṃ pāna”nti **vopālito**. **Iṇe**, ukkhepane ca **uddhāro**. **Ummāre** dvārummāre. **Eḷakasaddassa** ajassāpi vācakattā “eḷako aje”ti vuttaṃ.

1124. Paharaṇaṃ **pahāro**, pothanaṃ. Paharati etthāti **pahāro**, yāmo, **hāyano** saṃvaccharo. **Kuṇḍikāyaṃ** “kayā”iti khyātāyaṃ. **Ālhake** catupatthappamāṇe. **Bhusamhi** taṇḍulattace.

1125. **Āvāṭe** kūpe. **Caye** samūhe ca. **Kāsu** sā, kāraṇe, rahasi ca **upanisā**.

“Bhave upanisā dhamme, vedantepi rahasyampī”ti **vopālito**. **Poṭagale** “pho-khā”iti khyāte. **Guṇetare** avajje.

1126. **Yutte** “aṭṭaṃ vinicchināti”tyādīsu. **Aṭṭāle** “gopuraṭṭehi saṃyutta”miccādīsu. **Aṭṭite** “aṭṭassaraṃkarotī”tyādīsu. **Aṭṭa** abhiyoge, **aṭṭa** atikkamahimsāsūti dhātuvattho. **Kānane** vane. **Uppattiyaṃ** janane, viḥāyasāgamane ca.

1127. **Lāmake** nihīne. **Khandhe** rūpādike. **Mūlaṃ** mūladhanaṃ. **Upadā** paheṇakaṃ. Avatthāyaṃ, paṭassa ante ca **dasā**. **Ghāto** māraṇaṃ.

1128. **Gabbe** māne. **Ghaṭanaṃ** silesakaraṇaṃ. **Rāsi** puñjo, etesu **ghaṭasaddo**. **Abhihāre** pūjāyaṃ. **Bandhane** “pākāracayo”tyādīsu.

1129. **Thoke** appake. Dāne, hāniyañca **cāgo**. Gīvā, galo cāti dve abhidhānāni iṇe siyuṃ. “Iṇe gīvā galepi cā”tipi pāṭho. **Gale** kaṇṭhe.

1130. Daṇḍepi **sāhasaṃ**. **Paṭe** vatthavisese **bhaṅgaṃ**. Sāṇādike missitvā katañhi vatthaṃ “bhaṅga”nti vuttaṃ. **Chavake** kaḷevare.

1131. **Anaṅge** māre. **Dume** karahāṭake.

“Madano māradhuttara-vasantadumasitthake”ti **vopālito**. **Pamātari** mātumātari. **Veṭhe** uṇhīse ca **veṭhanaṃ**.

1132. **Taṇḍuleyye** tilaphalasāke. **Ayye** sāmīni. **Mutti** muccanaṃ.

1133. **Aṅke** lakkhaṇe. **Ākāre** sīsacalanādike. **Vappe** vappanīyabīje. **Taṭe** tīre ca **vappo**, pākāramūle, nettajale, usume ca **vappo**. Anuññāyaṃ, vohāre ca **sammutisaddo**. **Akkhatasaddo** **lājāsu** dhaññavikatīsu napuṃsake.

1134. **Yāge** devapūjāyaṃ, sadādāne ca **satraṃ**. **Sasu** hiṃsāyaṃ, traṇa, **satraṃ**. Osadhimhi, cande ca **somo**.

“Somo kuvare pitudevātāyaṃ,  
Vasuppabhede vasudhākare ca;  
Dibbosadhisāmalatāsāmīra-  
Kappūranīresu ca vānare cā”ti. —

**Vopālito**. **Yugagehaṅgeti** pubbāparāyāmasena thambhānaṃ upari ṭhapite yugabhūte gehāvayave. Dakkhīnuttarāyāmasena ṭhapite gehaṅge **saṅghāṭo**.

Gāthāpādavaṇṇanā niṭṭhitā.

Anekatthavaggavaṇṇanā niṭṭhitā.

#### 4. Abyayavaggavaṇṇanā

**1136-1137.** Cirassādayo cattāro ciratthakā. Cirāya, cirā cātra. **Sahā**dayopi cattāro sahatthā. **Punappunamā**dayo pañca punappunatthā. **Vinā**dayo pañca vajjanatthā.

**1138.** Balavaṃ suṭṭhu atīva kimuta su ati ete cha atisayatthe. Pasamsāyañca **suṭṭhu**. Pañhepi **kimuta**. Āho kiṃ kimu udāhu kimuta uda ete cha **vikappe** vitakke. Tatra **āhos**saddo dīghādi. “Diṭṭho āho udāhu ca, vikappatthe vibhāvane”ti hi **bhāguri**. Khāṇurayamāho puriso. **Ruddo** tu rassādimāha “issarepyadhikepi ca, vikappevimhayepyaho”ti. **Kimus**saddo rassanto. Kimāyaṃ khāṇu, kimu puriso. **Udas**saddo rassādi. Dhūmoyamoda kāpotam, samūhatthe ṇo. **Kiñcas**saddopi vikappe. **Kimutas**saddo atisayeti vutto.

**1139.** Bho are ambho hambho re je aṅga āvuso he hare ete dasa avhāne. **Haṃ** hosaddāpyatra. Kathaṃ kiṃsu nanu kacci nu kiṃ ete cha **samā** samānatthā.

**1140.** Adhunā, etarahi, idāni, sampati cāti cattāro **idānī**tyatthe. Aññadatthu taggha sasakkaṃ addhā kāmam jātu ve have ete aṭṭha **ekaṃse** ekaṃsatthe.

**1141.** **Yāvātā**dayo satta paricchedavācakā. Tatra yāvātā, yāvāti dve aniyamaparinchedatthavācakā. Tāvātā, tāva, ettāvātāti niyamaparinchedatthavācakā. Kittāvātā, kīveti paricchedapucchanatthavācakā.

**1142-1143.** Yathā tathā yatheva evaṃ yathānāma yathāhi seyyathāpi evamevaṃ vā tatheva yathāpi evampi seyyathāpi nāma yathariva yathā ca viya tathariva iccete sattarasa **paṭibhāgatthe** sadisatthe bhavanti.

**1144.** Saṃ, sāmam, sayañceti tayo sayamiccatthe. Āma sāhu lahu opāyikaṃ patirūpaṃ sādhu evaṃ ete satta sampaṭicchanatthe. Āmantāpyatra.

**1145.** **Yamā**dayo cha kāraṇatthesiyuṃ. **Canas**saddo, cisaddo cāti dve **asākalye** asakalatthe. Kadācanam, kadācītyādi payogo. **Mudhās**saddo **nipp Hale** phalarahite, nippayojanetyattho. Amūlepi ca **mudhā**.

**1146.** **Jātus**saddo ekaṃsepi. Sabbato, samantato, parito, samantā cāti cattāro tulyatthā.

**1147.** Na a no mā alaṃ nahi iccete cha nisedhe. Ce, sace, yadīti tayo yadyatthe. **Saddham**saddo anukūlatthe. Nattaṃ doso ca rajanīyamiccattthe. **Divās**saddo **ahē** ahanītyatthe.

**1148.** Īsam, kiñci, manam iccete appatthe. **Atakkite** avitakkite. Balakkāre tu **sāhasam**. Aggato, purato ca pureiccattthe. **Pecca amutras**addā bhavantare.

**1149.** Aho ca hi cāti ete vimhaye. Vikappepi **aho**. Sammodepi hi. **Tuṇhīs**saddo **mone** abhāsane. Āvi, pātu ca pākaṭatthe. **Sajju sapadis**addā taṅkhaṇetyatthe.

**1150.** Sudaṃ kho assu yagghe ve **hādayo** hakārādayo ca padapūraṇe siyuṃ. Antarena, antarā, anto cāti ete abbhantareiccattthe. Avassam, nūna ca nicchayatthe.

**1151.** **Sams**saddo **diṭṭhās**saddo ānandatthe. Samupajo, sampyatra. **Kāmappavedane** icchāya akkhāne kacci jīvati te mātā, mamedamabhimatamiccatthe. **Usūyopagame** usūyāpubbake upagame.

“Kāmānumatiyaṃ kāmo,

Usūyopagamepi cā'ti **ruddo**.

Usūyopagamānuññāṇepicāyaṃ attho dissate.

**1152-1153. Yathāttanti** saccam. Tathassa anatikkamo **yathātatham**, yathātthe abyayībhāvo. **Tathasaddo**yaṃ **bhūtapariyāyo**. **Sadāsaddo**, **sanamsaddo** cāti nicce. **Sanasaddo**pyatra. Pāyo, bāhulyañca samā. Pañcakaṃ bāhye. **Sanīkaṃsaddo** asīghe.

**1154.** Sammā, suṭṭhūti dve abhidhānāni.

**1155. Sāyaṃ sāye** sāyanhe. **Atrāheti** imasmiṃ ahani **ajjasaddo**.

**1156. Yatthādayo** tayo aniyamaṭṭhānādivācakā. **Tatthādayo** niyamaṭṭhānādivācakā.

**1157.** Sammukhā, āvi, pātu ca samānatthā.

**1158. Appevādayo** tayo saṃsayatthamhi. **Iti ittham evaṃsaddā** nidassane vattanti. **Kathañcisaddo** kicchathe.

**1159. Khedo** khinnatā. Paccakkhe **sacchisaddo**. Thire, avadhāraṇe ca **dhuvaṃ. Tiro tiriyaṃsaddā** samā. **Duṭṭhukusaddā** kucchāyaṃ.

**1160. Āsiṭṭhatthamhi** **suvatthi. Dhisaddo** nindāyaṃ. **Kuhiñcanādayo** satta ṭhānādipucchanatthā.

**1161.** Iha idha atra ettha attha ete okāsattādivācakā. Sabbasmiṃ kālādike **sabbaṭṭrādīdvayaṃ**. Kismiṃ kāle **kadā**. Kismiṃ kāle **kudācanam**.

**1162-1163.** Vibhatyantānāmasarākhyātapatirūpake abyaye dassetvā tadanñabhāve abyaye dassetumāha “**ādikamme**”iccādi. Tatra vibhatyantapatirūpakaṃ yathā – “ciraṣṣam, ciraṃ, cireni”ccādi. Nāmapatirūpakaṃ yathā – “āma, sāhu, lahu, opāyika”miccādi. Sarapatirūpakaṃ yathā – “a”iccādi. Ākhyātapatirūpakaṃ yathā – “atthi”iccādi.

**Sambhavo** pabhavo. **Udiṇṇe** pavuddhe vaḍḍhane. **Tisa** pīṇane,ti, **titti. Niyoge** niyojane. **Agge** uttame. **Tappare** tappadhāne. **Saṅge** laggane. **Pakāre** sadise, bhede vā. **Antobhāve** pakkhitte. **Viyoge** pavāse. **Avayave** padese. **Dhitiyaṃ** vīriye padhāne. Ete catthā dhātusaṃyogattā vā nāmasaṃyogattā vā bhavanti. Asaṃyogassa pana nāmapadassa attho “po siyā paramatthasmiṃ, pātu vātesu pā bhavē”ti **ekakkharakose** [ekakkharakosa 73 gāthā] vutto.

**1164. Vikkamo** padhānaṃ.

**1165-1167. Sanyāse** nikkhitte. **Mokkho** nibbānaṃ. **Rāsi** nikaro. **Gehe** nilaye. **Ādeso** ācikkhanaṃ. **Upamāya** sannibhe. **Accayo** atikkamo. **Sāmīpye** samīpabhāve. **Uparati** upasamo. **Nīharaṇaṃ** apanayanaṃ. **Āvaraṇaṃ** nīvaraṇaṃ [āharaṇaṃ gahaṇaṃ (ka.)].

**1168. Uddhakamme** uyyāne. **Viyoge** uppāsīte. **Atthalābho** uppatti. **Pabalatte** mahābahalatte. **Dakkhaggatāsūti** dakkhabhāve, aggabhāve ca. Sattiyaṃ, **mokkhe** nibbāne ca.

**1169.** Du ca abhāve dussīlo, duppañño. **Asamidhiyaṃ** dubbhikkhaṃ. **Anandaṇaṃ** amodaṇaṃ.

**1170. Samantattasamidhīsūti** samantabhāve, samiddhiyañca. **Saṅgate** sahite. **Vidhāne** karaṇe. **Pabhavo** sambhavo. **Punappunakriyā** punappunakaraṇaṃ.

**1171-1172. Atisayo** atra adhimattaṃ. **Bhusattho** samantattho, tena **samanta** pariyāyopi **bhusasaddo** atthīti veditabbo. **Issariyo** pabhūti. **Accaye** atikkame. **Kalahe** viggāhe. **Bhāse** kathane, ‘bhāsāyā’ tipī pātho. **Kucchane** kucchāyaṃ. **Anabhimukhatthe** vimukho. **Moho** vimati. **Padhāne** visiṭṭhe. **Dakkhatā** chekatā. **Khede** parissame.

**1173. Jānane** avagate. **Adhobhāge** avamsire. **Anicchaye** aninṇaye. **Paribhave** avaññāte. Deso ca byāpanaṅca hāni cāti dvando. **Vacokriyāya** vacanakriyāyaṃ. **Theyye** coriye. Aññāne ca pattiādike ca.

**1174.** Pacchātthe anucaro. Bhusatthe anuggato. Sadise anurūpo. Anuvattiyaṃ anveti. Hīne anu sārīputtaṃ paññavanto. Tatiyatthe nadimanvavasitā bārāṇasī. Dese, lakkhaṇe, vicchāyaṃ, itthambhūte, bhāgādike ca **anu**. Lakkhaṇe rukkha’manu vijjotate cando. Vicchāyaṃ rukkhaṃ rukkhamanu tiṭṭhati. Itthambhūte sādhu devadatto mātara’manu. Bhāge yadettha maṃ anu siyā.

**1175.** Ālīngane parissajati. Dosakkhāne paribhāsetvā. Nivāsane vatthaṃ paridahitvā. **Avañño** paribhavo. Ādhāre bhojane soke byāpane. **Tatve** sabhāve. **Lakkhaṇādo** lakkhaṇavicchāitthambhūtabhāge.

**1176.** Visiṭṭhe abhidhammo. Uddhakamme sārūpe vuddhiyaṃ pūjāyaṃ adhike. Kule abhijano. Asacce lakkhaṇādīmhi catubbidhe [[‘abhirabhāge \(pā.1.4.91\)’](#) ti [abhissa bhāgavajjitesu lakkhaṇādīsū kammappavacanīyasaññā vuttā \(rūpasiddhi-kārakataṇḍe\)](#)].

**1177.** Adhike issare **pāthe** uccāraṇe, adhiṭṭhāne pāpuṇane nicchaye uparibhāgādike **bhaṭane** bhattiyaṃ visesane ca **adhi**.

**1178-1179. Vāmādāne** iti pāthe vāme paṭilome, ādāne gahaṇe. Vācādāne paccassosi. **Paṭinidhimhi** mukhyasadise buddhasmā pati. **Paṭibādhe** nivattane. **Paṭiccatthe** ‘paṭiccā’ ti padassa atthe. **Lakkhaṇādike** catubbidhe.

**1180-1181.** Samīpe ādikammaṃ mariyāde uddhakammaṃ icchāyaṃ bandhane abhidhimhi ca **ā**. Kicche īsatthe nivattiyāṅca appasāde āsīsane saraṇe vākyasaraṇe **ā** evaṃ anussaraṃ. Patiṭṭhāyaṃ, vimhayādīsū ca **ā**.

**1182. Bhūtabhāve** atīto.

**1183. Sambhāvane** api dibbesu kāmesu, ratiṃ so nādhigacchati [[dha. pa. 187](#)]. **Sambhāvanamadhikathavacanena** aññātra sattiyā avighāto. **Samvaraṇe** apidhānaṃ.

**1184-1185. Apagato** apeto. **Upapattiyaṃ** yuttiyaṃ upekkhā. **Ādhikye** upakhāriyaṃ doṇo. **Pubbakammaṃ** buddhopakkamaṃ kīlesacchedo. **Gayhākāre** paccupaṭṭhānaṃ. **Uparitte** uparibhāve upaṇṇo. **Anasane** upavāso.

**1186. Upadese** evaṃ te abhikkamitabbaṃ, evaṃ te paṭikkamitabbaṃ. **Vacanapaṭiggāhe** evaṃ hotu. **Idamatthe idamaṃ**saddassa atthe.

**1187. Samuccaye** kevalasamuccaye –

Cīvaraṃ piṇḍapātaṅca, paccayaṃ sayanāsaṇaṃ;  
Adāsī ujubhūtesu, vippasannena cetasā [[jā. 2.22.551](#)].

**Samāhāre** cakkhu ca sotaṅca cakkhusotaṃ. **Anvācayo** ekaṃ padhānabhāvena vatvā itarassa appadhānabhāvena vacanaṃ, tasmim. Sīlaṃ rakkhāhi, dānaṅca dehi. **Itaritare** samaṇo ca brāhmaṇo ca samaṇabrāhmaṇā. Tatra kevalasamuccayo ca anvācayo ca samāse natthi, itaradvayaṃ samāseyeva.

**1188. Pakāro** tulyo, bhedo ca. **Padatthassa vipallāse** goti ayamāheti. **Samāpane** icchitassa padassa pariniṭṭhāpane.

**1189.** Pajjaṃ **vāsaddassatthe**. Vavatthitavibhāsāyaṃ vā paro asarūpā. **Viavapubbo thā** gatinivattiyaṃ, to, **thātissa** tho, asarūpadvittaṃca. Vavatthitā niyamitā vibhāsā **vavatthitavibhāsā**. Avassaggeti **avapubbo saja** vissajjanāliṅgananimmānesu.

**1190. Bhūsane** alaṅkāre. **Vāraṇe** nivāraṇe. **Pariyatti** pariyāpuṇanatā, yuttatthepe **alaṃ. Atho** **athasaddā** anantarādīsu catūsu atthesu siyuṃ.

**1191.** Pasaṃsādīsu tīsu. **Svikāre** paṭiññāṇe. **Ādinā** pakāsattasambhābyākodhādike catthe nāmasaddo. Avadhāraṇamevattho.

**1192. Anuññā** anumati. **Santānaṃ** anunayo. **Ālapanāṃ** sambodhanaṃ. **Vatasaddo** ekaṃse **dayāyaṃ** karuṇāyaṃ **hāse** pahāse **khede** parissame ālapane **vimhaye** acchariye ca siyā.

**1193. Vākyārambhe** “handa vadāmi te”ti. **Visāde** khede. **Yāva tāva tūti yāvatāvasaddā** **sākalye** niravasese. Yāvadatthaṃ tāva gahitaṃ. **Māne** pamāṇe. “Yāva pamāṇamariyādā-vadhāraṇatthakaṃ mata”miti **bhāguri**. **Avadhimi** paricchinne.

**1194. Puratthāsaddo pāciyaṃ** disāyaṃ iccatthe, **puratthe** vakkhamāne, **aggato** samuddhe iccatthe ca **paṭhamepi** ādimhi vattati. **Pabandhe** vākyaracanāyaṃ vākyapabandhe purāṇādike. Cīrantare aṭṭabhūte. **Nikaṭe** sannihite. **Āgāmike** anāgate.

**1195. Khalusaddo** nisedhe **vākyālaṅkāre** vākyabhūsāyaṃ **avadhāraṇe** evatthe, pasiddhiyaṅca vattati. **Abhitosaddo** āsanne abhimukhe ubhayato iccatthe, **ādinā** sīghe, sākalye ca atthe vattati. **Āsanne** abhitoyaṃ nadī. **Abhimukhe** abhito va tātā. **Ubhayato** iccatthe abhito maggassa. **Sīghe** abhito adhīyitvā. **Sākalye** abhito vanaṃ daḍḍhaṃ.

**1196. Yadyapisaddatthe** anuggahaṇagarahatthe. **Ekaṃsatthe** avitathatthe. Atho **panasaddo** visesasmim atthe, padapūraṇatthe ca siyā.

**1197. Hisaddo** kāraṇādīsu catūsu atthesu vattati. **Tusaddo** pana tattha catūsu atthesu majjhe hetuvajje tike atthe vattati. **Kusaddo** pāpe īsatthe **kucchane** jigucchāyaṅca.

**1198.** Nukāro saṃsaye, pañhe ca. **Nānāsaddo** anekatthe, vajjane ca. **Kimśaddo** pucchāyaṃ, jigucchāyaṅca, abyayo. Tiliṅgo ca, niyame tu tiliṅgo va. **Vārimhi** udake. **Muddhani** sīse ca, **kaṃ** sukhepi, vuttaṅca **nānatthasaṅgahe** –

“Ko brahmattānilakkesu, samāne sabbanāmike;  
Pāvake ca mayūre ca, sukhasīsajalesu ka”nti.

**1199. Amāsaddo** sahatthe, samīpatthe ca, amāvāsī, amāgato ca. **Punasaddo** **bhede** visese. **Apāṭhame** puna dadāti. **Kirasaddo** **anussave** anukkamena savane, aruciyaṅca. **Udasaddo** **apyatthe** pañhe. **Vikappane** atthantarassa vikappane ca.

**1200. Pacchāsaddo patīciyaṃ** disāyaṃ. **Carime** anāgate kāle. **Sāmisaddo** tu **addhe** bhāge, **jigucchane** nindāyaṅca. Addhe bhāge sāmi vuttaṃ, jigucchanepe tadeva. **Pātu pakāse** pakāsaniye, **sambhave** uppattiyaṅca. **Mithosaddo** aññoññeiccatthe, rahoiccatthe ca.

**1201. Hāsaddo** khede, soke, dukkhe ca. **Ahahasaddo** khede, **vimhaye** abbhute ca. **Dhisaddo** hiṃsāpane, nindāyaṅca. **Tiriyāṃ tiro**saddā pidhāne vattanti. Tiriyāṃ katvā kaṇḍaṅgato, tirokatvā vā.

**1202-1203.** Saṅkhyātāsāṅkhyātattānaṃ upasagganipātasaṅkhyātānaṃ abyayānaṃ pasiddhe

pacurappayoge ekacce vā dassetvā tadaññepi sañkhepanayena dassetumāha “**tuni**”ccādi. Ettha ca **tunā**disaddehi **jjupariyantehi** tadantāva gahitā, na hi kevalānaṃ etesaṃ abyayabhāvo sambhavati. Tassattho – **tunapaccayanto** ca tathā tvāna tave tvā tuṃ dhā so thā kkhattuṃ to tha tra hiñcanaṃ hiṃ haṃ dhi ha **yakārato** hiṃdha dhunā rahi dāni, **kiṃsmā** vo dācanaṃ dājjathaṃ thattaṃ jhahjupaccayanto ca abyayābhāvasamāso ca **tunādīnaṃ yādesanto** ca abyayaṃ nāma bhaveti. Payogo yathā – ‘kātuna, katvāna, kātave, katvā, kātuṃ, sabbadhā, sabbaso, sabbathā, catukkhattuṃ, sabbato, sabbattha, sabbatra, kuhiñcanaṃ, kuhiṃ, kuhaṃ, sabbadhi, iha, yaḥiṃ, idha, adhunā, etarahi, idāni, kva, kudācanaṃ, kadā, ajja, kathaṃ, aññathattaṃ, ekajjhaṃ, sajju, upanagaraṃ, antopāsādaṃ, abhivandīya”iccādi. Idaṃ pana sabbesampi abyayānaṃ sañkhepalakkhaṇaṃ.

“Sadisaṃ tīsu liṅgesu, sabbāsu ca vibhattisu;  
Vacanesu ca sabbesu, yaṃ na byeti tadabyaya”nti.

Abyayavaggavaṇṇanā niṭṭhitā.

Iti sakalabyākaraṇamahāvanāsaṅgaññācārīnā kavikuñjarakesarīnā dhīmātā sirimahācaturaṅgabalaena mahāmaccena viracitāyaṃ abhidhānappadīpikāvaṇṇanāyaṃ sāmāññakaṇḍavaṇṇanā samattā.

### Nigamanavaṇṇanā

1. “**Saggakaṇḍo cā**”tyādinā abhidhānappadīpikāyaṃ kapālatelavaṭṭhisadisena kaṇḍattayena samaṅgitā dīpitā.

2. “**Tidive**”tyādinā toṭakena tassā payojanaṃ kathitaṃ. Tassattho – yo naro kattubhūto **tidive** devaloke, brahmaloke ca **mahiyaṃ** manussaloke, **bhujagāvasathe** nāgaloke cāti etesu tīsu ṭhānesu sannihitānaṃ **sakalatthānaṃ** sabbesaṃ abhidheyyānaṃ **samavhayassa** abhidhānassa **dīpaniyaṃ** pakāsaniyaṃ **iha** abhidhānappadīpikāyaṃ savanadhāraṇādīnā **kusalo** cheko hoti, **sa** naro **mahāmunino** sammāsambuddhassa **vacane** sutṭābhidhammavinayasankhāte vacane **paṭu** cheko hoti, paṭuttāyeva **matimā** nāma hotīti.

3-9. Idāni yassa rañño vihāre vasitvā ayaṃ gantho viracito, tassa nāmaguṇanivāsakaraṇappakāravihāraguṇanāmāḍīni dassetvā attano ca nāmaguṇe dassetuṃ satta gāthā vuttā.

Tatra dutiyā bhujāṅgappayātaṃ nāma. Tāsaṃ ayaṃ sambandhādhippāyā atthavaṇṇanā – yo **parakkamabhūjo** nāma **bhūpālo** rājā kāresi, rakkhesīti ca iminā sambandho. Kiṃguṇo so rājā? **Guṇabhūso** saddhādiguṇālaṅkāradhāro. **Tejassī** tejoyutto. **Jayī** ariyayena yutto. **Kesarivikkamo** kesarasīho viya sūraguṇayutto, vīriyavā ca. Sa kattha nivāsī? So rājā **laṅkāyamāsi** laṅkānāmake dīpe nivāsanasīlo. **Ciraṃ** cirakālaṃ **vibhinnaṃ** tidhā vibhinnaṃ **nikāyattayasmim** nikāyattayaṃ bhikkhusaṅghaṃ **sammā** nayena hetunā **samagge** samaggaṃ kāresi, kāritantoyaṃ karotīti kammiko, tathā **sadehaṃva** attano kāyaṃ iva **niccādamo** hutvā dīghakālaṃ mahagghehi **ca** paccayehi taṃ nikāyattayaṃ rakkhesi.

Tathā **yena** raññā yathā **kittiyā** attano saddhādīkittiyā karaṇabhūtāya **laṅkā** attano nivāsanaṭṭhānabhūtā kammabhūtā **sambādhikatā** saṅkaṭṭikatā anokāsīkatā, tathā vihārehi gāmehi ārāmehi khetṭehi vāpīhi ca laṅkā sambādhikatā.

Tathā **yassa** rañño sabbakāmadadaṃ aññehi asādhāraṇaṃ anuggahaṃ **patvā** pāpuṇanahetu ahaṃ **vibudhagocaraṃ** paṇḍitavisayaṃ ganthakārattaṃ patto, **tena** raññā kārite pāsādagopurādīvibhūsite, **saggakaṇḍe** devalokassa kaṇḍasādise, **satoyāsayasmim** sādusalilāsayasamannāgate, **paṭibimbite** bhagavato nivāsanaṭṭhānājetavanamahāvihārassa paṭibimbabhūte, **sādhusammate** sādhuvihāroti sammate, sādhuhi vā sammate **sarogāmasamūhamhi** salilāsayaḥbhikkhācārayuttagāmasamūhasamannāgate mahājetavanākhyaṃhi

vihāre **vasatā** nivāsaṃ kubbatā **santavuttinā** santacārinā saddhammaṭṭhitikāmena **dhīmatā** atisayañāyuttēna **moggallānena** sammāsambuddhassa dutiyaaggasāvaka bhūtaṃ āyasmato iddhimato mahāmogallānassa nāmadheyyena therena eṣā abhidhānappadīpikā racitāti.

### Nigamanakathā

Yadyatra doṣoṇupamāṇasambhavo,  
Guṇīsu vīdhimpī tathā vigāhate;  
Yathā jalaṃ bhojanampi jantuvā,  
Catuppado vāpyacaro kaṇaṇyapi.

Asampavedidassanāya bhāsīte,  
Guṇo ca doṣo ca sadā vivijjare;  
Tato budhā me navadhānatā bhavaṃ,  
Khamantu doṣaṃ guṇataṃ nayantu vā.

Yo sīhasūro sitakuñjarindo,  
Rājādhirājā ahu tambadīpe;  
Dubbāranāgādijito narindo,  
Sukantabhīmādiguṇopapanno.

Tannāmadheyyo tadanubbādajāto,  
Saddhādiyutto catusetibhindo;  
Nāgādīthāmo atiduppasayho,  
Uḷārapañño dhitimā yasasī.

Tenāhamaccantamanuggahīto,  
Anaññasādhāraṇasaṅgahena;  
Sāṅkhepatokāsimimaṃ visuddhi-  
Saṃvaṇṇanaṃ sotuhitaṃ subodhaṃ.

Rājā pajaṃ rakkhatu sappajaṃva,  
Dhammañca lokāpi samācarantu;  
Pūrentu atthā supakappitā ca,  
Kālena devopi pavassatūti.

Abhidhānappadīpikāṭīkā niṭṭhitā.